



near 11.5

MASSACHUSETTS GENERAL HOSPITAL


Treadwell Library.

Treadwell Donation.

ORIGINAL TREADWELL COLLECTION

☞ Harvard Medical Library
in the Francis A. Countway
Library of Medicine - Boston

VERITATEM PER MEDICINAM QUÆRAMUS





JOHN W. LAMORE

1870

NEW YORK

MOTEL CORDI

AMERICAN

OF THE



NEW YORK

JOHANNIS MARIAE LANCISII,

A

SECRETIORI CUBICULO ET ARCHIATRI
PONTIFICII,

D E

MOTU CORDIS

E T

ANEURYSMATIBUS

OPUS POSTUMUM,

IN DUAS PARTES DIVISUM

JUXTA EXEMPLAR ROMANUM.



LUGDUNI BATAVORUM,

Apud { PHILIPPUM BONK,
E T } 1740.
{ ANTONIUM GERARDUM STEENMAN. }

SANCTISSIMO
PATRI
CLEMENTI XI.
PONTIFICI MAXIMO.

JOHANNES MARIA LANCISIUS

Perennem FELICITATEM.



Opus jamdudum *SANCTITATI TUAE* desponsum, sed plurimis intercurrentibus causis in multos annos extractum, cujus tamen Tibi foenora identidem exposuimus, nunc demum diuturnis commentationibus excussum, atque expensum, ac repetitis observationibus experimentisque instructum, auctumque, Tibi sistimus, *BEATISSIME PATER*, ac veluti sortem ipsam post illatas usuras reddimus, fidemque Tibi obstrictam liberamus. Neque enim apud *BEATITUDINEM TUAM* more hujus veniam rogare, aut excusationem praetexere debemus; quippe nulla nos alia studia, praeter ea quae Te jubente subivimus, a contentione suscepti operis avocarunt. Siquidem non otii nos illecebra, quod per omnem aetatem adversati sumus, neque privatae rationes, quas mandatis Tuis semper religiosissime posthabuimus, interpellarunt; sed vel publicae Tuae ditioris calamitates, quibus propulsandis advigilabas; vel negotia Tuo imperio obeunda, laborem hujusce Commentarii, nobis quidem jucundissimum, Medicis autem, ac Philosophis

EPISTOLA DEDICATORIA.

non inutilem intermittere coëgerunt. Immo vero tantum adest, **BEATISSIME PATER**, ut nos diuturnae hujus cunctationis poeniteat, ut hanc ipsam audeamus, tamquam impendium novum, ac praecipuum sortis foenus repraesentare. Univerſo enim temporis ſpatio, cum alienis ab hoc opere curis vacare videremur, illud potiffimum ob oculos habuimus, & quidquid epidemiis avertendis, aegris curandis, librisque conſulendis deprehendimus, ad hujus ſyntagmatis incrementum utilitatemque contulimus; ut propterea affirmare poſſimus, nunquam nos a propoſito labore re ipſa eſſe feriatos, nec tam illum in plures annos diſtuliffe, quam multorum annorum curis diutiſſime elaboraſſe. Non haec autem eo animo ſentimus, **BEATISSIME PATER**, ut **SANCTITATI TUAE** operam noſtram probemus, aut quod conatus noſtros caeteris commendare ſtudeamus. Nam Tibi proſecto probatum iri conſidimus, ſi minus ſcribendi, diſputandique felicitate, ſtudio certe, ſedulitate, obſequio ſcribentis, quidquid Te imperante ſuſceptum ad communem ſalutem non temere creditur redundaturum. Apud caeteros autem ſumma haec erit induſtriae noſtrae commendatio, ſi graviffimo **TUAE BEATITUDINIS** iudicio non indigna videatur, quae immortalis Tuo nomine praefcripto, proferatur in lucem. Libros igitur de Auctore exaratos, Te auſpice editos, **TUAEQUE SANCTITATI** nuncupatos, tamquam **TUAE BENIGNITATIS** & vigilantiae fructus agnoſcere, & excipere conſueta clementia ne dedigneris; ac me ad humillima ſanctorum pedum oſcula procumbentem Apoſtolica Benedictione impertire.

HYACINTHUS MARIA

A P U T I U S

F. P.



Neminem, ut opinor, humanae historiae studiosum in Anatomicis versatum latet, nobilissimam hanc Philosophiae, & Medicinae partem omni aevo a doctis Viris excultam fuisse; nostra autem aetate in tantam celebritatem fuisse evectam, ut vel satis exiguus, vel plane nullus reliquus sit locus, in quo posteriorum exerceatur industria. Id sane ut quod maxime praestitum in nostra Italia: quae Clarissimorum Scriptorum Rem Anatomicam illustrantium, & optimo in lumine collocantium excellentia & auctoritate ita superbit, ut exteris quibusque nationibus non facile concedat. Facem praetulere (ut hos potissimum pro re nata commemorem) inter antiquiores Eustachius, Falloppius, Vidius, Fabricius, Arantius, Casserius, Severinus; inter recentiores vero Malpighius, Baglivus, Pacchionus, Borellus, Bellinus, Gagliardus, Valsalva, Vallisnerius, Santorinus, & qui maximo litterariae reipublicae emolumento illam illustrare pergit Vir Clarissimus Johannes Baptista Morgagnus, horum temporum Anatomicorum Maximus, hujusque aetatis insigne Decus, atque Ornamentum. His denique adjungendus Celeberrimus Pontificius Archiater Johannes Maria

Lancifius, Vir plane Difertus, & in Anatomicis Scientiffimus, de cujus laudibus nulla unquam aetas conticefcet. Inter Eximii hujus Viri monumenta quae extant, haud infimum certe locum tenet Opus, quod DE MOTU CORDIS, ET ANEURYSMATIBUS fcripfit, quod quidem ut fupremae ejus induftriae, & extremorum laborum fpecimen, nonnifi poft Auctoris obitum orbi litterario innotuit. Tanta autem eruditione, tanto verborum nitore rem pertractare videtur, fuiſque novis inventis, & obſervationibus illuſtrare, ut jure quidem meritoque de eo dici poſſit novis auctoritatem dediffe, obſcuris lucem, obſoletis nitorem. De Corde ſiquidem, ejuſque motu (ut a noſtra aetate remotiores Scriptorum praeteream) circa elapſi ſaeculi finem diſſeruere Clariffimi Viri Richardus Lower Anglus, Johannes Alphonſus Borellus Neapolitanus, & Laurentius Bellinus Florentinus. Sed ut de Lowero nihil quidquam commemorem (cujus induſtria ut ut laudanda, in multis tamen offendit, ut praeter caeteros animadvertit Doctiffimus Morgagnus in ſuis Adverſariis Anatomicis) duo alii Graviffimi Viri licet maximo ingenii, doctrinis phyſico-mathematicis ſubaſti, acumine rem pertractaverint; multa tamen ad Cordis Anatomem pertinentia eos omnino latuerant, quorum notitia Lancifii demum induſtriae, & ſedulitati accepta referri debet. De Aneurysmatibus vero multa ſparſim protulere Rei Medicae, & Chirurgicae Scriptores, nullus tamen, quantum ſciam, doctrinam iſtam pro dignitate illuſtravit, & pro virili parte ad umbilicum uſque perduxit. Pro utraque Sparta exornanda in elaboratiſſimo hoc Opere nervos omnes induſtriae intendit Lancifius, cujus inſtitutum ut pro meo modulo in ſynopſim perſtringam, breviter omnia perſequar, & multa paucis complectar.

Hujus autem Operis duae ſunt partes praecipuae, in
qua

quarum altera de Corde, ejus scilicet textura, ejusque motus mechanica ratione, in altera vero de Aneurysmatibus tum in genere, tum in specie luculentissime agitur. Licet autem de Corde in gratiam praefertim Aneurysmatum edifferere sibi constituisset Auctor Clarissimus; attamen nihil est, quod viriliter, & pro ingenii sui sublimitate in bono lumine collocatum non fuerit. Hinc Geometrarum more primo quidem generales quasdam nominum definitiones, Cordis, magnorum vasorum illi adhaerentium, cavorum musculorum, eorumque tendinum nomen, acceptionemque explicantes; tum postulata quaedam anatomico-mechanica, rei maxime conjuncta, eaque triplicis generis adstruit, & praemittit: quaedam nempe animalium machinas, instrumenta, motus, ac vires spectant; ubi vitae rationem, & leges, ex perenni, & non peturbato motu organorum majoris usus eruendas, solidorum in fluida, & vicissim fluidorum in solida conatum & renixum, varias motuum species ex partibus ipsis diversa item textura comparatis repetendas, villis, ac fibris insitam vim distractilem, & contractilem, quam elasticam appellare solent Physici, determinare satagit, ejusque rationem, proprietatem, & causas constituit: alia ad sanguinis naturam, & motum pertinent; ubi ejus fluiditatem, heterogeneam compositionem, & mixturam, partes componentes, tum microscopii adjumento inspectas, tum chemica analyfi resolutas, ejus praeterea quantitatem, & proportionem vasorum capacitati respondentem, motus item varios pro re nata considerat: alia demum spiritus animales, sive subtilissimum nervorum liquidum respiciunt; ubi eorum existentiam, & in universum corpus influxum ad motus sive naturales & mechanica necessitate edendos, sive voluntarios per arbitrium, per consuetudinem, vel etiam per animi pathemata contingentes, eorum denique secretionem, & propulsi-

nem

nem arteriarum constrictioni, & dilatationi synchronam & propria ratione, & Bellini etiam testimonio ostendit.

His veluti praeliminaribus expositis, rem ipsam propius aggrediens, praecordiorum, & Cordis structuram per multorum cadaverum extispicium summa industria comparatam persequitur. Hinc praecordiorum extensione constituta a pericardii Anatome auspicatur, cujus diversa constitutione in animalibus varia indole, variaque motus, roborisque Cordium differentia praeditis adnotata, de humano nominatim pericardio acturus, in tres membranas dividuum exhibet, extimam scilicet tenuissimam pleurae, & mediastini propaginem, mediam muscularibus fibris contextam, intimam denique, quae licet ob foraminula, quibus est pervia, glandularis videatur, quia tamen musculari arcte cohaeret, tendineam esse suspicatur. Varias ejus adhaesiones, colligationesque cum mediastino, & diaphragmate describit, quod secus est in brutis animalibus, in quibus haec membrana cum diaphragmate nullo pacto connectitur. Ejus extensionem majora vasa, utramque scilicet cavam, vestibulum venae pulmonicae, duo segmenta majorum arteriarum, & bronchiorum comprehendentem advertit. Elegantem exhibet membranarum pericardii divisionem, cum illud deprehenderit ubi majorum vasorum truncis adnectitur in triplicem lamellam dividi, ac veluti in tria membranosa folia faceffere, quarum extima tenuissima cum extimo pulmonis involucro, & mediastino continuatur, media musculares pulmonalium vasorum vaginas constituit, intima vero nervea ac prorsus tendinea versus Cor retroagitur, ut ibi majora vasa intra pericardii involucrem locata, Cordis item arterias, ipsumque Cor circumvestiat. Trium pulmonalium vasorum, arteriae nimirum pulmonicae, venae pulmonicae, & asperae arteriae capsulam, & vaginam a pericardio productam,

Etiam, ea involventem, vincientem, perpetuoque ad extimam usque pulmonis superficiem comitantem, inque extimam vesicularum pulmonalium membranam abeuntem detegit, modumque tradit, quo haec pericardii expansio a majoribus vasorum pulmonicorum truncis ad usque minimas vesiculas inspicere possit; In pericardii autem actionibus, usibusque persequendis, in id potissimum incumbit, ut de ejus expansionibus, connexionibusque artificii plenae, quoad earum usum, iudicium ferat. Et quidem hanc Cordis capsulam ea ratione in hominibus majoribus vasorum truncis, mediastino, ac diaphragmati arcte alligatam censet, ut ipsius Cordis sit veluti repagulum; fulcimentum scilicet impertiatur, ac fraenum injiciat ejus motui, tunc praecipue, cum impetuosius salit, & vehementiori motu corripitur, tum in subitis animi pathematibus, quibus homines prae cunctis animantibus sunt obnoxii, tum in magnis corporis iactationibus. Cum item adverterit, pericardium eo loci majoribus arteriis adnecti, quo impetus impulsus a Corde sanguinis dirigitur, & primum collimat; reputat hinc, connexionem istam id potissimum praestare, ut majorem iis firmitatem, & adscititium veluti renixum adjungat. Eam praeterea considerat connexionem, qua pericardium diaphragmati adnascitur, rationemque tradit, cur id apud solos homines obtineat, in brutis vero animalibus haud prorsus idem contingat. Varias Scriptorum circa usum praedictae connexionis sententias expendit, suamque proponit de hac re opinionem; quod scilicet adhaesio ista pericardii cum inferiori cava, & diaphragmate communis adjuvet sanguinis, tum a sibi proxime antecedenti, tum ab eo, qui per superiorem cavam descendit, retardati, versus praecordia ascensum, & ad risum quoque excitandum, ac promovendum aliquid conferat: quae eo magis rationi congrua videntur, quod &

**

illa

illa motus languescencia folis hominibus fit propria, neque brutis animalibus conveniat, cum homines horizonti perpendiculariter insistant, haec vero parallelo ad horizontem situ se habeant; & risus etiam unius hominis propria sit affectio. Ex praecedenti doctrina aliam elicit rationem, quare scilicet validior, eaque arctior fit cum inferiori cava, quam cum superiori, & pulmonica vena pericardii connexio; quod scilicet illa ineitem sanguinem, & minori velocitatis momento praeditum convehat; hae vero agitationem, celeriorique motu praeterfluentem contineant. Pulmonalibus denique capsulis, & vaginis e pericardio expansis talem addicit usum, ut laxo, & molli pulmonis contextui firmitatem elargiantur, & tribus pulmonicis vasis mutua adhaesione, cui ab iis coercentur, validiorem in se invicem nisum concilient. In pericardii liquorem, ejusque scaturiginem; & influxum sedulo inquirit; qua sane in re post varias Auctorum sententias de scaturigine liquoris in pericardium ad examen revocatas, & nominatim Bartholini, Thebesii, Heisteri, Peyeri, Malpighii, Loweri, Verheyenii, Stenonis, in quibus cum nullam plane rationi, & experientiae congruam repererit, propriis observationibus, & industria methodo id praestare conatur: multas hinc glandulas supra pericardium, & juxta asperam potissimum arteriam, cum antica, tum postica facie deprehendit, quarum maximam partem (ex iis namque aliquot naturae esse prorsus adiposae, ac sebaceae indicat, easque factas existimat ad secretionem adipis, crassique olei) ad discernendam, & per proprios ductus immittendam lympham intra pericardium comparatam esse ostendit; Earum interim glandularum structuram, ductus peculiare, horum principia, progressus, anastomoses, & insertiones, quin & mechanicam rationem, qua ex iis glandulis lympham secernitur, educiturque, exponit. Quod reliqui in hac translatione est, in praeternaturalibus liquoris pericardii affectio-

ctionibus, ejus nempe penuriae seu defectus (ex qua plerumque pericardium Cordi adhaeret) ubertatis & copiae, acrimoniae, ac denique lentescentiae & tenacitatis, designandis impendit.

Ex his ad Cordis structuram & fabricam sedulo examini subjiciendam progreditur Auctor Clarissimus. Et principio quidem per eandem methodum, quae a natura suis in operibus servatur, sibi maxime esse procedendum constituens, exorditur a primordiis structurae Cordis in ovo incubato, pergiturque usque ad ejus perfectionem, & motus manifestationem: quam sane methodum Fabricius, Harveus, & praeter caeteros Summus Malpighius summopere probaverunt. Constituta hinc oviparorum cum viviparis analogia, & Magni Malpighii methodo cicatriculam separandi tradita, suas recenset observationes animalium genesis spectantes, in ovis incubatis institutas, in quibus sane varias Corculi figuras, varias mutationes, varioque motuum rhythmos, ab eo tempore cum primum conspicuum redditur, ad ultimam usque perfectionem exhibet. Sic primo quidem Corculum specie ac figura varicosi, ac semicircularis tubuli, tum distorti, continui tamen, sed inaequaliter constricti, ac dilatati vasis deprehendi, dein in tria vascula ovalia, vel vesiculas, seu, ut loqui amat, in tria Corcula, demum omnibus Corculi segmentis simul aptatis, conjunctisque in conicam figuram facessere observat, rationemque tradit, qua ex mutationibus istis & auriculae, & ventriculi excitentur, sibi que mutuo applicentur, perfecto jam Corde, & conicam formam adepti, cum ea disjuncta plane fuissent primis incubationis diebus, eodem Corde inflexi, atque inaequaliter dilatati tubuli formam referente. De motibus item id advertit, quod primo quidem sint alterni, mox successivi fiant; Corde namque tubi imaginem referente, neque adhuc in conicam figuram mutato, non unum, sed duo puncta, seu Corcula salientia

intuentibus occurrere innuit, quorum alterum constituitur ab auricula dextra, quae prius salit, alterum a duobus ventriculis, qui posterius attolluntur, & micant: eaque ratione alterne se habent motus; eo autem ad conicam figuram redacto, auriculisque cum ventriculis coalitis, successivos plane fieri motus deprehendit, cum contractionem ab auriculis incipere, & in ventriculos definere conspexerit. His praelibatis ab absolutum jam Cor in perfectis, ac natis animalibus observationes convertit, de quo proinde edisserere suscipit. Et sane Cordis Anatomen expositurus, satis apta definitione Cor musculorum fortissimum, in thora pendulum, excipiendo, propellendoque sanguini destinatum appellat; omnes hinc musculi characteres in eo detegens, specialius musculum quadricavum suis tendinibus instructum nominat: quadricavum inquit; cujus scilicet quatuor lacertosi, & carnosi ventres quatuor sinus seorsim distinctos exhibent, duas nempe auriculas, dextram, & sinistram, duosque ventriculos auriculis iis respondentes, at iis firmiores, compactioresque; qui interim sinus quatuor item circularibus tendinibus obducuntur, quorum duo in Cordis basi positi ventriculos ambiunt, & inde emergentes arterias, pulmonicam scilicet, & aortam iis adnectunt, duo alii ad latera basis ventriculorum constituti focias auriculas cum influis venis, cava scilicet, & pulmonica ventriculis ipsis jungunt, ac firmant. De carneis autem fibris quatuor praedictorum sinuum parietes constituentibus, deque ipsis circularibus tendinibus ad sinuum ostia admotis, illud praeterea animadvertit, illas nempe magna ex parte in hujusmodi tendines definere, simulque ad unum quadricavum Cordis musculum texendum tantummodo dirigi, impendique; hos vero sphincterum in modum compaginatos in totidem alios tubulosos, ac longissimos tendines facessere, qui per universum corpus distributi arteriarum,

rum, & venarum nomine designantur. Ulterius varium carnearum, ac tendinearum fibrarum ordinem, advolutionem, & contextum, quibus Cordis machina affurgit & folidescit, exponit, extricatque; quod ut optime assequatur, ejus dissolutionem praevia maceratione in aceto instituta describit, variumque fibrarum ordinem, circularium scilicet, spiraliū, rectorum, aliarumque, quae auriculas, ventriculos, majorum vasorum caudices, lacertulos sive columnas, aliaque constituunt, quaeque mechanico artificio intertextae, & complicatae magnam Cordi firmitatem adstruunt, detegit, ac demonstrat. In memoratorum tendinum circularium texturam, dispositionem, artificium, & validitatem variam intimius inquirat; tum & valvularum omnium, semilunarium scilicet, mitralium, & tricuspidum muscularem pariter, ac tendineam substantiam, praeunte Celeberrimo Morgagno, suis observationibus confirmat, & illustrat; illudque praeterea demonstrat, quomodo eae Cordis cava ad invicem connectant, reddant validiora, novumque Cordi robur concilient. Ad haec fasciolas quasdam adiposas supra circulares Cordis tendines, & adiposos quosdam folliculos intra sinistrum ventriculum, & aortam positos animadvertit, eo quidem naturae consilio, ut partes firmiori textura comparatae, minus molles minusque flexiles, habeant unde oleoso adipe inungantur, liniantur, lubricentur, atque a rigiditate, & inflexilitate praeserventur. Multa insuper de falcata ac reticulata majori valvula intra cavae vestibulum patente, de ejus scilicet textura, usu, & demonstrandi ratione exhibet; quae quidem licet ab Eustachio primum indicata, postmodum a Lowero tuberculi nomine male designata, de ejus tamen usu diserte hic loci disputat Lancisius, quod & peregerat in illustrationibus ad Eustachii Tabulas Anatomicas ab eo laudabili industria in lucem productas, &

Anatomicorum usui traditas, itemque paucis fecerat in sua eleganti dissertatione de Vena sine pari Clarissimo Morgagno perhonorifice inscripta. Multa etiam de iis, quae juxta hanc valvulam intra caudicem ejusdem cavae animadvertuntur, edisserit; de semilunaribus nempe aliis minoribus valvulis, orificiis venarum coronariarum hinc dehiscensibus admotis, deque venoso ductu, oblongae veluti valvulae munere insignito, & earundem venarum oscillis superposito: de quibus ubi de venis coronariis iterum redit sermo. Praeterea de auriculis tria proponit problemata cur scilicet summae earum partes, sive supernae circumferentiae ex muscularibus lacertis sint compactae, qui interim lacerti ad ventriculorum ostia accedentes in tendineam naturam abeunt: cur auriculae in foetibus majores sint quam in adultis: & quare in his dextera semper laeva sit major; quae quidem aliquot anatomicis postulatis, rationem mechanicam motus auricularum, & ventriculorum, variamque sanguinis velocitatem per majores venarum truncos explicantibus, praemissis, ex naturalis oeconomiae legibus, & hydrostatices praeceptis solvit, enodatque. Denique ad animalem oeconomiam factam tectam servandam, proportionem quandam, tum in firmitate structurae, tum in virium energia in partibus hisce statuendam esse demonstrat, eamque, tum in solidis inter se, inter summas venas scilicet & auriculas, inter has & ventriculos, demum inter ventriculos & majorum arteriarum caudices; tum etiam inter solida & fluida, quoad conatum, & renixum, actionem, contrariamque reactionem: qua mechanica lege structurae, motuum, virium, conatumque proportione respondentium universa pene consistit animalium oeconomia; ex turbata autem hac proportione, vitio praesertim imbecillitatis fibrarum, interdum Aneurysmata gigni asserit, idque cum in prima foetus formatione con-

tingat, quibusdam veluti futurorum Aneurysmatum feminibus occasionem praebere arbitratur.

Cordis structura perspecta ad ejus vasa rimanda progreditur Auctor, inter haec vero arterias, & venas coronarias, una cum nervis praecordiorum perquirendas sibi sumit, cum & alia, adiposa scilicet, & lymphatica alibi examinaverit, & haec potissimum ad mechanicam rationem motus Cordis explicandam maximi momenti esse videantur. Ab arteriis itaque coronariis incipiens primo quidem earum exortum ab aorta intra pericardium (quae ut plurimum duae esse solent, licet non sine varietate naturae) earumque directionem detegit, ac demonstrat, ex qua plura deducit ad motum sanguinis per easdem: tum earum divaricationem distributionemque primo quidem per auriculas, dein per ventriculos, majores insuper ramos extimam Cordis superficiem, & circa basim instar coronae, & a basi recta ad cuspidem perreptare (ubi adiposis folliculis ac fasciis teguntur, ut laxitatem, ac molliem conservare possint) minimos ramusculos ad intimam muscularem substantiam penetrare describit. Majores item arteriarum caudices, majoresque ramos inde enatos, Cordis basim circumambientes, ad mucronem dein pertingentes, mira longitudine praeditos esse, magnaue sanguinis copia turgere, eorum etiam internam structuram rugis, ceu totidem valvulis instructam deprehendit. Elegantissimam, confertissimamque horum vasorum myriadem Cordis propriam exhibet; ad oscula autem majorum arteriarum ubi in minores facessunt circulares quosdam margines, ac veluti exiles sphincterulos, ad ostiola vero minimorum furculorum valvulas appositas animadvertit, rationemque tradit, qua facile possint deprehendi. In varium situm orificiorum arteriarum coronariarum inquit, cum per saepe in re ista ludere soleat natura, ita ut modo supra

valvularum femilunarium margines, alias post earum limbos, interdum etiam in ipsarum confinio, vel unum supra, alterum infra earundem margines arteriarum coronariarum oscula reperiri soleant (quod & summa industria jam pridem detexere dexterrimi humani corporis scrutatores Morgagnus, & Santorinus) ex quo de vario sanguinis in eas influxu, & motu pro diverso orificiorum positu, de vario item Cordis robore, & pulsuum validitate subtilissime edisserit. Arteriis expositis venas coronarias perscrutari sequitur, & principio earum emissaria in sinum dexteræ auriculæ (duobus plerumque osculis patentia, quamquam non sine naturæ lusu, & in eorum numero, & situ, & in ipsa falcata valvula osculis ipsis obducta) earum insuper distributionem, divaricationemque per Cordis superficiem arteriis multo confertiores, minorem earum longitudinem, quæ ex auriculis, & Cordis basi, quam aliarum, quæ ex ventriculis & Cordis mucrone sanguinem revehunt, majores venarum coronariarum ramos valvulis destitutos, minimos ramusculos iis præditos demonstrat, horumque omnium rationes in medium adducit. Valvularum cornutæ lunæ figuram referentium, & canaliculi, sive venosi ductus, quibus venarum oscula obducuntur usus, agendique rationes intimius persequitur, ubi de vario sanguinis ex iis effluxu, in auricularum scilicet diastole impedito, in earum systole promotò plura commemorat. Postremo ad venarum coronariarum diverticula sanguinem a majoribus coronariis venis ad Cordis cava derivantia, & a Thebesio primum animadversa animum impendit, in quorum observationem & ipsum occurrisse fatetur fortuito experimento in Corde molossi canis instituto, in quo cum utrumque ventriculum dissecuisset, eorumque parietes perfisset, rubellas ichoris guttulas ex quibusdam oscillis prodeuntes observavit; ad hæc autem diverticula affabre de-

regenda varias proponit experiundi rationes, vel scilicet mercurii injectionem in coronarias arterias, vel aëris, aut aquae colore aliquo infectae in coronariarum venarum oscula, quae in dexteram auriculam, & magnum cavae caudicem patent, quaeque valvulis destituuntur, immiffionem. Hac methodo diverticula isthaec deprehendit in utroque ventriculo, & in sinistra auricula; cum autem in dexteram auriculam venarum trunci dehiscant, jure hinc pronunciat, ad sanguinis e venis coronariis effluxum maeandros, anfractus, ac diverticula esse in singulis quatuor Cordis capacitatibus aperta. Caeterum iis diverticulis triplicem adstruit usum: primo nempe, ut ea refluxum a Corde sanguinem sub finem systoles in utrumque ventriculum deducant, ad totius Cordis diastolem conferant, atque inserviant; Cum namque Cor flaccescere, relaxari, atque in diastolem abire haud possit, quin simul sanguine in ejus substantia aggesto protinus evacuetur, aegre hoc peragi potuisset a solis venarum truncis e singulis Cordis partibus longe remotioribus; commodius itaque ejusmodi diverticula sunt comparata, quae a singulis iis Cordis partibus in omnes ejus cavitates hiantia, veluti viciniora, emissaria, breviora quae data via, sanguinem illico excipiunt, & effundunt: secundo ut eadem diverticula sanguinem a Cordis substantia refluxum, atque adeo vividiorum, magnaque spirituum animalium copia refertum in ejus cava eructent, ad eum profecto finem, ut hic cum altero, qui per magnarum venarum caudices a singulis corporis partibus in Cordis cava redux est, partim effoetus, partim crudus, permixtus, illum solvat, spirituosiorum, mobilioremque reddat, roboret, animetque: tertio demum ut diverticula ipsa sub diastoles finem ad novam Cordis systolem inchoandam quoquo modo conducant; cum enim eorum oscula nullis valvulis obducantur, sed in Cordis cava aperta omnino

sunt,

sint, libere, evidenterque dehiscant, cumque ea non aspera, & inaequalia sint, ac veluti in aciem desinentia, sed prorsus levia, ac expolita, fit hinc, ut in fine diastoles diductis jam Cordis parietibus, ipsisque cavis sanguine plenis, aliquid sanguinei fluidi patula diverticulorum orificia facile subeat, eaque implendo remoram injiciat arterioso sanguini, ne in venas influat, sed fibras ipsas aluat, & distendat, ex quo Cordis contractio, sive systole. Nervi remanent examinandi, qua in re post quorundam Anatomicorum, Williffi scilicet, Dionis, & Bellini sententiam rejectam, qui nervos exiles, ac vix memoratu dignos Cor ipsum subire asseruerant; Falloppii autem, eorumque qui ejus vestigiis incessere, ut Vieussenii, Loweri, Munnickii, aliorumque recentiorum sedulitatem laudatam, sua profert tentamina praecordiorum nervos perquirendos respicientia. Ut autem tironibus viam veluti aperiat ad ejusmodi inquisitionem, triplicem proponit rationem, qua cardiaci nervi detegi facile possint: nempe dirigit primo ad Anatomem comparatam, extispicia scilicet majorum animalium, ut equorum, vel boum, in quibus & magni sunt, & perspicue patent cardiaci nervi, cum in hominibus & perquam exigui sint, & inter membranas omnino lateant, ita ut dissectorum oculos eludant: secundo in eorum hominum cadaveribus nervorum inquisitiones institundas suadet, qui empyemate, vel pectoris hydrope decesserunt, cum in iis nervi urinoso liquido diu madidi, imbuti, ac veluti macerati turgeant, & optime in conspectum veniant: tertio demum praecordiorum nervos ab eorum exitu, vel non longe a cranii foraminibus, aut e vertebrarum internodiis, ad ultimum usque eorum raptatum, lumborum scilicet regionem, & capsulas atrabiles, sive glandulas renales persequendas esse monet, tum ut facilius deprehendantur, tum ut omnes omnino detegantur. His
 prae-

praeactis cardiacorum nervorum historiam tradit, eosque omnes ad quinque potissimum paria reducit, ex quibus insignes rami ad Cor demandantur; eorum vero tria ex medulla oblongata intra cranii claustra reposita originem sortiuntur, proindeque ex cranio exculptis foraminibus trajiuntur, duo reliqua ex spinali medulla intra vertebrarum thecam locata enascuntur, atque adeo ex foraminibus inter vertebrarum connexiones excavatis emergunt: tria priora sunt par vagum, par intercostale internum Willisio dictum, Auctori vero intercostale superius ac tendineum, & par vertebrale: duo vero posteriora sunt intercostale inferius, & phrenicum; quorum omnium origines, progressus, distributiones, ramificationes, plexus gangliiformes recursus, aliaque summa fidelitate describit. Ex nerveis autem furculis prius ad auriculas, quam ad ventriculos delatis (ut de sanguineis vasis etiam deprehenderat) rationem elicit, quare illarum contractio horum constrictionem antecedit: ex peculiari item nervorum in Cordis substantia, contextu, singularum ejus partium actionem deducit: ex naturalibus etiam, & extraordinariis corporis, animique motibus rationem tradit, quare ex nervis ad Cor delatis, quidam gangliis muniantur, ut par intercostale superius seu tendineum, vertebrale, & intercostale inferius; quidam vero iis destituantur, ut per vagum, & phrenicum: ex nervorum demum ad Cor pertinentium multiplicitate rationem affert, cur quibusdam ligatis in vivo animali turbetur quidem, non vero penitus deficiat motus Cordis, & animal vivere adhuc possit. Aliquos praeterea commemorat nervorum furculos a renali, seu stomachico plexu ex nervis paris vagi, intercostalis tum superioris, tum inferioris, atque etiam vertebralis confecto, quin & ab ipso pari phrenico in inferiorem cavam insertos, cumque ea veluti recurrentes in dexteram usque auriculam, dextrumque ven-

triculum delatos, ad eum perfecto finem, ut ipse reputat, ut hac subsidiaria veluti ope sanguinis ascensus ex abdomine ad praecordia promoveatur. Rationem persequitur, qua cardiaci nervi in Cor, & sanguinea vasa inferuntur, atque distribuuntur, ex qua quidem omnem eorum actionem deducendam arbitratur. Sic nervos per externam Cordis superficiem distributos in extimam hujus visceris membranam, & potissimum in coronaria vasa impendi notat, eosque qui coronariis vasis implicantur longe majori copia arterias, quam venas perreptare, & harum quidem membranas subire, illas vero instar hederæ eo præcipue in loco ubi sphincterulis firmanur amplecti, ac devincire animadvertit; nervos autem in internam Cordis substantiam insertos per eorundem arteriarum orificia, carneas fibras, & tendineas valvularum membranas expandi observat. Ad faciliorem investigationem rationis mechanicae, qua musculares Cordis fibrae a fluidis distendentibus vicissim tumeant, ac depleantur, modum tradit, quo nervi in illas inferuntur, & quomodo eadem poros habent extremis arteriis communes; hoc autem ut dilucide exponat, ex Cowperi, & Leeuwenhoeckii observationibus, suæque autopsia in minimarum fibrarum structuram inquirat, atque ab iis, membraneos fibrarum fasciculos nervulis, & arteriis implicatos esse decernit; ex Cowperi etiam, suisque experimentis fibrarum poros ostendit, potissimum vero id præstat mercurii injectione in arterias, ex quibus in fibras ipsas carneas trajectus, in globulos discretus apparet: sua his adjungit experimenta ad fibrarum ex quibus Cor componitur naturam investigandam comparata, atque in Corde diu aqua macerato instituta; quibus quidem deprehendit, universam Cordis substantiam in tria genera diversorum corporum faceisse, in vascula scilicet sanguinea, in ramos, villosque nerveos (quos potissimum Cordis partem

con-

constituere innuit) ac denique in confusum quoddam fibrarum tomentum ex reti vasculari & nerveo compaginatam. Postremo cardiacorum nervorum actionem expositurus, triplicem eam agnoscit, primam in arterias coronarias, aliam in Cordis-fibras, ac villos, tertiam in sanguinem ipsum, quarum unaquaeque ad Cordis systolem excitandam unice faciat, iis vero remissis diastole inducatur. Et sane primam nervorum actionem ea ratione arterias coronarias respicere innuit, ut cum ii arteriis advolvantur, atque implicantur, ex nervorum certe actione confringantur earum capacitates eo praecipue in loco, quo sphincterulis muniuntur, quod cum accidat, praepediri necesse est sanguinis refluxum in venas, & diverticula, atque adeo in fibrarum poros derivari, atque impelli, ex quo Cor systole corripitur; id vero ut confirmet & arteriarum cerebri exemplo, & multorum animalium extispiciis evidentius ostendit: secundam nervorum actionem in Cordis fibras, ac villos musculares esse tali pacto adstruit, ut cum nervorum expansiones per carneas fibras, tum extimam superficiem, tum intimam substantiam componentes longe lateque diffundantur, duplici ratione ad Cordis systolem concurrant necesse est, scilicet & contrahendo muscularem superficiem, eamque versus centrum adigendo, & decurtando interiores partes, easque a cono versus basim dirigendo: tertiam eorundem nervorum actionem in admixtionem fluidi nervei cum sanguine consistere ostendit; cum namque nervei furculi in sanguinea vasa dehiscant, subtilissimum eorum liquidum vasa illa facile subire, proindeque sanguini permisceri potest, ex quo hic mobilior, atque agilior redditus majorem acquirit energiam ad fibras diffendendas, distrahendasque, ad earum poros permeandos, atque adeo ad systolem excitandam; quod & experimentis & observationibus satis superque confirmare fati-

git. His longiori fermone de Cordis systole expofitis, fat breviter de ejus diaftole edifferit, cum eam ex contrariis caufis induci animadvertat, ex remiffa fcilicet triplici illa nervorum actione, ex qua ampliatis arteriarum capacitatibus, minuitur fanguinis vis in mufculares Cordis fibras, augetur vero ejus effluxus per venas, & diverticula, flaccescentibus & ipsis carneis villis, Cor ipsum & relaxari, & concidere, & in diaftolem abire necesse est. Caeterum extraordinariam cardiacorum nervorum actionem, tum in violentis corporis motibus, tum in vehementibus animi pathematibus, ac morbofis affectionibus explicaturus, id omne ex nervorum gangliis repetit, de quorum structura, vi, & usu fat eleganter fcripsit in fua differtatione de Gangliis Nervorum cum Doctiffimo Morgagno communicata; in ea namque differtatione cum mufcularem gangliorum texturam ex duobus potiffimum tendinibus, & duplici carnearum fibrarum ferie, ac directione compactam pluribus ostenderit, eorum actionem, & vim esse statuit, ut eadem pro animalium motuum opportunitate plus minus contracta, tum canales fanguineos, quibus alligantur parum elevent, tum liquidum nervorum vehementius extrudant: quod & hic paucis etiam indicat. Haec autem praecordiorum nervis addicens, cum ex iis quofdam gangliis muniti, alios iis carere deprehenderit, ad confuetum Cordis motum excitandum omnes fimul conspirare pronunciat; fed vero cum nulla animo inest perturbatio, nullo violento motu agitur corpus, tunc fpiritus aequabiliter a gangliis exceptos, & ad partes transmissos nullo perturbato motu cieri afferat; cum vero vel subito pathemate agitur animus, vel magna jactatione afficitur corpus, tunc eofdem fpiritus tumultuarie in ganglia irruentes in effrenes motus adigi, & nervis, atque adeo fanguiferis Cordis vasis constrictis, elevatis, convullis, vel alia ratione com-

commotis, aut percussis, naturalem Cordis motum immutari constituit. Interim in perturbato Cordis motu majorem actionem exerere indicat illos nervos, qui gangliis praediti sunt, quam qui illis destituuntur (in ea namque quam laudavi dissertatione ganglia ad excitandas motiones praecordiorum, in animi potissimum perturbationibus vim omnem, ac facultatem explicare affirmat) licet, ut ipse judicat, vel consuetudo, vel anticipatum mentis conceptum, aut imperium possit gangliorum actionem cohibere, & inde natam Cordis perturbationem compefcere.

A Cordis Anatome ad mechanicam ejus motus rationem explicandam progreditur Lancisius, in quod quidem institutum omnia in antecedentibus exposita collimant, ac referuntur, idque praestare conatur sedula eorum observatione, quae in vivorum animalium extispiciis circa rhythmos, successionesque motuum venarum, auricularum, ventriculorum, & arteriarum animadvertuntur. Et primo quidem aliquibus circa Cordis motum tironum praejudiciis occurrens, praemonet, haud quidem in re ista observationibus in imperfectis, ut ajunt, animalibus, & in utero adhuc degentibus institutis praefidendum, ita ut credi queat summam inesse analogiam quo ad Cordis motum inter haec, & natos homines, omniaque perfecta animalia; quin potius eos motus diversas plane inter se leges, nullam inter se correspondentiam habere fatetur: ex quo ea sibi circa Cordis motum persequenda constituit Auctor Clarissimus, quae in perfectis, ac natis, adultisque animalibus deprehenduntur. Advertit insuper haud plane similes reputari debere Cordis motus in sano, & vegeto animali, ac in aegrotante, irritato, & mox morituro; cum namque ad Cordis motum observandum in vivis animalibus anatomico cultro subjectis periculum fieri debeat, fit
hinc,

hinc, ut ex thoracis discissione respiratio vel summe laedatur, vel prorsus adimatur, quod sanguinis motum per pulmonem, & Cor, ut cum maxime pervertit; ex nervis item aliis abscessis, aliis compunctis contrariae affectiones in partibus, in quas desinunt excitentur, paralyfes nempe, & convulsiones; ex sanguinis demum effusione, aliisque symptomatibus univèrsa pene praecordiorum, quin & partium omnium tum solidarum, tum fluidarum oeconomia perturbetur; Cum itaque admodum difficile sit veros Cordis motuum rhythmos in eiusmodi animalibus detegere, scite inculcat, apparentibus haud esse fidendum, primoque assentiendum, sed reiteratis experimentis, quid frequentius deprehendatur amplectendum. Rem ipsam modo aggrediens, observationes refert de motibus venae cavae, & pulmonicae, auriculae dexteræ, venarum coronariarum, & ventriculorum in vivorum sectionibus, & quidem partim ex Stenone, qui in cuniculo, columbo, & corvo aquatico eas peregerat, partim è suis inquisitionibus in equis, cuniculis, & gallinis institutis, ex quibus motus Cordis causas, & vires motrices arguere conatur; Ex iis namque cum deprehendisset, intermorientem in Cordis partibus motum redire ad solam vellicationem acu inductam, reputat hinc nervos, quorum fibrae hoc in experimento vellicantur, & concutiuntur ad Cordis motum excitandum maxime concurrere: secundo cum expertus fuisset, suscitari eundem motum ad calidorum ac volatilium corporum admotionem, statuit spirituosas particulas ad eundem motum plurimum conferre: tertio demum cum vidisset, influente in dextram auriculam, dextrumque ventriculum sanguine, ex quo prius vinculo intercepto motus in Cordis partibus desierat, motum ipsum restaurari, concludit & ipsum sanguinem ad Cordis motum conducere. Hinc tria solvit problemata ex totidem observationibus elicitâ:

cita: nempe primo cum advertisset motum quendam in cavæ ramis versus majorem caudicem, & dexteram auriculam sese determinantem, ac recurrentem, experimento in gallinis instituto, quod & Stenonis testimonio ex corvi aquatici observatione confirmat, id explicare conatur, quare motus sanguinis in cunctis venis tendat a vertice ad basim, ab angustioribus scilicet ramis in ampliores truncos, quod per impulsum ejusdem sanguinis ab arteriis, & per nervorum reptatum feliciter explicat: cum item ex Stenonis observatione in cuniculis celebrata memoravisset, suisque experimentis in equis institutis comprobasset, reliquis Cordis partibus quiescentibus, in superiori cava motum quendam adhuc perseverare, inque ea ultimo cessare, ejus rei rationem tradere satagit, eamque ex minori cavæ renixu a gracilioribus muscularibus fibris, quibus compacta est adveniente, & ex minori etiam vi, qua ex angustiori in ampliorem ejusdem cavæ locum urgetur sanguis eleganter deducit: denique cum animadvertisset post animalis mortem motum omnem in singulis Cordis partibus, ipsaque cava ademptum, instaurari ad calidorum, ac volatilium corporum admotionem, ad pressionem, a compunctionibus, & a sanguine iterum influente, in hujus rei causam inquirat, eamque ex nova liquidorum agitatione, novisque excitatis contractionibus facile repetit. Praeterea suam expositurus sententiam de synchrono potius, sive successivo, quam achronico, sive alterno auricularum, & ventriculorum motu, primo quidem receptissimam de alterno earum partium motu opinionem expendit, ejus originem indicat, & omnes eas rationes, quae adversus synchronum Cordis, & auricularum motum afferri solent, adducit; quibus quidem post suam allatam sententiam facillime oc-

* * * *

cur-

currit. Ut itaque id praestet ex vivorum animalium sectionibus ostendere suscipit contractionem auricularum non nihil antecedere constrictionem ventriculorum, & citius desinere, atque adeo magna ex parte synchronam esse; quod quidem licet graphice adumbraverat edifferens de structura Cordis in utero ab initio generationis animalium, usque ad eorum perfectionem, ubi ex Corculi mutatione ab intorti canalıs specie in conicam figuram, motus item ex alternis successivos plane fieri animadverterat; hic vero in natis etiam, adultisque animalibus synchronos omnino esse motus illos experientia constare asserit. Sed ut hoc optime assequatur, in iis potissimum animalibus experimenta instituenda suadet, quae & mole majora sunt, & recta valetudine fruuntur; itemque tum systoles, tum diastoles durationem in tria tempora dividenda proponit, ut earum relatio affabre perspiciatur. Juxta hæc tempora autem ordinem motuum, sive contractionum, & remissionum auricularum, & ventriculorum exponens, synchronos eos motus esse fat evidenter ostendit. Denique quae contra suam de successivis his motibus opinionem objecta sunt diluit, & refellit, variosque adjicit usus, quos synchroni ii motus præstant ad sanguinis præcipue per Cordis cava motum, & valvularum majoribus vasorum truncis appositarum actionem spectantes. Hactenus de prima Operis parte.

Illud modo reliquum est, ut ab altera Operis parte, quæ de Aneurysmatibus inscripta est paucis, & quam brevissime potero me expediam. Hanc autem a generali Aneurysmatum doctrina auspiciatur Auctor Eximius, ubi omnium primo Aneurysmatis etymon ex
Mon-

Montani, Silvatici, & Severini sententia, præcipuasque hujus morbi sedes statuere conatur; cum autem advertisset Aneurysma vitium esse viarum sanguinis, Cordis scilicet, & arteriarum, quod circulationem perturbat, multa proponit de statu naturali, & præternaturali impetus Cordis in sanguinem, & sanguinis in arterias, deque horum structura, crassi, & mutua inter se proportione. Generalem, aptissimamque affert Aneurysmatum definitionem, præcipuasque hujus morbi differentias indicat; nominatim vero Aneurysmata in legitima, & spuria dividit: legitima ea dicit, quae causas habent proxime debilitantes Cordis, & arteriarum texturas, & resistentias, a quibus naturalis villorum nexus immediate pervertitur; cujus generis alia sunt, quæ ab externis causis, vulneribus scilicet, & contusionibus oriuntur, alia quae a causis internis, villorum nempe deficienti quantitate, laxitate, vel aliis originem habent: spuria vero ea appellat, quae haud ab initio excitantur a debilitata resistentia villorum, ac fibrarum Cor, & arterias textentium, sed ab adaucta vi impetus sanguinem supra naturalem, & ordinariam Cordis, & arteriarum resistentiam impellentis, licet ex adaucta ea vi accedat etiam, & veluti subsequatur villorum debilitatio, ac discissio; cujusmodi ea sunt, quae a validis corporis conatibus, nisibusque, ab arteriarum item convulsionibus, compressionibus, aut obstructionibus inducuntur.

Ex his ad particularem Aneurysmatum tractationem gradum facit, in qua prius quidem arteriarum, dein Cordis Aneurysmata recenset, & ex iis, quae arte-

rias afficiunt, primo legitima, exinde spuria examini subicit. Ut autem id praestet post breviter indicatam arteriarum structuram ex quatuor potissimum tunicis compactam, earumque actionem in sanguinem ex earum vi elastica repetendam, legitimorum Aneurysmatum theoriam ab iis exorditur, quæ ex arteriarum vulneribus accidunt; tum scilicet ex vulnere, in quo omnes arteriae tunicae scinduntur, ita ut ipsum vulnus ad ejus usque cavum pertingat, & sanguis libere extra corpus saliat (quod quidem mali genus licet ad simplex vulnus, & hoemorrhagiam reducatur, quia tamen ex eo tumor oriri solet, quem Chirurghi ecchymosim dicunt, quemque verum esse Aneurysma probat Auctor, ideo de arteriae vulnere sibi agendum esse ducit, & hujusmodi scissuram inter Aneurysmatum classes reponit) tum etiam ex alio, in quo externae tantummodo arteriae tunicae, integris internis, inciduntur. Et sane primum simplicis arteriarum vulneris diagnosim, prognosim, & curandi rationem exhibet; tum & ejus, quod ecchymosim conjunctam habet; demum Aneurysmatis arteriam ob externas dumtaxat ejus tunicas vulneratas occupantis: quod & variis medicis historiis, & exemplis illustrat. Ad Aneurysmata legitima, quae a contusione dependent, progreditur; per haec vero haud ea intelligit, quae in minimis arteriis contingunt, dum in percussis, & contusis partibus primo robur, dein suppuratio inducitur, sed illa potissimum, quae in magnis, interioribusque arteriis excitantur, postquam membra, quibus arteriae illae substernuntur magnam aliquam contusionem passa fuerint. Horum modum primum tradit,

dit, & causas, quibus enascuntur, tum signa diagnostica, & prognostica, denique curandi methodum tum eorum, quae intus in corpore delitescunt, tum etiam eorum, quae externas partes occupant; quibus omnibus varias nectit historias huiusmodi Aneurysmatum, quae & e regione dorsi, & prope sternum, & inter costas ei observare contigit. Pergit edisserere de Aneurysmatibus, quae a fluidis erodendi indolem nactis gignuntur, quae scilicet causam nanciscuntur quidquid erodens extrinsecus arteriarum tunicas adurit, easque paulatim findit, diducitque. Statuta hinc humoris erodentis notione, ea recenset Aneurysmata, quae ab ichoroso erodente principio in hypochondriacis, scorbuticis, aut hysteriis oriuntur, itemque ea describit, quae venerea lue laborantes afficiunt; quae omnia exemplis illustrare satagit: Demum rationem tradit, qua ex mercurialium usu Aneurysmata gignantur, ex hydrargyri scilicet vi, & ex peculiari corporis, in quo morbus excitatur qualitate petitam, eamque expendit sententiam, quae Aneurysmata a laxitate, & paralyfi fibrarum alicujus arteriae tunicas texentium produci posse defendit. A legitimis Aneurysmatibus ad spuria sermonem convertit; ad ea scilicet, quae oriuntur ab aucta mole, vel impetu sanguinis supra naturalem arteriarum resistantiam, quam quidem adauctam molem, vel impetum subsequitur villorum dilatatio, aut discissio, atque adeo Aneurysma. Hac in re statuit primo quomodo sanguinis impetus superare possit resistantiam arteriarum, & quomodo ipsarum arteriarum compressio, seu constrictio productioni substantiae polyposae occasionem praebere possit,

aliaque multa ad horum Aneurysmatum theoriam spectantia persequitur. De iis Aneurysmatibus edisserit, quae a vi cunei plenitudinis sanguinis oriuntur, quorum differentias, signa, & curationis methodum tradit; quod & praestat in iis spuris Aneurysmatibus recensendis, quae ab arteriarum spasmo, & convulsione oriuntur. Ad haec de Cordis Aneurysmatibus pertractare suscipit; prius autem de hereditaria ad Cordis Aneurysmata constitutione agit, cum morbum istum ex iis esse advertat, qui a parentibus in filios propagari possunt, quod & eleganti exemplo ostendit; itemque de aucta Cordis mole, deque ejus productione, sive prolapsu, vel casu supra diaphragma edisserit. Doctrinam modo de Cordis Aneurysmatibus, iis scilicet, quae in Cordis cavis, & majoribus vasis enascuntur, illustrare aggreditur, quod quidem morbi genus & frequentissimum esse, & pro occulta multorum malorum causa habendum esse indicat. Et sane horum Aneurysmatum causam non in simplici erosione, sed in diuturna repercussi sanguinis vi Cordis cava facile distendente, & dilatante agnoscit, licet ejus sit sententiae, ut reputet, interdum ex acrium humorum apparatu sanguinis reverberationi adjuncto, veluti ex duplici vitio, Aneurysmata facillime excitari posse. In eam inquirat causam, quare Cordis Aneurysmata frequentius in auriculis, & magnarum venarum vestibulis, quam in ventriculis, & majorum arteriarum truncis contingant, eamque ex minus valida, minusque resistenti textura auricularum, & venarum, majori autem ventriculorum, & arteriarum robore pro re nata repetit. De arteriis, ac valvulis praecordiorum osseam duritiam nactis plura com-

me-

memorat, rationemque persequitur, quomodo eae talem duritiem adipiscantur, & Cordis Aneurysmatibus procreandis occasionem praebeant. De iis differit Aneurysmatibus, quae ex gravibus, & diuturnis animi pathematibus, & violentis motibus potissimum vero a contensione instrumentorum respirationi inservientium, musculorum scilicet pectoris, & diaphragmatis exoriuntur. Rationem tradit, quare in distensionibus radice cavae, auriculae, & ventriculi dextri jugularis venae alterna dilatatione, & coincidentia afficiantur, eamque mechanice explicat ex majori sanguinis copia in iis cavis summe dilatatis egesta, & ex adhaerente caudicis venae cavae amplitudine ab appositis valvulis minime praecclusa. Denique varia problemata solvere conatur: primo nempe ex Severini, & Ruyschii testimonio qui fiat, ut in inveteratis Aneurysmatibus pulsationis sensus paulatim minuatur, tandemque prorsus obliteretur: tum unde accidat, ut in magnis circa Cordis arteriarum Aneurysmatibus earundem omnium arteriarum vibrationes exiliores, & plerumque etiam inaequales appareant, quod item in arteriis infra partem Aneurysmate affectam persentiat, ubi artuum arteriam occupaverit Aneurysma; in dilatationibus vero radice venae cavae, & auriculae, ac ventriculi dextri pulsus interdum magni, & aequales soleant apparere: demum cur in magnis Aneurysmatibus accretio quaedam polyposo-grumosae substantiae excitetur, quae internam dilatatae arteriae superficiem obducendo, illam veluti superpositis lamellis incrustet, atque a ruptura praeservet. His autem rem totam explet, & integre absolvit.

Ego vero ut meo muneri satisfactum puto, ita &
non

non dubito, quin vos, Medicinae Cultores, consilii mei causam libentissime sitis probaturi. Quod si aequis rerum aestimatoribus haec arrideant, uberrimum industriae meae fructum me accepisse profitebor. Vos interim bene agite, & in Rei Anatomicae, & Medicæ incrementum incumbite.



O C C A S I O
S C R I B E N D I

D E

C O R D E,

E T

ANEURYSMATIBUS.



um mihi ab ineunte adolescentia in more magis & consuetudine nihil fuerit, quam odium in desidiam, & quod ingenii mei tenuitas patiebatur, amor in literas, factum sanè est; ut septemdecim ab hinc annis, sublato è viuis INNOCENTIO XII. Amplissimi Cardinales Pontificia comitia habituri eruditissimum Virum Jacobum Sinibaldum, meque etiam sui Senatus Medicos delegerint: atque ipse ego praenobili eà in custodia retentus; tum primum inertiam mihi antea inuisam (omnes enim Eminentissimi Patres integrà sub initium fruebantur valetudine) expertus sim, atque pertaesus. Ut igitur hanc molestiam, curamque depellerem, cogitare coepi quae studia, priusquam ea Comitia ad felicem, quem habuerunt, exitum pervenirent, si non absolvere, saltem inchoare possem. Et quamquam tunc plane multa animo obversarentur dissertationum argumenta, obvia tamen, & explicatu facilia praetermittere, difficillimum verò, & haecenus à nonnullis leviter tantummodo perstrictum de Aneurysmatibus seligere constitui. Illud autem non mediocriter me sollicitum habebat, nimirum pernecessaria multiplicium causarum hujus morbi colligatio, ac veluti harmonica in universo opere enucleanda distinctio. Siquidem non ab externis dumtaxat occasionibus, ut imperiti judicant, vulnere nempe, & plaga, sed

* * * * *

sed maxime ab internis causis, plenitudine videlicet, & compressione, convulsione, vel erosione hoc mali genus proficisci diuturno usu, atque observatione cognoveram.

Itaque, cum secundum hebdomadam manum admovissem, prima totius operis lineamenta, & quasi formam in secessu illo adumbravi, eamque clarissimis Viris collegis meis D. D. Sinibaldo, & Mario Cecchino, Chirurgi munere ibidem fungenti, primum communicavi, qui mihi ad hoc perficiendum opus, cujus jeceram fundamenta, stimulos addiderunt. At enim verò exacto vix mense, incredibili totius sacri caetus consensu (in quo si unquam aliàs divinum plene consilium, ac voluntas eluxit) CLEMENTE XI. ad summi Pontificatus fastigium evecto, singulari ejus benignitate ad Pontificii Archiatri honorem rursus vocatus sum, atque in spem adductus fore, ut imperfectam, rudemque materiam in Principis Aula, à populi strepitu, multorumque aegrorum querelis remotus, brevi tempore per singulas partes, sedatius, ac facilius conficere, exornareque possem; sed ó fallaces hominum spes! ó inania consilia! Etenim Pontifex; ut invitus, reluctans, maerore confectus, & lacrymis abundè manantibus ad proximam Coelo Sedem, Deo firmiter volente adductus fuit; variis è vestigio morbis, sexcentisque publicis malis vexari occaepit: quamobrem ipse quoque diu multumque in Principis, quae me unice occupabat, resarcienda valetudine, fidem omnem, curam, operamque meam jure, ac merito adhibere, atque idcirco ejusmodi studia, quamquam mihi grata, & reipublicae fortasse non inutilia remittere, ac penè deserere coactus fui.

Cum autem divino favente Numine SS. Pater à diuturna aegrotatione sensim emerisset, haec eadem studia tunc potissimum instaurare suscepi, cum anno 1702. ad ordinariam, ut ajunt, Medicinae Practicae cathedram in Urbis Archilyceo jam evectus de praecordiorum Aneurysmatibus mihi agendum esse decrevi. Fateor equidem me per id temporis non leviter insudasse tum in subtiliter exquirendis, ac in sua quaeque genera exactius dirigendis peculiaribus, quas dudum animadverteram hujus mali speciebus; tum vel maxime circa illo-

illorum extispicia, qui per ea tempora in Romanis Nosocomiis, civiumque domibus hoc malo perierunt.

Sed paulò post non levis mihi suborta est difficultas ex parte structurae, ac praesertim reciproci motus Cordis, & arteriarum, quae sunt organa, in quibus propterea veluti in sede huiusmodi morbi locari, versarique solent, ac propterea animum ad veras causas motus Cordis (in theatro cæteroquin anatomico saepiùs jam vestigatas, delibatasque) convertere debui; ne nudus in scenam prodirem Empiricus. Haec sane res, quae hactenus praestantissimorum Virorum torsit ingenia, innumeras vivorum animalium sectiones, atque experimenta adhuc instituenda à me postulabat; cùmque tantos mihi labores subeundos objiceret, spem laudis exiguam ostentabat; praecipuè cùm pleraque, & in vivis, & in mortuis tentamenta coram compluribus Medicis, & Chirurgis per nos agerentur (odi enim semper arcanos homines) re propterea jure metuerem, ne solers quidam, qui tum raptò vivebat, scribendique cacoethè tenebatur, auditis è suggestu praelectionibus, & non rarò visis experimentis meis, haec summatim etiam edendo, si quod futurum esset decus, mihi praeriperet.

Prorogavit tum inde hujus operis complementum nova, eaque identidem recurrens Pontificis invaletudo, quae vim omnem quantulacumque sit, ingenii mei non experiri dumtaxat, sed penitus exhaurire solet: Mox iter Urbanum. Post haec jussum Principis, ut in causas inquirerem repentinorum mortuum, quae annis 1705. & subsequenti Romae grassabantur; unde opusculum de hoc argumento in lucem protulimus. Nos deinde summa necessitas remorata est multis oppidis consulendi, quæ ob palustres aquas, indeque ortas epidemias ad infrequentiam redigebantur; atque hinc libri quoque nostri de Noxiis paludum effluviis conscripti sunt.

Moram interea temporis minimè brevem iniecit studium assiduum in perquirendis ex universa penè Europa Codicibus, ac voluminibus ad publicam nostram Bibliothecam inaugurandam; qua oblata occasione Anatomicas celeberrimi Eustathii Tabulas non paucis notis illustravimus. Præterea non exiguus labor tum in egregio adornando opere Vaticanæ Metallothecae;

caë; tum in Bovilla animadvertenda, describendaque peste editionem hanc differre quotidie, ac procrastinare coegit: Ut taceam consilia, epistolas, ac dissertationes, quae postulantibus amicis, vel jubente Principe per valetudinem meam, etiam si admodum imbecillum, in singulos ferè dies scribenda sunt.

Tandem libros hosce superiori hyeme ad finem perduximus; si finis ulla rei penè infinitae statui potest; eosque decursu totius aestatis, atque autumnii nuper elapsi ita retractare, ac perpolire conati sumus, ut novis additis tum scholiis, tum observationibus, ac nonnullis loco, ut putavimus, in melius mutatis, non veniam solùm erroribus, si qui irrepserunt, sed aliquam etiam laudem ex juvandi saltem voluntate nos à Lectoribus impetraturos fore confidimus. Ii siquidem habebunt; unde non mediocrem voluptatem, forte etiam magnam utilitatem possint derivare. Nam, si perpenderit, quanto studio, quantisque contentionibus huc usque ab Anatomicis allaboratum sit, ut vera causa alterni motus cordis detegatur; dum hanc à nobis probabiliorem, quàm ab aliis demonstratam animadvertent; non poterunt nobiscum non gaudere: nihil enim turpius est Physico, quam vel fieri sine causa quidquam dicere, vel si sciri potest, illam ignorare. Subinde utilitas non aspernabilis Lectoribus accedet; cum noverint pleraque praecordiorum mala, quae sub diuturni asthmatis, haemontyseo, palpitationis, cachexiae, hydropis, aliarumque pertinacium affectionum, mortisque etiam subitaneae larva defaeviunt, à magnorum vasorum varicibus, atque Aneurysmatibus proficisci, quorum malorum principia sub curationis initium probe cognoscere; atque intelligere oportet, si quis aut certa cum ratione; tempestivoque cum fructu harum aegrotationum medelas suscipere; aut magna cum laude funestum exitum ab insanabili aegrorum morbo praesentire, ac mature praedicere voluerit. Ut igitur non planè diffidimus à Te, Lector humanissime, cum oblectatione utilitatem (utinam non exiguam) nostris ex libris perceptum iri; ita aliquod tibi incitamentum dare, ex eorundem scribendi occasione pretium operae duximus: Fruere interim, & Vale.

D E

S T R U C T U R A ,

M O T U Q U E

C O R D I S ,

A R T E R I A R U M

E T

S A N G U I N I S .

L E C T O R I S U O .



Nonnulla in hujus operis aditu praemonenda, ac stabilienda duximus, nè certas judicii regulas cum detrimento veritatis ommittere, neve in rebus apertis tempus terere videamur. In primis verò diligenter animadvertendum velim de structura, motuque Cordis disputaturo mihi, non alias causas tam admirandae rei pro viribus investigandas, & patefaciendas fore, quàm proximas, mereque corporeas: nam tacitus admitto, concedoque aliud inveniri hujusce motus principium corpore longè sublimius, à quo tamquam à principali causa, remotiori tamen, non modò cordis, sed reliquarum quoque partium motiones in hominibus potissimum primariam repetunt originem, quod nos animam vocitamus; verum de hoc Metaphysicis, ac Theologis differendum

Causa proxima motus cordis à solis corporibus, tamen si anima sit principalis, repetitur.

A

re-

relinquimus. Sint itaque nonnulla monita, quantum ipse arbitror, veram hominis structuram discere cupientibus admodum necessaria.

MONITUM I.

Duo praecipua Tyronibus efficiunt in Anatomicis; alterum multitudo inobservata scribentium, alterum paucitas ex auctopsia fideliter decernentium.

Duo summa sunt cujuscunque, sed Anatomicae praesertim artis infortunio, quae in studiorum limine cognoscenda, seduloque vitanda sunt. Multitudo nimirum scribentium de iis rebus, quae sibi majorem partem inexploratae, atque incompertae sunt: nec non paucitas illorum, qui, prout fides, ac res postularent, easdem propriis sensibus observatas retulerint. Hinc studiosis juvenibus duplex, ac proclivis in errorem via. Ab utraque verò diligenter declinare oportet; ne videlicet incognita pro cognitis habeamus, vel iis temere assentiamur; qui verosimilia pro veris accipiunt.

MONITUM II.

Quantum Scriptorum Auctoritas faciendae.

Scriptorum auctoritas non magis pendenda in Artibus experimentalibus, quam simplex testimonium veritatis. Nostra itaque interest diligenter inquirere quibusnam veritas suffragetur.

MONITUM III.

Ratio sine experientia fallax.

Ea mentis vis, quam rationem dicimus, in rebus praecipue Anatomicis, & Medicis, ubi experientiae non innititur, facillimè labitur; videri enim potest utcunque pulchra, & vera, sed non ejus esse, de quo agitur, ratio.

MONITUM IV.

Experimenta nisi repetita in errorem inducunt.

Experimentum saepe fallax, & periculosum, nisi transierit in experientiam, quam ut ab illo distinguamus, definire placet. *Congeriem plurium experimentorum cum iisdem circumstantiis contingentium.*

M O N I T U M V.

Nemo, quamquam in philosophicis subactus, apud se ipsum non experitur; ubi cogitare incipit de re aliquâ sensibili, nondum per proprios sensus accuratè perspecta, se potius verosimilia, immo etiam falsa, quàm vera ingenio suo comminisci. In rebus itaque Anatomicis cavendum nobis erit ne quidquam ex aliorum opinionibus, vel (excipio tamen illorum observationes, quorum fides, ac peritia diuturno experimento, ac Doctorum virorum consensione probatae fuerint) nostris dumtaxat hypothefibus statuamus, atque efferamus; sed singula ex ipsius naturae fonte per nostros sensus pluries iisdemque cum circumstantiis haurire studeamus.

Veritas non ex meris hypothefibus, sed experimentis exploranda.

M O N I T U M VI.

Non satis est ad rei Anatomicae incrementum, plenamque utilitatem, aliquid novi ex naturae visceribus eruere; nisi una simul inventae rei usus deprehendatur, atque aperiat: saepe enim contingit, ut in errorem abducat recens, tametsi verum, inventum, vero usui minimè detecto, ut de prima lactearum venarum inventione compertissimum est: Nolumus tamen quae modò commemoravimus ita accipiantur, ut Lector arbitretur eos nullâ laude dignos nos censere, qui novum aliquid, ejus tamen usum minimè assecuti, detexerint: immo verò iis magnam gratiam habendam esse putamus, utpote qui viam posteris faciunt, per quam ad delitescentem adhuc veritatem facilior pateat accessus.

Inutilis novarum rerum inventio, nisi eorundem simul usus patefiat

Laudantur tamen inventores.

M O N I T U M VII.

Cavendum praeterea juvenibus Physiologis proponimus, ne unà cum plerisque ferè omnibus Priscis in eo turpiter peccent, ut verbum *Natura*, quae vox est complexionis, & aggregati plurium causarum cum in toto orbe, tum in partibus ejus, praecipuè verò in animalibus (secundùm aeternas Dei regulas ad rerum conservationem agentium)

Quid sit Natura.

*Natura
generaliter
quomodo acci-
pienda,*

*Natura
particularis
animalium
quae.*

um) fingant, & accipiant pro voce unitatis, ac simplicitatis alicujus causae, unius nempe, ac solius rei qua cunctae animalium actiones fiant, atque regantur. Quemadmodum enim. Natura generatim sumpta, est congeries omnium naturalium corporum, quae per summam Dei providentiam ita invicem constituta, & disposita sunt, ut propria ipsorum mole, figura, pondere, numero, motu, situ, atque inclinatione, sic invicem agant, reagantque mirabili quidem serie, atque ordine, ut ab uno principio ad singulorum conservationem proficisci videantur: ita particularis in animalibus natura nihil aliud esse videtur, quam organica constructio partium solidarum, & peculiaris crasis fluidorum, quae tam determinatis in loculis continentur, quam mutuo congruo, ac plerumque alterno cum solidis motu cientur, subservientibus etiam certa cum ratione particulis ab aethere, atque ab Atmosphaerae pondere, elatere, ac motu derivatis. Unde in iisdem animalibus vita dependet. Haec autem omnia nos ipsi primum vitare studebimus, nè dixisse potius, quam praestitisse videamur.

GENERALES QUaedam NOMINUM DEFINITIONES.

Placeat modò, quoniam univèrsa hujus Libri disputatio de corde, magnisque arteriis, ac venis futura est, ante definire quid singulorum nomine significetur.

DEFINITIO I.

*Cordis de-
finitio.*

Cordis nomine accipimus viscus illud quod clausum intrà pericardium, comprehendit quatuor insignes cavitates, duas nempe auriculas, quae à summis venis, cava nimirum, & pulmonica sanguinem refluentem excipiunt, & totidem ventriculos, qui eundem sanguinem intrà majores arterias sibi continuas quaquaversum distribuendum impellunt.

DEFINITIO II.

In homine venam cavam inferiorem, seu ascendentem nuncupamus illam per quam sanguis ex abdomine, atque ex infernis artubus, ipsoque diaphragmate, sursum procedit usque ad communem caudicem, intrà pericardium, & juxtà auriculam dexteram. Superiorem verò cavam, seu descendentem illam dicimus, quae à thorace, supernis artubus, atque à capite sanguinem regerit ad eundem caudicem venae intrà pericardium, & juxta dexteram, ut dictum est, auriculam.

*Vena cava
ascendens
seu inferior
in homine
quae.*

*Vena cava
descendens,
seu superior
in eodem
quae.*

DEFINITIO III.

In eodem homine truncum venae pulmonicae, caudicem intrà pericardium appellamus, in quem uterque, dexter scilicet, & sinister venae ramus, sanguinem à pulmonibus in sinistram auriculam, sinistrumque ventriculum reducit.

*Venae pul-
monicae
truncus qui
dicatur.*

DEFINITIO IV.

Truncum arteriae pulmonicae dicimus illum, qui pericardio inclusus sanguinem à dextro, seu anteriori ventriculo, excipit, traducitque in ramos per pulmones dispersos.

*Truncus
arteriae
pulmonicae.*

DEFINITIO V.

Similiter caudicem arteriae aortae, seu magnae, robustum illum canalem asserimus, qui pericardio conclusus sanguinem à laevo, seu posteriori cordis ventriculo, acceptum in ramos arteriarum tum ascendentium, tum descendentium immittit.

*Aortae
truncus.*

DEFINITIO VI.

Cavos appello musculos, qui finis habent, seu capacitates variis carnearum, seu motricum fibrarum ordinibus conclusos, & comprehensos.

*Musculi
cavi qui.*

DEFINITIO VII.

*Tendines
musculo-
rum cavo-
rum quales.*

Ut partes musculorum non cavorum, quae graciliores, minusque rubentes sunt, quaeque solidarum partium fulcimentis adnectuntur, passim tendines vocitantur, ita nobis licebit cavorum musculorum, continuas partes, quae non solum minus rubent, sed etiam graciliores sunt, ac firmioribus membris alligantur, tendines civos appellare. Caetera communia cum Anatomicis, ac Mechanicis nomina, communi cum iis significatione usurpabimus.

POSTULATA ANATOMICO-MECHANICA.

De Animalium Machinis, eorumque Motibus.

Quoniam acturis nobis de structura, motuque cordis, multa hic illic praemonenda essent de Animalium machinis, deque eorundem instrumentis, viribus, ac motibus, idcirco, ne longam, ac forte inutilem moram peritis Lectoribus saepe allaturi simus, eadem compendio, ac veluti per quaedam postulata hoc loco tradenda duximus, utpote quae partim ab aliis jam demonstrata, partim in nostris de Re Anatomica Commentariis digesta fuerunt. Itaque Geometrarum more à lectoribus facile concedenda assumi posse credidimus.

P O S T U L A T U M I.

*Corpora a-
nimalium
mechanicis
legibus ob-
noxia.*

Corpora animalium sunt machinae, Mechanicis legibus aequae subjecta ac illae, quae arte extruuntur.

S C H O L I U M.

Quod in hoc primo postulato rogatur Lector, ut concedat, suapte naturam adeo perspicuum est, ut, fuisse illud nunc demonstrare velle, non supervacuum tantummodo, sed molestum quoque reputemus. Satis est enim oculos conjicere in organa triturationis alimentorum, deglutitionis, respirationis, motuumque omnium localium,
vel

vel totius, vel partium corporis, ut apertè fabriliùm omnium penè operum instrumenta dignoscamus; videlicet forfices, infundibula, folles, vectes, trochleas, siphones, valvulas, reliquumque humanarum artium apparatus. Illud utique tacere non licet, quod aliàs meminimus, Magnum nempe Hippocratem 1. de Diaeta num. 13. ignavos forsitan Medicos his vebis redarguere: *Homines, inquit, ex manifestis obscura considerare non noverunt; cum enim artibus utantur similibus humanae naturae, id ipsum ignorant. Divina enim mens edocuit ipsos sua ipsorum imitari, ita ut cognoscant quae faciunt, & non cognoscant, quae imitantur.*

Confirmatur exemplo artium ex Hippocrate.

P O S T U L A T U M II.

Mechanicum autem motum appellamus, qui aliam nullam sui proximam causam agnoscit, praeter corpus, corporisque affectiones.

Mechanicus motus quid.

S C H O L I U M.

Exemplum praebent ad postulatum illustrandum horologia automata, in quibus nemo non videt motus omnes, non aliunde pendere, quàm ex partibus corporeis, quibus constant, quae pro varia dispositione, quae sunt intensae, affectae, & connexae, ab elatere, & pondere, quae & ipsa affectiones sunt merè corporeae, motus suos accipiunt, repetunt, & instaurant.

Illustratur exemplo horologii.

P O S T U L A T U M III.

Vita est motus instrumentorum majoris usus machinae animalium, praeside, ac movente animâ.

Vita quid.

S C H O L I U M.

Plenum hujus postulati commentarium dedimus lib. I. de Mortib. Subit. cap. I. ubi quaesivimus, in quo consistat vita perfectorum animalium; ostendendum enim assumpsimus illorum machinam in foecundato, nec dum incubato ovo habere quidem vim, ac potentiam ad motum, sed aequilibrem cum resistentiis, videlicet impeditam à liquidis semi-

Qua ratione animalia a moveri, ac vivere incipiunt.

miconcretis, & canaliculis quoque modo conniventibus; ac proinde animal (ut in plantarum seminibus terrae mandatis passim videmus) non prius vitam inchoare, quam in cicatricula impedimenta tollantur per incubatum, fulis scilicet ope caloris, ac rarefactis feminalibus, seu primigeniis liquidis, simulque explicatis minimis tubulis; quamobrem eodem temporis momento, quo sanguis, & fluidum animale suos per canaliculos lentè moveri incipiunt, vita, accedente anima, ad actum perducitur. Siquidem ad primum inducendum motum in corporibus, quae antea erant aequilibria, quaelibet satis est in alterutro additio, vel subtractio virtutis quantumvis minimae. Idem verò vitalis motus in animalibus, quae perfecta vocamus, evidentius extra, quam intrà uterum conspicitur; nam illud contineri deprehendimus perenni motione trium solidorum organorum, totidemque fluidorum majoris usus, videlicet ex parte solidorum, I. Cordis, & arteriarum; II. Instrumentorum respirationis; III. Cerebri cum appensis nervis. Ex parte verò fluidorum, I. Sanguinis; II. Aëris; III. Liquidi animalis: ita ut cessante motione vel cordis, vel respirationis, vel cerebri, aut deficiente, vel graviter affectis, sanguine, aëre, aut fluido animali, cesset simul, pereatque etiam vita, quae à suis carceribus usque ad metam tota semper in perenni hoc motu versatur.

Vitalis motus in quibus consistat.

POSTULATUM IV.

Motus est solidorum ac fluidorum renixus.

In Animalium machinis solida contra fluida, vicissimque fluida contra solida nituntur; ita ut per certa spatia tum locorum, tum temporum, alternus semper, ac reciprocos utrarumque partium fiat itus, reditusque, seu (quod eodem recidit) aequilibrum oriatur destructio per reciprocam additionem, ac detractionem tum virtutis, tum renixus.

SCHOLIUM.

Explicatur alternus renixus exemplo cerebri cordis ac thoracis.

Patent haec ad oculos in motibus thoracis, cordis, & meningum, quae ea lege reciprocant, ut muscoli, ac membranae, contra aërem, sanguinem, & fluidum ner-

vorum renixum patiantur, vicissimque ab iisdem moveantur. Neque autem ullus est, qui non videat penduli instar alternis momentis ire, redireque thoracem cum pulmonibus, & abdomine, contentisque intrà idem visceribus; cor cum arteriis, & venis; meninges cum subjecto cerebro, & continuatis nervis, ut verè dici possit, instrumenta horum motuum singula per loca quidem aequilibrîi, seu quietis transire, sed simul itibus, reditibusque; tametsi minimis, quousque vivimus, illinc abduci: malèque propterea illos sentire arbitramur, qui in viventibus, vel quaerunt, vel adstruunt aliud aequilibrium, quàm in universi corporis statice. Etenim aequilibrium fluidorum cum solidis, nisi in mortuis inveniri non potest. Solida igitur à liquidis, ac vicissim, alternèque superari debent, ut vita & sanitas in animantibus conserventur. Morbos idcirco, mortemque nobis impendere compertissimum est, quod alicubi defectus, aut excessus molis, ponderis, vel energiae major sit, vel in solidis, vel in liquidis, quàm ratio postulet oeconomiae animalis.

Non est stabile aequilibrium solidorum cum fluidis in viventibus.

Morbi, ac mors ex turbato renixu praedicto.

P O S T U L A T U M V.

Ex solidis machinae animalis, alia movendis artibus, molique corporis, sive sit onerata, sive exonerata externis ponderibus; alia verò pellendis dumtaxat liquidis sunt destinata, atque ex iis multa quidem ad voluntatis nutum moventur; nonnulla eidem neutiquam parent, sed naturaliter oscillant; pauca denique tum injussu animalium, tum arbitrio agitantur.

Solidorum officium duplex.

S C H O L I U M.

Praesens postulatam nullà egere videtur paraphrasi; cum evidentissimum sit inter solidas animalium partes, ossa quidem, ac musculos iisdem adglutinatos, motibus, vel totius corporis, vel artuum (sinè, vel cum externis ponderibus) esse destinata. Viscera verò pleraque omnia trudentis, discernendisque liquidis fuisse attributa. Ex utriusque autem partibus alias voluntati obsecundare, ac per assuetudinem arbitrio moveri experimur, cujusmodi sunt artuum,

Motuum diviso. Quae partes movendis artibus destinatae.

Quae impellendis fluidis.

Quae organum,

na motibus voluntatis inserviant.

Quae motibus naturalibus.

Quae motibus tum naturalibus, tum voluntariis.

Quo differant musculi artus moventes ab impellentibus liquidis.

Qui sint musculi viscerum antagonistae.

Enumeratio musculorum qui capacitatem capere.

Recensentur musculi cavi.

tuum, linguae, fauciumque musculi, alias è contrario animalium injussu, seu naturaliter motum continuare, quemadmodum est cor cum arteriis; stomachus cum intestinis, & fibrosa omnia glandularum retia. Postremò sunt quae tamen ad arbitrium accelerantur, vel retardantur, quemadmodum musculi, qui thoracem, & abdomen complectuntur.

POSTULATUM VI.

Musculi movendis artibus destinati nullam sensibilem cavitationem habent, qui verò pellendis corporibus, praesertim liquidis inserviunt, intubi, vesicae, alteriusque canalibus forma disponuntur: & quemadmodum illi contranitentibus (quos antagonistas vocant) donantur; ita qui visceribus advolvuntur, eaque constituunt, videntur quidem, sed non sunt quocumque contranitente destituti. Nam partim contenta, atque in motum acta corpora, quae liquida, quae mollia, aut duriuscula; partim solidae partes, quae eadem propulsa corpora excipiunt, iisdem contranituntur.

SCHOLIUM.

Tamet si quae in postulato exponuntur, peritis Anatomicis sint jam perspicua; nihilominus eadem Tyro-num gratia nunc exemplis illustrare statuimus. Musculi crurum, femorum, lumborum, dorsi, colli, capitis, aut brachiorum nullam sensibili capacitatem donantur. Secus verò Pulmones cum tracheis, cor cum arteriis, & venis, vesica tum fellea cum cheledocho, tum urinaria cum urethra, ventriculus cum intestinis, caeteraque viscera, quae fecernendis, excipiendis, continendis, pellendisque fluidis ancillantur, singula majori, vel minori sinu insigniuntur, ut minimè sit dubium, quin duo genera musculorum, musculariumque membranarum occurrant, alterum quod sine interiori cavitate adducendis dumtaxat, abducendisque ossibus; alterum quod capacitatem instructum, cribrandis, admittendis, ac trudendis liquidis inservit. Quod verò plerique artuum musculi-

musculi contranitentibus, seu antagonistis instruantur, nihil apud Anatomicos est evidentius. Viscerum verò musculos habere pro contranitentibus ipsa liquida, & canales, in quos liquida trudentur, clarum limiliter est: nam exempli gratia, cor est musculus cavus ad trudentum sanguinem factus, videturque musculus sibi contranitentem non habere, & tamen sanguis ipse, qui violenter intrà arterias, & venas à solidis aliis circumpositis partibus compressas coercetur, ejusdem pulsui alterne resistit, & quousque ad dextram auriculam depellatur, contranitur. Similiter stomachus, & intestina sunt musculi cavi, iique sinè contranitentibus esse videntur; nihilominus (praeterquam quo pylorus stomacho, & ani sphincter crassis intestinis se contrahentibus aliquo modo sunt contranitentes) alimenta ipsa, potiones, aër, & faeces praedictis cavis musculis contranuntur. Quae autem dicta sunt de renixu, quem suis in actionibus cavi musculi patiuntur à corporibus abs se impulsis, ea quidem tam sunt vera, ut in universa etiam natura locum habeant. Nam res corporeae ita sunt invicem comparatae, ut cuilibet earum operationi eadem, vel aequalis correspondeat reactio, cui quidem principio in physica omnium foecundissimo tota penè Clarissimi Newtoni innititur Philosophia.

Demonstratur exemplo cordis, ac ventriculi contranitentium vires à contentis liquidis, & adnexis canalibus praestari.

Renixus solidorum, & fluidorum comprobatur ex generali corporum reactione.

POSTULATUM VII.

Cavorum musculorum machinae pro quantitate motus excitandi in liquidis, vel aliis quibusvis contentis corporibus, crassiores, & validiores sunt, vel contra graciliores, ac minus implicata, & valida, atque etiam simplicissima texturâ constructae.

Vis cavorum musculorum rationem habet ad renixum impellendorum.

SCHOLIUM.

Praeter quam quod ex mechanicis generatim constat, vim, qua corpus aliquod in motum agitur, renixum illius quoquomodo superare debere; satis nunc est ad probe intelligendum hujus postulati sensum, animadvertere discrimen, quod intercedit dextrum inter, seu anteriorem, &

Demonstratur comparatione in-

*aequali ro-
boris ven-
triculorum
cordis.*

*Confirma-
tur simili-
tudine ani-
malium,
quorum,
quae denti-
bus carent,
robustiori
donantur
ventriculo*

*Quae vis-
cera, mini-
ma egeant
vi.*

*Quae me-
diocri.*

*Quae ma-
xima.*

quidem est exterior paries anterioris respectu crassorum pa-
riectum posterioris, seu sinistri; idque fieri compertissimum
est apud Anatomicos, non ob aliam causam, nisi propter
diversos gradus impulsus, quibus pellendus erat sanguis à
dextero quidem tenui velocitatis momento, scilicet per solos
proximos pulmones usque ad sinistram auriculam, à sinistro
secus maximo momento per universum nempe corpus, ac
remotissimos quosque ejusdem angulos: rursusque per ve-
nas ad dexteram auriculam. Et quia in corporibus moven-
dis consideratur eorundem major, vel minor vincendus re-
nisus; ideo factum est, ut animalia, quae dentibus in-
struuntur, stomacho sint minùs robusto, quàm quibus den-
tes negantur. Nam homines, canes, & qui maxillas ha-
bent, dentibus armatas, iisque alimenta dividunt, & exte-
nuant, membranaceo dumtaxat muscolari ventriculo donan-
tur. Volucres è contrario (exceptis rapacibus, & carni-
voris) cum dura plerumque semina rostro capta illico in oe-
sophagum trudant, stomacho adeò crasso, validoque insig-
niuntur, ut quasi molendinum secum ferre videantur. Si-
militer intestina tenuia cum liquidiusculam chymosam materi-
am suscipiant, ac pellant, gracilia sunt, habità ratione ad
intestina crassa, colon scilicet, & rectum, quae duras fae-
ces contentura, & propulsura, validioribus longè fibrarum
manipulis comprehenduntur. Hac itaque methodo procedit
natura, ut, ubi minimus intrà animalium machinas im-
primendus sit motus, minima etiam, simplex, atque exilis
occurrat glandulosi folliculi machina, quemadmodum in
utriculis lymphaticis cernimus; ubi verò aliquanto majori
momento urgendus est liquor, ibi canalis quoque majoribus
fibris, iisque ad decussim implicatis instruat, ut in venis
conspicimus. Ubi tandem validissimus communicandus ve-
niat motus, ibidem valentior, ac maximo quoque artificio
constructa sit textura tubi, vel canalis, ut in auriculis, &
ventriculis cordis, itemque in arteriis factum intuemur, at-
que admiramur.

P O S T U L A T U M VIII.

Villi, ac fibrae, quibus membranae & muscoli compinguntur, sunt distractiles, & contractiles, hoc est vi elastica donantur.

Musculorum fibrae sunt elasticae.

S C H O L I U M.

Quamquam apud accurrationes nostrae aetatis philosophos materia corporea nullam vim habeat praeter eam, quam *inertiae vim* appellant, quibus sanè duobus verbis significatur corpus, sive materiam ex sua natura perinde se habere ad motum, & ad quietem: ita ut, nisi ab externa vi disturbetur, in eo statu sit perseveratura, in quo novissimè reperitur: Nihilominus mihi quidem Mechanicum, atque Anatomicum nunc agenti concedendum esse postulo, villos, ac fibras esse distractiles, atque contractiles, utcunque id per externam potentiam ipsis soleat accidere. Etenim si fibrae, ac villi ex utraque parte per lineam rectam trahantur, facillè distrahuntur, ac producantur; si verò jam producti, longique facti in libertatem vindicentur, illico in pristinum semicontractionis statum restituantur, ut proinde aequilibrium motus villorum, fibrarum, ac partium omnium, quae in animalibus ex iisdem compinguntur, cujusmodi sunt membranae, vasa, muscoli &c. definiendum sit, certus gradus contractionis, in quem sese restituant, propter elasticam vim sibi ipsis insitam.

Corpora per se indifferentia ad motum & quietem.

Qua ratione fibrae contrahantur.

P O S T U L A T U M IX.

Vis elastica, quemadmodum aëri ab aethere inest maxima, ita in aliis corporibus, in quibus eadem viget, ab ipso aëre, aethereque per peculiarem structuram contento, ac compresso, ferè tota oritur, ac dependet.

Vis elastica corporum undè

S C H O L I U M.

Apud recentiores Philosophos per Antiam, aliaque mechanica instrumenta est in comperto, aërem ipsum inter corpora omnia summam elasticitatem donari; quod

Comprobatur vis elastica aëris.

quidem a praeclarissimis Viris ità accurate demonstratum deprehendimus, ut in determinata aëris mole quanta sit elateris vis ad justos calculos penè fuerit revocatum. Ne igitur actum agam, longius hac de re differere supersedeo. Exploratum pariter est, nulla esse corpora, quae poris aëre, aethereque repletis non instruantur. Quod ergo mihi ad uberiores hujus postulati intelligentiam, & ut pro modulo meo, etiam hac in re Tyronum studiis consulam, unicè nunc exponendum superest, illud est, reliquorum corporum elasticitatem ab aëre, proindeque ab aethere in eorum poris contento ac compresso, magnam partem proficisci. Cum autem ad obscura quaeque illustranda expeditum iter exemplis aperiatur, quae rem quodammodò sub oculis ponunt; profectò id, quod de corporum elatere sum expoliturus, praestare conabor, tria sigillatim perpendendo mixtorum genera, in quibus elasticitas perspicuè observatur: ejusmodi verò sunt metalla, vegetabilia, & animalia. Cum primis igitur animadvertendum est hanc vim elasticam majorem, minoremve in praedictis corporibus vigere, prout tria illis magis, vel minus conspiraverint, scilicet primò aëris compressio, 2. externorum meatuum status, 3. certa fibrarum dispositio: ità ut illa corpora majori elasticitate prae aliis donentur, in quorum poris & contentus aër sit restrictior, seu compressior, & meatus externae superficiei angustiores; atque idcirco transmittendo, excludendoque interno aëri magis obnitantur, & fibrae ductiliores quidem, sed tamen subrigidae ad flexionem sint paratiores. Et sanè rem ità se habere, Primò in metallis experimenta, quae sequuntur, patefaciunt. Nam si frustum auri, argenti, cupri, ferri, &c. conicae figurae, quod elasticitate videtur destitutum, per angustum in chalybea lamina apertum foramen (Aurifices vocant *trafila*) enixè trajiciatur, in filum tenuari solet, quod propter coactam tantummodò trajectionem non levem vim elasticam acquirit; unde compressum resilit, & à vulgo, propter repentinum à compressione motum, vocatur *saltamartino*: Metallum autem ità netum, certè non ob aliam causam adipiscitur vim elasticam, nisi propter summum compressionis.

Quae ad vim elasticam concurrant.

Cur metalla neta majorem vim elastici-

conatum, quem circumquaque à chalybeo circulo, in violento transitu cogitur sustinere, ut propterea tum aër in metalli poris intimis per mutuam metallicarum partium appropinquationem valde comprimatur; cum externa illius fili superficies eò usque per compressionem aequalis reddatur, ut meatuum labia, quae in eadem dehiscabant adinvicem admoveantur, levigentur, penitusque obstruantur; quomobrem exitui compressi intus aëris pro viribus renituntur. Sed major adhuc elasticitas metallicis, ac praesertim ferreis laminis inducitur, certo, ac peculiari quodam artificio per ignem, & oleum; quod cum ad rem nostram maximè conducatur, Lectoribus, si qui fuerint, quibus lateat, aperiendum arbitror. Qui horologia cum elatere parant, solent metallicam laminam (quae media sit inter vulgare ferrum, & chalybem, scilicet ut aptis ad id tum poris, tum fibris instructa sit) quantumcunque voluerint longam, & latam, solent, inquam, fumere: hanc primùm malleo super incude aequaliter contundunt; quo fit, ut elasticam vim ob superius indicatam compressionis rationem quoquo modo assequatur: mox verò inaequales fimbrias utrinque forfice tollunt, ac inter duas proximè inter se locatas limas; ita saepe traducunt, ut omni parte perpoliatur, aequalisque reddatur superficiei: subinde laminam laxè in spiram circumducunt, & cuidam instrumento ferreo, quod crucem appellant, sic aptant, filoque pariter ferreo colligant, ut loco moveri non possit. His peractis in ignem eo consilio conjiciunt, ut rubedinem contrahat (cavent verò nè nimio ardore incandescat; pori enim ferri plus justo aperti aërem non amplius coercent) tandem ab igne extractam in oleum projiciunt, a quo ipsa lamina optimo, validoque elatere evadit armata. Si quis autem harum rerum progressum diligenter, & attento animo reputarit, non aliam ejusmodi elasticæ virtutis causam reperiet, quàm quod cum lamina inflectitur (id quod caeteris elasticis corporibus commune est) pori probabiliter circulares, qui in convexa ejus parte sunt, tametsi producantur, & extendantur, simul tamen coangustantur, ac diameter, quae illorum latitudinem me-

cam acquirant.

Qua ratio ne elaterium ex lamina ferrea paratur.

Cur eadem lamina per jam expositum artificium vim elasticam acquirat.

titur, brevior evadit, quàm erat ante incurvationem. In parte autem concava idem contingit, ac in convexa, sed contrario ordine, ita ut pori utrobique secundùm alteram ex dimensionibus angustiores reddantur; ac propterea inclusum aërem fortiùs comprimant, quàm ante hujusmodi inflexionem: exinde fit, ut aër, qui vim facit, ut ad priorem statum se restituat, laminam, aliaque corpora elastica ad resiliendum cogat. Quod diximus de solidorum corporum elasticitate cum eadem in arcus formam inflectuntur; locum etiam habet in aliis minus solidis, quae per vim in longum extenduntur, cujusmodi sunt fibrae, quibus constant muscoli: nam earum pori similiter productiores quidem, sed angustiores etiam redduntur. Unde quod remotà vi distrahente, subito contrahantur, provenit ex eodem in iis contento, atque compresso aëre. Quis porrò hisce animadversionibus accuratè perpensis (ut ad elasticam ferri constructionem revertar) non intelligit laminam ferream ab igne aliquantulum laxari, novoque aëre per vim trusionis impleri; subinde verò ab oleo externos ejus poros obstrui, aëremque penitioribus in loculis coerceri; simulque ejusdem metalli fibras, ita molliri, atque conjungi, ut ad flexilitatem sint magis accommodatae. Ductilitatem autem ac flexilitatem ab oleo potissimum induci novo experimento docemur. Etenim si eadem ignita lamina non oleo, sed aquae immergatur, pororum utique angustiam recuperat; verùm quandam fibrarum rigiditatem acquirit, unde, tametsi elastica vi donetur, fit tamen minùs ductilis, seu fragilitati magis obnoxia. Neque verò dubitari potest, quin in eadem lamina per ignem fervente, atque intrà oleum injecta externi pori (oppleti nimirum ramosis ejusdem olei partibus) obstruantur. Nam si memorata lamina, jam elastica vi insignita, rursus igni, quo externi pori dehiscant, applicetur, mox verò libero aëri exposita refrigerat, omnem elaterem amittit. In vegetabilibus deinde constat experienciã, tenellos furculos, aridasque nimirum virgas, quàm minimã elasticitate pollere; sed virgulta quae medium compactionis, ac viriditatis statum obtinent, in-

*Quid non
ferat ignis,
atque oleum
ad vim
elasticam in
chalybe.*

*Cur furculi
plantarum
mediae soliditatis,
tenellis ac
aridis magis
sint elastici.*

incurvata resilire; non alia porrò de causa, quam quia tria illa supraindicata in istis, & non in illis concurrunt. Siquidem non solum aër in virgultorum tracheis magnà vi continetur; verùm etiam lignae fibrae flexiores sunt; externique pori moderato, oleosoque phlegmate turgentes internum aërem facillimè coërcent. Denique in ipsis animalibus, si ossa spectemus, eadem observabimus, quae de plantis modò dicta sunt. Nam nectenella foetuum, nec arida senum ossa elasticà virtute instruuntur: Illa enim curvata, ut mollia corpora, in eo statu persistunt nec restituantur: haec verò facillimè diffiliunt. Similiter musculis id ipsum ferè contingit. Nam antequam certam compactionem sint affecuti, ob nimiam mollietatem parvâ, vel nullâ elasticitate donantur; & cum è contrario nimium arescunt, hoc est oleaginoso glutine carent (ut in senibus, & valetudinariis) tum parùm distrahibiles sunt, tum ad resiliendum minùs apti. Unde colligitur etiam in animalibus partes tam osseas quam carneas elasticà vi tunc instructas esse, cum in eis tria illa concurrunt, quae sunt a nobis sub initium exposita; scilicet compressus in utriculis aër, externorum meatuum oppletio, & fibrarum ductilitas.

Probatum in ossibus.

Eadem est ratio musculorum.

POSTULATUM X.

In musculis, vel muscularibus membranis, praeter elasticitatem ab aëre, atque aethere ortam, & ipsis cum aliis corporibus communem, consideranda est alia vis, quae non à solo aëre, sed ab aliis liquidis cuneorum instar in eorundem poros immixtis nascitur.

In muscularibus, & membranis, aliae sunt elasticitatis causae praeter aërem, atque aethereum.

SCHOLIUM.

Quoniam ad animalis machinae conservationem elasticitas à solo aëre orta non satis erat futura ob infinitam penè motuum diversitatem, variis temporibus, & gradibus ad voluntatis praesertim arbitrium, corporisque usus excitandorum, sapientissimè natura prospexit, ut praeter communem illam elateris causam, alia etiam peculiaris, & animalium motibus magnoperè necessaria adjiceretur, quàm à liquidis, ut dicemus, majori ex parte non compressibilibus derivavit, videlicet à particulis sanguinis, & succi

Quomodo musculi ab influentibus liquidis fiant.

*magis
elastici.*

nervorum. Nemo est rerum naturalium tam nescius, qui ut videt nervos, sanguinea vasa, & fibras quibus muscoli coagmentantur, etiam aridam, ut sunt à cadaveribus detracta, per vim externam tum in latum, tum in longum distrahi, sponte verò contrahi; hoc est elatere ab intercluso aëre donari; ita non simul animadvertat eosdem musculos in viventibus ita esse comparatos, ut non solum supraexposita elasticitate, sed etiam certis temporibus, ac momentis aliunde superveniente causa pro variis motuum animalium necessitatibus contrahantur, obdurescant, moleque plus minus augeantur, ac decurrentur; proindeque apertè non fateatur musculos à superaddita causa, hoc est à subita penetratione, ac mora fluidissimi alterius corporis (ut in madefacto fune observatur) intendi, contractiores, brevioresque fieri. Hanc verò contractionis vim Anatomici vigoratorem (aptè conficta voce) appellare consueverunt.

COROLLARIUM.

Quae structura in musculis ad fluida, quibus tenduntur, excipienda necessaria est.

Atque hinc veluti per Corollarium deducimus in omnibus musculorum fibris, quemadmodum etiam in cunctis membrano-muscularibus villis exiguas vacuitates, loculos, ac poros natura esse paratos oportere, ut excipiant illud fluidum liquidissimum, quod ad earum partium contractionem producendam ab arteriis, & nervis derivatur. Pariiter necessarium esse, ut memoratis liquidis perviae sint ad egressum viae, cum eadem musculares partes flaccescant, & concidant.

POSTULATUM XI.

Quae sint huiusmodi fluida.

Fluida, quae subeundo fibrarum, ac musculorum loculos, ac poros, eosdem musculos contrahunt, ac breviores reddunt, alia non sunt, quam quae ab arteriis, & nervis derivantur.

SCHOLIUM.

Dari autem praeter sanguinem fluidum quoque per nervos decurrens, disputatione non eget; satis enim à praestantissimis Viris Malpighio, ac Bellino, atque etiam à

no-

nōbis alio loco perspicuè demonstratum est. Utrumque igitur hoc fluidum ad musculorum tensionem inducendam esse necessarium exinde evidenter colligitur, quod ligato, aut nervo, aut arterià, multò autem citiùs utroque vase ad musculum aliquem pertingente, ejus motus deficit, tandemque, flaccescente musculo, penitus cessat. Contrà verò laxato vinculo tensionem suam recuperat. Animadvertendum hīc tamen est, non omne id, quod sanguinis mixturam ingreditur, necessariò requiri ad omnium muscularium partium motum; nam sunt nonnullae partes musculares, veluti stomachus, intestina, atque aliae hujusmodi, quae, cum non rubeant, ut caeteri muscoli, argumento sunt, non quid per arterias fertur, & sanguis dicitur, eorum poros subire, ac tensionem illorum inducere, sed aliquas tantum easque tenuiores, & albidiores particulas ex fluento, quod per arterias decurrit, ad earundem vigorationem concurrere. Immo verò arbitramur in viventibus esse villos adeò exiles, qui non à fluido per arterias advecto, sed ab influxu liquidi solum nervorum alternè tendantur.

Demonstratur sanguinem, & succum nervorum necessarios esse ad musculorum tensionem.

Quae pars sanguinis concurrat ad musculorum contractionem.

Villosorum tensiones nonnunquam fiunt à simplici succo nervo.

POSTULATUM XII.

Idem fluidum sanguineum, ac nerveum, quod in musculorum poros, & loculos immissum, ac retentum, illorum contractionem, tensionemque inducit, cum ab iisdem refluit, ac repellitur, laxitatem, ac mollitiem affert.

Fluidorum recessus est causa laxitatis in musculis.

SCHOLIUM.

Nulla est hic exspatiandi necessitas. Nam cum superiori in scholio ostensum sit, ab influxu liquidorum in musculos vigorationem, seu tensionem inferri, consequens nunc est, ut pari perspicuitate intelligatur effluxum eorundem liquidorum contrarià ratione laxitatem, & flaccescentiam inducere. Exemplum nudis oculis offert cannabinus funis, quem à subeuntibus ejus texturam particulis aqueis perinde quasi totidem cuneis, subito durum, breviorēque fieri; è contrario autem iisdem exhalantibus laxum, ac longiorē evadere animadvertimus.

Demonstratur exemplo funis.

DE MOTU CORDIS, POSTULATA

De iis, quae ad sanguinem spectant.

*Sanguis
sua fluidita-
te, quanti-
tate, ac
motibus,
partes soli-
das ad debi-
tas motio-
nes impel-
lit.*

Acturi de motu cordis in gratiam praesertim Aneurysma-
tum tria dumtaxat circa sanguinem secundum natu-
ram constitutum consideranda suscipimus. I. idoneam fluidi-
tatem, & mixturam. II. justam quantitatem. III. mo-
tus eidem congruos: nihil interea dubitantes, quin iis pro-
bè cognitis, intelligatur fluidum sanguineum, quod per ca-
vitates cordis, arteriarum, venarumque in gyrum perpetuò
agitur, perluitque viscera omnia, & carnes, esse in ani-
malium corporibus principium activum motionum ferè om-
nium, quae fiunt in iisdem, in quibus solidae partes sunt
tantummodo instrumenta; quemadmodum rotae, axes,
vectes, mallei, & consimilia in machinis hydraulicis habentur
causae instrumentales, quae immotae penitus jacerent,
nisi fluidum aliquod tamquam vis agens eas impelleret, atque
ad motum urgeret. Sit igitur

P O S T U L A T U M XIII.

*Sanguis
vis defini-
tio.*

Sanguis in statu naturali est fluidum universale machinae
animalis, constans attenuatis, depurgatis, certoque
modo levigatis, ac permixtis alimentorum, potuum, at-
que aëris moleculis, quae perficiendis animalium functioni-
bus inserviunt, ac proindè suis loco, ac tempore cedunt in
naturas omnium fluidorum particularium, salivae scilicet,
bilis, succi pancreatici, lymphatici, nervei, ac denique
in quisquillas urinae, sudoris aliorumque recrementorum,
& quod maximum est, proximè, aut remotè in substan-
tiam solidarum partium.

S C H O L I U M.

*Demon-
stratur san-
guinis fluidi-
tatem.*

Non est hîc operae pretium, ut rem aliqui apud recen-
tiores Anatomicos perspicuam longâ paraphrasi fortè
obscuremus. Sanguis in statu naturali est fluidus, immo
propè fluidissimus, cum exillima, ac pene capillaria vasa,
poros, & spatia lacertorum, & viscerum modò lubrica, at-
que

que expedita sint, feliciter subire debeat. Similiter dici potest fluidum universale in animalium corporibus; habito ad alia fluida respectu; quoniam singula quae sunt particularia, nerveum scilicet, salivale, stomachicum, intestinalia, urinosum, & alia quae ab eodem sanguine secernunt. Quinimo cum sanguis in sinum suum excipiat chylum, atque eodem dispendia sua refarciat; chylus autem conflatur tot, ac tam variis particulis quibus cibi, potus, atque aer componuntur, intra stomachum, & intestina divisus, modificatus, atque à faecibus vindicatus, proclive est; ut asseramus, sanguinem constare ex iisdem, quibus chylus, moleculis; quae novis, majoribusque nifibus intra sanguinea praecordiorum potillimum vasa ita atteruntur, & pulmonari aëre, atque ex aëre derivatis salibus permiscentur; ac temperantur, ut functionibus animalibus possint ancillari. Nemo itaque dubitare potest, quin sanguis sit certum fluidum compositum innumeris iis particulis, quae materiam praebent efficiendis fluidis particularibus; indeque animales penè omnes actiones proximè, aut remotè tamquam ab activo principio promoveantur. Adiciamus hic pro coronide, in fluiditate sanguinis modum servandum esse, ut nempe sit facilis ad excursum per minima vasa; hoc est ejus moleculae ad eam tenuitatem redigantur, quae non excedat perimetrum exiguorum canaliculorum, per quos particulares humores secernuntur, & excurrunt. Verum non adeò tenuis, ac subtilis, ut per ostiola seccerniculorum transcoletur, ac praeterfluat.

Probatur sanguinem esse liquidum universale corporis.

Quanta esse debeat sanguinis fluiditas.

P O S T U L A T U M X I V . .

Sanguis, quamquam constat innumeris iis, quae in superiori postulato memoravimus; tamen, si alicubi vel intra, vel extra corpus recens à vasis emissus colligatur, tria solum nudis sensibus subjicit, partem nempe rubram, quae in fibras, grumumque cogitur, quaeque in statu naturali est mollis, facile cedens, pauloque gravior secunda parte, nimirum serosa, quam in naturae statum non flavam, non turbidam, non multam, non paucam coactus cruor à se dimittit, igne-

Sanguis extractus cum concrevit, tria sensibus exhibet.

que concrefcere videmus; ac tandem vaporem falino-volatilem ex utraque parte adhuc calente elevatum.

S C H O L I U M.

*Rejicitur
veterum o-
pinio, de
quatuor hu-
moribus.*

*In extra-
cto sangui-
ne percipi-
untur par-
tes fibrosae
serosae, ac
balitusae.*

*Pars ru-
bra in san-
guine.*

*Pars fi-
brofa gra-
vior quam
serofa osten-
ditur.*

*Per mor-
bum tamen
nonnun-
quam
levior quam
naturalis.*

Relinquentes hîc infalsa illa, quae nonnulli Graeci, maxime verò Arabes commentati sunt de quatripartitis humoribus sanguineam massam componentibus, sanguine scilicet, bile, melancholiâ, & pituitâ, quorum quidem discrimina à colorum diversitate dumtaxat desumpta, Latinis etiam Scriptoribus, nescio quo fato, per multa secula imposuerunt, eam veritatem tacere nec possumus, nec debemus, nimirum sanguinem à venis, vel arteriis recens emissum si nudis sensibus expendatur, in tres solum distinctas partes facefcere, grumum, serum & salinum halitum. Nam si cruor e. g. è vena effusus vasculo excipiat, brevi totus instar caprini lactis cogitur: mox paulatim pars ejus rubra, dum sese aequaliter contrahit versus vasculi centrum conglutinatur in fibrosum quidem, sed facilè cedens rete, in cujus areis (quae per microscopium cernuntur) tum limpidum ichoreum, tum globuli rubri continentur, mox undequaque exprimit liquidum, quod serum dicunt, quodque acidis, spiritu vini, ac praesertim igne concrefcit, & si diutiùs lentâ prunâ excoquatur, abit in cartilagineam, ac penè osseam duritiem. Interim verò utraque haec pars, & quae sponte cogitur, & quae fluida remanet, quousque calet; à se emit tit halitum, seu vaporem, qui admotis naribus, & linguâ acutus, nec admodum gravis odoris, saporisque sentitur; hic si vitreo operculo excipiat in nebulam, roremque densari solet, de cujus natura urinoso-volatile, quisque certum judicium per se ferre potest. Neque porrò ambigendum est rubram coactamque sanguinis partem sero suo paulò gravio- rem esse; cum pluribus, iisque semper aequè respondentibus experimentis nobis constiterit frustula sanguinis ab incolumi corpore extracti, atque in grumum conversi, si in proprium il- lius serum dejiciantur, non innatare, sed ima vasis petere, atque eò quidem celerius, quo frustum magis proximè abscis- sum sit ab ea sectione coacti sanguinis, quae nigrior est, ac fundum tenet. Non negaverim tamen interdum per mor- bum

bum accidere posse, ut coacta cruoris pars, vel specie levior, vel solito gravior ipso sero deprehendatur; sed hoc generalem regulam non statuit.

COROLLARIUM

Ex hujusmodi postulato veluti per corollarium deducimus à sanguine ubicunque in viventibus concreverit, facili negotio subtiliores partes, vel ferosas vel halituosas, quæ datâ portâ etiam per canaliculorum poros secessuras.

Pars ferosa, & halitua quomodo sponte secernatur.

POSTULATUM XV.

Sanguis per Antliam ad examen revocatus, immixtum sibi elementarem aërem facile prodit.

Sanguis aërem continens.

SCHOLIUM.

Quamquam nonnulli nostra etiam aetate inficientur aërem sanguini mixtum per vasa decurrere, illum tamen re vera inesse apertissime docemur ab Antlia (modò rectè parata sit) si enim cruor in ea collocetur, non tantum Boyleus, sed nos ipsi saepè animadvertimus in bullas abire, ac penè effervesce; liberato nimirum interno aëre à pressione superincumbentis atmosphaerae. Neque autem quod Leeuwenhoekius (a) asserat, à sanguine recens è venis effluentè nullum aërem, sed ab eo tantum separari posse, qui aliquot horas libero coelo fuerit expositus, à sententia nos movet. Nam hoc illi accidit ob defectum machinae ad amissim constructae, quam ipsemet epistola 72. pag. 286. fateatur à se quidem visam, sed effectum nunquam visum, nisi in quibusdam tubis vitreis à se inventis, qui tamen magni emboli vim ad extractionem contenti aëris, ut ipse arbitror, nequeunt sustinere. Caeterum meis ego oculis non solum in sanguine è venis statim emisso per validam Antliam, sed etiam intrà venas Erinacei terrestris contento aërem conspexi, cujus rei experimentum in nostris Anatomicis Capite de Pericardio proposuimus.

Demonstratur experimentis Antliae.

(a) *Epist. 73 pag. m. 308. Leeuwenhoekius defectu Antliae aërem in sanguine non deprehendit.*

DE MOTU CORDIS,
POSTULATUM XVI.

Sanguis ope microscopii diversa exhibet corpuscula variis coloribus, figuris, molibus, ac ponderibus praedita.

S C H O L I U M.

In sanguine ope microscopii apparent tum serum, tum, globuli quibus rubet.

Quod attinet ad experimenta per microscopium, haec sanè demonstrant sanguinem duabus praecipuè partibus conflari, sero nempè in sanis corporibus ut plurimum limpido, & minutissimis globulis, quibus unversum fluidum, aut in gyrum actum, aut alicubi interceptum solet rubere. Est autem, ut huc non solum Clarissimi Leeuwenhoekii, quàm nostra etiam experimenta adducamus. Narrat citatus Auctor (b) variis suarum epistolarum locis, in piscibus quidem particulas rubrum sanguinem efficientes se vidisse plano-ovales, in terrestribus verò animalibus easdem animadvertisse, (c) quantum visu judicare potuit, rotundas: hos autem globulos in humano sanguine molles comperit, quorum sex parvulos unitos conjunctosque unum globulum constituere asserit. (d) Ab iis verò sanguinis ruborem deducit; ut quo plures sunt numero sibi que invicem magis agglutinati, eò sanguis rubentior conspiciatur. Ad nostras verò quod spectat observationes, certè illas cum Illustrissimo Blanchino, quàm diligentissimè instituimus. Quatuor verò nos praecipuè in guttis sanguinis, crysalli laminà recens exceptis, & microscopio subjectis comperimus. I. Innumeros globulos rubro colore tinctos, qui statim perspicuo sero immixti, fluentesque erant: mox verò partim evaporato, partim coacto in reticulares fibras sero penitus immobiles offendebantur. II. Globulos non ovali figurâ, neque ex pluribus, multoque minus ex senario numero efformatos; sed singulos penè sphaericos, atque inter se distinctos vidimus. III. Eisdem globulos sero adhuc fluido existente, ita quocunque converteretur crysallum (cui particula sanguinis fuerat aspersa) ruebant, ut viderentur fluido graviores. IV. Spectavimus sanguinem ubi in grumulum conversus fuerat, ac ferè nigricabat, ibi confertiores habere globulos, eosque sibi invicem superpositos; quibus contra

(b) Sed praecipuè epist. 65. pag. 182. Praedisti globuli variant pro animalium varietate. (c) Epist. 67. pag. 22. (d) pag. 8. Auctoris observationes circa serum, globulosque sanguinis, ope microscopii. I. Circa motum. II. Circa figuram. III. Circa gravitatem.

tra locis dilutior erat, seu minus rubebat, iis quidem globulos numero minores, atque ab invicem magis distantes, ut nobis non fuerit dubitandum, quin magis, vel minus rubicundus in sanguine color, à dispersito, & dilutiori per ferum reddito globulorum contextu oriretur. Atque hinc nos inter nata est suspicio, an cum extracto à venis sanguine, atque in vase collecto observaverimus partem, quae fundum tenet, nigram, quae verò ad contactum externi aëris eminent, magis rubram, & flammeam; id evenerit à majori copia eorundem globulorum, qui, quoniam ipso sero sunt specie graviores, confertiores etiam ad fundum descendant, ac proinde sero minus diluantur, quàm qui supernam superficiem occupant. Quamobrem si coactus sanguis invertatur ita, ut quae pars imum tenebat, supernum locum occupet, paulò post ex nigro sit purpureus; quia scilicet ipsi globuli paulatim ob proprium pondus subsidere incipiunt, sensimque in eadem superficie minores numero esse; atque idcirco non tam admixtis aëris particulis (quas non omnino inficiamur, easque globulos disjungendo id praestare arbitramur) quàm iisdem globulis magis inter se distantibus illa ex obscuro in rubrum, atque è converso coloris mutatio accepta nobis referenda videtur. Simili de causa sanguis per arterias fluens venoso rubicundior apparet. Nam, cum negari non possit longè plus materiae fluidae esse in arteriis, quàm in venis; nondum enim urina, saliva, succus nerveus, pancreaticus, lymphæ, aliique humores ab eodem arterioso sanguine secesserunt, certò affirmare debemus, dilutiores minusque compactos esse sanguineos globulos in arteriis, quàm sint in venis, quarum deinde sanguis redux in cor, cum ad subclaviam, atque ad pulmones pervenit, novis liquidis tam ex chylo, ac lymphæ, quàm ex aëre derivatis diluitur, atque accedente validâ cordis, pulmonumve pressione solvitur; unde novam purpuram inducit. Tacitæ verò nunc objectioni occurrendum videtur, quam certè proponent, qui particularum sanguinis staticen leviter tantùm considerandum assument. Si particulae, inquit, seu globuli ruborem sanguini concilians sero sunt graviores, qui sit, ut cum è

Rubor sanguinis magis aut minus intensus unde.

Cur pars superior extracti sanguinis rubicundior, inferior nigrior.

Cur arteriarum sanguis rubicundior sit quam venarum.

Cur globuli extracti sanguinis admixta aqua calida fluitent.

talo, vel salvatella sanguis educitur, atque intrà calidam aquam excipitur iidem non cadunt ad fundum, sed soluti suspendantur in aqua, quamobrem eorum colore tingitur? Sanè si communis aqua esset aequilibris cum sero sanguinis argumentum vim faceret. Sed aqua gravior est ipso sero, quod, tametsi majorem partem aqua componatur, salibus tamen oleoso-volatilibus, qui aqua leviores sunt, ita turget, ut fluidum inde compositum (quemadmodum est oleum) sit aqua levius. Globuli itaque sanguinei, qui in sero ad ima descendunt, in simplici aqua facilè suspenduntur, praefertim cum iidem globuli, & ipsi coagmententur ex particulis heterogeneis, partim gravioribus aqua, cujusmodi est tartarum, partim levioribus, scilicet subtili sulphure, sale volatili, & aëris moleculis; propterea facta compensatione, illorum moles aequilibris evadunt molibus aquae; in qua tamen ex aqua, & cruore confecta mixtura, si frequens magna excitetur per bacillum agitatio, & mox quies rubello liquido imperetur, particulae arenosae, aequè rubentes, perquam similes lotii arenis ad fundum cadunt: nimirum quia, excussis globulorum nexu aëreis, & volatilibus particulis, quae terreo-salinae sunt, liberiores fiunt, propriamque secundum speciem gravitatem recuperant; atque idcirco ad ima descendunt. Neque verò fit qui miretur praecipuam sanguinis partem globulis constare. Cùm enim sanguis ex iis principiis coalescat, quibus nutrimur; cumque nutrimenta omnia, sive solida, sive liquida inter caeteras particulas semper rotundas, & glöbosas contineant, ut in cunctis farinaceis, fructibus, lacte, vinis, cerevisiis, aliisque hujusmodi per microscopium observamus; hinc fit, ut sanguis, qui ex iisdem qua solidis, qua liquidis alimentis confurgit, magnam partem minutioribus globulis, & ipse componatur. Si quis autem quaerat, quonam pacto ejusmodi globuli in vegetabilibus, atque animalibus, eam figuram nanciscantur; id non aliunde fieri verosimile arbitramur, quam ex intestino, ac vorticoso liquidorum in vasis motu, propter quem particulae solidiusculae invicem ac mutuò coagmentabiles in ovalem, vel sphaericam figuram disponuntur. Hoc nudis oculis contingere animadvertimus in pilis marinis, in tophis

Unde globulorum proventus in sanguine.

Qua ratione particulae rotundae in plantis efformantur.

juvencarum, in stercore caprino, aliisque corporibus, quae circumagi solent. Cum itaque sanguis ab ipso corde jugiter in gyrum agatur, atque in velocissimo eo motu à canalibus peristaltica semper agitatione comprimatur, facili negotio in figuras sphaeroides quidquid in eodem duriusculum occurrit, aptatur: quemadmodum molliusculae, ac lubricae partes in villos, ac fibras abeunt, ex quibus non levi etiam parte sanguinis crassamentum conflatur. Et quoniam agimus in praesentia de particulis sanguineae massae, per microscopium animadversis, illud quidem silentio non est involvendum, quod olim praeclarissimus, atque amicissimus Malpighius Romae mihi etiam ostendit; & doctissimus Gulielminus (e) ab eodem prius acceptum, visumque confirmat, scilicet serum sanguinis quaecumque demum fuerit, si terso crystallo; vel talco exceptum ad umbram exsiccetur, relinquere diversorum salium ramenta, alia quidem simplicium, alia verò compositorum; sales nimirum prioris generis vitriolicos, aluminosos, nitrosos & marinos: secundi verò generis tartareos: imò etiam variarum specierum volatiles; quo sanè experimento confisinos gradum quoque fecimus ad observandas per microscopium diversas fluidorum particularium guttulas, videlicet lacrymarum, ichoris è naribus stillantis, sudoris, urinae, salivae, atque ejusmodi, quae certe pulcherrimum propter figurarum varietatem spectaculum nobis exhibuerunt. Nam cum sint corpora ex vario salium, sulphurisque concursu, atque adhaesione conglutinata, variis pariter particularum suarum figuris, quasi per insitionem formatis, varias rerum imagines, scilicet in uno e. g. crucis, in alio arboris, in alio rami, in alio pectinis, praecipuè verò filicis prae se ferre videntur.

(e) *Dissert. de sanguine §. 82.*
In sero sanguinis exsiccato sales diversi generis conspiciuntur.

Lacrymae, sudor, alique humores varia exhibuerunt Auctori per microscopium.

P O S T U L A T U M XVII.

Sanguis igne chymico resolutus ostendit varia principia, quae à spargiricis elementaria dicuntur, nimirum copiosum phlegma, non mediocrem olei quantitatem, salis volatilis uberem, terrae parum, ex qua modicum fixum sal elicitur.

Quae principia in sero sanguinis per chymicam analysim deprehendantur.

SCHOLIUM.

Quae sit
proportio
solidarum
partium er-
ga fluida in
sanguine ex
Boylei ob-
servatione.
(a) In Ap-
pendice ad
Hist. hsm.
Jang. exp.
II. 4. ad 1.

Sanguinis deinde analysi tradenda non valet, sed neces-
sariis agemus: ac primum tyrones docendos esse arbitramur, massam sanguineam constare partibus multo copiosioribus liquidis, quam solidis, quarum ob exactam congruamque mixturam ea consurgit fluiditas, & mobilitas, quae ad oeconomiam animalium summopere exigitur. Proportio autem aquei, & cujuscunque alterius fluidi, ad salina, ad terrea, & ad quaecunque alia corpora solidae naturae, quae sanguinem constituunt, apud Nobilem Boyleum (a) esse videtur paulò minor, quam sit ratio 4. ad 5. Nam ex unc. 10. & gr. 73. sanguinis à faucia vena recens extracti, quae conficiunt summam granorum 5833. inter destillandum, superfuisse vidit crassae partis exsiccatae uncias duas, & drachmas duas, sive grana 1296. cum altera pars partim abierit in phlegma ad grana 4223. partim sensibilibiter evanuerit, ac perierit ad grana 214. Unde deducitur universam partem fluidam sanguinis fuisse grana 4537. Et quoniam residuum partis exsiccatae, seu capitis, ut ajunt, mortui fuit, ut dictum est, grana 1296. colligitur partem fluidam se habuisse ad solidam in ratione, quam memoravimus; hoc est paulò minori, quam sit illa quatuor ad unum, seu propius in ratione circiter $3\frac{1}{2}$ ad 1. Atqui fieri non potest, quin propter ignis vim aliquae etiam ex solidis particulis una cum fluidis à sanguine pellantur, abripianturque (ut in fuligine perspicere potest, quae nihil aliud est, quam sulfureo-solidarum partium congeries ab ipso igne divulsa, atque una cum fumo evecta) hinc si solidae partes abreptae addantur superfutibus in capite mortuo, necessum est, ut consurgat ratio solidi ad fluidum in sanguine paulò major, quam 1. ad $\frac{1}{2}$ quae absque sensibili errore supponi potest, eandem esse, ac rationem 1. ad 3. Quod etiam diligenter more suo animadvertit Clarissimus amicus noster Gulielminus. (b) Hic autem Lectorem monitum volumus, hanc, de qua hucusque diximus, proportionem non in omnibus hominibus, neque eodem quovis tempore eandem reperiri. Nam alia, atque alia sit oportet pro variis temperamentis, aetatibus, regionibus, tempesta-

(b) loc. cit.
§. 45.

Haec te-
men propor-
tio, variat
pro variis
conditioni-
bus.

tibus; ac praesertim propter diversam victus rationem, diversumque intervallum ipsius phlebotomiae ab assumpto alimento, vel potione, ex qua potissimum postrema ratione contingere debet, ut etiam in eodem homine diversis temporibus diversa proportio inter sanguinis particulas solidas, ac fluidas deprehendatur, id quod fusus à nobis alibi (c) demonstratum est, ubi scilicet ostendimus, nullam esse posse certam, ac determinatam proportionem tum partium sanguinis inter se, tum quarumlibet ad totum. Caeterum compertissimum est ex utraque cruoris parte, crassamento scilicet, & sero, eadem pene principia per ignem secerni solere. Nimirum primò phlegma urinosum, II. Sal volatile, ex quo unà cum modico phlegmate spiritus conficitur, III. Oleum tum flavum, tum nigrum, IV. Cinis, seu terra cum salinis particulis, unde per elixivationem quintum principium separatur, sal videlicet fixum ad marinis salis naturam maximopere accedens. Horum tamen principiorum alia est proportio in sero, alia in crassamento: etenim in sero pars aquea, nec non salium volatilium copiosior est: terrea verò, & pars salino-fixa, atque oleosa parciore; contra autem in crassamento pars liquida minor, & reliquae uberiores inveniuntur. Ex oleis, quae diximus per ignis vim extrahi ab ipso potissimum crassamento, flavum ideo specie levius nigro deprehenditur, quòd nigrum longè uberiores sulphureo-terreas particulas, quam flavum contineat: unde non malè conjectant, oleum nigrum ex globulis sanguinis, qui in crassamento copiosiores sunt, praesertim elici. Si quis interim haec fusiùs exposita videre cupiat, consulat praeclaudatos Viros Boyleum, & Gulielminum. Sit autem quoddam veluti Corollarium ex ejusmodi scholio deducendum, apud pleurosque ferè omnes homines illud evenire, ut naturalis sanguinis status egeat alimentis magis fluidis, quàm solidis; illosque idcirco propriae salutis malè consulere, qui multum edunt, & parum bibunt, quippe qui massam sanguineam spissio-rem, crassio-remque reddunt, hoc est salibus, terraque refertio-rem, quàm naturalis exigat principiorum proportio. Modus tamen perpetuò servandus in rebus. Nam cum nonnulla corpora multum aquae eliciant ex atmo-

(c) In
epist. ad
clar. Vie-
ussenium
adnex. not.
Metallo-
ibecae Va-
tican. pag.
39.

Eadem
principia
ex sero at-
que è san-
guinis cras-
samento ex-
trahuntur,
diversa ta-
men propor-
tione.

Cur oleum
flavum san-
guinis ni-
gro sit le-
vius.

Major ex-
igitur fluidorum, quàm
solidorum
alimento-
rum copia.

sphaera, ac praesertim quae exercitationibus non incumbunt, ac subpinguia sunt, stomachoque enervi laborant; haec sanè parcius bibere debent, quàm gracilia, multumque exercitata.

P O S T U L A T U M XVIII.

*Sanguinis
quantitas
respondere
debet vaso-
rum capaci-
tati, ac
renixui.*

*Quae ma-
la oriuntur
ex imminu-
ta, seu tur-
bata san-
guinis pro-
portione er-
ga sangui-
fera.*

Quantitas sanguinis in unoquoque homine ita respondere debet capacitati sanguiferorum, ut neque per nimiam copiam illorum parietes plus justo distenti renixum, & circumpulsionem contra contentum sanguinem exercere possint: immo verò ut ne ipsa eadem sanguifera, quae ad contactum in visceribus posita sunt, se invicem plus aequo premant, atque cum detrimento circularis motus impediunt, neque contra per valde imminutam molem sectiones ejusdem sanguinis, quae in arteriis, ac venis continuae esse, continenterque decurrere debent, ab invicem ita sejungantur, ut cum summo vitae periculo, in aliquo temporis momento deficiant in corde: utque (quod frequentissimè accidit) superstes imminuta nimirum sanguinis moles influenti per axillarem venam chylo, & lymphae debità majori ratione occurrere, ac misceri, impetumque prementis cordis, & renixus canalium excipere non possit; quinimo cum actionum omnium perturbatione animales quoque spiritus in cerebro deficiant. Verùm universa sanguinis moles eà mediocritate comparata sit oportet, ut & ipsa cordis impulsum, & vasorum renixum liberè admittere, simul & iisdem contraniti valeat: tum etiam ut pro rei exigentia chylum, lymphamque facillè subigere, atque in vorticoso circuitus motu, ad minima sibi queat permiscere.

S C H O L I U M.

Tamet si sciam, utroque fatear perspicuum hoc Postulatum apud doctos Viros interprete non indigere; tamen qui meus est in studiosam juventutem amor, paucula hîc ad majorem hujus doctrinae claritatem adjiciam. Certum est in sanis hominibus vasa sanguifera semper moderata plenitudine turgere. Et quamquam sanguis alterne ab ipso corde in arterias projiciatur; per has tamen, & venas continuus perpetuò decurrit, ut ex phlebotomiis, atque arteri-

otomiis

otomiis clarè docemur. Sagax verò natura, ut apud sana etiam corpora nunc pleniori, nunc pauciori quantitati sanguinis per quascunquè occasiones, & causas cumulando opportunè prospiceret, ejusdem canales non quidem duros ex cartilaginea, vel ossea materia, proindeque distentioni minimè aptos paravit; sed molles, ex fibris videlicet, villisque faciliè distractilibus texuit, atque effinxit; ita ut nullo negotio se se in ipsa bonae valetudinis latitudine utriusque sanguinis statui (qui in uno eodemque homine saepe saepius mutari potest) per moderatam extensionem, vel contractionem quàm citissimè accommodarent, hoc est quocunque in casu suos haberent commensus proportionis. Sed quoniam interdum accidit, ut voraces, bibacesque ad summam sanguinis plenitudinem, potissimum si otio se dederint, perveniant; haec quidem, ut ait Hippocrates (a) periculosa est, statimque solvenda: quia videlicet in causa plerumque est, ut intercipiatur circularis sanguinis motus, non in artibus solum ex quo membrorum inertia, ac lassitudo suboritur, sed etiam in praecordiis, ac cerebro; nam canales vel minimum distracti, in aneurysmata, aut varices abeunt, tandemque rumpuntur, vel plus justo invicem compressi, alternam viscerum majoris usus motionem, & singuli etiam propriam impediunt: unde subitae interdum mortes proficiscuntur. Nemo enim contento intra vas aliquod fluido liberum motum impertiri potest, si idem vas ad turgentiam plenum, sine spatio quoquo modo inani fuerit. Accedit, quòd cum arteriosi praesertim tubi fibris carneo-muscularibus donati sint, quibus sanguini à corde impulsò renitentur, eundemque per vim pellicei reticuli se se ad naturalem statum restituendo, repellunt, novoque momento motus urgent ad cursum; quoties plus justo turgent, ac distracti sunt, resiliendi vim aut ferè aut penitus amittunt. Quemadmodum passim accidere videmus in vesica urinaria, quae ubi nimio lotio turget, minus apta ad illud expellendum evadit. Similiter multò evidentior est in animalibus necessitas, ne moles sanguinis adeò imminuatur, ut per eam amittat fluxus continuitatem intra sanguifera. Nam motus

*Cur venae
& arteriae
ossee, &
cartilagi-
neae non
sint.*

(a) r.
apbor. 3.
Qui morbi,
& quomodo
ex plenitu-
dine gignuntur.

*Quomodo
ab inaniti-
one.*

omnes sanguinis (de quibus infra dicemus) subito fatiscerent; ipsaque praecordia, & cerebrum mortali syncope corripenterentur. Id quidem passim evenire spectamus tum post magnas haemorrhagias, tum post longam inedia, quâ corpora ad necem macerantur. Quare superfluum planè est de hac veluti solis luce pluribus disputare: illud tantummodo rursus animadvertendum inculcamus, sanguinem scilicet mole multum imminutum, minori quam opus est ratione se habere ad quantitatem chyli lymphaeque intrâ sanguifera quotidie influentis: quamobrem malus inde coporishabitus, cachexia videlicet, atque hydrops ob eas causas, quae ab Anatomicis, ac Pathologicis derivantur, induci facillimè solent.

P O S T U L A T U M X I X .

*Quatuor
motus con-
siderantur
in sangui-
ne.*

Quamquam duo reverà sint motus principes in sanguine qui mutuam semper sibi invicem operam praestant, fluiditatis, nempe seu insensibilis fermentationis, ac progressionis, seu circuli: nihilominus quatuor videntur in eodem considerandi, quorum duo posteriores etiamsi à circulari dependeant, eique copulati, & conjuncti semper sint, ab eo tamen (rem clariùs docendi causâ) hîc sejungendos duximus. Primus itaque est motus intestinalis particularum sanguinis; quae secundum varia naturalium inclinationum momenta perpetuò moveri conantur, qui sanè motus non tantum ad fluiditatem, quantum ad insensibilem fermentationem reduci potest. II. Externus, ac propemodum violentus, hoc est impulsio, ac progressionis, per quem sanguis à corde in arterias, venasque impulsus in circuitum agitur. III. Motus est admixtionis, & cum certa quadam particularum subtiliatione, attenuationeque moderata confusio. IV. Motus est certae affectionis, seu modificationis ejusdem motus circularis, quâ quidem modificatione fit, ut pro locorum, ac secretionum indigentia sanguinis opportuna ratione plus minus retardetur, vel accelere-
tur.

*Primus
est insensibi-
lis fermenta-
tionis. Sec-
undus im-
pulsionis.
Tertius
confusionis.
Quartus
consistit in
modificatione
motus
circularis.*

S C H O L I U M.

Quod autem duo revera sint praecipui motus in animalium sanguine, alter fluiditatis, seu lenis fermentationis, alter impulsionis, ac progressionis, patet ferè ad oculum apud ova incubata, in puncto, ut appellant, falliente; in iis enim liquida feminalia ipsius amnii, praecordiorum, & cerebri, nervorumque per gallinae fœtum paulatim solvuntur, blandeque in fluiditatem, lenemque fermentationem aguntur; quo sanè tempore primulum exillimae etiam fibrulae, tam umbilicalis vasculi, quàm corculi à motu, & penetratione activarum particularum se se extricantium, vim contractionis acquirere incipiunt; quamobrem contenta cum continentibus alternè, mutuoque se se impellunt, & propter organicam vasculorum ipsius corculi texturam primae ejusdem systolae manifestantur, per quas primitivae quoque sanguinis undae quaquaversum per adnexos continuos tenuissimos tubulos impelluntur. Postquam verò editus est foetus clarè magis elucescunt reliqui duo motus in sanguine. Nam cum natum animal crassius alimentum, subinde etiam varium una cum potibus fumere debeat; hoc quidem tametsi in stomacho, atque intestinis ad chyli, hoc est ad tenuis liquaminis naturam redigatur; adhuc tamen crassiores ejus partes in sanguinem per galaxiam affusae novâ, majorique egent collisione, permixtione, ac solutione. Atque hinc oritur necessitas motus confusionis, mixtionisque, quem à circulari repetendum esse perspicue docemur ab experimento secandi venam sano vegetoque homini post quinque ut plurimum horas ab ingestis multis cibis: nam chylum in educto cruore etiam tum inpermixtum, vel sine

Doctrina de motibus sanguinis confirmatur exemplo generationis pulli ex incubata ovo.

Demonstratur necessitas motus confusionis ad haematosin. Eadem ostenditur experimento extracti sanguinis è corpore sano paulò post cibum.

*Utilitas
motus modi-
ficationis.*

non amplius infici subalbidâ chyli materiâ. Caeterum de motu, quem modificationis appellavimus non admodum nobis est laborandum; cum ex scientia separandorum particularium corporum ex sinu heterogenei fluenti sanguinis luculenter constet opus esse determinato velocitatis gradu ad determinatum corpus certâ mole, peculiari figurâ, particularique pondere secernendum; ut in nostra ad doctissimum Blanchum de secretionibus dissertatione ostendere conati sumus. Admonemus verò hic per augmentum, vel per imminutionem horum quatuor motuum ex bona in malam valetudinem facillimè transitum fieri. Unde infinita propemodum affectionum seges, quam ad Pathologicos rejicimus,

De iis, quae spiritus animales, seu ad liquidum nervorum, eorumque in univèrsum corpus influxum spectant.

POSTULATUM XX.

Dari spiritus animales.

Datur spiritus animalis, seu liquidum à sanguine, per cerebri potissimum corticem secretum, quod in nervos, quò ipsi desinunt, ad sensum ac motum excitandum opportunè defertur.

SCHOLIUM.

Demonstratur ex sanguinis constitutione ac motu.

Tempus profectò in paraphrasi hujus scholii adornanda minimè terendum arbitror; cum per ea, quae jam in scholio ad Postulatum XI. diximus, dubium esse non possit, quin sanguis per arterias Carotides, & Cervicales in cerebrum propulsus, quoniam constat ex particulis aqueo-volatilebus, ac multiplici oleosa, salinâque mixtura donatis, aliquid semper, quod humidum, aut fluxile est, eidem cerebro, nervisque in omnes partes distribuendis largiatur. Hoc autem, quod medullarem tam cerebri, quàm nervorum partem udam, mollemque reddit, nos animales spiritus, seu liquidum, aut succum nerveum appellamus. Quod autem ab eodem succo, quatenus corpus est fluidum, & à supernis impellentibus, pulsus, nervorum membranae, vilique

Ostenditur usus succi nervei ad motum, ac sensum excitandum.

lique tendantur, eaeque in statum redigantur, ut pro naturae commodo, atque indigentia, modò sanguinem alioqui in venas praeterfluxurum intrà machinam musculorum ad excitandos motus intercipient; modò externas pressiones, quae ab aëre, luce, salibus, aliisque corporibus in organa sensus appellant, propagent usque in cerebrum veluti per subtenfam chordam, aut solidam continuatam virgulam, indeque cum anima communicent; facillimè demonstratur ex eo, quia per nervorum compressionem, incisionem, aut vinculum, sensus, ac motus partibus adimitur.

P O S T U L A T U M X X I.

Influxus liquidi nervorum à cerebro in partes vel est perennis ac moderatè fluens, hoc est naturalis, vel per gradus juxta voluntatis arbitrium, consuetudinem, vel etiam animi pathemata adaugetur, aut imminuitur.

Influxus spirituum duplex, naturalis, & voluntarius.

S C H O L I U M.

Cum animalium spirituum secretio fiat à sanguine continenter per arterias in cerebrum advecto, continuus pariter, ac perennis eorum excursus sit oportet, nisi aliquo opificio, vel machinà idem fluxus à cerebro per nervos in ipsas partes cohibeatur. Nam quemadmodum in naturali statu non solum renes, ac salivales glandulae, sed alia quoque fecernicula, particulares liquores, qui ab arteriis perenniter inferuntur, perenniter quoque, & continenter cribrant, ita nihil vetat, quin id ipsum in cerebro, nervisque contingat. Hinc autem fit, ut nullo tempore, etiam in somno tum tonici musculorum, tum naturales cordis, & respirationis motus edantur, ac tamquam ad vitae excubias perpetuò advigilent. Sed quoniam ad maximos usus, necessarium erat, ut machinae animalium nonnullis motibus per arbitrium, per consuetudinem, vel etiam per animi pathemata edendiscierentur; idcirco divinà certè providentià factum est, ut aliqui nervi, vel eorundem capita, certis quibusdam organis instruerentur, quae hosce motus veluti sufflamina regerent, ac moderarentur, quibus id porro efficitur, ut modo acce-

Demonstratur fluxus perenniter spirituum animalis.

Cur, quaeve ratione spirituum influxus arbitrio attingatur.

leretur, modò retardetur cursus liquidi per nervos in has, vel illas partes, in quibus praedicti motus excitandi sunt. Haec verò organa (praeter vehementiorem interdum duræ matris constrictionem, compressionemque arbitrio nostro regendam) Ganglia esse probabilissimum ducimus, ut in nostra de Gangliis ad Praeclarissimum Morgagnum dissertatione fufè ostendimus.

POSTULATUM XXII.

*Spiritus
secretio,
& propulsio
è cerebro
alternatim
accidunt,
ita ut secre-
tio arteria-
rum constri-
ctioni, pro-
pulsio dila-
tationi syn-
chrona sit.*

Influxus liquidi nervorum, qui à cerebro in partes, ac proinde etiam in praecordia naturaliter, sive sponte fit, est semper alternus seu undatim, ea tamen lege procedit, ut inverso ordine arteriarum motui respondeat; scilicet quo tempore arteriae constringuntur, seu concidunt, liquidum nervorum uberius à cerebro secernatur, & colligatur, quo verò tempore arteriae dilatantur, concitatiùs per nervos expellatur, extrudaturque; sed quoniam arteriarum motus est alternus cum ipso corde; sequitur, ut tunc fluxus liquidi nervorum, à cerebro in cor alternè magis adigatur, cum cor constringitur. Si, ut diximus, tunc à cerebro concitatiùs expellitur cum arteriae dilatantur. Quod quidem ad explicandum alternum ipsius cordis motum maximè facere, suo loco evidentius demonstrabimus.

SCHOLIUM.

*Cerebrum
solis arteri-
is donatur.*

Interpretationem huic postùlato attexendam minime conferrem, si nunc mihi cum peritis dumtaxat Anatomicis res esset; sed in gratiam studiosae Juventutis ante omnia praemonebo, cerebrum donari solis arteriis; nullis autem venis (quarum officium à sinibus dumtaxat praestatur) Arterias verò (ut constat ex illorum qui strangulati intereunt sectione cadaverum) per altitudinem totius substantiae superficie ejusdem cerebri ita penetrare, ac divaricari, ut duae quaeque, vel quatuor, sex, aut plures medias quasque particulas cerebri (quas glandulas, loculos; spatia, sectiones, immiffaria vocemus, ut libet) vicissim se dilatando premant, & vicissim concidendo, seu se constringendo à
pref-

pressione liberent. Hinc autem ratio colligitur, quamobrem quo tempore arteriae concidunt, seu constringuntur, tunc glandulae, loculi &c. spiritu, vel succo implentur, atque intumescant, cum contra dilatantur, quidquid ab iis secretum est, & in glandulas, loculos &c. praecedenti temporis momento jam fuerat collectum, ulterius per nervorum tubulos ad usque eorum fines alternè urgeatur, promoveaturque; atque hinc etiam fit, quemadmodum Amicissimus noster Bellini animadvertit, *ut universa moles cerebri moveatur & ipsa motu constrictionis, & dilatationis; sed inverso ordine respondentium illi ordinè, quo constringuntur, & dilatantur arteriae: quando enim hae dilatantur, constringitur cerebrum, & intrà ipsum derivatur liquidum, quod à sanguine arteriarum secernitur.* Haec verò si quis diligenter secum reputet, certè in naturae penetralia, se abdet, invenietque rationes multiplicium phaenomenorum, quae in alternis spontaneis, ac peristalticis motibus contingunt; praesertim verò deteget partem causae alterni motus cordis, in cujus fibrosam substantiam cum in systolem adigitur, urgetur majori cum impetu nervorum liquidum. Quamquam verò nonnullae aliae hujus alterni motus causae à nobis in peculiari structura ipsius cordis reponentur, quae cum alterno spirituum animalium influxu conspirant.

Qua ratione per arteriarum alternam constrictionem, ac dilatationem spiritus secernantur, atque expelluntur è cerebro.



STRUCTURA PRAECORDIORUM,

C O R D I S.

P R O O E M I U M.

Motus cordis pendet ab ipso, & praecordiorum structura, nec non à mutua fluidorum, ac solidorum actione.



Cur Auctor praecordiorum anatomiam aggressus sit.

Quoniam propositum nobis est in praesenti commentario idcirco de corde differere, ut veras causas, verumque modum constantis reciprocationis, vigorisque ejus potissimum explicemus, necessarium ducimus tum genuinam praecordiorum structuram intimè perscrutari, tum vices, rationesque, quas solidae cordis partes, & fluidum praecipuè nerveum, ac sanguineum influens, effluensque inter sese in ipso naturali statu servare solent. Quod autem ad structuram attinet, jam antea decreveram, ne actum agerem, Lectoribusque aut bilem (ut saepe fit) scribendi cacoethae, aut stomachum recoctâ crambe cierem, ad aliorum Anatomicorum diligentiam, studiumque, utpote magnum, & praeclarum, curiositatem ablegare. Sed quoniam pro rimandis mechanicis causis, motuum ejusdem cordis Scriptores non satis hactenus argumentum structurae praecordiorum exhaustisse mihi visi sunt: propterea manus operi saepius admovi, & favente DEO, multa mihi in crebris humanorum cadaverum, brutorumque etiam vivorum sectionibus observare contigit, ab aliis vel non detecta, vel non rite, in-

te-

tegrèque animadversa. Operae itaque praetium duxi rem totam a capite, quàm brevissimè potero, arcessere. Quamquam non inficior, me admodum vereri; ne (tametsi Nestoreos, ut ajunt, annos vivendo numerarem, semperque in exploranda minima praecordiorum structura, observandisque viribus, ac temporibus, quibus partes fluidae, ac solidae inter se comparatae motus edunt, quàm diligentissimè versarer) supremus antea me dies corripiat, ac deleat, quàm universam corporis machinam, ejusque actiones omnes, usus, ac vitia apertè possim cognoscere: quò magis impetranda mihi à Lectoribus est venia, sicubi à veri specie deceptus, multòque magis si aliquando mancus fuerim. Nam, praeterquam quòd secundum diversitatem animantium, bipedum scilicet, quadrupedum, volatilium, aut reptilium, diversa quoque, nec sanè levia discrimina in praecordiorum machina offenduntur; in hominibus quoque non omnibus eadem particularum cordis positio, ordo, numerus, ac magnitudo solet occurrere: unde variarum illius affectionum ferè in singulis causas, rationesque deducendas arbitror; ita ut, si dicamus, ipsa hominum corda inter sese non minùs, quàm oculos, vultus, ora discriminari, aut vix duo penitus similia inveniantur; fortè non errabimus. Verùm aggrediamur ad Praecordiorum historiam.

Auctor multa circa praecordiorum structuram detegit.

Quanta sit praecordiorum varietas pro animalium varietate ac singulorum constitutione.

De Praecordiis, & Pericardio

Quoniam doctrinae ordo postulat, ut à generalibus ad particularia descendatur; primo loco praecordiorum, ac Pericardii argumentum tractandum assumimus, ut inde ad cordis structuram rimandam tutius, clariusque transeamus.

CAPUT I.

De Praecordiis.

Cordis tractationem ab ipsis Praecordiis incipiendam esse ducimus, quia apud Latinos dicuntur partes; quae cordi praetenduntur. Nosse itaque, ac definire maximè convenit, quae sint, ac quò reverà producantur ipsa Praecordia.

PROPOSITIO I.

Praecordiorum nomine quid veniat, & quousque in Hominibus protenduntur.

Praecordiorum nomine quotupliciter accipiat.

(a) *Praecordiorum nomine* v. 39. *Coac. Praecordiorum* sect. 2. v. 328. *& sect. 3. v. 7. atq. alibi.*

(b) *De morbo sacro* n. 18.

Praecordiorum verbum multifariam ab Auctoribus acceptum video. Nam Graeci eam partem, quam Latini praecordia nominant, appellant *Phrenes*, nimirum diaphragma; undè ab Anatomicis venae, quae à septo transversò recurrunt, phrenicae vocantur: immo verò Magnus Hippocrates (a) eodem *Phrenes* nomine hypochondria etiam quae infra diaphragma locantur indicavit. Quid? quod apud eosdem Graecos *phrenes* vocabulo propriè mentem significatam voluerunt, ac nonnisi metaphoricè eodem nomine praecordia insigniverunt, quemadmodum Latini cordatum Virum nuncupant sapientem. Quanquam Praeceptor noster Cous (b) septum transversum fortuitò dumtaxat sub *phrenes* nomine cecidisse affirmat, mentis enim domicilium non in pectore, aut diaphragmate inesse, sed in cerebro idem divinus senex eodem loco demonstravit. Latini verò Praecordiorum significationem ad ventriculum quo-

quoque protulerunt. Nam Cicero (c) inquit *Annulus in praecordiis piscis* (probabiliter in stomacho, vel intestinis) *inventus est.* Celsus (d) quoque modò *diaphragma*, modò *viscera infra collata*, praefertimque *Fecur* praecordiorum verbo notavit. Tandem Plinius (e) eleganter, vim hujus vocabuli definivit, inquires: *Praecordia appellant, quia cordi praetenduntur.* Nos autem tractaturi de corde, eique finitimis partibus, quae ad illius actionem praecae-
 teris, ac proximè conspirant, statuimus praecordiorum nomine complecti ipsum cor, pericardium, majora vasa, & musculos, quibus cor, & pericardium alligatur. Illud autem admonemus praecordia in hominibus latius, quam in brutis animalibus extendi; cum pericardium in nobis, non tantum adnectatur mediastino, quatuor majoribus truncis sanguineorum vasorum, nec non bronchiis, ut in caeteris animalibus accidit, sed validissimè etiam diaphragmati, infernoque oesophagi segmento. Exindè accidere observamus, ut malè affectis diaphragmate praedictaque oesophagi parte, quae cum ventriculi orificio continua est, magna in nobis offensio subitò cum corde communicetur, quam in feris, belluisque non tam facilem, promptamque animadvertimus; quamobrem fit, ut cardiacis vasis, ac membranis sub cartilagine mucronata in nodum veluti complicatis, ab inflicto illuc pugno homines ita afficiantur, ut animo deficient, atque interdum in vitae discrimen adducantur, quod exemplis libro primo De Mortibus subitaneis manifestissimum fecimus. Sit igitur Pericardii

(c) De fin. bonor. in fine.

(d) Lib. 4. cap. 1. & 8.

(e) Lib. 11. cap. 24. Quid intelligat Auctor nomine praecordiorum.

Praecordia in hominibus, ampliora quam in caeteris animalibus. Cur ictus, & laesiones, ad ventriculi orificium cardiacas affectiones excitent in hominibus, non facile in brutis.

C A P U T II.

De Pericardio in genere.

D E F I N I T I O.

Pericardium est membranosum marsupium, seu capsula, & vagina cordis, quod à mediastino, majoribusque sanguiferorum, & bronchiorum truncis dependens, laxè undique cor ipsum ambit, ejusque motui, latice, quem continet, opitulatur.

Pericardium quid.

DE MOTU CORDIS, MONITUM

*De mira solidarum partium continuatione, atque
inter se nexu.*

Animalium partes invicem ubique sunt continuæ.

Quamquam certò noverimus partes omnes animalium, atque ipsius etiam hominis sibi invicem ita cohaerere, & continuas esse, ut non tam agglutinari, ac se mutuo complecti, quàm unum idemque colliquamenti principium in foecundati ovi cicatricula, seu unam, eandemque materiam in alias se, atque alias villorum, fibrarum, tunicarum, vasculorum, viscerum, aliorumque solidorum, ut vocant; membrorum formas, structuramque induere: qua de re meritò magnus aiebat Hippocrates (a) *Circulo factò non invenio principium*, tamen ad sermonis, doctrinaeque perspicuitatem juvat singulas partes, partiumque segmenta, veluti seorsum considerare: Pericardium itaque, hac lege tamquam partem ipsius cordis, primò expendamus.

(a) *De loc. in l. c. n. 1.*

P R O P O S I T I O II.

Cor nunquam Pericardio destituitur.

Falsi sunt, qui pericardium aliquando defuisse disseverunt.

Aeque parens natura; ut nullum animal corde, ita nullum cor pericardio destitutum voluit. Il igitur, qui ejusmodi cordis involucrum aliquando in exstispiciis se haud invenisse narrant; propriam in scrutandis, detegendisque partibus imperitiam accusant. Non inficiamur Pericardium aliquando superficiei cordis arctissimè agglutinatum offendi, sed non proinde ab ignaris asserendum est planè defuisse; Vide in lib. nostris de Mortib. subitan. lib. 2. obs. 4. pericardium ipsi cordi undequaque adhaerens in dissect. Cadaveris Praefulis Spadae n. III.

Describitur erinaceo pericardium.

Quoniam verò nostra aetate aliqui pericardium in erinaceo terrestri desiderari censuerunt; diligenter in hujus animalis incisionem incubui, ex eaque comperi, per amplum ipsi à natura Pericardium datum fuisse cum mediastino commune: descendit quippe membrana à jugulo; atque à sterno bifida, quae diaphragmati colligata, tenuique humore lenita, cor magnà excipit capacitate; quod postea ab aliis quoque

Ana-

Anatomicis animadversum fuisse, legendoprehendimus. At enimverò, cum Zootomia, propter novam semper, locupletemque rerum detectionem, non speciosa tantum, sed etiam utilis plerumque nobis esse soleat; nolumus hinc fraudare Lectores quibusdam observationibus, quas fecimus in eodem erinaceo, frugiferasque bonis, cordatisque Viris futuras arbitramur.

D I G R E S S I O.

Observatio duplicis cavae superioris aliarumque rerum in praecordiis Erinacei terrestri.

Nemo Anatomicorum ignorat, venam cavam superiorem tam in hominibus, quam in plerisque brutis animantibus ex utraque subclavia, & jugulari, unum in caudicem concurrentibus per dexterum thoracis latus ferri, & prope cor, inferiorem, seu ascendentem cavam excipere, ita ut ex duabus coalescentibus truncus efformetur, qui tandem se flectit, atque aperitur, ampliaturque in dexteram auriculam. In erinaceo autem terrestri rem aliter se habere deprehendimus. Etenim I. vena cava superior non una, & simplex, verum, servata subclaviarum divisione, duplex de jugulo in praecordia descendit; scilicet subclaviarum divisione, duplex de jugulo in praecordia descendit; scilicet subclavia dextera, per dexterum, sinistra per sinistrum thoracis latus proficiscuntur, ac tamquam divisae descendentes cavae cor ipsum in medio tenent. II. Sinistra cava secundum arteriam magnam procedens, statim atque cordis basim praetergressa est, ad dexteram incipit curvari, & sub cordis mucrone inflexa amplior evadit, non tantum ob remissiolem contenti fluidi motum, sed ob illius quoque admissionem sanguinis, qui per phrenicas venas recurrit ad cor; tandemque cum inferiori, & cum superiori dextera cava per anastomosis committitur, unaque summa cava, ex triplici cavae ramo tandem conflata, in finitimam, continentemque auriculam refluxum undequaque sanguinem derivat. Ita sane fit, ut sinister cavae ramus, qui primum fuit descendens, seu superior, subinde

*Descriptio
duplicis
cavae
superioris
in erinaceo.*

curvatus evadat ascendens, seu inferior. Quid verò natura in hoc bruto animali sibi voluerit per raram hanc superioris cavæ geminationem, atque sinistralæ sub corde flexionem, est utique problema acri dignum ingenio. Nobis interim satis fuerit suspicari, hujusmodi superioris cavæ divisionem in animali, quod in globum plerumque degit convolutum, factam esse perinde quasi diverticulum ad aequabilem recirculantis sanguinis motum, ac faciliorem superioris, cum inferiori admixtionem, priusquam in auriculam dexteram evomatur: vidimus enim per translucentem earum venarum tenuitatem quendam fluidorum motum instar Euripi, multorumque rivulorum cum magno sanguinis flumine permixtionem. Quid? quòd curvatura sinistralæ cavæ instituta fuisse videtur ad retardandam partem sanguinis refluxuram ab internis jugularibus, & cerebri sinibus. Scilicet, ex mora ejusdem sanguinis in vasis cerebri pertinax dimidii ferè anni somnus huic bruto faciliùs afferretur. Cùm enim sanguis in testudineo genere, aliisque diu dormientibus animalibus, ad tactum frigescat; contra vero actu caleat in erinaceo, certe diuturnus in eo sopor oleoso, ac sulphureo volatili-um partium penuriae tribuendus minimè videtur; sed probabile est ingeniosam naturam mechanicum duplicatae istius venae artificium paravisse, ut eam sanguinis tarditatem, quae in testaceis cum sensibili frigore ad longiorem somnum conciliandum manifestatur, novo quodam mechanismo pensaret. Itaque, cum atmosphaerae gravitas decursu hyemis urgeat, multaeque subtilis sulphuris particulae subsideant in fluidis, non aegre fieri potest, ut major sanguinis portio à cerebro propter sinistralæ flexionem cavæ aegriùs versus cor in erinaceo moveatur, quae proinde supra cerebrum subsistens, & gravitans, tardio-rem tum secretionem, tum progressionem liquidi animalis, potissimam somni causam, inducat. III. ac postremò sanguis in praedicta cavæ flexione versicoloribus quibusdam granulis quasi variegatus nobis apparuit; propterea detegendae veritatis studio venam illam faucivimus, ex qua (rarò aliàs in vivorum sectionibus experimento) sanguis spumans, hoc est multo aëre permixtus, effluit: quod quidem non aliam ob rationem contigisse credidimus, quàm prop-

Conjectura de usu duplici cavæ in erinaceo.

Diuturnus erinacei somnus verosimiliter inflexioni cavæ tribui potest.

Cur sanguis spumans post eborationem

propter insolitum quassationis motum, quo in eadem inflexione cavæ paulo post apertum thoracem sanguis fuerat agitato. Cum enim cordis motus in erinaceo, post infractam, ac dissolutam mechanicam pectoris compagem, diutiùs perseveret; certè sanguis tunc temporis, non ampliùs à respirationis organis, quibus maxima vi urgeri solet (ut suo loco demonstrabimus) impulsus non modo segnìus, ac lentìus influit in cor, verùm etiam, quod maximi momenti est, promptiùs sæpiusque repellitur ab auricula in cavam, vicissimque agitur à cava versùs auriculam. Neget modò quis aërem tota sua substantia circulanti sanguini permixtum esse. At redeamus ad id, unde divertimus.

*in erinaceo,
è sauciata
cava erupe-
rit.*

C A P U T III.

De Pericardio in specie præsertim humano.

Antequam ad penitiorem pericardii tractationem accedam, monitos velim Lectores, me de humano dumtaxat acturum, cujus structuram, ex meis potissimùm observationibus primùm exponere pro virili parte studebo.

P R O P O S I T I O III.

Pericardium naturaliter tenuius est, vel crassius in animalibus, secundùm tenuiorem, vel crassioremm cordis substantiam, ac remissioremm, aut validioremm ejusdem impetum.

Neque verò inter initia illud omittendum videtur, quod ad pericardii usum detegendum maximè confert. Scilicet hujusmodi capsulam consistentià suà variare pro varia motus, roborisque cordium differentia, ita ut, quò animal, ejusque cor robustius est, vel flaccidius, & validiora, aut languidiora habet momenta impetus, eo pericardii, vasorumque compages crassior sit, aut gracilior. Ita in talpis timidulis, atque in somniculosis erinaceis, quoniam cor laxum est, ejusque impetus languidus, ac tardus, pericardium sub forma dumtaxat tenuissimi velaminis apparet. Sic paulò crassius deprehenditur in serpentibus, totoque genere an-

In quibus animalibus, debilius, aut validius pericardium reperitur.

guum. Denique in robustissimis quadrupedibus, & potissimum in hominibus, quò ipsi torosiores universo sunt corpore, & robustiori corde donantur, eo pericardium nervosius, ac validius occurrit: non sit dubitandum, quin rationem texturae, impetusque cordis ipsa plus, minusve valida in animalibus Pericardii structura sequatur.

PROPOSITIO IV.

Pericardium habet praecipua vasa multigenesis, inferentia praesertim, ac referentia.

Folliculi
adiposi in
pericardio.
Arteriae
pericardii.
Venae ac
vasa lym-
phatica.
Nervi.

Ne nimii esse videamur in re praesertim aliorum labore, quàm diligentissimè enucleata; satis erit hic adnotasse; Pericardium exterius donari primò folliculis adiposis, 2. arteriis ex mediastinis, mammariis, & phrenicis superioribus; 3. venis in cavam superiorem, & lymphaticis (post transmissam unam, alteramque glandulam) anticà parte in subclavias, ac jugulares venas, posticà verò in Pecqueti ductum, sua quaeque fluida reducentibus; praeterea nervis anterioribus, ac posterioribus ex pari vago, & phrenico, sed ex multis quoque aliis ramis, intrà thoracem ludentibus; ut verè dici possit, nervos, qui ad summas venas, ad majores arterias, ad auriculas, & ad ventriculos ipsos pertingunt, ad ipsum quoque pericardium pervenire: tandem pericardium habet vascula quaedam rorifera, de quibus agemus.

Vascula
rorifera.

PROPOSITIO V.

Pericardium in tres membranas facile dividi potest, in externam tenuissimam, quae cum mediastino, ac pleura continuatur; in mediam fibrosam, & muscularem; denique in internam, quae licet propter varia foraminula, quibus est pervia, glandularis dici queat, tendineam tamen naturam prae se ferre videtur.

(a) In
monitu
praeposito
ad primam
proposit.
Triplicis
membranae

Tamet si inter initia hujus libri (a) admonuerimus, solidas omnes animalium partes ab uno eodemque colloquamento ovi, (uteri, aut feminis, dicas ut libet) in villos, fibras, tuniculas & vasa per motum, ac vegetationem abe-

abeunte, veluti ab uno ducto stamine compingi; nihilominus animadvertendum praeterea hoc loco ducimus, nonnulla earundem solidarum partium segmenta, atque in segmentis particulas, ad varios organorum usus hic minori, illic majori filamentorum, vasculorumque numero, advolutione, adhaesione, nexu, complicatione, textuque in simpliciores, ac laxiores, aut in densiores, magisque compositas coalescere; non absimili prope modum ratione, quâ videmus in fericis, e. g. auro, argentoque contextis telis, eadem numero fila, propter minorem, aut majorem inter se se cohaesionem, invicem contorsionem, complicationem, ac nexum, diversas rerum species, aucto etiam alicubi telae corpore, perbellè repraesentare. Juvat itaque in naturae quoque operibus, in quibus suas Ars agendi rationes tacitè deduxit, consimilem operandi modum animo fingere, ut scilicet diversarum structurarum, actionumque in machinis animalium claras ideas excitemus. Quamobrem opportunum duximus membranarum contextum in pericardio, natura quamquam individuum, ad perspicuam tamen ejusdem intelligentiam dividuum mente, cultroque exhibere.

Ut autem clarè pateat, Pericardium in propositas tres membranas facillimè dividi posse, sumendum est idem pericardium unà cum summis, magnisque vasis, & mediastino, quibus validè adhaeret; deinde extima ejus tunica per lanceolam à subjecta substantia, seu meditullio ita exquisitè, accuratèque est disjungenda, quousque ad vasa ipsa, & mediastinum perveniatur. Spectabitur enim continuum esse illius villos, villorumque nexum cum externa vasorum tunica, & cum eodem mediastino, quae cum pleura communionem habent. Subinde, ut detractâ gracillimâ exteriori tunica, mediam crassam, ac re vera muscularem esse, apertè dignoscatur, pericardium in ferventem aquam immergendum est, mox verò microscopio subjiciendum, ea quidem facie, à qua prior membrana avulsa fuit; occurrent siquidem fibrae carnae, pleraeque ferè rectae à basi ad Conum proserpentes, quae nonnullas alias in transversum exporrectas

*pericardii
descriptio.
Qua ratione
solidae
partes simplices
aut crassiores
sunt.*

*Partium
textura ex
emplo sericae
telae,
ac Phrygiæ
operis illustratur.*

*Quomodo
extima pericardii
tunica sit separanda.*

*Qua arte
muscularis
structura
in media
pericardii
tunica sit
observanda.*

obli-

*Eadem evidenti-
or in
empyemati-
cis & by-
dropicis.*

oblique interfecant, ut areas quasdam formare videantur; non secus ac in media urinariae vesicae membrana fieri observamus; quae quidem pericardii textura pulcherrimo sanè spectaculo, ac longè evidentiùs se se in empyematicis, aut pectoris hydrope decedentibus: Pericardium enim salino acri purè, aut sero diu maceratum fibras suas tumidiore, ac duriores exhibet: immo verò exillimi alioquin ipsius cordis nervi ita mole augmentur, ut quatruplo majores appareant. Simile quid obtinetur longà ejusdem pericardii intrà acetum maceratione. Fit enim singulis fibris novae molis accessio, ut non absimilem durae matri compagem acquirat. Ejusmodi autem pericardii fibrae à basi laxè ortae, variè deorsum, & circum usque ad apicem propagantur; ac in centrum diaphragmatis, & in locum, per quem inferior cava in thoracem ascendit, firmiter inseruntur: lateraliter tamen multitudo earundem fibrarum cuidam veluti teniae, seu ligamento fasciam referenti adhaerent, cumque eo validè connectuntur, quod, propter diuturnam in aceto macerationem, aliquantulum rubet, ipsumque pericardium bifariam per longum dividit. Haec verò tenia ad posteriora thoracis respicere mihi visa est.

*Earundem
fibrarum si-
tus.*

*Anterioris
membranae
pericardii
structura.*

Intima denique pericardii facies simplicissima, tenuissimâque membranâ velatur, quae cum tenaciter cohaereat cum media muscolari, jure suspicamur esse tendineam. In eodem ordine plerumque parallelo inspiciuntur quaedam foraminula non absimilia iis, quae ubique nostro in corpore, praecipuè in oris concameratione animadvertimus. Haec autem foraminula, an sint oscilla glandularum, è quibus ille ichor eructetur, qui intrà capacitatem pericardii naturaliter semper continetur, an contra dehiscant, ad excipiendum quidquid ejusdem ichoris superfluit, id quidem ad eam propositionem rejicimus, in qua de origine hujus liquidi ex professo, ut ajunt, tractabimus.

PROPOSITIO VI.

*Pericardium in homine pluribus locis, quàm apud obser-
vata hæctenus bruta colligatur, & conuascitur.*

Cum diligens autopsia clarissimum lumen, quo acies nos-
tra ad obscuros detegendos partium usus opportunè
dirigitur, soleat accendere; Priusquam de pericardii officiis
dicere aggrediamur, de hujus connexionibus diligentius a-
gendum putamus.

Nos minimè latet, vincula pericardii, quae primò nobis
occurrunt, non eadem in omnibus, sed ferè in singulis bru-
tis animalibus esse diversa; ut enim ferè singulorum animan-
tium varii sint standi, incedendique modi, variae thoracis
figuræ, diametri, perimetri, ac motus; similiter non una
omnibus, eademque esse debuerat pericardii cum thoracis
partibus colligatio. Videmus idcirco hanc cordis capsulam
in quadrupedibus cum mediastino tantummodo continuam;
in avibus verò non solum cum eodem mediastino, sed im-
mediatè cum sterno, neque cum tota longitudine sterni, sed
cum extrema sui parte fortiter adnexam. In hominibus ve-
rò idem pericardium validius, pluribusque in locis, quàm in
brutis, cum pectore colligatur; etenim non tantum con-
jungitur anteriùs, & posteriùs cum mediastino, ac proinde
cum sterno, oesophago, ac spina; sed inferiùs quoque cum
diaphragmate, & quidem non per simplicem (quæ seleroti-
cam inter, & uveam in oculis contingit) superficierum ad-
haesionem, sed per validam, mutuamque fibrarum connexio-
nem, permixtionemque fortiter continuatur, non in centro
solum ejusdem diaphragmatis, sed lateraliter quoque, ac eo
præsertim loco, ubi inferior cava, quemadmodum in supe-
riori propositione diximus, septum perforat; fibræ enim
pericardii ita cum eadem cava, novis etiam additis recurren-
tibus nervis, intexuntur; ut unâ simul circularem ibidem
musculum constituere videantur. Contrà verò spectamus in
brutis, quorum pericardium longo plus minùs intervallo, à
diaphragmate distitum, ascendente cavam excipit, nullo
externo fulcitam munimine. Unde cum nihil frustra natura

*Recensentur vincu-
la, quibus
pericardi-
um variè,
secundùm
varietatem
animalium
vicinis par-
tibus alli-
gatur.*

*Quibus
peculiariter
partibus
pericardi-
um in homi-
nibus ad-
nectatur,*

Cur pericardium è magnis vasis suspendatur.

paraverit, rationem tenacissimæ adhaesionis pericardii cum cava, & diaphragmate propositione XIII. rimabimur. Deinde pericardium superius, atque interiùs pluribus partibus connascitur, suisque firmiter limitibus continetur. Et quoniam si cordis basi alligatum fuisset, gravando, atque infarciendo, ejusdem, & sanguinis motui plurimum obfuisse, meritò natura illud è quatuor magnis vasis, nec à duobus asperae arteriae caudicibus trium circiter tunicarum servatà à corde distantia plus, minusve permixtis undequaque fibris, suspendit. Et quidem adeò valida est connexio pericardii cum praedictis magnis vasis, ut idem attenuatum evadat extima ipsorum vasorum tunica, sub qua nervi cardiaci perreptantes supra, & inter majores arterias, aortam nempe, & pulmonicam, descendunt in cor.

Quae complectatur pericardium.

Pericardium igitur suam intrà laxam circumferentiam facile comprehendit, 1, Cor; 2, peramplum cavae truncum cum segmento superioris, atque inferioris ejus caudicis usque ad diaphragmatis connexionem; 3, vestibulum venae pulmonicae; praeterea duo segmenta majorum arteriarum, & bronchiorum. Haec autem etiam si minuta, nemo tamen sapiens neglexerit. Priusquam tamen dimittamus tractationem de connexione, ac propagatione ipsius capsulae cordis, operae pretium censemus animadvertere pericardium, statim atque majoribus vasorum truncis adnectitur, in tres partes, ac veluti membranosa folia dividi, atque facessere. Externa siquidem tenuissima continuatur cum extima tunica pulmonum, & mediastini; Media quae muscularis est, in

Elegans membrana-rum pericardii divisio, ubi magnis vasis adnectitur.

Externa in pulmones abit.

Media in vaginulas pulmonalium vasorum.

Intima retroagitur versus cor.

vaginulas pulmonalium vasorum, ut dicemus, abit. Intima verò, quae nervea, ac omnino tendinea apparet, versus cor resupinatur, ac retroagitur, ut convestiat illa magnorum vasorum segmenta, quae intrà pericardium continentur, quinimo ad arterias quoque coronarias, atque universum ambiendum cor extenditur, diffunditurque. Quae sanè visu pulcherrima sunt.

PROPOSITIO VII.

Pericardium veluti particularis capsula tegit, ac vincit divaricationes trium pulmonalium vasorum miro inter se ordine procedentium, atque ad extimam usque pulmonum superficiem protenditur.

Vidimus hucusque multiplices pericardii cum finitimis partibus connexiones, nunc productiones ejusdem non minoris momenti, atque utilitatis per omnes praecipuè pulmonum anfractus, superest, ut persequamur.

Non est dubitandum, quin magni pulmonum canales sint numero tres; arteria nimirum pulmonica, vena pulmonica, & aspera arteria. Haec quidem tria vasa à majoribus truncis, magisque conspicuis ramis, usque in minores, ac minimos ad mutuuum contactum semper procedunt; innumerofque fasciculos, visu jucundos, constituunt; quo fit ut singuli canales fociorum lateribus adhaereant, & (quod infra ostendemus) alterno secum invicem motu eleganter nitantur. Mutuum hunc trium vasorum contactum in hujus propositionis limine necessarium duximus indicare, ut deinceps, quae nondum, quantum scio, detecta fuit Anatomicis pericardii propagatio, per singulas pulmonum particulas faciliùs innotesceret. Constat porrò magnorum sedulitate Virorum, Glissonii nempe in hepate, & Malpighii in liene, communem quandam adesse capsulam, quae vasorum omnium iis in visceribus productiones unà simul investit, & claudit. Consimilem verò naturae industriam nobis detegere datum est in pulmonibus, quorum vasa, vasorumque fasciculi singillatim eodem semper obvolvuntur membranoso involucro, quod à propagatione pericardii pulchrè excitatur. Neque sanè abfimili ritu quamquam exteriùs natura procedit in arboribus, quorum truncum circumvestit cortex, qui postea quaqua-versum producit per singulos ramos, ut fasciculos fistularum lignearum, utriculorum, ac trachearum ad usque gemmarum, foliorumque manifestationem protegat, & circumliget. Hanc autem pulmonalium vasorum capsulam ocularis

Mira vasorum pulmonis inter se conjunctio, ac distributio.

Qua ratione vasorum pulmonicorum fasciculi pericardii membrana ubique involvantur.

Modus inspiciendi involucri in praedictorum vasorum pulmonicorum.

initio nobis suggestit inspectio. Scilicet cum multos ante annos accuratiorem pericardii separationem à pulmonum vasis attentè institueremus, occurrit pericardium non ibi delinere, ubi cordis vasis conjungitur, & ubi antea per simplicem colligationem defecisse putaveramus; sed suis pene innumeris propaginibus intrà penitiorem pulmonum substantiam se se proferre; tria continenter vasa, arteriam nempe, venamque pulmonicam, nec non bronchialem ramum colligando, ac intrà se ita coercendo; ea tamen lege, ut quò minora evadunt hujusmodi vasa, eò magis pericardii substantia gracilescat, donec ad reticuli membranosi tenuitatem, unde extrema quoque pulmonum superficies tegitur, redigatur. Ut verò posthac cuivis etiam si leviter Anatomicis exercitationibus subacto vaginalis hæc pericardii productio facillimè occurrat, oportet, ut sector sumat cor cum pericardio, & pulmonibus hominis, qui quàm minimum in praecordiis laboraverit; ac deinde utràque facie, anteriori scilicet, ac posteriori diligenter observet; ac persequatur connexionem, ac propagationem pericardii: etenim antica facie videbit illud duabus majoribus arteriis alligari, & ascendere supra extremum segmentum asperae arteriae, ut tracheales tubos unà etiam investiat: posticà verò intuebitur idem pericardium expandi sub fornice, facta ex divaricatione duarum trachearum, quibus, & summis venis validè adnectitur: Tunc autem lentè, ac sensim cultro abstergat superficiem ipsius pericardii versus pulmones, eandemque absterisionem in orbem producat: hinc sensim cernet vasa omnia pulmonum tam aëris, quam sanguinis; excussa portione vesiculatae substantiae, affabre circumseptae esse pericardio. Et quidem non aegrè in caeteras pergere poterit vaginales productiones, quarum singulae singulorum vasorum fasciculos coercent, donec tenuatas in extremam vesicularum pulmonalium membranam absumi videbit. Nec dubitabit quin rete illud fibrosum vesiculas complectens, quod Malpighius descripsit, proficiscatur ab extrema productione dictarum vaginalium, quae ita invicem laxè cohaerent; ut nota jam interstitia relinquunt.

Con-

Confule tabulas, in quibus vaginales istas pericardii propagationes, quantacunque potuimus diligentia graphicè demonstravimus. Tab. I.
& II.

P R O P O S I T I O VIII.

Demonstratur Pericardium seorsum quoque tegere arteriam magnam, & venam cavam intra thoracem, atque extra pulmones.

Pericardium, quod tam altè fasciculòs vasorum pulmonarium colligat, arteriam quoque magnam, priusquam in arcum flectatur, mirabili fulcimine quaquaversum amplecti incipit, extimamque eidem, suisque ramis extra pulmones per thoracis cavitatem tunicam largitur. In vena autem cava, cum eam partiamur in ascendentem à septo transversò, & descendentem à jugulo, & axillis versùs cor, sedulo advertimus, tenaciorem apud homines, magisque arctam esse connexionem pericardii cum eò caudice, qui à septo ascendit, quam sit illa cohaesio, & colligatio, quae intercedit pericardium inter, & descendentem, seu superiorem caudicem: ea enim connexio est omnino muscularis; haec verò accedit potius ad laxè tendineam texturam. Similiter non admodum valida est, seu minori fibrarum numero complicatur connexio Pericardii cum vena pulmonica. Vide hujusmodi discrimina in Tabula I. & II. quae sanè differentiae qua ratione contingant, sequentibus Propositionibus perscrutabimur.

An verò membrana è Pericardio derivata extra pectoris limites ad sanguiferos tubulos contegendos producatùr, dubius aliquando haesi. Sed postquam variis tentaminibus fines hujus propagationis sedulo persequutus fui, vidi extimam hanc ex Pericardio derivatam magnarum arteriarum, ac venarum membranam, antequam à thorace egrediatur, abire, extendique in pleuram, cumque eà tum superius in jugulo, & axillis, cum anteriùs, posteriùs, & inferiùs cum mediastino, & diaphragmate fieri continentem, meritò suspicatus sum, venas, arteriasque extra thoracem sine Pericardii munimine undequaque per corpus divaricari. Porro huic ex-

*Vena cava
ascendens
validius
pericardio
colligatur,
quàm de-
scendens,
& vena
pulmonica.*

*Tab. I. &
II.*

*Arteriae,
& venae
extra tho-
racem non
amplius
Pericardii
membrana
involvuntur.*

*Vasa sanguinea ex-
timitas tuni-
cas ubique
mutuantur
à ventribus
per quos
feruntur.*

perientiae ratio quoque suffragatur. Etenim cum impetus sanguinis, quò magis à corde recedit, eo minor evadat, resistentia quoque parietum vasorum minor suffectura erat, quò magis partes absunt à corde. Sed quoniam natura in construendis renibus prodiga plus est, quàm avara: hinc certè fit ut sanguinea vasa postquam thoracis cavum superaverint, quamquam deferuntur a pericardio, novas semper, quibus vestiantur, membranas, accipiant ab iis tunicis, quae ventres, quos ipsa percurrunt, investiunt, praesertim in abdomine, ubi à peritonaeo tenuissimum velamen vasa mutantur.

C A P U T I V.

De humani Pericardii actionibus, usibusque.

Cum in superioribus demonstraverimus humani Pericardii structuram, expansiones, connexionesque non parum diversas ab iis, quae in brutis animalibus observantur, nunc operae pretium est earundem rationes atque usus investigare.

P R O P O S I T I O I X.

Fibrae carnae, ac musculares, quibus Pericardium compingitur, majoribusque vasis, mediastino, ac diaphragmati fortiter in homine praesertim alligatur, primo loco fulcimentum, fraenum, ac directionem motui Cordis tunc praecipue impertiuntur, cum idem Cor gravibus, atque improvisis, vel animi, vel corporis motibus agitur.

*Pericardium
vehementibus
cordis motus
temperat.
Vehementia
motus
cordis in
homine ma-
jor quàm in
brutis.*

Exposita hactenus, ut per me licuit, Pericardii structura exigit nunc, ut ejusdem officia, ususque quàm diligentissimè persequar. Primo itaque arbitramur Pericardium in homine fulcimentum, ac fraenum vehementibus cordis motibus injicere. Quod ut perspicuè possit intelligi, notiones quaedam neque ignorandae, neque praetereundae sunt. Et quidem primo tamquam certissimum statui debet, homines prae cunctis animantibus obnoxios esse gravioribus, iisque subitis animi pathematibus, quibus fit, ut cor impetuossimè

mè

mè faliat, pectusque contundat. Unde Olympo apud Plautum (a) prae metu palpitans ait

(a) In *Ca-*
lina Aët. 2.
Scen. 6.
vers. 62.

- - - - - *ubi sim nescio*
Perii; cor - - - - jam dudum salit
Delabor: pectus tundit.

Similiter (ut de morbis taceam) in magnis corporis jactationibus idem cor solito vehementius pulsat. Erat igitur opus (ratiocinando, ut ajunt, à priori) in hominibus potissimum certo aliquo fulcimento, ne idem cor contra costas vehementer impingeret, illasque contunderet, neve ab illis contunderetur. Subinde duas, quae subsequuntur propositiones, & veras esse, & mutuò inferri posse, per Anatomicum convincimur: scilicet *membrum aliquod in animalium machina fibris muscularibus instructum est; Igitur determinato motui inservit; contra verò pars aliqua ab intrinseco principio movetur, ergo muscularibus fibris donatur.* Cùm itaque ostensum sit propositione V. Pericardium fibris carneis insigniri, proclive erit asserere, idem Pericardium aliquo motu agitari, & sive alternè semper, sive per vices, secundum naturae indigentias tendi, atque constringi. Porro in statu etiam naturali non modò ex vivorum sectione oculis cernimus, sed vel attentà admotione manus nostro pectori sentimus, cor proprio, alternoque saltu, non levi sanè vi ascendere, ac rapì antèrius, ac versus laevam sterni partem: quamobrem, nisi cor pericardii marsupio clauderetur, exterius verò musculari, validàque textura donaretur, facili negotio tam tenuissimas pulmonum superficies, quàm durissimas quoque costas laedere, atque ab iisdem vicissim, dum bonà etiam valetudinè fruimur, laedi posset; praesertim cùm substantia cordis sit tota fibrosa, ac muscularis, ita ut per tensionem alternè magnam duritiem adipiscatur, mirabilique percussione energià roboretur, qua de re brevi proximas sibi partes, nisi Pericardium interjaceret, atterere, atque absumere posset: quo magis miror novissimum Scriptorem negare, *Pericardium ad cordis securitatem concessum fuisse,*

Pericardii motus ex ipsius structura arguitur.

Cordis motus vehementis etiam in sanis.

Magnam vicinarum partium laesionem ex cordis ictu Pericardium prohibet.

quo-

quoniam hujusmodi officium à circumjectis thoracis partibus factis praestari valet. At enim verò istiusmodi pericula eo industrius natura in hominibus, interjecto Pericardio, vitare debuerat, quo iidem non tantum propter animi motus momenti, ut ajunt, majoris; verum etiam propter excitantium liquidorum copiam, quae crebro redundant, frequentius quam reliqua animalia palpitationibus corripuntur, in quibus cor supra propriam basim, atque extra consuetos lationis suae limites, quam vehementissimè fertur. Finge quaeso humanum praefertim cor sine ullo Pericardio; scilicet musculus fortissimum in thorace nudum, ac pendulum, alternà semper tensione propriam supra basim violenter saliens; Nonne vides illud in variis, ac magnis, quos homines prae reliquis animalibus edunt corporis motibus, inflexionibusque sine certa situs lege transversum rapi debere, summoque huc illuc impetu contra pulmones, ac pectus impingere? Cogita è contrario idem cor peramplò laxoque clausum, ut verè est, Pericardio superius, antèrius, posterius, atque inferius certis sedibus alligato. Nonnè statim habes, unde tibi placeas, clarè intelligens, cor firmiter, sed citra ullam violentiam circumscripto in loco detineri? Tribuitur igitur cordi à Pericardio magnum primo loco beneficium, ut illud non solum laxè involvat, verum etiam fulciat, tueatur, ac quodammodo ejus in motibus dirigat, & coerceat. Ut igitur ad summam referamus officium Pericardii, quod spectat ad coercendum, tetinendumque cor, ne contra ipsos pulmones, & costas violenter impingat, censemus in vehementibus cordis saltibus, seu palpitationibus musculares Pericardii fibras synchronè tendi, ac vigorari cum ipso corde, atque ita se se constringendo cohibere quoquo modo, ac retinere nimium cordis saltum. Neque verò rarum est in animalibus cavos musculos non semper, sed datis solum temporibus, certisque postulantibus indigentibus se se coarctare, atque constringere. Id passim in vesica urinaria, in utero, atque in ipsis etiam intestinis usu venire solet: hi enim omnes cavi musculi urgente natura vires suas exercent: quamobrem nemo mirari poterit, si, cum

Homines palpitationibus magis obnoxii quam Bruta.

Describuntur violenti cordis motus, ac Pericardii usus ad eos compescendos.

Pericardii fibrae quo tempore cum corde alternè tenduntur, ac relaxantur.

cum nos in Pericardio demonstraverimus fibroso muscularem texturam non ablimilem ei quae in vesica urinaria detegitur, consimilem pariter actionem eidem assignaverimus.

PROPOSITIO X.

Pericardium ibi majoribus arteriis adjungitur, ubi majori directaque sanguinis vi à corde projecti, resistendum erat. Agitur etiam de aliis circa arterias Pericardii usibus.

Cum jam Propositione VI. ostensum à nobis sit Pericardium, ne libero cordis motui obesset, non quidem ejus bali, sed magnis vasis trium circiter servata unciarum à corde distantia, alligatum fuisse: Nunc ratio detegenda est, cur nec longius, nec propius majoribus arteriis idem Pericardium adjunctum fuerit. Profectò cum tota ratio superadditi renixus in partibus nostri corporis petenda sit secundum mechanicae leges ab ipsa ratione superadditi impetus: propterea qui attentè considerabit; sanguinem à cordis ventriculis impulsam, rectà veluti in obvium, primumque projectionis scopum collimare, atque impingere in ea praecipuè segmenta majorum arteriarum, quae utrobique à Pericardio incipiunt circumvestiri, certè non poterit dubitari, quin additamentum novae hujus pericardii resistentiae, ideo à natura iis locis positum fuerit, qui major futurus erat impetus projecti sanguinis in illa, quàm in priora, seu cordi proximiora, majorum arteriarum segmenta. Constat verò ex Anatome, sanguinem à cordis ventriculis extrusum, etiamsi statim quaquaversum nitatur, violentius tamen impingere, ac veluti arietare in locum cui primum utrique arteriae Pericardium advolvitur. Nam satis est considerare in situ arteriam aortam, ut pateat Pericardium ibi loci cum eadem adnecti, ubi ipsa flecti, curvarique incipit, ac penè semicirculum supra cor, & pulmones, constituit. In hunc verò locum nemo non videt, nisi, ictumque projecti à corde cruoris rectà collimare.

Demonstratur cur Pericardium, nec propius, nec longius à corde majoribus arteriis alligetur.

Idem ostenditur ex Anatome.

Similiter in arteria pulmonica locus adhaesionis Pericardii ille est, in quem rectae lineae impetus sanguinis à dextro cordis ventriculo propulsi majorem partem incidunt; ut mox

Cur aneurysmata frequentiora in principio connexionis pericardii cum aorta.

per pulmones decursurae flectantur. Natura igitur novum arteriis addidit Pericardii renixum iis in segmentis, in quibus major futurus erat gradus impetus projecti sanguinis, ac dissectionis periculum imminebat. Hoc verò clarius confirmatur in aorta ab Aneurysmatibus, quae frequentius, quàm usquam accidunt eo in segmento, quod Pericardii munimine incipit roborari. Nimirum quia, ut docebimus ubi de Aneurysmatibus, vis cordis, seu impulsus sanguinis, eò loci major aliquando per morbum exercetur, quàm ipsa naturae consilio superadditâ resistantiâ satis obniti possit. Cum autem tendinosarum munus membranarum sit, ut eadem alternis licet blandis constrictionibus, seu crispaturis corripiantur, atque ita in centro suarum directionum opportunè nitantur, facile erit concipere, arterias à tendineo Pericardii munimento contactum iri, ut per illius quoque vicissim constrictiones multò validior evadat naturalis alterna vis se se constringendi in tota serie arteriarum, intra thoracem praesertim contentarum, quae idcirco sanguini extrorsum nitenti validius resistere, illumque cordi subservientes, quaquaversum urgere possunt.

Accedit quòd vascula, quae per majores arterias perrepant, cum sub tunica, à Pericardio mutuata posita sint, indigent eâ pressione, quae proficiscitur ab eodem, quaeque ad promptum contentorum liquidorum excursum in tantis tubulorum angustiis maximè potest conducere.

PROPOSITIO XI.

Inquiritur in causas cur Pericardium in brutis animalibus à diaphragmatis connexionione sit liberum; in hominibus contra cum eodem valide complicetur.

Tametsi Anatomicam Historiam adhaesionis diaphragmatis cum Pericardio dederimus Prop. VI. illud tamen hoc loco rursus admonuisse inter necessaria ducimus, contextum nimirum hunc Pericardii cum diaphragmate apud solos homines inveniri. Hoc autem meo quidem iudicio ortum non habet, ut nonnulli sunt arbitrati, ab incurvo dumtax-

Rejicitur opinio, quae peri-

tax-

taxat, ac penè convoluto situ humani foetus intra uterum: quamobrem propter angustiam thoracis (qui caeteroquin brevior hominibus, quàm quadrupedibus datus est) diaphragma multos menses Pericardium tangens eidem necessario debeat agglutinari: id quod in brutorum Animalium foetibus, quippe qui longiori pectore donantur, ob contrariam rationem minimè accidit. Etenim praeterquam quod intrà uterum hepar, ventriculus, colon, pancreas, reliquaque viscera in perpetuo contactu, & quiete versantur, & tamen nullo modo invicem adhaerent; si Pericardium idcirco diaphragmati connecteretur, quia utraque haec pars intrà uterum se contingit, certè quidem adhaesio esset de genere simplicis contactus, quemadmodum illa est, quae in oculis scleroticam inter & uveam intercedit, non verò occurreret cum validò, mutuoque fibrarum contextu, quaeque propterea nunquam solis digitis, sed vix cultro adhibito tolli potest.

Accedit, quòd si hujusmodi implicationem diligenter rimemur, inueniemus Pericardium, ut alias monuimus, non tam diaphragmatis centro adhaerere, quàm arcte conjungi cum dextera ejusdem parte; scilicet eo in situ, ubi cava inferior ascendit, septumque transversum perforat. Unde suspicari licet, horum trium organorum, cavae nimirum, diaphragmatis, & Pericardii complexione, non casu, sed summo consilio à natura fuisse institutam. At verò excusso verborum cortice, nucleum veritatis pro virili parte attingamus. Nemo qui vel de limine anatomen ovi, contentique pulli salutarit, duo prae caeteris potest ignorare: alterum quòd tenellae animalium partes, licet per incrementum disjungendae sint; in cicatricula tamen supra se ipsas concidant, mutuoque semper tangantur; alterum verò quòd Pericardium, & cor aliquot dies praecedunt manifestationem thoracis, qui subindè sensim cum appensis vasis ad rationem particularis structurae, atque indigentiae uniuscujusque animalis magis vel minus extenditur, explicatur, ac solidescit.

Causa igitur, cur in jam natis quadrupedibus Pericardium à diaphragmate disjungitur, non ea est, quòd partes

cardii cum diaphragmate connexionem repetit ex situ foetus.

Eorundem ratio refertur exemplo alliarum partium.

Pericardii adhaesio diaphragmati in parte praesertim dextera demonstratur.

Propterea casui non est tribuenda.

Aliud argumentum ex pulli in ovo generatione, & incremento ductum.

istae ad mutuuum contactum pertingere, invicemque se osculari non potuerint, cum in embryone diu se se contigerint; verum ea maximè esse videtur, thoracis incremento, per quam in quadrupedibus diaphragma sensim à Pericardii contactu vindicatur; ita ut illam intercapedinem, quam nos in adultis, natisque foetibus Pericardium inter, & diaphragma intuemur, ei principio cogamur adscribere, quod facit ut partes singulari structurae lege in singulis animalibus adolescant, atque ubi verae connexionis, & complicationis sunt expertes, ab invicem facillimè sejungantur. E contrario humanis in praecordiis idcirco Pericardium septo transverso conjunctum, validèque implicitum continenter deprehenditur, quia à prima intrà uterum minimarum partium conformatione, jam Pericardii fibrae cum diaphragmatis lacertis implicabantur, indeque ob mechanicam necessitatem, adolescente quamquam modicè in hominibus thorace, complicatio, colligatio ejusmodi divelli, ac disjungi non poterit, cujus porro structurae finalis causa non exigui certè momenti sit oportet, quam nos quaeremus in sequentibus.

Connexio pericardii cum diaphragmate in homine ex prima structura repetitur, ac illius necessitate.

PROPOSITIO XII.

Expenduntur usus praedictae connexionis Diaphragmatis cum Pericardio huc usque à Scriptoribus assignati.

Triplex opinio de usu praedictae connexionis. Prima. Secunda.

Tres hac de re perhibentur opiniones. Prima tradit hujusmodi connexionem non esse ex instituto naturae ad usum aliquem destinatum, sed casu quodam in foetus formatione contingere.

Habet altera ipsum diaphragma pericardii ligamento, fulcimentoque sustentari, ne scilicet propter pondus naturalium viscerum ab eodem dependentium, magna illius distractio apud homines rectè incedentes sequeretur.

Tertia.

Postrema vult per connexionem istam juvari sanguinis è diverticulis cordis progressum, quatenus Pericardium à diaphragmate sub inspiratione expanso, aliquantulum concutitur, indèque basim, & latera cordis superiora pressius attingens, fibrarum ejus nisum promovet.

Rejicitur prima opinio.

Quod spectat ad primam opinionem, mihi, sive id rectè

ju

judico, sive immodico amore naturae laboro, nihil frustra, & oscitanter in animalium corporibus factum fuisse arbitror. Credant aliter, qui naturam non ex necessitate, & cum ratione, sed fortuito, vel ut interdum otiosi homines faciunt, perfusum operari existimant. Ad alteram sententiam quod attinet, non omnino rejiciendam esse censeo, cum eadem ratio, quae movet Anatomicos ad deducendum momentum aliquod utilitatis ex connexionione diaphragmatis cum mediastino, vigeat multò major ad eundem suadendum colligationis usum Pericardii cum diaphragmate in homine, in quo propter erectam figuram, incessumque, aliquanto difficilior diaphragmatis ascensus esse videtur, praesertim ubi aliqua inferior peritonaei discissio necessarium imi ventris renixum, musculorumque ad superiora nisum debilitaverit. Naturae enim providentia in iis duobus maximè est occupata, primùm, ut naturales actiones, quo ad fieri potest, optimè gerantur: deinde ut prospiciatur avertendo praeternaturali, seu morbosò statui, vel cum is prohiberi nequit, saltem ut animalia minùs indè laedantur. Postremò qui scripsit, sanguinis motum juvari per ipsius Pericardii concussionem, visus est, haud intellexisse modum, ac tempus, quibus sanguis in arterias extruditur; etenim respirationis tempora non sunt cum cordis ictibus synchroa, neque summus impetus, quo cor sanguinem à suis ventriculis expellit, vel minimum juvari potest à levi, externoque contactu, & nisu, qui à Pericardii concussionem, tametsi eadem vera esset, proficisceretur.

*Non impro-
batur se-
cunda op-
inio de usu
hujusmodi
connexio-
nis.*

*Consultatus
tertia opi-
nio.*

PROPOSITIO XIII.

Connexio Pericardii cum cava inferiori, & diaphragmate id praecipuè in hominibus praestat, ut retardatus sanguinis ascensus quoquo modo versus dexteram auriculam acceleretur. Ad risum quoque promovendum aliquid confert.

In primis meminisse necesse est solum hominem inter animalia, quantum scimus, ad perpendicularum stare, atque incedere. Nemo tamen ignorat propter perpendicularem

*Sanguinis
ascensus per
cavam in-
feriorem
difficilior
in homini-
bus, quàm
in quadru-
pedibus.*

hunc situm longè difficiliorem fieri reditum sanguinis, ex infernis partibus ad cor, quàm ex supernis: secus atque accidit in quadrupedibus, in quibus cum & stare, & ambulare ad horizontem soleant, sanguis faciliùs ex imi ventris visceribus ad cor per cavam solet recurrere. Natura igitur apud homines dumtaxat instrumentum parare debuerat in præcordiis, quo sanguinem ex infernis partibus minori velocitatis gradu redeuntem; novâ, majorique circumpulsione, ad motis veluti calcaribus ad dexteræ auriculæ metam urgeret. Scilicet, ut æqualitas quaedam fervaretur inter molem sanguinis infernè, atque molem sanguinis supernè, itinera cordis remensurus.

*Demonstra-
tur sangui-
nis ascen-
sum per ca-
vam promo-
veri ab apta
connexione
cardii
cum dia-
phragmate.*

Quamquam nos minimè latet instrumentum hoc, quod instar antliæ, simulque & follis operetur, magnam partem in toto musculari venæ cavæ segmento, totâque respirationis machinâ constitutum à natura fuisse, ut suo loco demonstrabimus; nihilo tamen minùs putamus, illud aliqua saltem ex parte in triplici, validâque connexionè diaphragmatis, Pericardii, & cavæ ingeniosam naturam posuisse, cum diligenter observaverimus, colligationem istam prope septum transversum valentiorè esse, quàm alibi; eo siquidem in loco, novis accedentibus nervis, textura tum Pericardii, tum & cavæ ad circumpellendum versùs cor sanguinem robustior apparet.

Et quidem minimè novum est naturam hîc illic additamento fibrarum, & membranarum ita roborare, ut per superadditam circumpulsionem languido, tardoque sanguini novus motus communicetur. Exemplum sanè perspicuum habemus in vena porta, quæ cum fluidum in motu per tot venarum myriades aliquantò jam debilitatum intra jecur debeat regere, nerveâ recens circumducitur membranâ, atque arteriæ conjungitur, per quam ad hepatis ostium pulsat, sanguinemque majori, quàm quo accepit velocitatis momento intrâ jecur impellit.

*Ostenditur
exemplo
aliorum va-
sorum, &
præcipuè
venæ por-
tæ.*

*Demonstra-
tur adaucta
sanguinis
retardatio
in cava in-*

Sed maximam vigere necessitatem super addendæ motus energiae in cava inferiori per connexionem Pericardii cum diaphragmate, is faciliè judicabit, qui animadverterit sanguinem per infernam cavam ad cor refluxuram, non tan-

tantum magnam jacturam fecisse illius impetus, quem antea à præcordiis, aliisque muscularibus partibus acceperat; sed in reditu versus dexteram cordis auriculam solito majora impedimenta offendere; etenim hujusmodi sanguis superare debet non renixum dumtaxat, provenientem à pondere antecedentium sibi proximè sectionum sanguinis, quas in eadem inferiori cava prope cor elevare, atque extrudere debet, sed illum potissimum contranixum, qui in utriusque cavæ concursu juxta auriculam eidem objicitur, qui à sanguine proficiscitur ex superna cava ad perpendicularum delabente: is enim majori velocitatis gradu in ipso descensu pollens ascendentem per inferiorem cavam sanguinem arcet, ac repellit.

Neque sanè ipsa Natura parvi fecisse videtur vincendum postremum hunc descendentis sanguinis renixum, cum, demonstrante primùm Bartholomæo Eustachio, (a) falcatam quandam membranam instar valvulae in cava inferiori, ubi primùm hæc in dexteram auriculam degenerat, apud homines ea lege collocaverit, ut sanguinem tum per superiorem cavam delapsum, tum ab auriculæ constrictione repercussum interciperet, atque à descensu in inferiorem cavam prohiberet. Verùm de hac valvula clariùs, quo loco structuram cordis exponemus. Satis nunc erit ostendisse, naturam maximè sollicitam esse de construendis machinis, quibus impediatur, ne animalium corpora ex motibus tum solidorum, tum liquidorum in discrimen adducantur.

Postremò si quis velit, connexionem hanc Pericardii cum cava, & diaphragmate in homine aliquid ad risum quoque excitandum conducere, nos haud obnitimur; quippe qui probè sciamus, septum transversum, venamque cavam dum ridemus, rapidiori sursum motu retrahi, & quasi convelli, ad quem certè ascensum non levem operam conferre potest. exposita pericardii connexio, quæ dum blando spasmo inter gaudia corripitur, necessariò ipsum diaphragma, pellentibus etiam abdominis muscibus sursum ducere valet. Atque ita non injurià dici potest ad risum, quæ affectio est homini propria, hunc quoque cavæ Pericardii, ac diaphragmatis nexum concurrere.

*feriori ob
duplicem
rationem.*

*Confirmatur ex usu
valvulae
falcatae
Eustachianae. (a)
Tab. Anat.
Tab. VIII.
Fig. VI.*

*Non impro-
batur, con-
nexionem
pericardii
cum dia-
phragmate
ad risum
adjuvan-
dum.*

PRO-

DE MOTU CORDIS,
PROPOSITIO XIV.

Pericardium cum superiori cava, atque etiam cum vena pulmonica, ideo minori fibrarum numero, quàm cum cava inferiori connectitur; quod illae sua quaeque fluida, majori velocitatis momento jam insignita, quàm inferior cava, contineant.

Cur vena cava superior, ac pulmonica debilius cum pericardio ligetur.

Cum in praecedenti probaverimus validiorem connexionem Pericardii cum inferiori cava institutam fuisse ad circumpellendum majori vi contentum sanguinem, qui apud homines ab infernis partibus leniori fluxu ad praecordia recurrat; certè contraria nunc ratione asserendum venit, ideo Pericardium minori fibrarum nexu superiorem cavam, venamque pulmonicam complecti, quia venae istae continent sanguinem majori velocitatis momento insignitum; proindeque minori egent vi superadditae circumpulsionis; quàm si natura iisdem venis fortè fortunà adjunxisset aequabilem motum totius sanguinis ad praecordia recurrentis facilè interturbasset.

Demonstratur major celeritas sanguinis in descensu per venas, quàm in ascensu. Idem ostenditur de vena pulmonica.

Porro de majori velocitate delabentis sanguinis per superiorem cavam nullus, puto, haesitabit, qui advertat, cruorem in homine de capite, & axillis, ut aliàs monuimus à propria gravitate ad descensum juvari; contrà verò idem pondus in sanguine à cruribus, & abdomine in cor ascendente moras injicere. Neque certè aliter de sanguine venae pulmonicae sentiendum videtur. Nam cum is à dextero cordis ventriculo in arteriam pulmonicam, arterià magnà longe breviorē extrudatur, velociùs subinde per pulmonicam venam, accedente quoque respirationis nixu, decurrit, quàm sanguis per inferiorem cavam flueret, nisi tantarum adminiculo fibrarum, & succurrente Pericardii textura, ad quandam aequalitatem motus redigeretur.

PROPOSITIO XV.

Pericardium involvit singulos fasciculos vasorum pulmonalium, tum ut succurrat pulmonum gracilitati, tum ut vasa faciliùs, validiùsque simul invicem nitantur.

Quo-

Quoniam Propositione VII. demonstratum est, tria pulmonum vasa in fasciculos sociata, intra Pericardii vaginulas ad usque pulmonum extremas vesiculas, superficiemque elongari: nunc in vaginularum officium inquisitionis nobis statim occurrit nativa pulmonum substantia, nullis firmata ossibus, nulloque denso ac valido integumento munita, sed laxa, & mollis, quam tot vasa perreptantia minimo negotio propter suos distractivos motus hîc illic laxare, atque in dissolutionis periculum possent adducere; nisi ipsi vasorum fasciculi, vaginali hoc munimine clausi variè inter se complicarentur: hac siquidem ratione validius pulmonem renixus, quem per se non haberet, fatis conciliatur.

Deinde alter succurrit usus, qui continentes tubulos, contentaque fluida respicit; Etenim vasa haec, nisi vagina Pericardii ad mutuos contactus in fasciculos firmentur, facilè inter ipsas expirationis praesertim vires à se invicem per aliquod loci, temporisque intervallum sejungi possent. Cum enim pulmones alternè deprimantur, seu supra se ipsos concidant, & plicas admittant; alternè verò explicentur, seu extendantur; proculdubio arteriae à venis, & bronchia ab utrisque in tam varia angulorum permutatione saepè, & multifariam à mutuo contactu recederent. Cui sanè discrimini natura opportunè consultum voluit, per hujusmodi vaginulas, perque multiplices complicationes, atque intertextus eorundem fasciculorum, in quibus vasa colligata mutuò ad naturalis oeconomiae leges, eleganter nituntur. Et quidem postremus hic usus, meo quidem iudicio, tantae est utilitatis, ut minimè praetereundus videatur. Scilicet clauduntur lingillatim tria vasa pulmonum in unaquaque Pericardii vaginula, ut ex mutua omnium adhaesione validior evadat alternus arteriarum, & trachearum nifus in venas; quamobrem contentus sanguis non solum à motu respirationis valentiùs à laterali arteriarum, & bronchiorum nifu premitur, atque urgetur; verùm etiam exactissimè permiscetur cum iis atmosphaerae particulis, quae noviter tum ex alimentis, tum ex aëre derivantur.

Pulmonicae substantiae laxitas, ac mollities adjuvatur à membrana pericardii vasa involvente.

Usus membranae pericardii, vasa pulmonica involventis ad contentorum fluidorum perfectionem.

Adaugetur autem hujusmodi actio ex constitutione orga-

*Idem usus
validior ex
eiusdem
membranae
venis.*

nica ipsius Pericardii, quod, cum sit naturae tendineo-muscularis, productiones ejusdem, per pulmones divaricatae, eandem naturam necessario derivare debent. Unde vagina ista membranacea ubique locorum peristalticè roborata, perstringet contenta vasa, in eaque nitetur: quorum arteria, & bronchialis ramus trusionis vim contra minus resistentem venam tanto validius excercent, quanto vena, per singulare hoc marsupium, proximae arteriae, & tracheali ramo strictius admota, duplicem vim, unam anteriùs ab arteria, alteram superiùs à bronchio sufferre cogitur.

C A P U T V.

De origine, influxu, atque effluxu aquae contentae in Pericardio.

*Auctorum
dissentio de
origine a-
quae peri-
cardii.*

*Aqua peri-
cardii qua-
lis.*

Cum adeò inter se discrepantes invenerim Scriptores circa fontem, ex quo manat humor ille, qui intra Pericardium excipitur, & continetur, pro virili connisus sum non aliorum dumtaxat opiniones expendere, sed per autopsiam in rem ipsam inquirere, & recentibus à me tentatis experimentis confirmatam exponere: Primò tamen illud compertissimum statuo, humorem hunc lymphaticae, seu ichorosae planè indolis intra sanorum hominum Pericardia semper inveniri, colore plerumque limpidum, sapore ferè insipidum, moleque paucum, qui prunis admotus majorem partem in gelatinam cogitur, quamquam per morbos tum fluiditate, ac mole, tum colore, saporeque à naturali statu facillimè deflectit.

P R O P O S I T I O XVI.

Variae Auctorum sententiae de scaturiginè liquoris in Pericardium ad examen revocantur.

*Veterum o-
piniones de
origine hu-
moris peri-
cardii.*

Immensum planè, ac fortè inutilem laborem susciperet, qui omnes, ac singulas opiniones, quas Anatomici de hujus liquoris fonte in medium attulerunt, describere niteretur. Quot enim Scriptorum sunt capita, tot ferè perhibentur sententiae: sed quoniam Priscorum placita à divinatione potius, quam

quàm ab ulla in cadaveribus observatione ortum habuerunt; idcirco satis nobis erit, si eadem sciendi cupidos ad Andream Laurentium, (a) & Johannem Riolanum, (b) quippe qui universam Antiquitatis eruditionem affabre perstrinxerunt, in re caeteroqui non necessaria, ablegaverimus.

Inter Recentiores autem tamen de perpetua praesentia moderatae molis hujus liquidi, in sanis hominibus nullus dubitet, pauci tamen de illius origine cum aliis concordant. Ne tamen ab opinionum multitudine studiosis juvenibus confusio suboriatur, omnes quotquot haecenus prodierunt, ad tres classes tuto referri posse censemus.

Prima est illorum Anatomicorum, qui cum celeberrimo Bartholino (c) humorem hunc deducunt ex vaporibus transmissis per cordis, & vasorum, quae Pericardio includuntur, poros, atque ad ejus densam membranam condensatis, à qua porrò sententia parùm distare videtur ea quam novissimè prodidit doctissimus Thebesius (d) & amicissimus Heisterus (e) qui ex laxis membranis auricularum cordis guttulas ejusdem liquoris in Pericardium ferri credunt.

Verum, quemadmodum soli vapores, qui tenuissimi sunt, & per aestatem insensibiliter perspirant, leniendis fibris cordis, & conservandae justae moli hujus sensibilis humoris, satis esse non possunt, sic pororum hiatus in membranis auricularum praeternaturalis potius est, quantum ipse arbitror, quam naturalis. Nam laudatus Thebesius ad asserendum fontem hujus lymphae esse poros auricularum, eo potissimum argumento adducitur, quòd *quaedam animalia, sive viva, sive post mortem incisa, nunquam alio, nisi rubro pericardii liquore instructa viderit*; nos verò, qui è contrario quàm rarissimè, ac nonnisi in denatis ex mala praecordiorum valetudine humorem illum cruentum, sed plerumque limpidum deprehendimus, morbosum illum naturalem hunc reputamus, ac proinde non tam facilè ejus opinioni assentiri possumus, praesertim cum in sanis corporibus admodum expeditam fieri sanguinis per vasa, & cavitates cordis elutriationem perspicuis rationibus demonstratur: ita ut sanguinis serum per tunicarum poros transferri agi, ac destillare nequeat, nisi cum

(a) Hist. Anat. Lib.

9. qu. 5.

(b) An- thro- pogr. lib.

3. cap. 7.

Triplex re- centiorum sententia de eadem re.

(c) Anat.

Lib. 2. cap.

5.

Rejicitur Thebesii opinio.

(d) *In dis-*

sert. de

circ. sang.

in corde

circa fi-

nem.

(e) *In*

compen. A-

natom.

103.

Ostenditur

pericardii

humorem

cruentum

esse morbo-

sium.

inducta per morbum in praecordiis ejusdem sanguinis mora, distrahuntur membranae utriusque caudicis magnarum venarum, & auricularum, quamobrem exesis ab ichore falso-acri earundem poris cruentum serum in Pericardii capacitatem effluat. Sed quid suspicamur obscura, ubi palam à nobis in frequentibus ostendendae sunt glandulae secernentes, & canaliculi liquorem hunc intrà Pericardium inferentes?

Altera
Malpighii,
& Peyerii.
(f) In
schol. ad
cap. 6.
Hist. A-
nat. Med.
(g) In E-
pist. de
Gland. con-
globat.

Secunda classis est Illustrium Virorum, qui cum Peyerio *(f)*, & Malpighio *(g)* opinati sunt ejusmodi lympham exfudare à quibusdam foraminibus intrà tunicam pericardii dehiscentibus; quae quidem vel solo digito in recens mortuis compressa claram aquam minutis guttulis eructant. Putavit verò Magnus Malpighius hujusmodi foramina adhaerere glandulosi folliculis, ac eorundem esse vascula excretoria. Sed, quemadmodum multa laude digni sunt Viri optimi, quòd meatus, qui revera adsunt, detexerint, ita iis dumtaxat non est acquiescendum; cum aliunde petenda sit scaturigo illius ichoris, qui à minutis iis immissariis in Pericardium effunditur.

Postrema
in varias
dividitur.
Harum
prima Lo-
werii.
(h) In
Tract. de
corde.
(i) Anat.
resor. cap.
2.

Postrema est multorum, qui cum celeberrimo Lowerio *(b)* existimant Pericardii humorem à peculiaribus glandulis secerni, propriisque ductibus in hanc cordis capsulam inferri. Variant tamen inter se iidem Scriptores, tum in decernendis qualitate, situque glandularum, tum in astruendis earum ductibus; nam Lowerius, cujus verba Blancardus *(i)* exscripsit, glandulas juxta cordis basim ac propterea intrà potius, quàm extra Pericardium locavisse videtur: basis enim cordis ab ipso pericardio ita laxè circumambitur, ut non eidem, sed magnis vasis alligetur. Ad basim verò cordis, & prope illam non alius generis locantur glandulae, quàm folliculi adiposi, qui non lympham, sed oleosam substantiam colligunt, & emittunt.

(k) Ver-
beyeni in
supplemen-
Anat.
tract. 2.
cap. 23.
(l) Tract.
3, cap. 6.

Verheyenus *(k)* deinde cum nonnullis Anatomicorum à glandula Thymo, quae ut scitur è jugulo dependet, humorem hunc per proprios exiguos ductus excretorios in capacitatem Pericardii deferri existimat. Sed dum haec scribit in supplementis, ad Anatomem *(l)* simul fatetur, se nul-

lum vas, quod à Thymi glandulis ducat humorem ad Pericardium, reperire potuisse, ac propterea conatum esse suum ea de re suspendere iudicium. Mihi interim summopere gratulor, quod Clarissimus, & Amicissimus Morgagnius ea in humani foetus Thymo, ad exclusionem feri illinc intrà Pericardium derivandi, animadverterit, quae nos (qui olim in Nosocomio S. Spiritus Assidentis Medici munere functi sumus) pluries in abortivis, recensque natis vidimus, nempe Thymum (praeterquam quod albo colore tingitur; glandulae verò fecernentes lympham pro leniendis externa cordis, ac interna Pericardii superficiebus, sunt potius ad plumbeum, cinereum, & subrufum, ut dicemus, tendentes) albicante quodam humore satius lacteae, quàm illius naturae, cuius apparet, qui intrà Pericardium invenitur, imbutum refertumque.

Thymi succus differens admodum colore ab aqua pericardii.
(m) Charletonis, & Stenonis. In Oecon. Animal. excercit. IX.

Caeterum Guilelmus Charleton (m) meminuit serosorum Pericardii ductuum, sed nihil de illorum origine, ac modo insertionis adjunxit. Steno pariter ex lymphaticis Pericardii aquam illam deducit, sed, praeterquam quòd lymphae ductus regerunt, non ingerunt, valvulisque instructi sunt, veram scaturiginem tacet. Ut proinde nullum planè habeamus Auctorem, qui perfectam, absolutamque historiam hujus fontis, ejusque aquaeductuum nobis exhibeat. Hoc fanè ipse pro virili parte praestare conabor in subsequentiis.

PROPOSITIO XVII.

Quibus ad inventionem verae scaturiginis liquoris Pericardii adducti sumus.

Duo prae caeteris mihi facem praetulerunt ad obscuram, veramque hujus liquoris originem detegendam, universalis videlicet mechanica ratio, Analogiae conjuncta, & diligens praecordiorum sectio.

Primo autem loco nullus est, qui possit inficiari, pleraque in Re Medica per analogiam inventa esse; ac propterea merito filios Artis ab Hippocrate (a) admonitos fuisse, ut ex manifestis ad obscura consideranda procedant, potissimum vero ab Artificialibus ad naturalia; natura enim docuit homines sua

Analogia ab artibus ad Medicinam.
(a) Lib. 1. de Diaeta n. 13.

ipforum imitari, ut cognoscant quae faciunt, sed non cognoscant, quae imitantur.

*Auctoris
conjectura
de origine
aquae peri-
cardii ab
artibus pe-
tita-*

*Eadem à
partibus
corporis
motu actis
desumitur.*

*Lowerius
laudatur.*

*Glandulae
pericardii
eiusdem li-
quorem se-
cernentes
ab Au-
tore dete-
ctae.*

Cum itaque mihi proposuiffem veros rimandos fontes, unde in Pericardium lymphæ dimanat, mente primùm revolvi tum artium, tum naturæ opificia, in quibus solida corpora magno identidem motu agitantur, & cum periculo celeris dissolutionis invicem atteruntur, cumque animadvertiffem tam ubi ferrâ secantur lapides, aut gladii filiceâ rotâ acuuntur, quàm ubi in hydraulicis machinis, vel frumenta per molam atteruntur, vel metalla, aut linea scruta per malleos tunduntur, necessariam curam adhiberi, ut ne organa ipsa per motum atterantur, externo continenter aquarum fillicidio madescant. Similiter cum in naturalibus, hoc est in animalium corporibus spectaverim membra illa, quæ ad frequentem motum sunt comparata, linguam nempe, fauces, oculos, articulos, aliaque plus minus perenni humore, ex proximis, externisque glandulis, habitâ ad partes, quæ moveri debent, ratione, per proprios ductus influente mollescere, pronum mihi fuit conjicere id ipsum, majori etiam urgente necessitate, accidere debere in leniendis, humectandisque cordis, ejusque capsulae superficiebus, quippe quæ non aliquando, nec sæpe tantùm, veluti memorata membra, sed semper ac nolentibus quamvis nobis, diu noctuque in motum agantur: subdubitavi, propterea an ejusmodi fontes extra Pericardium investigandi essent. Quæ sanè in re Clarissimo Lowerio non modica laus tribui debet, quòd perfimili ratiocinatione usus sit in perquirenda ejusdem origine: quamquam rem ipsam de integro assequutus minimè fuit, quòd glandulas posuerit juxta cordis basim, ac non extra, sed intrâ ejus capsulam. Nam illæ quidem non sunt lymphaticæ, sed potius adiposæ.

Quòd autem principio per solam analogiam, ac mechanicas rationes, suspitione quadam de fontibus lymphæ Pericardii animo conceperam, id sæpe, sedulòque quaesivi, tandemque detexi in cadaveribus tum eorum qui ex vulnere, aliave externa causâ sani alioquin decesserunt, tum aliorum, quos lenta pectoris, pulmonis, aut cordis, affectio per-

perdidit: in iis enim omnibus multas glandulas supra Pericardium, & juxta asperam potissimum arteriam tam anticâ, quam posticâ facie deprehendi, quarum maxima pars ad fecerendam, & per proprios ductus immittendam lympham in Pericardium comparata fuit. Interim verò futurum confido, ut Medicinae Tyrones agnoscant, atque identidem revocent in memoriam, permagni interesse ad naturae operam (cum spe inveniendi) nunquam accedere, quin prius leges, ac principia, quibus tum natura, tum ars operatur, apud animum suum consuluerint: unum enim, idemque Divinum exemplar tum natura, & ars propriis in actionibus, tum Philosophus in rectis cogitationibus semper imitatur.

PROPOSITIO XVIII.

Ostenditur in genere varius situs, ac natura glandularum, quae extra Pericardium positae tum oesophago, & bronchiis, tum Pericardio inseriunt: obiter nonnulla etiam de Thymo.

Non me latet, Jacobum Vercellonum (a) doctissimum Anatomicum, XVI circiter glandulas descripsisse, quas ad oesophagum spectare arbitratur, quarum duas positas ait ad primam divisionem asperae arteriae, & sex tracheales, quas nos quoque vidimus, quae sanè non tantum ad oesophagum (ut Auctor hic putavit) liquidum eructant, verum intrâ asperae etiam arteriae ramos, eorumque vaginulas; leniendi nimirum gratiâ internam quoque earundem superficiem, quae vel à praeterfluente jugiter aëre caeteroquin arefceret: Et quidem, quoniam ab uno, eodemque glandularum fonte liquor fluit, tam in asperas arterias, quam in oesophagum, inde oritur, ut, cum ejusmodi ichor acredinem contrahit, utrobique, tum scilicet in bronchiis, tum in oesophago fibras pungat, vellicet, excitetque propterea tussim cum vomitu, quae affectio ab aliquibus tussis convulsiva (praesertim in pueris) appellatur, cujus plerumque curatio in tantum blandis emeticis, ac dejectoriis absolvitur, in quantum morbidus humor ab earum glandularum folliculis, emunctus per tutiores, latioresque oris, vel ani vias

Glandulae à Clariss. Vercellono descriptae liquor excernentes in oesophagum. (a) Vid. Theat. Anat. Mangeti T. 2. p. 182. Auctor observavit non modo ad oesophagum, sed ad tracheam humorem immittere. Tussis convulsiva unde, & cur per vomitum curat

de-

tur.
Vercelloni
glandulae
diversae
sunt ab il-
lis, quae
pericardii
liquorem
fundunt.

Describi-
tur situs
glandula-
rum peri-
cardii.

Glandulae
pericardii
adiposae.

Earum u-
sus.

Glandulae
pericardii à
glandulis
Thymi di-
stinguun-
tur.

derivatur, ac pellitur. At enim verò glandulae, de quibus hîc sumus acturi à Clarissimo Vercellono partim praetermissae, partim non satis animadversae videntur, nobisque propterea vacuus, ac pene integer locus relictus est: nam quemadmodum nonnullae glandulae, quae ab ipso describuntur, oesophago, ac tracheis ancillantur, ita nostrae Pericardio potissimum, ejusque vaginulis subserviunt. Harum autem glandularum, quae ad Pericardium pertinent nonnullae sedem habent in facie illius anteriori, ibique adiposâ quâdam membranâ obvolutae sub mediastino cernuntur: pleraeque verò, quae & ipsae cum adipe implicantur, positae sunt in superiori Pericardii parte, ubi cum duabus tunicis tam majorum arteriarum, quàm bronchiorum adnectuntur: A-liae demum locantur in parte interiori divisionis bronchiorum, ita ut posticâ Pericardii in facie evidentius spectentur; quas quidem omnes adenas, quantâ maximâ diligentia potuimus, (ab adipis ipsius, & communis cujusdam membranae involucro detectas) in appositis Tabulis delineandas curavimus.

Antequam verò ad penitiorum ejusmodi glandularum structuram rimandam descendamus, operae pretium ducimus indicare, aliquot ex iis naturae esse prorsus adiposae, ac sebaceae, quas factas existimandum est ad secretionem adipis, crassique olei: Quamobrem non rarò in cadaveribus spectamus illas in quaedam veluti parva steatomata per morbum conversas: at quoniam adiposâs glandulas comparatas putamus ad leniendam externam tantummodo Pericardii superficiem, quae cum mediastino, musculo triangulari, pulmonibus, ac diaphragmate in perpetuo motu versatur; idcirco satis nobis erit easdem obiter indicasse, utpote quae ad contentum intrâ Pericardium humorem, de quo nunc est sermo, nihil planè conducunt.

Praeterea de externis Pericardii glandulis illud etiam in genere animadvertendum reputamus, eas scilicet distinctas omnino esse à Thymo, ita ut quemadmodum Thymus in in adultis constructus fuisse videtur ad laxandam externam, internamque superficiem ipsius tracheae; ita inferiores hae glandulae ad Pericardium interiùs molliendum constructae sunt,

sunt, ut fufius clariùsque infra demonstrabimus. Neque verò est cur aliquis miretur, Thymum in foetu, ac lactentibus majori semper mole, quàm in adultis perspici. Cùm enim aspera arteria, & bronchia in foetu nulla prorsus respiratio-
ne, in lactentibus autem nullo ferè loquelae usu exagitentur, humectatione non egent; praesertim cùm apud infantes jugis lactis descensus lenientis liquidi munus praestet; idcirco in utrisque idem Thymus secreto, ac stagnante suis in folliculis lacteo quasi succo plenior, ac turgidior se spectandum praebet, quàm in adultis, in quibus, cùm propter earum partium agitationem perennis sit secreti liquidi effluxus, sensim extenuatur, moleque minor evadit. Id quod ob consimilem causam in jecore etiam contingit, nam propter minorem in foetu bilis secretionem majus quàm in pueris invenitur.

Cur Thymus grandior in foetibus, quàm in adultis, & quinam usus.

At non propterea ingentem Thymi magnitudinem penitus otiosam intrà uterum esse quis credat; siquidem probabile, ac propè verum videri potest, ut idem Thymus, cùm in peramplam adeò glandulam ob nuper memoratas rationes tunc augeatur, atque idcirco ad contactum asperae non solum arteriae magnae ascendens, primorumque bronchiorum, ac proinde anteriorum interiorumque pulmonum, verùm etiam ipsius superioris Pericardii segmenti, mediastini, ac musculi triangularis, munus praestet leniendi, ac butyraceo suo halitu externa harum omnium partium superficies lubricas, flexilesque reddendi, quò minus arefcant, atque invicem, quippe immotae, agglutinentur. Etenim in jam natis, & adultis usu saepe per morbos venire comperimus, ut cùm eadem superficies à nostris supra Pericardium detectis, aliisque in thorace sitis glandulis, oleosus ichor, vel nullus, vel solitò crassior depluit, minimo negotio simul adhaereant.

Agitur peculiariter de structura illarum glandularum, quae humorem Pericardii fecernunt.

Glandularum pericardii numerus varius.

Glandulae quae cardiaci, ut ita inquam, liquoris sunt scaturigines, non in singulis cadaveribus eodem numero spectantur. Nam in gracilibus pauciores, in pingui temperamento praeditis plures comperimus. Variam quoque inter se figuram praeseferunt. Etenim si ab involvente, & colligante tunica vindicentur, saepe saepius aliae spectantur oblongae, aliae sphaericae, aliae hemisphaericae, aliae sphaeroides.

Magnitudo variat pro morborum natura.

Variâ etiam magnitudine donantur secundum varias corporum affectiones; ita ut in cunctis, qui ex malo praecordiorum habitu, praesertim verò pulmonum hydrope, empyemate, phthisi, aut consimili chronico morbo decesserunt, semper majores invenerimus, quam in iis, qui acuto, aut maligno malo, maximè verò ex vulneribus obierunt, in quibus ad naturalem statum magis accedunt, cum singulas apud eundem hominem ferè aequales offenderimus, hoc est, plerasque juniperi baccas plus minus exprimentes.

Binae semper caeteris majores reperiuntur.

Caeterum illud animadvertendum est, in quolibet cadavere, cujuscunque constitutionis plerumque binas reliquis majores apparere, quarum altera anteriùs, altera posteriùs quoloco aspera arteria in bronchios dividitur. Ubi verò homines ex memoratis aegrotationibus vitam cum morte commutarunt, easdem glandulas ut plurimum ad molem olearum, atque etiam nucum deprehendimus.

Coloris differentia.

Quod spectat ad colorem non rarò inter se discriminantur, plerasque enim ad plumbeum vergere & lienis speciem aemulari; nonnullas ad purpureum dilutum, seu ad renum substantiam accedere, paucas subobscurè candicare reperimus.

Arteriae. Venae.

Cernuntur in hujusmodi glandulis vasa omnis generis. Arteriae porrò ex bronchiali, atque intercostalibus superioribus; venae partim ex bronchiali, partim ex ramulis venae cavae superioris, mediastinum, ac Pericardium subeuntibus.

bus. Nervi (quibus magnâ copiâ implicantur) alii ex paris vagi, alii ex gangliorum ramis, alii ex intercostali inferiori derivantur. Dubitavimus, an ex lymphaticis quoque hujusmodi glandulae instruerentur, cum minima quaedam vascula roriferis similia ex iis ad axillas venas inter, & arterias perreptare conspexerimus.

Nervi.

Lymphatica.

Habent insuper ductus valdè exiles, ac pellucidos instar lymphaticorum, quamquam superficie aequali, ac laevi, nullisque nodis, seu valvulis distinctos: hos propterea peculiare canales in animalium corporibus dicendos esse arbitramur. Nam ejusmodi parvi ductus ex praedictarum glandularum centro (sectae enim per medium, ac nonnihil pressae ichorem ei persimilem, qui in Pericardio invenitur, solent emittere) ex centro, inquam, glandularum originem trahunt gracillimi, deinde sensim, atque eò magis ampliantur, quò magis ad locum exitus accedunt, non secus ac venae sanguinem ex visceribus, capillaribus initiis reducentes. Sedulo autem cavendum, ne cum venis ipsis confundantur: quò verò facilius haec duo vasorum genera invicem distinguas, animadvertas oportet, venas superficie tenus magis perreptare, atque ad cavam superiorem ascendere, illos autem deorsum ad Pericardium, aut lateraliter ad vaginulas, & bronchia.

Ductus peculiare.

Eorundem principium, & progressus.

Quomodo & venis discernantur.

Ex hisce ductibus plerique ad Pericardium descendunt, illudque penetrant parte superiori tam anticâ, quam posticâ: nonnulli etiam per mediastinum incedunt, & mihi quidem visi sunt perforare anteriorem ejusdem Pericardii faciem; alii autem vaginulas, & bronchiorum ramos ingrediuntur. Ut plurimum verò hi tubuli quamvis ex diversis glandulis prodeant, invicem tamen implicantur, ac mutuâ anastomosis in modum junguntur, atque ad praedicta loca tendunt.

Diversa illorum itinera.

Anastomoses.

Eorum, qui ad Pericardium feruntur, alii ipsius membranas obliquo parumper itinere subeunt integri, nec in ramos divisi: alii autem antequam easdem penetrent, in duos, aut tres ramulos dissepuntur, adeò tenues, ut nec capillum excipere possint: cum contra superiores non divisi,

Multifariè Pericardium subeunt.

stylum subtilem facilè admittant. Eàdem porrò lege, hoc est obliquà vià quemadmodum ureteres in vesicam sese insinuant, & aperiuntur, tam intrà Pericardium, quàm intrà vaginulas, & bronchiorum capacitatem. Summà tamen diligentia, & multitudine cadaverum opus est, ut perspicuam horum canaliculorum penetrationem assequaris.

Quo artificio horum ductuum viae conspiciantur.

Illud certè ad facilem, atque evidentem detectionem ingressus horum ductuum in Pericardium aequè, & in bronchia conducit, quod saepe adhibuimus experimentum; cum scilicet, apertis per longum tam Pericardio, quàm utrinque duobus majoribus bronchiorum ramis, manu compressimus ejusmodi glandulas; vidimus enim tam intrà Pericardium, quàm intrà bronchia ichoris guttas destillare per ea foramina, quae doctissimi Viri Peyerus, & Malpighius detexerunt: quae quidem guttulae, si prius eadem glandulae detrahantur, non ita conspicuae, atque continuae apparent.

Simile quid nobis observare contigit, ubi eas glandulas, quae oesophagum inter, & asperam arteriam locantur, manu perstrinximus; effluxit enim ichor in utrumque tubum. Quòd si verò abscissis glandulis tam oesophagi, & trachearum, quam Pericardii, nudas harum partium membranas comprimamus, vel nullus, vel is tantum exiguus humor manat, qui in tenuissimis illis excretoriis vasculis continebatur.

PROPOSITIO. XX

Exponitur necessitas aquae Pericardii, & modus mechanicus, quo eadem ex descriptis glandulis Jecernitur.

Ostenurus necessitatem derivandae lymphae Pericardii à glandulis extra illud positis, nolo hìc generali dumtaxat Magni Hippocratis (a) auctoritate pugnare, scribingtis *omnia per divinam necessitatem fieri*: Nam AEsopi (b) verbis me jure quis deridere possit, inquiring, *quae à divina providentia fiunt; haec à sapientibus Viris solutionem fortuntur*. Itaque firmis rationibus, atque experimentis ab Anatome petitis adnitar, ut hujus rei necessitas elucescat: quod

(a) Lib. 1.
de Diaeta.
(b) In eius
vita.

quod non aegre me praestitutum confido, si prius animadvertatur, animalium partes, non modò diversis motibus, verùm etiam motuum gradibus admodum inter se discriminari. Nam cutis e. g. in perpetua ferè quiete, nisi à subjectis musculis moveri contingat, versari videtur. Viscera autem praesertim abdominis leni dumtaxat alternò motu agitantur; cùm praeter contractiones peristalticas diaphragmati obsecundent, quod facillè deorsum, sursumque agitur; majori verò motione pulmones, tracheae, fauces, ac lingua ipsa, pro variarum actionum, ad quas naturà destinatae sunt, opportunitate cientur. Neque minor est ad voluntatis arbitrium musculorum in artubus exagitatio. Sed omnium maximus viget illè Cordis pulsus, qui sive oscillationum perennitatem, sive frequentiam, violentiamque spectemus, sine ullo dubio motionibus omnibus, quae in corpore fiunt, longè praestat; potissimùm verò cùm vel subitis, gravibusque pathematibus animus afficitur, vel corpus vehementibus, atque inusitatis laboribus exercetur: tunc enim Cor ipsamet costas foriter percutere, celeriusque contundere perspicitur.

Haec autem cùm ita sint, eruditum Lectorem precamur, ut secum ipse reputet, quâ ratione tot motuum discriminibus, per quos solidae partes, si nullo liquido linirentur, arescerent, brevique tabo conficerentur, sagax, ac provida natura consuluerit: & quidem Divinam Sapientiam admiratus, deprehendet, quod, quò minor, vel major est partium motus, eò pariter major, aut minor est influxus oblinientis lymphae, quâ dimotarum partium superficies laxari, molliri que possit. Nam ut cutis minimo motu agitur, ita solis oleosovolatilibus effluviis ab internis partibus, atque à sanguine exspirantibus perungitur: quae quoniam interdum ob vehementem corporis exercitationem majori motui subijciuntur, tunc humefacientis quoque succi vis augetur, secreto scilicet, expressoque per miliares glandulas sudore.

Praeterea cùm naturalis viscerum agitatio cutanea major esse solet, idcirco illorum superficies uberioribus quoque halitibus perungitur, qui certè halitus ideo copiosiores in ventribus sunt, quàm in cute, quòd & major sit humorum

*Motus in
diversis
partibus
corporis dis-
versus.
In quibus
lenis sit.*

*In quibus
vehementior.*

*Lymphae
influentis
quantitas
in partes
motus pro-
portionem
habet ad
motus quan-
titaatem.*

*Comprobatur primò
exemplo cutis.
II. Viscerum.*

quantitas per viscera fluentium, & membranarum textura, unde effluunt, laxior occurrat.

III. Linguae, faucium, & tracheae.

At quoniam lingua, fauces, trachea, bronchia, & pulmones suis agitationibus supradictarum partium motus longè superant; (Nam ad perennem illum respirationis usum nobis insitum, accedunt quoque pro arbitrii nutu vehementissimae motiones, quibus ad loquelam, ad cantum, ad comestionem, atque ad anhelitum, cui violentioribus totius corporis exercitationibus obnoxii evadimus) propterea largiori salivae lymphae copiâ praeter effluvia è sanguine jugiter emissa hisce oblinendis membris natura providit. Etenim numerosissimae glandulae ad ejusdem secretionem instructae sunt, quarum quidem glandularum aliae intrâ oris, faucium, asperae arteriae, ac bronchiorum capacitatem locantur; aliae verò extra, nimirum sub mento, in genis, ad articulationem maxillae, in jugulo, atque ad bronchiorum divisionem, tali quidem artificio concinnatae, ut quò majores eduntur motus, eò fortius à circumjacentibus partibus compressae majorem lymphae molem effundant. Quod sanè etiam in musculis, atque in ipsis quoque ossium articulis cum moventur fieri comperimus: in illis enim glandulae, quas mucilagineas appellant, pro muscularium tensionum ratione magis, aut minùs compressae abundanter, vel parcè humorem emittunt; in istis verò ex ossium medulla per motum ipsum liquata plus, aut minùs oleosae substantiae intrâ articulos distillat.

Praedictarum partium glandulae copiosae. Earum situs.

Glandulae musculorum

Medullae usus ad ossium motus.

Ex iis porrò quae haecenus exposita sunt, facilè quisque intelligit, ad leniendas Cordis, ac Pericardii superficies, quae continentiori, ac vehementiori motu, quàm ulla alia in corpore pars cientur, praetur effluvia, oportere lympham modò majori, modò minori mole ab externis glandulis derivari. Quod sanè percommode à natura praestitum fuisse patebit, si consideretur, ut superiori Propositione ostensum est, Pericardium anteriùs, posteriùs, ac superiùs pluribus instructum fuisse glandulis ita dispositis, ut ad varia incrementa motus Cordis, solito etiam uberiores liquoris copiam effundere debeant, non secus ac in parotibus, pancrea-

Qua ratione pro vario cordis motu, major, aut minor liquoris quantitas ex dictis glandulis effunditur.

create, ac cyfii fellea mechanica neceffitate ufu venire deprehendimus, fcilicet ut fecundum majorem, vel minorem indigentiam fuccorum, qui iis in loculis tum fecernuntur, tum affervantur, à prementibus magis, vel minùs inter manducandum maxillis, atque à diftento, ab alimentis ventriculo copiofiùs, vel parciùs dimanet. Cùm enim Cor alternè quidem, & moderatè, quoad vivimus, à mucrone faliat verfùs bafim, atque in Pericardium impingat, recensitas glandulas fingulis fuis icribus moderatè premit, unde moderata etiam quantitate fecretus humor ad prohibendam arefcenciam fupercierum tam Cordis, quàm Pericardii per fuos canaliculos descendit. Ubi verò violenti corporis, aut animi motus adjunguntur, quoniam tunc temporis cor fortius falit, pectusque crebriori, majorique anhelitu movetur, eadem pariter glandulæ tum à tracheis impenfiùs dilatatis, tum à Corde, majoribusque vafis acriùs falientibus, fortiùsque diftensis, tum vel maximè à triangulari mufculo, faepius magisque urgente, neceffariò majorem vim liquidi emittunt: quamobrem perfpicuum fit, quâ mechanicâ ad humectandum cor, ichor ab externis glandulis proportionaliter fecundum varias indigentias fubfidio veniat. Quod hìc erat oftendendum.

PROPOSITIO XXI.

Demonftratur indicatum glandularum fitum fummpere conferre ad immittendum liquorem intrâ Pericardium.

Quod facit ad confirmandam neceffitatem, actionem, ufuque aquae Pericardii, ex minimis glandularum fistulis ad ejus bafim tum anteriùs, tum pofteriùs politis, illud effe videtur, quòd violentior motus fibrarum Cordis, & major diftractio, contractioque fummorum vaforum, feu major indigentia lenientis, emollientisque liquoris futura erat, non ad Cordis apicem, non ad latera, fed potiffimum ad bafim fortiffimi hujus mufculi. Quare neceffarium fuerat, ut glandulæ ad fecernendum cardiacum illum ichorem, molliendis fibris deftinatum, non lateralem, aut in-

*Cordis motus vehementer in bafi.
Aqua Pericardii facer-*

lius ex superioribus glandulis, quàm ex horizontalibus influit in basim cordis.

Usus aquæ pericardii ad apicem cordis collestæ.

fernam, sed superam præsertim Pericardii partem tenerent; unde rorido quasi depluente imbre affatim, uberiusque quo loco fibrae majori motu cientur, laxari possent: fluxus enim liquidi à sublimi loco proclivior est ad descensum, quàm ex inclinato, vel horizontali plano.

Quamobrem guttulae, quae secundùm majorem, vel minorem pressionem supra caudices arteriarum, venarumque, ac supra basim Cordis destillant, per ingentem, maximumque earum partium motum statim quaquaversum sparguntur, sponteque sua per Cordis, & Pericardii superficies diffunduntur: & si quid reliquum est ad Pericardii conum colligitur, ac retinetur; nimirum ut si quando repentinus aliquis Cordis motus solito major sit excitandus, praesto sit materies ad uberius leniendum, fovendumque Cordis mucronem, ad quem non statim potest descendere, quod à sublimi loco influit, ac destillat.

PROPOSITIO. XXII.

Qua ratione proportio quaedam inter humorem influentem in Pericardium, & effluentem in statu naturali servetur.

Cum in fanis hominibus vulnere, aut lapsu decedentibus moderata semper hujus liquoris quantitas, unius circiter cochlearis, ut aliàs dictum est, intra Pericardium inveniatur, quaerenda nunc est ratio, & modus, quibus natura utitur, ne, cum liquor jugiter depluat, nimia copiâ congeratur, ascitemque Pericardii producat. Id suspiciendo planè artificio eadem praestitit, nimirum ut tantum dumtaxat liquoris à glandulis deplueret, quanto opus erat in quocunque gradu motus ad reddendos lubricos tum Cordis, tum Pericardii parietes. Nam quemadmodum per motum corpora solvuntur semper, atque atteruntur, eorumque fluxiliores partes insensibiliter transpirant, & avolant, ita natura comparata fuit in Pericardio, ut quò plus, aut minus liquidi in illud conflueret, eò plus, aut minus per motum ipsum ordinarium, vel adauctum dissiparetur, ac celesiter discederet.

Quomodo aqua Pericardii per insensibilem perspirationem dissipatur.

Haec

Haec autem particularum solutio, seu insensibilis perspiratio clariùs demonstratur per Sanctorii staticam, quâ docemur longè majorem esse insensibilem transpirationem, quàm sensibilem omnium fecerniculorum evacuationem.

Sed, quamquam perspiratio insensibilis certa sit, atque explorata via ad exitum liquoris, qui intrâ Pericardium influit: Suspicio tamen aliam quoque semitam subsidio esse, nimirum multa foraminula, quae intrâ Pericardium dehiscunt, & in vasa qua lymphatica, qua venosa desinunt atque aperiuntur. Ad hoc autem credendum facilè adducor, cum mecum reputo ex singulis ventribus effusos interdum aqueos liquores per exhibitum fortem hydragogum aliqua saltè ex parte in vasa rursus derivari. Quod sanè contingere minimè posset, nisi exillimi, ac planè caeci meatus ex membranarum superficiebus ad internos tubulos, canaleque perducerent. Accedit verò ad leniter urgendum intrâ vascula humorem Pericardii assiduus ille magnusque Cordis, ac diaphragmatis motus, quibus necessariò fieri debet, ut idem liquor quassato Pericardio, ac veluti adhibitis alternè frictionibus quaquaversum trudatur atque impellatur per poros, & canaliculos, qui intrâ capsulae illius capacitatem hiant: omnia enim in nobis sunt pervia.

Ex hac itaque, & praecedenti Proportionem fatis demonstratum arbitror, proportionem humoris influentis ad effluentem eam esse, ut dissipatâ per Cordis motum parte, quae fuit quidem necessaria, sed postea evaderet noxia, semper non nihil fluoris superfit in ima Pericardii capacitatem ad usus omnino utiles, atque opportunos.

Et quoniam, ut in reliquis nostri corporis partibus, morbi nunc fluidorum, nunc solidorum, nunc utrorumque culpa contingunt; ita Pericardii aqua multifariam quoque vitari potest, quod sequenti Propositione persequemur.

Conjectura de effluxu aquae Pericardii per ejusdem foramina in vasa debilitata. Confirmatur exemplo. Quomodo cordis, & diaphragmatis motus conducatur ad liquorem per dicta foramina extrudendum.

PROPOSITIO. XXIII.

Praeternaturales affectiones liquoris Pericardii exponuntur.

Humor Pericardii in statu sano cuiusmodi sit.

Ejusdem liquoris color, quando, & quotupliciter vitietur.

Quatuor praecipua vitia aquae pericardii.

Causa defectus aquae in pericardio.

Tabes. Spasmus, & Phlogosis.

Pulmonum inflammatio.

Exemplum huiusmodi defectus ex inflammatione glandularum. Glandularum obstructio.

Cum Pericardii liquor in statu bonae valetudinis omni plane sapore expers, simul etiam modicae molis, ac fluidissimae substantiae esse debeat, labem contraxisse dicendus est, quotiescumque ab aliqua, vel pluribus harum conditionum quoquo modo deflectit. Sed, mittentes hinc vitia coloris; nam ut apud ictericos plerumque flavescit, ita apud Scorbuticos rubet; in illis enim bilis particulae admiscuntur, in his vero exesim minimis sanguiferis, à cruoris moleculis inquinantur. Consideremus quaeſo quatuor principalia morborum affectionum genera, quibus pro malorum varietate Pericardii aqua obnoxia fieri per cadaverum sectiones hactenus deprehendimus. Primum vitium est penuria, seu defectus ejusdem; Secundum est malum praedicto contrarium, nempe ubertas, & copia. Tertium est vitium acrimoniae; Postremum lentescentiae, & tenacitatis.

Quod spectat ad penuriam, seu defectum lymphae in Pericardio, hoc quidem vitium triplici de causa oriri solet, quorum prima est universi corporis tabes, in qua cuncta viscera humidi paucitate laborant. Altera est subita villorum, & canaliculorum intra Pericardii glandulas contractio, quam in praecordiorum saepe saepius vel spasmo, vel phlogosi spectavimus. Ita quidem in denatis à convulsivo, ac suffocativo asthma, ut plurimum Cordis capsula omni liquore destituta invenitur. In pulmonum pariter inflammatione, quae anteriorem eorum faciem cum bronchiis corripit, raro exsiccatum; atque aridum Pericardium non reperimus. Profecto dum haec retractamus videre nobis contigit in cadavere Serenissimi Principis Philippi è Bavariae Ducibus, qui ex acuta, & inflammatoria pulmonum febre cum pulsu humili, atque inaequali à morbillorum eruptione decessit, memoratas Pericardii glandulas phlogosi correptas, & nihil penè liquoris in capsulae capacitatem effundentes. Postrema est pertinax obstructio earundem glandularum, quae in lon-

longis præcordiorum ægrotationibus, asthma videlicet cum lipothymiis, aliisque ejusmodi accidere solet, in quibus postea Pericardium propter aquæ defectum sensim Cordis superficiem adhaerere incipit, atque ideo inventum tandem in cadaveribus cum Corde agglutinatum, nonnullis occasio fuit asserendi, Pericardium aliquando fuisse desideratum.

Et quamquam perspicuum hujus adhaesionis specimen jam dederimus Lib. 2. de Mortib. hist. IV. ubi morbum, mortem, & extispicium Praefulis Spadae accuratè descripsimus: non ingratum Lectoribus futurum censemus, si alterum hic subnectemus hujusce rei monumentum.

H I S T O R I A

Mirae adhaesionis Pericardii cum Corde.

Joannes-Baptista Tomi annorum viginti quatuor, gracillimus, cum agrariam exerceret, pravo tum aëre, tum cibis usus, crebrisque Cordis oppressionibus, & lipothymiis gravi cum anhelitu correptus, ad Noscomium S. Spiritus sella gestatus fuit, ubi à Clinico, quem dicunt Assistentem, cum pulsu exili, atque inaequali, cumque extremorum frigore, summoque ac difficili anhelitu, nec non recurrentibus animi deliquiis deprehenditur; venae jugulares, simulque Abdomen mirè intumuerant. Multis verò inter imminentis fati angustias adjutus alexipharmacis, & cardiacis, quatuordecim adhuc dies supervixit, tandemque hebes, veternosus, lentèque febricitans, accedente scroti sphacelo, decessit die XXI. Marti MDCCV.

Antecedentia morbi.

Symptomata.

Obitus ægri.

C A D A V E R I S D I S S E C T I O.

In hujus extispicio mirum fuit observare Cor exiguae, flaccidaeque molis cum polypis in utroque ventriculo, sed in dextero praesertim ex vena cava usque in pulmonicam propagatis. Caudex, & rami venarum cavae insignis erant amplitudinis, quos concreta implebat sanguinis copia. Pericardium verò, quod maximè notandum est, Cordi adeò tenaciter adnectebatur, ut videretur constituere extimam il-

Cordis imminuta moles, & polypus.

Vena cava cum suis ramis dilatata.
Pericar-

*ditum cordi
adhaerens.
Glandulae
obstructae.*

lius membranam. Insuper gracilibus, & languidulis fibris praeditum erat; ad basim verò Pericardii positae glandulae obstructae, ac scirrhusae penitus erant. In Abdomine vasa omnia sauguiifera cruore tumentia occurrerunt, parumque subrufi feri intra ejusdem cavum exundaverat.

S C H O L I U M.

*Externi ha-
bitus graci-
litas nativa
quid indi-
cet.*

*Causa pbae-
nomeno-
rum, quae
in hujus
aegri praec-
ordiiis oc-
currerunt.*

Licet ad pleniorem hujus Historiae intelligentiam plura de naturali ipsius Aegri fortè desiderari videntur, ea tamen, quae superius exposita sunt, satis luminis praebent ad illustrandam aetiologiam inventae adhaesionis Pericardii cum Corde. Etenim, cum externus in hominibus corporis habitus, modò sit nativus, certam plerumque fidem facit texturae vasorum, & viscerum; ubi summa foris urget gracilitas, fibras ut plurimum; & vasa praecordiorum pari tenuitate, atque ariditate laborare significatur. Undè quoties apud ejusmodi aegros concretionis vitium liquidis accedit ex aëre, vel cibus, vel utrisque, ut contigit in descripto rustico, proclive est intelligere, quomodo sensim, tum mixtura, tum motus, tum secretio humoris intra Pericardium influxuri, obstructis glandulis paulatim vitiata fuerint, simul etiam, ut fibrae tam ipsius Cordis, quàm ejus involucri enervatae, suos quaeque motus languidiorens sensim ediderint. Quae autem deinceps mala ex praecordiorum atonia oriuntur, Lectores hortor ad quaerendum. Nam non despero ex hujus quoque cadaveris extispicio eos aliquid deducturos: mihi enim satis nunc est innuere languescente motu Cordis, ac deficiente intermedio liquido Pericardium minimo negotio Cordi adhaesisse, & cum eodem magis, magisque agglutinari coepisse, ut erroris causam patefaciat illorum, qui Cor interdum Pericardio destitutum se reperisse affirmarunt. Sed haec obiter, modò ad propositum revertamur.

*Quiluo dex-
satis ni-
nia liquo-
ris cordiaci
quantitas
signaturae
Copiosae
vinae hu-*

Redeuntes itaque ad vitia liquoris Pericardii secundo loco numeravimus uberem illius copiam, ac redundantiam: hanc certè videmus non raro in eorum cadaveribus, qui laxo corporis habitu donati Baccho, Cererique saepè saepius litare solent. Quamobrem inducta in eorum visceribus, ac sanguine

ne diabetica, quasi dixerim diathesis, primo urinarum excitat multitudinem, quâ aegri utcumque à majoribus malis, ac praesertim à recurrente cordis palpitatione vindicantur; mox verò iis paulatim subsistentibus, tum renes obstrui, tum praecordia ab alluente serò gravari, irritarique incipiunt; quarum sanè affectionum signa sunt urinae paucae, rubrae, crassae, citoque putrescentes, una cum Cordis pondere, tremore, gravitate, difficili anhelitu, praecordiorum anxietate: subindè corripunt oedematosi crurum tumores, aliaque signa, quae pectoris hydropem antevertere, comitarique consueverunt. Tandem peculiare symptoma, quod Cordis prolapsui commune est, inducitur: scilicet aegrotantes loco stare nequeunt, & cum ab initio non nisi extra lectum respirare potuerint, propè mortem coguntur ad decubitum; videlicet quia Pericardium unâ, aut etiam sesqui-alterâ liquoris librâ turgidum diaphragmatis centro vim infert, neque alium standi situm, qui sit minoris incommodi, aëgris permittit, quàm horizontalem, in quo Pericardium versùs jugulum ascendens diaphragma non amplius premit.

In hujusmodi verò Aëgrorum Cadaveribus reperimus ex supernis, atque externis Pericardii glandulis alias obstructas, alias verò laxas, flaccidasque, ut nobis non fuerit dubitandum, quin secreta ab iisdem plus solito copia feri, tum intrâ capsulam, tum perruptis canaliculis extra, hoc est in thoracis capacitatem, in quâ plerumque colligitur, uberius effluxerit.

Acre interdum, atque erodens, quod tertio loco examini subjiciendum, evadit Pericardii fluidum, quod quamquam, ubi hoc accidit, non multâ mole, immo verò plerumque paucissimâ colligitur: est tamen veluti aqua Regia, proindeque non pungit solum, ac vellicat, sed ipsius etiam Cordis superficiem exedit, atque exulcerat; quod aliquot abhinc annis bis, aut ter animadvertimus. Illud tamen ab ejusmodi vitii genere vidimus contigisse, ut non externum dumtaxat; & simplex, sed complicatum, internumque malum semper inferatur; videlicet alicubi plerumque in praecordiis Aneu-

Justi modi affectionem praecedere solent.

Signa ejusdem.

Anxietas unde.

Causa aegri imminente morte decumbere coguntur.

Glandularum Pericardii conditio in hisce affectionibus.

Liquoris pericardii acrimonia.

Efficacia aneurysmata.

rysma suboritur; idem enim corpus, quod foris valet Cor-
pungere, atque exedere, potest etiam intimam arteriarum,
venarum, atque ipsius quoque Cordis texturam diloricare.

Signa.

Signa verò hujus affectionis communia fere sunt cum
indiciis, quae praecordiorum Aneurysmata comitantur.

*Humoris
pericardii
lentos.*

Denique lentoris quoque vitium in Pericardii liquido non-
nunquam occurrit. Neque enim hoc tantum legimus apud
Galenum, Malpighium, aliosque, nimirum tumores in Pe-
ricardio natos, sed nos etiam saepe saepius in exstispiciis de-
prehendimus, in quibus tenax, spissa, atque in fila concre-
ta apparuit lymphæ Pericardii.

*Polypi, ac
concretiones
in praecor-
diis falso
pro vermi-
bus habiti.*

Neque verò hoc loco praetereundum est, vermes, qui ab
aliquibus intrà Pericardium visi narrantur, nihil aliud fuisse,
quam polypeas concretiones, seu crassiuscula fila insectorum
speciem referentia. Etenim priusquam doctrinam de Poly-
pis Malpighius noster illustrasset, nonnulli Auctores vermes
etiam in Cordis ventriculis, ac vena cava latuisse, & per A-
natomen detectos fuisse perperam tradiderunt. Sed heu! quan-
tum exaravi chartae, cum unam alteramve dumtaxat paginam
in Pericardii anatomica historia describenda, me principio
exaraturum existimarem, sed veritatem quaerenti condonan-
dum, si paulò fusius (utinam citra errorem) scripserim.

S E C T I O II.

De Structura Cordis.

*Auctoris
inopositum.*

Hanc operis nostri partem de structura Cordis in anima-
libus, ut ajunt, perfectis, nunc aggredimur, in qua
non ea solum, quae haectenus ab Anatomicis diligentissimè
observata fuerant; expendemus; verum multa etiam, quae
licet priorum industriam eluserint; per crebra tamen, ac sae-
pissimè repetita humanorum praesertim cadaverum extispicia
se se nobis conspicienda, animadvertendaque exhibuerunt,
pro nostra facultate breviter exponemus.

C A P U T I.

Traduntur generalia quaedam de Structura Cordis in Utero ab initio generationis Animalium usque ad eorundem perfectionem.

Quamquam communi Sapientum iudicio, quae priora habentur in natura, cum obscuriora esse consueverint, posterius tradi, explicarique solent: nihilominus, quoniam Incomparabilis Malpighii studio, ac sedulitate factum est, ut quae in plantarum, atque Animalium generatione priora contingunt, ea quidem ab obscuris tenebris in clarissimam lucem educta fuerint, jure censemus in perscrutanda Cordis structura per hanc methodum maximè nobis esse procedendum: qui enim ordo à natura suis in operibus servatur, is quoque, ubi innotescit, à Physiologis tenendus est: hac siquidem ratione rudibus etiam Tyronum animis vera illius de qua agitur, rei notitia ingeritur, atque adolescit.

*Methodus
in Physicis
adhibenda.*

P R O P O S I T I O XXIV.

Exponuntur primordia structurae Cordis in ovo incubato ad usque manifestationem diastoles, ac systoles in puncto saliente.

Quoniam Divinus Hippocrates (a) eam veritatem primus nobis aperuit, quae postea ab Aquapendente, & Harvaeo, sed omnium luculentius à Magno Malpighio detecta fuit, *volucris*, scilicet *naturam ad humanum conferre oportere*, observando nimirum *quae singulis diebus in gallinarum ovis incubatis à secunda die usque ad vigesimam, qua pullus excluditur, contingunt*. Siquidem illa eadem, quae in oviparis deprehenduntur, non est dubitandum, quin etiam in viviparorum utero, foetibusque contingant; itaque non immerito Physiologi ad demonstranda primordia fabricae Cordis utuntur incubatis gallinarum ovis, quippe quae paratu, atque observatu sunt facilliora, quam sint viviparorum uteri. Hanc sanè viam, quam ab ineunte aetate, cum Anatomicen discerem, crebris experimentis inivi, eandem nunc docendo munire contendam.

(a) *Lib.
de Nat.
Pueri n.
36.*

*Oviparorum cum
viviparis
analogia.*

Candidè tamen fateor, me hac in re multùm à Malpighi tentaminibus adjutum fuisse, citiusque adhuc, seu magis compendiario itinere propriis experimentis me hujusmodi veritatem assequutum fuisse, videlicet non quotidianis, ac propterea molestis, & fortè non adeò facilè inter se comparandis, atque ab invicem distinguendis observationibus usque ad 20. diem processu, quemadmodum Hippocrates, & Malpighius docuerunt, sed paucarum horarum spatio rem omnem absolvi. Etenim quotidie incubanda gallinae suppositi bina ova, incipiendo à primo die usque ad 20. inscripto unicuique ovo diei numero. Bina autem singulis diebus subjecimus, ut si quid inter illa vitiosum occurreret, ejus defectui altero adjecto possem emendare (non enim cunctis ovis, ut neque cunctis gravidis viviparis, praesertim mulieribus, unum, idemque tum utero robur, tum colliquamento, tum cicatriculae, & carinae crasis inest; quo fit ut non omnes filii eodem cum vigore, probaque structura nascantur). Itaque statim atque vigesimus illuxit dies, ordine retrogrado, ab ultimis ovis animadversiones instituebam. Quod cum eidem Malpighio, Romam postea profecto, retulissem, idem Clarissimus Vir admonuit, ut hac methodo rursus incubanda ova curarem. Hoc autem, cum mense Augusto anni 1692. praestitissem, fistulam unà cum ovis, & gloriante gallina ad Egregium illum Virum, qui in iisdem aedibus, in quibus modo haec scribo, Pontificius ipse tunc Archiater degebat, comportandam jussi, atque simul observantes omnia, & singula ad amissim comperimus, quae insignis ille Anatomicus stylo jam exarata, & graphicè delineata in lucem produserat.

*Auctoris
methodus
in incubandis
ovis observandis.*

A Malpighio probatur.

Quae Auctor sit de scripturus circa observationes à se factas de pulli generatione.

Non est tamen, ut nunc ipse quorumcumque dierum in ovis phaenomena describam, quae tam cum Malpighio, quam seorsum oculis meis usurpavi; potissimum verò ea, quae post decimum quartum diem, adulto pullo circa vasa umbilicalia, ac tunicas, Corium nempe, Allantoidem, Amnium, nec non circa vitellum, ac singula interiora volucris conspiciuntur: sed eas dumtaxat mutationes persequemur, quae in ovis decursu XII. ab incubatione dierum ad Cordis fabricam pertinentia, animadvertimus.

Ne-

Neque rursus id praetereundum nobis est, quod multis negotium faceffit, modus nempe quo Malpighius utebatur ad pulli cicatriculam ab ovo extrahendam, eamque supra vitrum collocandam, ut sedulo, patienterque singula, quae singulis primis diebus accidunt, per microscopium intueri, facillèque stylo etiam delineare posset. Eundem igitur hoc loco referre pretium operae ducimus. Hoc autem eò diligentius per me praestandum esse video, quò magis idem Malpighius in Opere posthumo edit. Angl. pag. 81. fatetur, à se comparatam quidem longo usu propriam methodum, ac postremò inventam rationem separandi cicatricem, eamque extendendi supra vitrum, ut prima animalis stamina observari, ac distingui possent; eam tamen methodum, rationemque nusquam indicatam reperimus. Accipiebat itaque incubatum ovum prima, secunda, tertia, quartave die, eique frangebat corticem, latèque aperiebat, in obtusiori praefertim apice (quo cicatricula ab ovi medio, quod ante incubatum tenet, per incubatum ascendit) ita enim universa cicatricula, & carina, seu quod eodem recidit, ipsius pulli rudimenta intrà pellucidum amnium contenta illico apparent: hoc autem peracto diligenter acuto, tenuique forfice circumsecabat membranam, qua cicatricula continetur, eamque sic resectam in tepidam aquam (ut cicatriculam ab albumine, ac vitello expurgaret) immergebat, unde solam cicatriculam cum umbilicalibus vasis, & limbo circumcisam, vitro nonnihil concavo excipiebat, tandemque supra alterum, sed planum, angustiusque vitrum facillè collocabat. Horum autem experimentorum nonnulla exempla inter duas crystallos vulgarium perspicillorum, hispanicà cerà ad oras obfig-natas, per multos annos à tineis incorrupta servavi.

Ad experimenta igitur veniamus, quae in ovo incubato praecordiorum dumtaxat fabricam ostendunt; ab iis tamen indicandis consultò temperabimus, quae ad singularum animalis partium generationem, seu manifestationem primis incubationis tum horis, tum diebus conducunt, contenti paucula solum in gratiam erudiendae juventutis innuisse, scilicet.

Describitur ratio, quod Malpighius usus est in cicatricula separanda.

Observationes de pullo in ovo incubato ab hora sexta incubationis usque ad 24.

I. Post VI. aut VII. ab incubatu horas in cicatricula clarè conspici carinam cum pulli rudimentis, & umbilicalibus vasis, ac circulo, quo colliquamentum circumscribitur.

II. Post XII. horas in carina caput pulli cum vertebrarum nodis apparere.

III. Transactis duodeviginti plus minusve horis, vasa umbilicalia evidentius animadverti

IV. Elapsis XXVIII. horis. Cor ipsum ad spinæ latus deprehendi, specie quidem, ac figura varicosi, ac semicircularis tubuli, quod nullum adhuc sensibilem motum edit.

V. Luculentius autem prægressis XXXIV. horis spectavi ipsius pulli præcordia non solum in prædicto vase semilunari, sed in fibris aliquot, quæ laxè circa ipsum incipiunt advolvi.

Haec de rudiori Cordis, vasorumque structura ante sensibilem ejus motum præmonuisse satis duximus: nunc penitiora, atque elegantiora, quæ post XXXX. horas in puncto, quod saliens vocant, cerni solent, singillatim tradamus. Ea autem partim respiciunt qualitatem fluidi per umbilicalia vasa versus præcordia excurrentis; partim structuram, figuramque ipsius Cordis, partim denique motum ipsum, seu rythmum constrictionis, ac dilatationis sectionum ejusdem Corculi, nondum integram texturæ perfectionem assequuti.

Mutatio coloris fluidi in vasis umbilicalibus a fine secundi incubationis diei.

Hujus phaenomeni ratio.

Quod spectat ad qualitatem fluidi per umbilicalia vasa prope finem secundi diei lentè decurrentis; hoc sanè se se offert primò coloris sublutei, deinde rubiginosi, ac demum sanguinei: ita ut liquidò constet fluxiliores dixerim colliquamenti cylindros, qui pellucidi, & omnino limpidi ante incubationem, ac primo quoque die apparent, leni inducta per forum fermentatione, ac per aëris elaterem motu, sulphureis particulis sensim emergentibus, ac paulatim salinis quoque volatilibus exaltatis, per certos quosdam sublutei, ac rubiginosi coloris gradus ad sanguineum ascendere.

Quod verò ad Cordis structuram attinet; cùm primùm moveri incipit, & punctum saliens appellatur, elegantissima est, sed longè diversa ab illa, quam in perfecto pullo, atque

que in formatis etiam viviparis comperimus. Nam Cor non nisi post VII. diem conicam figuram nanciscitur. Elapso enim secundo die rudis adhuc Cordis fabrica visitur in distorto, continuo tamen, sed inaequaliter constricto, ac dilatato vase, quod ab umbilicalium venarum coalitu, seu à vena cava incipiens dilatatur primò in ovalem vesiculam, quae in dexteram auriculam facessere debet; mox parùm constringitur in eo itinere quod intercedit ab auricula in ventriculum dextrum, cuius figura occurrit tamquam altera dilatata vesicula, à qua transitur per angustam similiter canalis sectionem, in tertiam oblongam amplamque vesiculam, quae cessura est in laevum cordis ventriculum; unde aperitur aditus in continuatum, & data proportione angustum arteriae magnae truncum, qui paulatim in varios dispartitur, sed duos praefertim de se promit abeuntes in arterias umbilicales, quae tandem desinunt, reticulari excitato plexu in ambitum cicatriculae, à quo venae umbilicales proficiscuntur, orbemque illum motus sanguinis in foetu constituunt, qui à peripheria per venas in praecordia, & à praecordiis per arterias in peripheriam describitur.

Describitur cordis figura in pullo post secundum diem incubationis.

Arteriae magnae distributio.

Cùm autem rudis haec ipsius Cordis, seu si mavis trium Corculorum in tribus ovalibus vasculis moles, ac structura se prodit, tunc neque Cor suis velamentis munitum, neque pectus costis, ac sterno stipatum, clausumque apparet, sed hiat, & ab eodem aperto Corcula ista quasi dependent, ac se se nostris oculis spectanda offerunt sub forma canalis inflexi, atque inaequaliter ampli, cuius sectiones nondum invicem colligantur, ac ad mutuum contactum accedunt. Vide elegantissimas tubulosi, ac distorti Corculi figuras apud Malpighium De ovo incubato Tab. IV. Fig. 29. & sequentibus.

Cor interea temporis suis integumentis destituitur.

Denique quod pertinet ad motum, ac rythmum constrictionis, & dilatationis Corculi, seu puncti salientis, cùm adhuc figuram repraesentat vasis inaequaliter contorti, atque ampliati, res planè admirabilis est. Nam tertio, quarto, quinto, sextoque die non unum, sed duo puncta, seu Corcula salientia intuentibus occurrunt, quorum alterum constituitur ab auricula dextera, quae priùs salit, alterum à duo-

Qui sit motus cordis à tertio ad sextum incubationis diem.

bus ventriculis, qui posteriùs attolluntur, & micant.

*Vasorum
umbilicali-
um descri-
ptio.*

Illud quoque animadversione dignum videtur, scilicet ab intimo motus ipsius Corculi exiles quasdam purpurascens veluti lineas (sunt enim umbilicalia vasa) à limbo, seu ab ejsdem colliquamenti circumferentia, ut supra diximus, ad usque cicatriculae centrum duci, ibique desinere, & ampliari, in eas vesiculas, quae ab irruente sanguine, ut vicissim replentur, elevantur, & rutilant, seu diastolem patiuntur, ita vicissim quoque, eodem à se ipsis propulso, deprimuntur, coarctantur, seu systole corripiuntur, visumque prorsus effugiunt, atque evanescent.

*Experimen-
tum de in-
verso cor-
dis, & au-
riculae mo-
tu per com-
punctionem.*

In hac autem successiva, atque alterna distractione, & contractione tum dexteræ auriculæ tum ventriculorum, (licet in minimis difficillimum semper sit periculum facere) interdum curioso spectaculo vidimus motus hosce non aegrè inverti, si acu dexter, vel sinister ventriculus leviter pungatur, quod longè faciliùs in Corculis insectorum animadvertitur. Etenim e. g. in Bombyce, cùm ejus Cor ex tubo continuo quidem, sed annulis quibusdam hîc illic angustato, componatur, & sectiones illae successivâ diastole, systoleque naturaliter pulsent, si media vel extrema sectio pungatur, singulae retrogradum statim motum edunt. Adeò verum est, Cor sensu, simul, & motu donari, ejusque systolem per fibrarum contractionem, à stimulis praecipuè excitatam perfici.

PROPOSITIO. XXV.

Describitur Cordis structura, & motus non amplius cum ventriculis alternus, dum Cor ab intorti, atque inaequaliter ampliati tubi forma transit in conicam figuram.

Quamquam pellucidum colliquamentum in quod pulli carina immergitur, ejusdemque translucidarum partium exilitas, ac mollities prohibent quò minùs, vel auxiliante microscopio tenuissima quaequae membra, membrorumque segmenta liberè perspici possint: nihilominus quintâ ab

ab ovi incubatione die non aegre cernitur dexterum Cordis Quo tempore ventriculi cordis conjungo incipientes ventriculum sinistro appropinquare, eique incumbere, neque propterea divisi amplius, sed conjuncti, & complicati videntur, multoque adhuc evidentius subsequenter diebus, in quibus omnia tandem Corculi segmenta simul conferta, contextaque in conicam figuram aptantur. Has autem progressionem si quis propriis oculis lustrare velit absque illo labore, taedioque, quod subeundum est in custodienda incubante gallina, atque in animadvertendis incubatis ovis, adeat Malpighii Appendicem ad suam de hoc argumento dissertationem, & planè videbit Tab. V. & VI. figuras omnes per quas pulli Corculum ab informi, laxoque statu in connexum validumque mutatur, & conicam formam nanciscitur, adjunctà etiam, seu explicatà sinistram auriculam, quae ab initio minime apparebat.

Illud praeterea hoc loco advertendum arbitror, motus nempe auricularum, quos omnino alternos cum motibus ventriculorum primis incubatibus diebus observari diximus, postquam Cor figuram conicam adeptum est, successivos potius, quam alternos apparere: contractionem enim totius Corculi ab auriculis utique incipere, & in ventriculos desinere, non autem penitus vicissim fieri conspeximus.

Motus ventriculorum, & auricularum, postquam cor formam conicam acquisiverit simul alternant.

PROPOSITIO XXVI.

Quae sit causa, propter quam Cor primis incubationis diebus figuram inflexi, atque inaequaliter dilatati tubi, disjunctis planè auriculis à ventriculis exhibeat: deinde verò cur ejusdem tubi sinus sensim mutuò applicentur, atque in conicam formam abeant; conspicua interim facta, & minori prae dextera perpetuo remanente sinistra auricula.

Jure optimo Clarissimus Malpighius familiariter mecum agens solebat dicere, se quosdam vehementer admirari simul, & irridere, qui in naturalium rerum perquisitione multas hypotheses (a) quas ex natura dumtaxat viscerum eruere deberent, mente confingunt. Hanc fanè censuram subiret qui propositi problematis solutionem ex simplici mentis idea, & specie veri; non autem ex peculiari ipsiusmet

Malpighii dictum de fingentibus hypothesibus.

(a.) Memoria repetatur Monumentum V. in nostris Prolegomenis exhibitum.

Corculi, & vicinarum partium incremento, auctaque structura petere vellet.

Porrò problema hoc, etsi pulcherrimum, & curiositate plenum, à solo tamen Malpighio paucis discussum, atque enucleatum fuisse video: ait enim *ventriculi, loco dispares, tandem uniantur, inductaque carne consuetam adulti Cordis excitant fabricam.*

Ut autem quòd Magnus hic Vir suboscure innuisse visus est, nos uberiùs tradamus, atque explicemus, duo meminisse necesse est, quae circa pulli praecordia demonstrantur. Alterum: primis incubationis diebus vas illud (quod Cor audit) inflexum atque inaequaliter dilatatum nullis adhuc externis complectentibus, vel colligantibus fibris praeditum animadverti: paulatim verò à quinto usque ad decimum diem multis explicatis fibrarum fasciculis ac lacertis vinciri, ac roborari. Alterum: ipsa praecordia, quae ante quartum diem, extra thoracem ferè nuda pendent, à quarto, & quinto die per levem tunicam veluti, sensimque post septimum intrà thoracem recondi, mollibus scilicet obductis rudimentis non Pericardii tantum, sed pleurae quoque, costarum, & sterni.

Fibrarum carnearum actio in jungendo cordis tubulo subconi forma.

Post septimum diem cor intrà thoracem reconditur.

Quid conferat Pericardium. & succrescens sternum unà cum costis ad Cordis utriculos in conicam formam aptandos.

Haec fanè nobis lucem praeferunt, ad clarè, ac singillatim perspiciendas rationes utriusque phaenomeni. Nam, cum primis incubatùs diebus Cor sub intorti, atque inaequaliter ampliati tubuli forma, nullis adhuc, quantum sensibus percipi potest, externis, transversis, & spiralibus fibris muniatur; tunc quidem influenti per venas sanguini facilè cedit, atque ejusdem irrumpentis, seu circumpulsi cylindro ita distenditur, atque aptatur, ut, ubi minor occurrit circumpositarum partium renixus, & viget, tenditque directio motus, eò magis inflectatur, quemadmodum passim in fluminum ripis contingere videmus. Postea verò, cum musculares carnearum fibrarum fasciculi, veluti extremae manus digiti (quo exemplo Malpighius utitur) externae inflexi tubi superficiei circumduci, & applicari incipiunt, harum certè vi, & contractione sensim disjuncti ipsius Cordis ventriculi validè sibimet admoventur, & conjunguntur.

Accedit autem succrescentis Pericardii, pleurae, costarum,

rum, sternique pressio, quâ informis, laxaque Cordis machina undequaque intrò leniter urgetur, compingiturque. Et quoniam fieri non potest, quin, mutuò adhaerescantibus hujus tubi utriculis, ejusdem longitudo minuatur, & in varias plicas abiens crassescat; idcirco præcordia, quae prius laxa, tenuia, ac disjuncta extra thoracem prodibant, ac pendebant, necessariò contracta tum crassiora, tum compactiora reddantur, atque intrà thoracem, urgente praesertim blando circumpositarum partium renixu coarctentur: quo certè mirifico mechanismo Cor figuram conicam adipiscitur, ejusdemque robur summopere augetur.

Atque hinc sanè perspicua ratio petenda est, cur auricula sinistra, quae primis incubatûs diebus, vel nondum formata est, vel planè delitescit, adulto postmodum Corde apertè cernatur: nimirum quia cum longitudo tubi, qui sanguinem à dextro in sinistrum Cordis ventriculûm ducit, per novam fibrarum advolutionem, & inferiorum cum superioribus connexionem brevior evadat: cumque dexter ventriculus sinistro juxta positus, & incumbens eidem, per recens pariter inductos fibrarum carnearum ordines frictiùs admoveatur, necesse est, ut in illa canalis complicatione ubi angulus effingitur, non minima ejusdem portio extet, & in laevam auriculam affurgat: id quod post undecimum diem clarè contingere spectamus, praesertim cum excitatis jam pulmonibus vena pulmonica in eam canalis sectionem, unde sinistra auricula debet affurgere, tunc temporis aperiatur, novamque proinde materiam ad ejus productionem subministret.

At verò de auriculis agentes illud ulteriùs praetereundum minimè videtur, dexteram auriculam, quamquam primis incubationis diebus jam inest, postea vel grandiorem evadere, vel saltè eodem in diametro conservari; sinistràm verò, quae ob tubuli inflexionem quasi recens efficitur, diametro minorem attolli. Et quoniam natura nihil frustra operatur, subest mechanica ratio, cur auricula dextera ferè semper etiam in natis, & adultis sinistrà paulò major observetur; videlicet quia sanguis; qui minori cum impetu, seu velocitatis gradu à venis in Cor fluit, majori eget alvi diametro,

Qua ratione sinistra auricula post undecimum diem conspicua fiat.

Cur dextera auricula, sinistra major sit.

tro, seu ipsius dexteræ auriculæ continente, quàm qui per venam pulmonicam majori cum impetu decurrit, ac propterea minori tum excipientis, tum propellentis canalis diametro indiget, compensante nimirum angustiam tubi ipsa majori fluentis sanguinis velocitate.

C A P U T II.

In quo agitur generaliter de absoluto jam Corde in perfectis, ac natis Animalibus.

(a) Definitio I.

Quamquam in Prolegomenis (a) ubi de nominum definitionibus actum est, generalem quandam Cordis ideam exposuimus, nunc tamen cum in praesenti, tum in subsequenti Capite eò diligentius peculiarem ejusdem notitiam, ac structuram rimari aggredimur, quò minùs ab aliis Anatomicis id praestitum fuit, ut ostendatur, Cor ea etiam ratione constructum fuisse, ut cum tenditur, summamque vim contra sanguinem exercet, tum suo quoque motui, tum sanguinis renixui per propriam, validamque fibrarum complexionem, quò minùs dissolvatur, vehementer resistat. Nam quomodocunque debilitato hujusmodi tum in Corde, tum in sanguiferis renixui, paulatim ipsa Aneurysmata, quorum praecipuè gratià haec scribimus, excitantur, augenturque.

Ufus Structurae Cordis.

P R O P O S I T I O XXVII.

Cor est musculorum fortissimus in thorace pendulus, excipiendo, propellendoque sanguini destinatus.

Confirmatur Cordis robur ex structura.
(b) Lib. de Cord. n. 4.

Ad ostendendam primam hujus propositionis partem, Cor scilicet esse musculorum fortissimum, non Hippocratis (b) dumtaxat auctoritate, sed ipsa visceris autopsià, atque actione demonstratur. Nam nullus est universo in corpore musculus, qui tot, tantisque diversorum ordinum fibris excitetur, complicetur, ac firmetur, quemadmodum Cor, cujus peculiarem lacertorum, ac tendinum structuram inferius fuse exponemus.

Quòd

Quòd si verò ejus actionem, ac mirificam vim in sanguine per universum corpus propellendo, expendamus, proculdubio comperiemus, tantam esse hujus musculi vim, ut singulorum omnium, qui in Animalium corporibus occurrunt, facultatem, ac potentiam longè excedat. Etenim non modò sanguinei humoris pondus, verùm etiam, omnium solidarum partium, arteriis praesertim incumbentium renixum (à vitae carceribus in embryone usque ad metam in ipsa decrepitate, quae ultra saeculi curriculum interdum producit) superat: quam quidem immensam pene virtutem luculenter demonstravit Clarissimus Borellus; (b) probat enim eandem vincere suo momento renixum, qui aequivaleret ponderi decem, & octo millium librarum.

*Atque ex
impressa
ejusdem
virtute.*

(b) *De Mo-
tu Anima-
lium par. 2.
prop. 66. 67.*

Esse autem Cor musculum in thorace pendulum, omnibus etiam Artis Tyronibus compertum est. Siquidem aperto vix pectore, scissoque Pericardio, Cor ipsum statim sese offert appensum suis vasis, quae tum pulmonibus, tum jugulo, capiti, & axillis laxè connectuntur.

*§ 73.
Cor esse
pendulum,
& quare.*

Hic verò diligenter animadvertendum, Cor ideo intrà pectus à propriis vasis ad ejus basim potissimum locatis dependere; ut expedite, liberèque quavis oblata occasione, vel stimulo (unum enim hoc viscus ex omnibus corporis membris diu, noctuque ad vigilem oeconomiae Animalis custodiam naturà comparatum est) statim contrahi, erigi, atque hostiles etiam particulas cum sanguine effusas abs se abigere; ac propulsare possit: quod sanè praestare minimè valuisset, si, perinde ac musculi artuum, vicinis partibus undequaque adhaereret, maximèque si ossibus utrinque fortiter alligaretur.

Sed quoniam nihil, excepto DEO, in rerum natura ita perfectum est, ut qua parte robur, vel utilitatem accipit, ob eandem, mutatis aliquando vicibus, non infirmetur, atque laedatur: idcirco idem Cor ob eundem situm, quo sua in actione tantopere juvatur, mortifero prolapsui non rarò evadit obnoxium. Siquidem, cum firmis, ac propinquis ossibus nequaquam alligetur, sed per sua dumtaxat vasa mollibus primùm, laxisque partibus jungatur, facile fit, ut vitio sanguinis aucta

*Prolapsus
ex pendulo
Cordis situ.*

ejus mole, ac pondere, accedentibus Animi quoque pathematibus, violentisque corporis exercitationibus, vel ca-
fibus, paulatim divullis, aut erosis, sensimque laxatis va-
forum ligamentis, Cor supra septum transversum prolaba-
batur.

Quod quidem mali genus, tametsi frequentissimum, for-
tè primus ego Romae animadverti, & in cadaveribus obser-
vandum exhibui. (c)

(c) Vide hi-
storias
quamplu-
ries Part. 2.
ubi agimus
de Cordis
prolapsu.

Demonstra-
tur cordis
actio.

Neque demum multi erimus in ostendenda postrema par-
te hujus thesisi, Cor scilicet excipiendo, propellendoque san-
guini esse destinatum; Nullus enim tam rudis est in Physio-
logicis, quem lateat, sanguinis circuitum, validè obstanti-
bus tum venarum, tum Cordis valvulis, nonnisi à venis per
Cor in arterias, rursusque per venas in idem Cor & arterias
peragi, atque ideo sanguinem à summis venis in magnas ar-
terias tam violenter protrudi (ut in Arteriotomia evidenter
apparet) quod interjectum Cor in alterna suarum capacita-
tum dilatatione sanguinem fluidum a venis accipiat, & per
alternam mox contractionem in arterias vehementer propel-
lat. Quamobrem non immeritò Cor ipsum totius sanguinis
embolum cum Viris Clarissimis appellamus.

PROPOSITIO XXVIII.

*Ostenditur Cor esse musculum quadricavum suis tendinibus
instructum.*

Frustra tempus hîc terere videremur, si quod plerique Il-
lustres Anatomici mirâ tum cultri in dissolvendo dexte-
ritate, tum styli in describendo elegantia hætenus egerunt,
idem excubendo efficeremus. Odimus planè formicæ mo-
rem, quo semina, quæ suffuratur, nihil mutata deportat
ad horreum. Nos enim Apum industriam, pro virili parte
imitari studemus, quæ ubi dulces, tenacesque succos, ex
floribus collegerint, maturè coquunt, atque fecernunt. Ne-
que sanè quo loco nostris viribus, quamquam tenuibus, da-
tum fuerit, prætermittimus etiam Bombycem adumbrare,
qui, dum sericos net villos, propriis è visceribus depromit. Sed
veniamus ad rem. Cum

Similitudo
admodum
apta ad ex-
citandos
scribentium
animos.

Cùm in nostris definitionibus (a) eos musculos appellavimus cavos, qui capacitates, vel sinus habent, variis carnearum, seu motricum fibrarum ordinibus comprehensos, proclive nunc est intelligere, Cor esse musculum quadracavum, utpote quod quatuor capacitatibus insignitur, nimirum duabus auriculis, totidemque ventriculis.

(a) *Definitio VI.*

Ut autem fibræ Cordis tam carnae, quàm tendineae quadracavum hunc musculum componere demonstrantur, considerari debent, quatenus distinctæ sunt penes loca, quibus advolvuntur, aut subserviunt, tametsi eadem fibræ utcunque continuæ, vel saltem validè inter se connexæ videantur.

Cor musculi quadracavus ostenditur.

Quatuor autem distincta sunt loca positionum tum carnearum, tum tendinosarum fibrarum; unde unitas musculi Cordis cum divisione quatuor capacitatum evidenter confurgit.

Quomodo fibræ Cordis sint distinguendæ.

Non est hîc ut tempus impendam in demonstranda re vel mediocriter in arte versatis per se notissima; ad Cordis enim tactum statim occurrunt quatuor lacertosi, & carnosi ventres, atque in ventribus sinus seorsim distincti, quorum duo, qui sunt flaccidiores, appellantur auriculæ; reliqui verò dicuntur ventriculi; dexter quidem pressioni magis cedens, sinister verò duriusculus, & renitens. Detractâ subinde extrema ab universo Corde membrana unâ cum adiposis folliculis: videbimus illico quatuor extrinsecus etiam apparentes tendines, qui circulares dicuntur, locis inter se varios, atque disjunctos; duos certè in hujus visceris basi, quorum altero alteriùs posito, dexter ventriculus cum arteria pulmonica, altero ferè posteriùs, sinister sinus cum arteria aorta firmiter colligatur, continuaturque: duos mox alios tendines, licet multò laxiores intuebimur ad latera basis ventriculorum, unum qui tenens dexteram sedem, dexterum pariter ventriculum cum sorore auricula, & caudice venæ cavæ; alterum, qui sinistrum, sed paulò posteriorem locum occupans, sinistrum ventriculum cum laeva auricula, & caudice venæ pulmonicæ necit, ac jungit.

Demonstrantur quatuor Cordis ventres.

Tendines circulares Cordis describuntur.

Carnosæ autem fibræ, quæ parietes quatuor sinuum consti-

Fibræ car-

*ndae, ac
tendineae
Cordis.
Tab. IV.*

stituunt magna ex parte in ejusmodi tendinēs desinunt; ut in Tabula IV. cernere licet. Conspicuum itaque est, fibras tum carneas, tum tendineas auriculis, ac ventriculis ita advolvi, & cum aliis decussari, ut ad unum quadricavum Cordis musculum texendum tantummodò dirigantur.

*Tendines
Cordis cir-
culares abe-
unt in ten-
dines tubu-
losos.*

Notandum tamen hîc arbitror hujusmodi quatuor tendines sphincterum in modum compaginos, & ad ostia Cordis admotos, in totidem alios tubulosos, ac longissimos tendines facessere, qui per universum corpus distributi arteriarum, ac venarum nomine designantur; ut fusiùs infra demonstrabimus.

*Rejicitur
quintus
tendo Cor-
dis.*

Mittimus interea temporis ab aliquibus praelongum, sed non cavum tendinem recensitis adjungi, qui scilicet externè à basi ad mucronem vergens externas dumtaxat Cordis fibras excipiat, & colliget. Verùm praelonga illa tenia subalbi coloris non est legitimus tendo, sed solum valida externa coronalis arteriae membrana, quæ à basi ad conum descendit, eaque multis errandi causa fuit.

*Undecim
interni Cor-
dis tendines
valvulae
vulgo ap-
pellati.*

At enim verò longè adhuc luculentius apparet Cor esse quadricavum musculum, si sinus ejus referaverimus: tunc enim undecim alios tendines mirabili artificio contextos intra ventriculos comperiemus; quorum nonnulli communes sunt iisdem ventriculis, & arteriis: omnes verò ad id præcipuè tendunt, ut quatuor internas Cordis concamerationes ad invicem connectant, reddantque validiores. Hos autem tendines Anatomici appellant valvulas. Sed haec in universum, in sequentibus de hujusmodi Cordis partibus, earumque mira structura singillatim dicemus.

PROPOSITIO XXIX.

Quadricavus Cordis musculus non ex una, eaque simplici carnearum, ac tendinearum fibrarum advolutione, sed ex mirabili complexione tum glomii, tum viminei quasi contextus asurgit, ac solidescit.

*Cavorum
musculorum
structura
qualis.*

Inter multiplices modos cohaerentium partium in Animalibus, ille (meo quidem judicio) magis est suspiciendus, quo

quo natura in coagmentandis cavis musculis utitur. Hi enim compinguntur ex varia, circum determinatas capacitates, villorum, fibrarumque contorsione, ac plus minus spirali praesertim advolutione, cujus quanta sit facultas, & vis primus docuit Galilaeus (a) ubi conficiendae funis artificium diligenter expendit.

(a) In
Mech. pag.
10.

Hanc verò mirabilem complicandi, colligandique rationem, in Corde potissimum compaginando, naturam ipsam adhibuisse, nullus planè inficiabitur, qui advertit quadricavum hunc musculus ex multiplici advolutione fibrarum, tum penè rectorum (quae maxima in pronis brutis observantur) ac transversalium, tum maximè spiraliū, decussatim praecipuè se invicem interfecantium conflari, atque constitui: unde eadem fibrae ob varium contextum, quoties alternè tensiones acquirunt, in se ipsas, & Cordis, quas comprehendunt, capacitates, validè nituntur, quemadmodum multitudo filorum in glomere versùs centrum urget, ut eleganter demonstrat Bellinus. (b) Siquidem fila; quamquam in globo minimè cohaerent, tamen quia decussatim centro advolvuntur, illum vel tactui renitentem, non spernendo certè artificio componunt.

Describitur
fibrarum
Cordis complexio.

(b) Prop.
XX. de motu
tu Cordis.

Verùm solitarium hoc texturae genus sustinendo impetui motuum contractionis, & distractionis, quibus Cor per totum vitae spatium continenter debet agitari, mihi quidem par esse minimè videtur. Etenim iidem factitii glomi id apertissimè docent, quos cum ex simplici advolutione, absque ullo fibrarum intertextu coagmententur, si obliqua vi plus aequo urgeri contingat, vel contra parietem jactos, vel manu diutius tractatos in sua quaeque fila, perinde quasi scopas dissolutas, ut est in adagio; citò facilèque laxari, dissolvique spectamus. Jure igitur arbitramur, naturam non satis consulturam fuisse, si Cordis machinam per simplicem villorum advolutionem glomerasset: necesse enim fuit advolutioni vim quoque majoris cohaesionis, nempe opus penè reticulatum instar cratis, atque tegetis adjungere, quo nempe Cordis textura etiam ex contortarum, & complicatarum fibrarum cohaesione excitata, propriae distractioni, ac dis-

Ostenditur
simplicem
fibrarum
glomeratorem
ad Cordis
firmitatem
non
sufficere.

Contextas
reticulatas
fibrarum
Cordis.

solutioni (ne scilicet ad quamlibet insolitam , violentamque actionem viscus hoc Aneurysmatibus esset obnoxium) reniti summopere potuisset , quo sanè artificio naturam usam fuisse in quadricavo Cordis musculo texendo apertè mox cognoscemus.

PROPOSITIO XXX.

Praedicta hypothesis de mixta fibrarum advolutione , & quasi contextu tum glomeris , tum cratis per diligentem praeparati priùs Cordis dissolutionem demonstratur.

QUamquam initium , & primordium fibrarum , ac villorum in Animalibus definire planè , ac statuere difficillimum est : atque idcirco summâ ratione aiebat Hippocrates :
(a) Principium corporis nullum est ; sed omnia similiter principium , & omnia finis : circulo enim scripto principium non reperitur. Tamen ex iis , quae Prop. XXIV. jam tradidimus , tutò inferri posse videtur , originem motus liquidi sanguinei intrà incubatum ovum , incipere à colliquamenti limbo , & per venas umbilicales , in cavam , & auriculam dexteram progredi , ita ut vena cava suo peristaltico motu prior tempore sit ipso Corde ; proindeque fateri possimus , fibras Cordis à venis in auriculas , atque hinc in ventriculos , & arterias , per varias superpositiones , atque intertextus duci , ac propagari . In Physicis enim exploratissimum est materiae structuram sequi motum , ut apud ductilia , & textilia corpora passim usuvenire animadvertimus .

Haec porrò , etsi videantur à proposito argumento nonnihil diversa , tamen ideo à me perscripta sunt , ut Artis Tyrones rectum quasi cursum vitalis staminis in texendis vasorum , & Cordis fibris uno obtutu possint perspicere . Nunc verò ad ostendendam praeparati priùs Cordis texturam contendamus .

Cordis crudi anatome parum idonea ad ex-

Triplici autem methodo hucusque usi sumus ad veram explorandam positionem , verumque intertextum fibrarum in Corde . Una fuit communis illa , & pervulgata , quae in crudo

(a) De Locis in Honr. n. 1.

Initium motus sanguinei humoris in ovo incubato.

Fibrarum cordis principium quid.

crudo Corde simplici adacto cultro tentatur. Sed quamquam sedulò, patienterque profecuerimus, parum tamen prae aliis Anatomicis profecimus. Nam alicubi tenuitas villorum, ac fibrarum, ut plurimum verò adhaesio inter se impedimento fuit, quò minùs secretiores, pulchrioresque fibrarum ordines, atque intertextus assequi potuerimus.

actam fibrarum cognitionem.

Alteram propterea methodum aggressi fumus per levem elixationem Cordis unà cum magnorum sanguiferorum segmentis. Haec enim ratio non solùm fibras ipsas tumefaciendo, aliquantò majores, proindeque suis in excursibus, atque intertextibus magis conspicuas reddit; verùm etiam earundem fibrarum tensionem, qualis in praecordiis alternè, cum vivimus, excitatur, perbellè solet ostendere.

Elixatione fibrae Cordis clariùs elucescunt.

Sed praeclaro, ac multò adhuc majori adjumento nobis fuit diuturna ejusdem Cordis, vasorumque praedictorum intrà acetum maceratio, propter quam, ut fibrae carnae, quae utriculis donatae sunt, infusione aciduli phlegmatis compactiores, atque ad resistendum validiores evadunt: immo verò mole adauctae in oculorum aciem facilius incurrunt, ita multitudo tenuium villorum, qui penitiorem Cordis explorationem impedirent, brevi eroduntur: quo fit, ut fibrarum compages suos in fasciculos, & hiatus minimo negotio diducta, locum faciat liberae observationi interioris contactus, positionis, & propagationis, quas eadem fibrae musculares, ac tendineae in univèrsa praecordiorum fabrica sortiuntur.

Maceratione Cordis in aceto, ejus fibrae potissimum deteguntur.

Et quoniam modus dissolvendi texturam Cordis per infusionem in aceto fortè non omnibus erit obvius; idcirco illud, quàm brevissimè hic ostendemus. Sumatur Cor humanum cum appensis segmentis majorum vasorum, & potissimum venae cavae usque ad diaphragma protensae, illudque robusti juvenis, qui nullo vexatus praecordiorum morbo, verùm, si fieri possit ob externam tantummodo causam subito decesserit. Deindè, scisso priùs transversim mucrone, infundatur saltem per mensem in aceto quartà aquae parte diluto, quod tamen semel saltèm in hebdomada debet renovari. Post haec externà undequaque membranà diligenter

Describitur modus macerandi Cordis in aceto.

de-

detractâ (quae tendinea est) peculiaris ejus machina perbellè detegitur. Nam paulatim levi unguium vi, ac lanceolae acie firata omnia fibrarum ab invicem deducuntur, ac veluti laxantur. Ut autem eodem quo sanguis ordine movetur, nos quoque in nostris observationibus procedamus, initium sumemus à trunco venae cavae, quo loco cum Pericardio, ac diaphragmate complicatur, conjungiturque. Primùm itaque fibrae tenuissimae eaeque intortae, atque agglomeratae muscolum ibidem circularem, seu sphincteri non absimilem componunt, cujus actionem, usumque is ritè assequetur, quem non latet alterius diaphragmatis motus & major vis exercenda in hominibus ad reducendum sanguinem versus Cor ex inferiori, quàm ex superiori cava.

Sphincter in trunco venae cavae inferioris, & qui sit ejusdem usus.

Ductus fibrarum spiritalium ab hujusmodi sphinctere ad venae cavae vestibulum.

Eadem textura in vestibulo venae pulmonicae, ac sinistrae auriculae, sed non conspicua apparet.

Progressus fibrarum ex auriculis in ventriculos. Externarum.

Ab hoc deinde fibrae spiritaliter, ad circularem tamen aliquantulum inclinato ductu, decussatim versus Cor producuntur, magisque carnosae evadunt, donec cum aliis fibris, quae superiori cavae advolvuntur, ita commisceantur, ut constituant, & comprehendant summam illam venae cavae concamerationem, quam vestibulum appellamus, quaeque principium est ipsius dexteræ auriculæ, quam iidem lacerti magis divaricati, multiplicati, & in fasciculos inaequales collecti, atque intermixti eleganter formant. Similiter vestibulum venae pulmonicae, & concameratio sinistrae auriculæ constituitur ex varia fibrarum advolutione, atque intertextu: licet hoc loco fibrae (pro ratione celerioris cursus sanguinis à pulmonibus in laevum Cordis sinum) neque adeò evidentem sphincterem constituant, neque multum numerosae, & firmæ sint, ut in cava, & auricula dextera, per quae quidem vasa cum sanguis minori celeritatis gradu devolvatur, majori fibrarum circumpulsione indigebat.

Deinceps, ut facie Cordis, quae propior est, anteriori, ex ipsa cava, & auricula dextera, ita facie posteriori, ex venae pulmonicae, & sinistrae auriculæ texturae producuntur fasciculi fibrarum, quâ foris, quâ intro cavitates, ex quibus compactior ventriculorum Cordis, praesertim sinistri, substantia intexitur, & coalescit. Nimirum multitudo lacertorum in fasciculos aliquâ ex parte divisâ exterius ex auriculis, &

& summis venis nascitur, quae sanè postquam laxos rotundos Cordis tendines, propter majorem invicem adhaesionem, & contorsionem, constituit communionem, & continuationem habet cum ordinibus fibrarum; quae externam Cordis faciem componunt. Similiter fasciculi magis tendinosi ex internis superficiebus summarum venarum, & auricularum continuantur, & componunt internum contextum, tam valvularum tricuspidum, quam superficierum ventriculorum Cordis, cui non absimilis est propagationis ratio in contextu, & fabrica valvularum semilunarium, & majorum arteriarum. Sed haec omnia eâ lege contingunt, ut fibrae, per varias innumerabilesque advolutiones, externae cum internis, & è contrario inosculentur, nodumque veluti gordianum constituere videantur, locumque propterea faciant enunciatae Hippocratis sententiae; *Circulo descripto principium non invenitur.*

Internum.

Mirus fibrarum cordis textus.

At enim verò, ut claram, quò fieri potest, ideam texturae Cordis in Lectorum animis excitemus, operae pretium duximus adumbratam hactenus Cordis machinam, non quidem universim, & conjunctim, sed discretè per singula quaeque segmenta diligentius cognoscere; Involutae enim res, multumque compositae, si partitè, definitè, ac distinctè considerentur, tum faciliùs sensibus admoventur, tum tenaciùs mentibus nostris adhaerent, quàm si permixtè, & confusè expendantur. At ne illud quidem praeteribo, quantum utilitatis sit allaturum, non solum scientiae motus Cordis, & sanguinis, sed vel maximè Aneurysmatum doctrinae, si unam quamque istius visceris partem singillatim suscipiamus considerandam. Cum enim oporteat motum sanguinis per diversa praecordiorum loca, juxta oeconomiae animalis indigentias esse non unius, sed varii momenti, variaeque directionis; ideo necesse erat, ut pro diversis promovendis nixibus, & aptandis directionibus, ipsae quoque texturae summarum venarum, auricularum, ventriculorum, nec non majorum arteriarum inter sese, ut videbimus, structurae ratione, ac validitate distinguerentur.

Varia structura in singulis partibus Cordis necessaria.

Cum autem à facilioribus ad difficiliora sit semper proceden-

dendum; quamquam superiùs ostendimus, principium fibrarum Cordis, vel nullum esse, vel ab ipsis summis venis deducendum; quia tamen longè minor occurrit labor in dissolvenda textura fibrarum, tam ventriculis, quàm auriculis, summisque venis advolutarum, ea propter inchoabimus examen singularum partium Cordis ab eo complexu lacertorum, qui majoribus cavitatibus obvolvuntur. Idcirco sit,

P R O P O S I T I O X X X I .

Ostenditur qualis, & quotuplex sit ordo carnearum fibrarum, ventriculos Cordis cumprebendentium, & quod illae ita fuerint comparatae, ut, dum pellunt sanguinem se ipsas à dissolutionis periculo valide tueantur.

Ductus fibrarum obliquarum ex auriculis per externam Cordis faciem.

Tres potissimum apparent ordines, ordinumque modi, quibus robustus fibrarum contextus, ac dissolutioni validè renitens circum Cordis ventriculos excitatur. Primus positus est in artificio ducendi fibras ex extrema facie auricularum, summarumque venarum, oblique, & spirali quasi ordine per extimam ventriculorum partem ad usque mucronem; quae proindè fibrae, mole semper auctae, crassum ventriculorum corticem componunt, exceptis paucis, quae quasi rectà medio in itinere introrsum penetrant, & spirales hìc illic vinciunt, ut eas fibras non irruisse in alienum locum, sed immigrasse in suum dicendum sit.

Externae fibrae ad internas ventriculorum facies ex mucrone reflexae.

Cùm verò fibrae spirales ad mucronem pertigerint, factà simplici, laxàque supra se ipsas advolutione, intrò feruntur, intimamque ventriculorum, ac sinistri praefertim faciem, suis cum valvulis tricuspilibus eleganter constituunt, ita ut dubios nos reddant, an ordo istarum fibrarum in substantiam internam auricularum, venarum, atque arteriarum tandem absumatur, an secùs ex eadem profisciscatur. Adeo verum est, *descripto circulo principium non inveniri.* Etenim vel nudis oculis cognoscitur internas ventriculorum partes, ac tendineos praedictarum valvularum funiculos ex iisdem fibris oriri, quibus externa ventriculorum facies coagmentatur.

tur. Alter verò longè mirabilior fibrarum texendi modus in excitandis Cordis ventriculis ille est, quem nos advertimus tegi, & veluti thesaurum à Natura occultari inter supradictos spirali-um fibrarum fascies, quas scilicet primò externam, & mox ultrò productas internam Cordis faciem componere memoravimus. Etenim alia multi generis strata fibrarum, quae centrum tenent crassitiei parietum, sinistri praesertim ventriculi tamquam intra duplicatum istarum fasciarum marsupium strictè continentur.

Haec fibrarum strata ducuntur ordine, plus minus ad longitudinem Cordis inclinato; ita ut nonnulla acutum angulum, nonnulla penè rectum efficiant: sed istae fibrae quasi vinctae non eà lege feruntur, ut per mucronem intra cavitates per-tingant; sed in circulares tendines, ad Cordis basim locatos, à quibus exterius, seu paulò superius ortum sumpserunt, majori ex parte interiùs, seu paulò inferiùs recurrunt. Probabile autem videtur, naturam sedulò studuisse, ut media haec strata ab exposito externarum, & intrò flexarum fibrarum marsupio coercita, validè stringerentur, ne Cordis compa-ges, cum alternam vehementissimam vim contra sanguinem exercet, facilè tandem dissolveretur, seu quod eodem recidit, naturam fategisse, ne laxaretur glomus Cordis, nimi-rum ut fibrae, quae Cor foris tegunt intrò delatae perstringant, & claudant illas, quae medium, & quasi centrum parietis ventriculorum, sinistri praesertim constituunt, ac firmant.

Postremum elegantissimum artificium, quo carnea ven-triculorum substantia propriae distractioni, ac dissolutioni renititur, elucet in raro illo vimineo opere, quo ambo ven-triculi, per structuram septi medii simul colligati, affabrè dum distinguuntur, solidantur. Unde mirari satis non pos-sum, quid causae fuerit, quare insignis nostrae aetatis Au-ctor vimineam hanc naturae texendi artem, quam Vesalius non obscure indicavit, à Cordis fabrica omnino summove-rit, nisi illam, quantum in Mathematicis acutissimum, tan-tum oculari Anatome, minus quàm opus esset, videntem excusamus. Porrò quemadmodum cistae illae, quae gemi-nam à sepimento partitam cavitationem habent, eo studio con-

*Fibrarum
strata inter
externas,
& internas
spirales.*

*Quantum
ad Cordis
firmitatem
faciat tri-
plex fibra-
rum ordo.*

*Vimineus
contextus
in septo
ventriculo-
rum ma-
gnam fir-
mitatem
conciliat
cordi.*

*Idem de-
scribitur.*

flantur, ut vimina, quae dexterum E. G. finum construere coeperunt, cum ad septi locum pervenerint, ibi contorqueantur, implicentur, ac decussentur, non ut eò loci consistant, sed ut ultrò ad oppositum nempe latus, producta, sinistram texant, & comprehendant capacitatem; ita natura consimili, etiamsi magis complicato artificio processisse videtur, in excitando nimirum carnosio illo pariete, quo ventriculi invicem determinantur: Scilicet multae fibrae, quae dexterum comprehendunt ventriculum, cum ad septi locum pertingunt invicem interfecantur, ac decussantur, eà ratione iter inchoatum, accedentibus etiam aliis fibris, quae versum derivatis perficiunt, ut denique ad laevum ventriculum texendum excurrant, atque impendantur.

Demonstratur huiusmodi artificium ex musculo columnari oppositis parietes dextri ventriculi in bovis colligante.

Concluditur necessitas ejusmodi contextus ad prohibendam dissolutionem Cordis.

Quod autem vimineum quoque texendi artificium in fibrosa ventriculorum structura ferruminanda adhibuerit natura, testis esse potest musculus ille columnaris, qui catenae instar qua utimur in muniendis aedificiis, intra dexterum Cordis ventriculum quorundam quadrupedum, sed bovis praesertim invenitur. Hic sanè transversim ducitur à septo in externum gracillimum istius ventriculi parietem, quâ itur in arteriam pulmonicam, & utrinque suis in finibus eximio consuendi, & texendi studio alligatur, ut nulla sit ars, quae manubria ad opposita canistrorum latera validiùs consuat, atque connectat: In humanis autem Cordibus, istius vice musculi, unum, aut alterum carneum lacertulum eodem loco, eodemque transversali ductu plerumque reperimus, ut nonnulli planè haesitationi locus superesse possit, quin ipsa natura, dum Cordis ventriculos mirabili, ac multiplici expposito per totam hanc Propositionem artificio intertexnit, non ad pressiois tantummodo momentum, atque ad unitatem motus utriusque sinus, sed ad nimiam quoque vitandam distractionem opportunè respexerit: seu, ut dum uterque ventriculus uno eodemque tempore, licet diversis juxta varium fibrarum robor momentis pellit, miscetque sanguinem, suae etiam dissolutioni validè renitatur.

PROPOSITIO XXXII.

Detegitur textura circularium tendinum, & quæ ratione validiores sint quæ muniunt ostia duarum magnarum arteriarum.

Ordine ipso examen carnosæ partis ventriculorum sequi debet expositio tendinum: confirmandum est enim nobis Cor esse musculum quadrivium. Jam verò Prop. XXV. dictum est inter Cordis tendines quatuor præcipuos animadverti figurâ: circulares; tametsi duo illi qui auriculas cum ventriculis conjungunt exactè circulum claudere non videantur: etenim quemadmodum illorum segmenta, quæ cum fornicibus auricularum nectuntur, sunt texturâ verè tendineâ; ita inferiora, quæ cum portionibus summæ venarum junguntur, exterius aliquantulum carnosâ magis apparent, licet interius laxo valvularum tricuspidum tendineo contextu fulciantur. Diù laboravimus, ut quam naturâ firmam adèò circularium tendinum compagem texuit nos arte retexeremus. Atqui irritum illud, atque inane studium præsertim in tendinibus, qui magnarum arteriarum ostiis admoventur evasit, quod cultro impendimus diducendis, ac dissolvendis eorundem fibris; quamquam antea Cor ipsum elixaverimus. Succurrit denique Cor intra acetum macerare, quod feliciter evenit, modò tamen fuisset robusti juvenis, cujus fibræ eo in viscere sunt quidem validæ, sed nondum per aetatem arescunt, eaque de causa illud sumunt ex aceti particulis incrementum, ut à se invicem diduci non admodum aegre patiantur; sæcus atque contingit in senum Cordibus; quorum tendines potissimum qui magnis arteriis præsent, nimium resiccati, & propè cartilaginei (in cervis enim senescentibus abeunt in ossa) aegerrimè dissolvuntur.

Antequam verò quidquid à nobis hac in re observatum fuit una cum Amico, & sæpe experimentorum socio D. Pacchiono, in medium proferamus, pretium operæ censeamus meminisse, tendinum voce nihil, quod non sit musculare, intelligendum esse; tendo enim est adhaesio compactior,

*Descriptio
circularium
tendinum
cordis.*

*Fibræ cordis
juvenis
præsertim
feliciter
deteguntur
per macerationem
in
aceto.*

*Tendinum
textura
muscularis.*

Quo differunt musculi à tendinibus.

& plus, minusve per transversales quoque villos validior redditus, intertextus attenuatarum carnearum fibrarum, quae cum suis vasorum, pororumque angustis rubram sanguinis partem minus admittant, idcirco solent plus minus albescere. Sed haec ad Tyronum dumtaxat eruditionem dixisse licuerit. Itaque ut ad propositum revertamur, circulares hujusmodi tendines constituuntur à productione, attenuatione, & mutuo magis coalitu fibrarum, à quibus universa tum Cordis, tum magnorum vasorum moles compaginatur. Fibrae enim, ventriculis advolutae si considerentur priusquam in auriculas, & summas venas producantur, vel contra, (parum enim interest unde sumas initium, ubi forte nullum est principium) clarè videbimus, illas per intertextum quemdam elegantissimum circulares tendines ad muscularem tamen texturam magis accedentes efformare: similiter fibras à ventriculis excitatà prius validiori, firmiorique texturà reliquorum duorum tendinum, in majores arterias elongari.

Tendinum circularium fibrae ex muscularibus quomodo producantur.

Diversitas structurae in tendinibus circularibus.

Et quamquam structura quatuor circularium tendinum confurgat ex variis invicem tum superpositis, tum magis, minusve strictim, ac decussatim intertextis fibris carnosis, summarum venarum, & auricularum, quae in ventriculos, atque ex ventriculis in magnas arterias abeunt: est tamen ut animadvertamus, aliquantò diversum esse modum texendi circulares tendines in confinio auricularum cum ventriculis ab illo, quod duo alii tendines conjungentes ventriculos cum magnis arteriis construuntur; prior enim simplicior est rubicundior, minusque validus, ac proinde texturam musculi parum excedit, alter verò magis compositus, compactior, albidior, robustior, ac uno verbo verè tendineus.

Describitur structura tendinum circularium inter auriculas, & ventriculos.

Textura tendinum, qui continentur sunt cum auriculis, & ventriculis, si (detractà prius extimà, intimaque validissimà, & planè tendineà membranà) lumini objiciatur, apparet instar telae contextae ex variis planis filamentorum per diversas inclinationes abeuntibus; unà siquidem facie fibrae ex dextera auricularum in sinistrum ventriculorum; alterà verò è sinistra in dexterum, dum interim multae femi-

cir-

circulariter, variisque aliis sine certa lege dispersis ordinibus, feruntur, & proxima plana firmant, & validant. Quamobrem hi tendines à reliqua textura ventriculorum, vel auricularum, non alia quidem ratione differre videntur, quam propter majorem tum fibrularum gracilitatem, tum mutuuum complexum, & adhaesionem,

Secus verò textura rotundorum tendinum, qui medii sunt Cor inter, & magnas arterias, quò validior est, eo sanè praedictis obscurior. Candidè tamen referam quiquid mihi repetitis experimentis innotuit. Porrò fibrae, ex quibus excitantur diversa plana, multifariam ventriculis advoluta in tenues, multiplicesque fasciculos indolis planè tendineae colliguntur, atque ad hos tendines formandos procedunt, qui sanè fasciculi, melius funiculi, tenuiores semper facti miro artificio inter se variis decussibus implicantur, atque ita invicem strictim adhaerent, & contorquentur, ut in tomentosum quoddam, prorsus inexplicabile Corpus migrare videantur in orificio quidem aortae validiùs, in pulmonicae verò minus robustum, donec iidem funiculi ex tendinibus emergentes, laxiùs sese contingunt, ita ut in arteriarum textura sensibiliores evadant. Consule figuram, quam impigro labore de vero naturae Typo delineari studuimus.

*Quae sit
textura
tendinum
inter Cor.
& ma-
gnas arte-
rias.*

*Fibrae ex
ventriculis
per circula-
res tendi-
nes in arte-
rias protra-
ctae.*

*Tab. IV.
Fig. III.
& IV.*

Neque verò illud praetereundum, validiores quosdam fasciculos fibrarum ex ventriculis decussatis ordinibus tendines ipsos supergredi, atque in majores arterias iis potissimum locis foris inferi, quae directè respondent subjectis adhaesibus semilunarium valvularum. Quinimò, quantum nobis hucusque cernere datum est, fasciculi fibrarum altè penetrare, atque osculari videntur fasciculos fibrarum, quae praedictas valvulas cum internis arteriarum cavitatibus colligant: ita ut dici possit, naturam hìc telam duplici facie acu contextisse, phrygioque veluti opere ad portentum luisse. Sed mittamus haec, ne videamur micrologi.

*Fibrae ali-
quot super-
grediuntur
tendines.*

Illud utique diligenter inquirendum est, qui scilicet factum sit, ut duo circulares tendines, auriculas inter, & ventriculos positi, aliquantò minus robusti sint iis qui ventriculos cum arteriis colligant. Profectò evidens ratio fluit

*Cur tendi-
nes nester-
tes auricu-
las cum
ventricu-
lis sint mi-*

nus validi
iis, qui
coniungunt
arterias
cum ven-
triculis.

ex mechanicis. Cùm enim minor sit impetus excurrentis sanguinis ex summis venis, & auriculis in ventriculos, maior verò ex ventriculis in arterias; maximus demùm ex laevo in aortam; idcirco renixus minor esse debebat in tendinibus illis, quàm in his, immò inter hos maximum esse oportebat ad ostium arteriae magnae.

PROPOSITIO XXXIII.

*Cordis valvulas tam semilunares, quàm mitrales,
& tricuspides muscolari pariter ac tendinea
substantia donari.*

(a) Lib-
do Cordis.
Valvulae
Cordis ten-
dineae de-
monstran-
tur Clariss.
etiam Mor-
gagni testi-
monio.

(b) In suis
Adversar.
Anat. I.
pag. 18.
19. & 20.
Auctoris
observatio-
nes.

Etiam si Hippocrates (a) & post illum ferè omnes Anatomici valvulas Cordis nudas membranas appellaverint; nemo tamen recentiorum, qui rem ipsam accuratè perviderit, easdem ad muscularem, tendineamque naturam non referet. Hoc sanè prae aliis minimè fugit Oculatissimum Johannem Baptistam Morgagnum (b) egregium naturae Myrtagogum, & nostri amantissimum, ubi restituere conatur Arantii opinionem de rotundis corpusculis in aortae, ac pulmonaris arteriae valvulis animadversis; apertè enim scripsit, valvulas semilunares tendineis fibris in ipso limbo firmari, atque inferiùs fibris carneis ornari pluribus. Quod olim nos evidentissime observavimus in pueris, praecipuè post febres hecticas vità defunctis, in quibus huiusmodi valvulas ad summam fibrarum vasorum plenitudinem adolevisse deprehendimus; scilicet ut probabiliter suspicabamur, quia eae valvulae per teneram illam aetatem adhuc molles perenni febrilium stimulorum affrictu intercurrentium liquidorum moram facillimè passae fuerant, proindeque earum fibrae, vasaeque mole sensim adaucta, minimo negotio tomenti speciem induunt.

In iis etiam puerorum extispiciis evidentius conspeximus unamquamque connexionem duarum simul valvularum cum arterià magna speciem exhibere clitoridis, quae apud abortus femellas observatur; elatae enim, & oblongae quasi cristatae suturae arteriis adhaerent, iisdemque junguntur per firmos,

ac

ac validos fibrarum carneo-tendinearum nexus, qui opportune in singulis curvi-lineis valvularum angulis positi sunt; ut laxi earundem valvularum margines solidioribus arteriarum parietibus alligentur. Fibrosi autem ejusmodi nexus producuntur, atque inosculantur cum fasciculis fibrarum, quos superiori propositione circulares tendines constituere, phrygiumque veluti opus in arteriarum exortu formare demonstravimus.

Animadvertendum ulterius est, valvulas semilunares habere bases evidenter tendineas, & supra Cordis orificium paulum emergentes, quaeque anaglypticè quasi à natura circulariter sunt excitatae. Singulas instructas quoque esse in medio fuorum limborum (ut prius notavit Arantius, & clarius postea demonstravit apposito icone laudatus Morgagnus) quibusdam veluti subrotundis nodis, qui apud senes in cartilagineam, indeque in osseam naturam facillè ferruminantur. Cum verò nodi incipiunt indurari, tunc mole sua prae se ferre videntur tubercula illa, quae in oculorum angulis nata, ordeola appellamus. Hujusmodi autem nodos suspicari licet à natura productos fuisse, ne fibrae per ipsas limborum peripherias ductae à se invicem propter alternam valvularum distractionem laxari, disjungique potuissent; quemadmodum nodi arboribus ad robur fibris, & fasciculis vasorum conciliandum fuerunt excitati. Sed de iis corpusculis fortè aliàs latius dicemus.

Faciunt similiter ad probandam tendineam semilunarium valvularum naturam sarcomata, quae apud easdem offendimus in cadavere Illustriss. Praefulis Spadae (c). Haec enim nos tanto fibrarum incremento satis docuerunt, valvulas nudis oculis membranas creditas, tendineae, & muscularis substantiae participes esse. Quod verò pertinet ad tendineam valvularum Mitralium, ac Tricuspidum texturam, hoc certè faciliùs quàm de semilunaribus demonstratur, cum illae, à cylindricis ferè musculis, intra Cordis ventriculos positis, columnulas appellant, exortae dilatentur, atque explicentur in tenues margines, quos, qui intimam Animalium compagem ignorant, membranas dicunt, & tamen

Basis valvularum semilunarium tendinea.

Nodi in eisdem observati.

Sarcomata in iisdem oborta. (c) Vide lib. 2 de moribus subitan. pag. 162.

Valvulae tricuspidales & mitrales

tendineae
demon-
strantur.

veri sunt tendines, cum principium habentes carnosomusculari definant in albos funiculos, qui orificia Cordis cum auriculis, & suis venis connectunt: sed haec clariùs fortè etiam ex sequentibus. Neque enim complecti omnia, vel in caeteris possumus, contenti, tum res, tum rationes plura quaesituris divisas ostendere.

PROPOSITIO. XXXIV.

Circulares tendines, ac valvulae tum tricuspidales, tum semilunares, praeter alios usus id etiam praestant, ut novum Cordi renixum, seu robur concilient.

Circularium tendinum Cordis officia quae.

Firmum, vulgatumque est apud Anatomicos eà ratione circulares tendines primo loco fuisse à natura comparatos, ut & Cordis orificia servarent aperta, & alligandis ejusdem fibræ carneis fulcimenta praestarent. Sed ipsa natura, quae unam saepè, eandemque partem multis adaptare solet officiis, eosdem tendines aptà ratione ad sustinendum impetum sanguinis magis, vel minus firmos de industria construxit, ut in calce Propositionis XXXII. demonstravimus; scilicet, ut Cordis machina propriae dissolutioni iis maximè in partibus, locisque valide reniteretur, quibus per amplis foraminibus dehiscens, minus certè impetui sanguinis extrorsum urgentis, si eadem ex laxiori textura confurgeret, resistere potuisset.

Valvularum Cordis usus.

A Galeno cognitus. (a) Lib. 6. de placit. Hip. & Platon. cap. 6. Atercatio

Quod hæcenus de circularibus diximus, intelligendum arbitramur, de latis tendinibus, quos valvulas nuncupant. Porrò tam mitrales, ac tricuspidales, quàm semilunares ideo factas fuisse, ut resupinatae sanguinis fluxum permitterent; elevatae verò prohiberent refluxum, tam ex ventriculis in summas venas, quam ex magnis arteriis in ventriculos, vel ipse Galenus (a) apertissimè cognovit; quem sanè Auctorem alioqui perspicacissimum non semel demiratus sum, cur veram hujusmodi valvularum actionem assequutus, animum tamen ad imaginandum obviam caeteroquin sanguinis circuitum non erexit. Sed magni etiam Viri cum inter se acriter dimicant, atque incandescunt (quemadmodum

Ga-

Galenus per id temporis, quo haec scripsit, adversus Erasistratum incendebatur) saepe saepius, quae prae oculis habent minimè vident irà videlicet, multaque animi perturbatione caecutientes.

Valvulae mitrales, ac tricuspidales suis cum funiculis, & reticularibus, scabrosisque basibus (unde penè univèrsa interna ventriculorum facies inaequalis, atque aspera redditur) eo etiam diriguntur, ut dum Cordis machina tensionem acquirat, & ad singula ferè puncta suarum cavitatum exercet momentum impetus, per quam (instar impellentis emboli in fyinga) contentum sanguinem in arterias extrudit, necessario veterem cruorem cum reflua lymphâ, influo chylo, atque aère, vel iis quae ab aère secernuntur particulis exactissimè permisceant. Cuneorum enim quasi vim succutiendo, ac scindendo viscidulum, haeterogeneumque fluidum mirabiliter exercent. Deinde huiusmodi valvulae ad eum quoque finem conspirare videntur, ut Cordis glomerem à dissolutionis periculo vindicent. Satis enim est, Cordis sinus eâ sedulitate aperire, ut valvulae tum mitrales, ac tricuspidales, tum semilunares integrae serventur (quod facillè quisque obtinebit, si cultrum eo dirigat, ubi duo illarum simul conjunguntur) siquidem clarè conspicitur earum basis ab interna facie orificiorum, seu circularium tendinum auricularum, & summorum venarum exortas, intra ventriculos ferri, & per fimbrias, ac funiculos suorum marginum jungi cum columnis, & scrobiculis internarum ventriculorum superficie: ita ut solo quisque sensuum testimonio decernere possit, duo haec auricularum, & Cordis orificia propter has valvulas eâ ratione cum sinuum parietibus conjungi, quemadmodum propter ferreas claves, quas Architecti taleas vocant, non oppositi solum, sed etiam diversi parietes, ne totius impendat aedificii ruina, inter se conjunguntur, ac roborantur. Porrò concipi nequit solito major sanguinis copia, aut vis, apta ad distrahendum, ac dilatandum duo illa ventriculorum orificia, & parietes capacitatum, quin praesto sint huiusmodi tendineae valvulae, quae propriae distractioni, ac productioni oblucentes, pro viribus renitentur.

nes literariae noxiae.

Alius tricuspidum valvularum usum ad sanguinem aliis particulis commiscendum.

Valvulae firmitatem ventriculis conciliant.

Earundem connectio cum fibris ventriculorum ostenditur.

Confirmatur exemplo ab Architectura.

*Valvulae
tricuspidales
debilitant
sanguinis
motum.*

Accedit etiam elegans modus, quo hujusmodi valvulae machinam Cordis à dissolutionis discrimine in vehementioribus motibus tueri mihi videntur: is quidem in aliquantisper retardato impetu sanguinis ob superficierum intra ventriculos multiplicationem, situs est. Cùm enim duplex sit, eaque utràque parte admodum lata valvularum mitralium, tricuspidaeque facies necessariò duplus redditur contactus, & affricus sanguinis ad illas, cujus propterea ut permixtio, atque comminutio per earum asperitatem adaugetur, ita major per quamcumque causam factus in sanguine impetus, dum quaquaversum nititur, non leviter ex mechanicis debet infringi; ac proinde hac etiam ratione asserere possumus, hujusmodi tendines firmitudinem aliquam (debilitando quoquo modo nimium sanguinis nisum) structurae Cordis conciliare.

Demonstratur eundem esse valvularum semilunarium usum.

Eodem quoque consilio naturam usam fuisse in compingendis aliis tendinibus nomine valvularum semilunarium exposita hactenus sectionis ratio evidenter demonstrat. Siquidem cùm hujusmodi valvulae nihil aliud sint, quam complexus fibrarum, validissimâ tunicâ munitus, fieri non potest, quin duobus aliis Cordis orificiis, quibus interius adduntur, firmissimum robur adjungant, scilicet, ut utrobique magna trudendi vis à Corde cum sanguine exerceatur, maximus quoque vigeat renixus, quominus duo ista Cordis orificia, & majorum initia arteriarum ultra consuetos extensionis limites urgeantur. Docemur verò praecipuè hunc usum à structura, & positione earundem valvularum, quarum bases exoriuntur à propagatione tendinearum membranarum, quae internas Cordis superficies investiunt; margines verò tribus utrinque locis firmiter alligantur, seu continuantur, cum intima tendinea structura majorum arteriarum. Concipiatur itaque impetum projecti sanguinis solito majorem fieri ad supradicta orificia: tunc certè margines istorum tendinum alligati ipsis arteriis necesse est, ut propriae distractioni, ac veluti laxationi renitentur, & pro viribus impediunt, ne segmenta illa arteriarum ultra fines naturalium diametrorum producantur, & amplientur. Concipiatur insuper

per solito vehementiorem interdum fieri sanguinis repulsi-
 onem ab arteriis in Cordis orificia, tunc profectò bases ista-
 rum valvularum, à reverberato, ac resiliente sanguine ma-
 gis tumbunt, ac propterea orificia ipsa Cordis intrò etiam
 urgeri, ac certo modo repelli debent. Ut jure maximo
 affirmare possimus, valvulas omnes ad Cordis etiam robur,
 ac tutamen plurimùm conspirare. Meritò idcirco Clariss.
 Veslingius advertit (a); *duo Cordis ostia; quae semilunari-*
bus valvulis muniuntur, non tam facile aneurysmatum dam-
nis obnoxia esse.

(a) *Anat.*
 cap. x. pag.
 m. 120.

PROPOSITIO XXXV.

*Agitur de quibusdam fasciis adiposis supra circulares Cordis
 tendines, & nonnullis adiposis folliculis intra sinistram
 ventriculum, & aortam positis, ut loca illa le-
 niantur, atque a scissione, ac duritie probi-
 beantur.*

Nemo de Cordis egit Anatomè, quin simul de copioso
 adipe ad basim praecipuè circumfuso, tractaverit: ad-
 vertimus autem adiposas quasdam fasciolas supra arteriam
 coronariam, & circa quatuor circulares tendines Cordis dis-
 positas reperiri. Usus verò ejusmodi fasciolarum facillè asse-
 quemur si observaverimus praedictos tendines, reliquis Cordis
 partibus minus molles, minusque flexiles inveniri, cum in
 perenni reciprocatione motus versentur: quibus fit, ut nisi
 fibrae ipsorum perpetuò adipis stillicidio lenirentur, sufferre
 non possent exiguas illas mutuorum contactuum permutatio-
 nes, seu paucillulos excursus, ac recursus, accessus, & re-
 cessus, quibus dum distrahuntur, & contrahuntur necessa-
 riò sunt obnoxii; alioqui enim sensim atteri, vel inflexiles
 motui reniti possent.

*Cui usui
 sint fascio-
 lae adiposae
 circulari-
 um tendi-
 num Cor-
 dis.*

Hunc sanè usum probat evidenter defectus, aut saltem
 minus fluxilis crasis hujus adipis saepè apud senes decrepitos
 inventa. Hinc enim iidem tendines paulatim, ubi minus
 ungi, ac maximè ab appulso sanguine tundi contingat, fa-
 cillè vel divelluntur, ac discinduntur, vel invicem nimium

*Confirma-
 tur ex sym-
 ptomatis
 in senum
 Cordibus
 observatis.*

adhaerent; quamobrem in cartilagineam, osseamque durtiem ferruminantur, si caetera, tam ex parte liquidorum, quam ipsius structurae solidorum conspirent. Quod quidem non rarò accidisse vidimus in basi, & summitate septi medii Cordis, quo loco circulares majorum arteriarum tendines sese contingunt, minusque spatium penetraturo adipi relinquunt. Quod in annosis cervis passim deprehenditur. Simile quid animadvertimus in conspicuo illo ramo arteriae coronalis, quae a basi ad mucronem Cordis protenditur; illum enim videmus adiposis ductibus stipatum, vallatumque, ad hoc scilicet, ut cum semper ad Cordis motum alternè contrahi, extendique debeat, opportunè perungi possit.

Describuntur folliculi adiposi in sinistro ventriculo & aortae principio.

Historia morbi ex concreto hujusmodi adipe.

Usus folliculorum adiposorum.

Neque hîc sanè altera tacenda est observatio quorundam adiposorum folliculorum, qui tum in laevo robustorum, & adultorum Cordium ventriculo, tum in principio aortae sub forma cinerearum macularum sparsim internas tunicas variegant. Hos enim folliculos gladiolo fauciatos adipem continere comperimus; quinimo in pusilla steatomata abiisse vidimus in Cadavere Ducis Antonii Lantii, qui otio, atque opiparo vitae genere faginatus ex naturalium, ac spiritualium viscerum phlogosi decessit: Nam in hujus Illustris Viri Corde, tam intrâ dexterum, quam sinistrum Cordis sinum pendebant à lacertulis columnularum tuberculi subcinerei, qui dissecti concretum adipem continebant.

Et quidem, cum maximus alternè nixus fibrarum sinistri ventriculi, atque aortae renixus simul, & nixus futurus esset, certè harum partium fibrae arescere minimo negotio potuissent, nisi assiduè oleosa linirentur substantiâ, quae à solo adipe exteriùs circumfuso satis commodè venire nequit, sed interiùs quoque Cordis, atque aortae fornicibus adhaerere debebat, ut dum adeps à calidarum motu particularum, & ab ipsâ quoque trudendi, ac circumpellendii vi internarum fibrarum sensim liquefit, sensim pariter per internas ipsius ventriculi, atque aortae fibras trajiciatur: quamobrem non solum facilis illarum tensio, ac lubricum iter ad expeditum quaquaversum sanguinis excursus reddatur, sed potissimum eadem adipis particulae circulantibus liquidis permixtae ad quandam acutorum salium laevigationem, aequabilem-

lemque totius massae mixtionem promovendam opportunè conducant.

PROPOSITIO XXXVI.

De falcatis, ac reticulatis quibusdam valvulis, deque venoso ductu, osculisque coronariarum venarum intra cavae vestibulum, in homine praesertim animadversis.

Cum nolimus usquam alicujus laudibus detrudere; immo vero fateri summoperè laetemur per quos profecerimus, eisque, quibus multum debemus plurimum semper voluisse debere; non piget hîc observationes quasdam acceptas referre Clarissimo nostro Bartholomaeo Eustachio, per-cujus vestigia progredientes singularia quaedam in vestibulo venae Cavae deteximus. Sed quoniam Vir doctissimus notitiâ circuitus sanguinis (quae illius erat temporis infelicitas) destituebatur, nonnulla eo tum ordine, tum situ, quo rei natura postulabat, minimè fuit assequutus. Nam descripsit (a) utique, iconeque expressit *Membranam, quae foramini venae cavae à Jecore ascendentis, cum primum haec in auriculam degenerat praefecta est, ac deinceps reticulam efformat, aliamque pariter membranam cornutae lunae figuram referentem orificio majoris venae coronariae, seu operculum ultra medium obductam.* Sed iconem postea exhibiturus non aperuit dextram Cordis auriculam, ac truncum ascendentis Cavae secundum directionem influentis sanguinis; verùm secuit dexterum ventriculum per ejus longitudinem; hinc factum arbitror, ut neque figuram falcatae membranae in icone adamussim ostenderit; neque usum potuerit demonstrare; eâque ratione laudatissimum hunc alioqui Anatomicum, quamquam veritatem indicaverit, tamen nemo Recentiorum sequutus sit, praeter unum Lowerium (b) qui hanc Eustachii valvulam, suppresso inventoris nomine, quoquo modo subolfecit, ejus tamen situm, usumque haud integrè attingere visus est; cum putaverit esse *Tuberculum à subjecta pinguedine elatum, cujus obtentu, ne sanguine in auriculam descendens motum ascendentis perturbaret, prohiberetur.*

Primus valvulae falcatae inventor Eustachius.

(a) Tab. VIII. Fig. VI.

Cur ejus usum non affectus sit.

(b) In Tract. de Corde.

Haec

Cur in hominibus tantum huiusmodi valvula reperitur.

Musculus semicircularis valvulae falcatae loco in brutis describitur.

Ejus usus.

Haec autem valvula in hominibus rectè incedentibus (ut clariùs infra docebimus) admodùm distinctè, atque in fine ascendenti Cavae ubi in vestibulum, & auriculam dilatatur, bellè animadvertitur. In brutis vero Animalibus, quae prona degunt, aliter se res habet. Nam in omni pecudum genere loco falcatae huius valvulae locata est versus inferioris Cavae partem, quà dorsum respicit, quaedam veluti vitta, seu fascia musculi semicircularis, cuius tendo segmentum complectitur ejusdem Cavae, eo potissimùm loco, quo proximum habet, ac penè dixerim subjectum orificium majoris venae coronariae, cui etiam subservit. Hic porrò semicircularis musculus excitatus esse videtur, ut suà contractione dirigat intra auriculam, dextrumque ventriculum, eum sanguinem qui ab ipso abdomine infernisque artubus reducit: horizontales quippè sunt utriusque sanguinis motus; quamobrem ad facilem influxum intra dexteram capacitates nullo alio egent instrumento, quàm musculari machinà, quae per superadditam circumpulsionem eorum cursum leniter inflectat.

Auctoris methodus in ostendenda valvula falcata.

Ejusdem descriptio, & usus.

Sed ut ad propositum revertamur, universam falcatae valvulae historiam exponere nobis liceat: indicando scilicet modum, quo illam facillè amicis nostris saepè demonstravimus. Siquidem anteriorem parietem ventriculi dextri una cum valvulis tricuspibus diligenter secuimus; undè tam oculis, quàm digitis retrogrado itinere patebat aditus in auriculam, & cavae vestibulum; in cujus postea inferiorem partem, quà itur in diaphragma, cum argenteum stylum immitteremus, statim offenderemus falcatam hanc membranam, quae in hominibus occupat dimidiatam partem, eamque anteriorem faciem ipsius Cavae, tandemque in angustiori parte, quae manubrium quasi falcis format, in reticulum delinit, ita ut semicirculari sinu suo partim superiorem cavam, partim dexterae auriculae tholum, partim etiam ventriculi Cordis orificium prospectet; eaque ratione facta omninò videatur, ut dum molliter cedit sanguini per cavam ascendenti, renitatur impetus sanguinis tam descendenti per superiorem Cavam, ne ad inferiorem illabatur, arietetque

que cum ascendente, quàm circumpulsi ab auricula, & ventriculo, cum alternè se contrahunt, vel quacumque de causa eidem sanguini aufertur libertas itineris in ventriculum.

Praeterea, ut quo loco in naturali statu posita est haec valvula per iconem lectoribus perspicuè ostenderemus, hac methodo usi sumus. Circumcidimus fornicem, seu tholum auriculae dextrae, ubi cum superiori Cava connectitur, & conferitur, eumque versùs dextrum ventriculum cum interiori facie auriculae, & Cavae tum superioris, tum inferioris. Hic tamen operae pretium est animadvertere, manubrium falcatae valvulae (quod ut liberè cerni possit nostra in icone infernum situm occupat) ad naturalem ejus supernum locum mente restituendum esse; ita enim septum, ac vallum constituitur impulsui sanguinis à superiori Cava descendentis, atque ab auricula, & ventriculo utcumque reverberati.

Exponuntur quaedam ad tabulam praedictae valvulae spectantia.

In hac autem Tabula faciliè perspicì possunt omnia, quae in praesenti Propositione assumpsimus demonstranda. Etenim in eadem delineatur quidquid plerumque apud homines (in quibus identidem variat situs, & figura harum particularum, undè tanta in nobis tum pulsuum varietas, tum Praecordiorum affectionum diversitas nascuntur) observatur in vestibulo venae Cavae, atque auriculae dextrae. In Tabula itaque ostenditur.

- A. Cor ipsum facie anteriori.
- a. Extima auriculae membrana.
- B. Paries anterior, & tholus auriculae dextrae sectus, atque infra resupinatus.
- C. Vena Cava superior.
- D. Vena Cava inferior per longum aperta.
- E. Arteria magna.
- FFF. Valvula major falcata Eustachii, cujus manubrium attenuatum jungitur cum latere fornicis dextrae auriculae; ibique non rarò fibrosum reticulum invenitur, quo cum auriculae lacertulis validè conjungitur, alligaturque.
- G. Paramplum vestigium cujusdam foraminis cum adnexo

Q

cra-


crate fibroso, sub cujus superiori margine versus L. & K. sinus latet, qui ut in foetu probabiliter dehifcebat intra vestibulum venae pulmonicae, & ovale foramen dicebatur, ita in natis, & in adultis valvulae cujusdam vicem gerit, qua in magno sanguinis ad Cavae vestibulum concursu, aut repulso utcumque à retrogrado motu in Cavas retinetur.

- H. Foramen, seu ostium majoris venae coronariae.
- I. Semilunaris pusilla valvula supra idem foramen posita, quae influenti per inferiorem, vel superiorem cavam sanguini obsequitur; refluenti verò, ac repulso ab auricula, & ventriculo renititur: ducto enim super illam stylo versus auriculae basim libenter subsidet; contra verò marginem suum erigit, & opponitur, cum idem stylus ab auricula, & orificio dexteri ventriculi illuc ducitur.
- N. Crates lacertosa, quae ut plurimum semilunari valvulae praeficitur, sub falcata majori valvula.
- KKK. Ductus, seu canaliculus venosus per forficem apertus, ut quamplurima oscula venularum coronarium, quae ab auriculis praesertim sanguinem regerunt perspicere possint. Est autem ejusmodi canalis veluti oblonga valvula multis simul venarum oscillis superposita.
- L. Nonnulla foramina, seu ostiola venarum, quae à Cordis basi, atque ab adiposis folliculis sanguinem revehunt.
- M. Foramina venularum, quae portionem sanguinis reducunt à Cava, Pericardio, & Mediaestino.

Hinc porrò sapiens Lector colligat naturam in hominibus potissimum per multa admota repagula diligenter studuisse, ut impedimentum poneretur sanguini refluxuro quò non licebat.

(c) De motu Cordis exer. 1. cap. 17. Quærat modò per otium curiosus qui fiat (quemadmodum Harvaeus (c) animadvertit) ut in quibusdam Animalibus valvulae tricuspides non inveniantur. An quia minor harum valvularum futura erat necessitas, ubi fortè major in

au-





auriculis ad sanguinis refluxum, & minor in universis feriebus ad liberum sanguinis fluxum renixus viginisset? An potius id ortum habeat à diversa iis in Animalibus directione impulsus à Corde sanguinis, ut veluti sagitta ab arcu recta emittitur, ita sanguis à Cordis cono, & lateribus magis directè in Arterias propellatur. Monitos tamen hic rursus velim Tyrones artis, ne per hanc unam, quam nos damus iconem vestibuli venae cavae se animo complecti posse sperent omnia discrimina particularum, quae intra illud in singulis cadaveribus inveniuntur: Tot enim pene sunt, quot homines. Unde scrutari eorum Corda difficillimum est. Adnotavimus verò, quae maximè frequentia, & insigniora nobis occurrerunt, quaeque ad alternum, aequabilemque Cordis motum, ac bonam Praecordiorum valetudinem servandam opportunè conducunt.

Cur quaedam Animalia valvulis tricuspibus destituantur.

Quanta sit structurae Cordis varietas in singulis.

Videbis plura Prop. XLII. & sequenti &c.

PROPOSITIO XXXVII.

Nonnulla de muscularibus auricularum lacertis, illarum praesertim fornices firmantibus, & cur eadem auriculae in foetibus majores sint, quam in Adultis, atque in his dextera semper laeva sit major.

Non est, ut sub initium hujus Propositionis laboremus ostensuri fibras, quae auricularum tholos seu fornices instruunt esse omnino musculares, & quo magis ad ventriculorum ostia accedunt, eò firmius in tendineam naturam faceffere: similiter auriculas in foetibus majores esse, quam in natis; ut dexteram perpetuò latiore occurere, quam sinistram: hujusmodi enim res ex ipsamet autopsia luculenter innotescunt; inquisitionem utique cur haec à natura ita comparata fuerint, non minus jucundam, quam ad nostrum praecipuè de Cordis motu, deque Aneurysmatibus tractatum illustrandum maximè utilem reputamus. Nemo autem veras ejusmodi structurarum causas, rationesque persequi, atque invenire poterit, nisi prius apud se statuat, nonnulla veluti Anatomica postulata: scilicet.

Auricularum dilatatio, & contractio unde.

I. Auriculas ad latera basis Cordis positas alternè laxari; alternè verò contrahi; cùm verò laxantur sanguine ex fumis venis defluente impleri: quo fit ut non supra se ipsas concidant (quemadmodum uteri latera excluso foetu) sed ut dilatentur, ac tholos suos, seu fornices supra Cordis basim erigant. Contra verò cum systole corripiunt statim ex concava, seu elatâ in tholum figura (expresso intra ventriculorum capacitates sanguineo fluido) easdem deprimi, angustari, ac ferè complanari.

Auricularum ratione situs fibrarum ventriculis contrariae.

II. Postulatum sit auriculas contrario penè cum Cordis ventriculis situ, ac fibrarum productione, directioneque gaudere. Nam Cordis ventriculi fortiti sunt basim, ac tendineam partem superius, nempe versùs jugulum locatam; cuspidem verò omninò muscularem inferius, seu ad basim Cordis; musculares verò partes, seu tholos superius, videlicet versùs jugulum collocatas habent: quo fit ut quotiescunque univèrsus quadricavus Cordis musculus tenditur, & constringitur, cernantur auriculae versùs basim deprimi, atque descendere; ventriculi vero versùs basim elevari, atque ascendere, ita ut corpus antea oblongum ferè rotundum, ac sphaericum conspiciendum se praebeat; quod quidem non sine admirando naturae consilio factum arbitramur, ut scilicet conjunctis undequaque quadricavi hujus musculi viribus, ipse sanguis à venis in arterias valide protrudatur.

Auricularum, & ventriculorum motus in systole in eandem partem tendunt.

Cur sanguis velocius fluat per venam pulmonicam, quàm per cavam.

Postremò admonendum censeo, apud Anatomicos esse compertissimum, sanguinis motum per Cavam versùs auriculam, & Cordis ventriculum dexterum aliquantò leniorem esse motu sanguinis per venam Pulmonicam in laevas capacitates, auriculam nempe, & ventriculum fluentis. Nam, tametsi sanguis venae cavae ab hujus muscularium fibrarum circumpulsione, atque à thoracis elevatione, ac depressione, utcunque recens urgeatur; aliquantò tamen major est velocitas decurrentis per venam Pulmonicam, cùm praeter musculares aliquot fibras quibus ipsa quoque instructa contentum sanguinem adigit, & praeter alternam thoracis compressionem, quâ idem impellitur à Pulmonum vesiculis, aëre vicissim distensis ulterius prematur, ac paulò magis, quàm

Ca:

Cavae sanguis acceleretur. Sed his praelibatis ad solvenda, quae in Propositione innuimus, revertamur.

Porrò musculares fibrae ideo in auriculis positae sunt ad circumferentias tholorum, seu versùs supernas partes, quia eadem auriculae sese contrahere debent versùs Cordis basim, contentumque sanguinem per orificia intra ventriculos ad arterias urgere. Constat verò contractionem in cavis muscularis fieri duntaxat per carneas fibras, quae cum decurtantur, vel mobilem, cui conjunguntur tendinem ad se trahunt, vel ad eundem planè immobilem, aut magis renitentem accedunt. Cumque auricularum tendines basi ventriculorum ita firmiter connectantur, ut loco moveri sinè majoris, graviorisque Cordis molis dimotione nequeant; proclive est intelligere carneas auricularum fibras in eum finem superiori in parte collocatas fuisse; ut ipsae ad infernas tendineas accederent. Quod certè pro naturalis oeconomiae legibus servandis omninò exigebatur. Ad secundam quod attinet Propositionis partem, videlicet auriculas in foetibus majores esse, quàm in Adultis ratio est in promptu. Nam sanguis cum in foetu destituatur alternà tum thoracis, tum aëris pressione, lentius per utramque venam, Cavam nimirum, & Pulmonicam fluit, quàm in natis; atque ideò majoribus continentibus indiget, quod patet ex hydrostaticis.

Demonstratur fibras carneas auricularum in superiori parte necessario locandas fuisse.

Cur auriculae in foetibus sint majores, quàm in natis.

Demùm cur dextera auricula semper etiam in natis, atque Adultis laevà sit major, ex iisdem hydrostaticae legibus repeti debent, scilicet ex majori sanguinis per venam Pulmonicam, quàm per Cavam velocitate, ut in calce Prop. XXVI. fusè demonstravimus. Illud fortè admonuisse supervacaneum minimè fuerit, parentes, ac nutrices natis suis male consulere, cum eos à gemitu, atque ab ejulatu ita prohibent, ut nunquam velint esse clamatores, singultantes, lugentesque. Affert enim idem clamor, & lacrymarum libertas maximum tum Praecordiis, tum Cerebro emolumentum. Nam per violentum illum thoracis motum, non solum sanguis celerius in gyrum agitur, aërique exactius permiscetur; verùm etiam solidae Praecordiorum particulae validius firmantur, quemadmodum de arboribus ex ipsius Se-

Cur dextera auricula sinistra major.

Ploratus cur infantibus utilis.

(a) *Lib. de
provid. cap.
2.*

necae (a) sententia alibi diximus, quippe quae nec solidae sunt, nec fortes, nisi in quas frequens ventus incurfat: ipsa enim vexatione constringuntur, & radices altiùs figunt. *Fragiles sunt, quae in depressa valle creverunt.* Per fletum verò superflua humiditas à puerorum capite utiliter foras derivatur.

PROPOSITIO XXXVIII.

Proportionem quandam tum in structura, tum in viribus inter summas venas, auriculas, ventriculos, majoresque arterias Cordis, ad incolumem corporis statum, ac praesertim ad avertenda Aneurysmata servandum esse exponitur, ac demonstratur.

*Comprobatur
Propositio
similitudine
plantarum.*

Ut in arboribus, ac stirpibus (quarum perfimilis est cum homine, ac brutis Animalibus natura, secundum ea quae fortè ex Hippocrate nostro ipsemet Cicero mutuatus esse videtur) certa quaedam firmitatis, ac virium proportio in singulis earum partibus pro ratione muneris exercendi, atque ad plantarum incolumitatem servandam summopere est necessaria: ita etiam in cunctis corporis nostri partibus, ac praesertim in Praecordiis (de quibus nunc est sermo) proportio quaedam roboris, tum in solidorum textura, tum in fluidorum crasi intercedere debet, ut valetudo hominis conservetur; potissimum verò haec eadem proportio firmitatis, ac roboris haberi debet inter summas venas, & auriculas, inter has, & ventriculos; demùm inter ventriculos, & majores arterias. Nam si una istarum partium altera languidior sit, & structurâ infirmior, ob quamlibet, etsi levem occasionem, & causam Aneurysmata potissimum facillimè oriuntur, tacitèque succrescunt.

Et quidem Praecordiorum partes in statu naturali ita invicem debent congruere, ut intersit proportio roboris, seu validitatis fibrarum inter vestibulum venae tum Cavae, tum Pulmonicae, & auriculas; necnon inter Cor, Arterias, atque universum corporis habitum. Hoc fanè primus perspexisse videtur Clariss. Harvaeus (a) cùm observaverit in ho-

(a) *Loco*

mi-

minibus torosis, ac durioris habitus dexteram auriculam ita robustam, & cum lacertulis, varioque fibrarum contextu interius ita affabrè concinnatam, ut aliorum ventriculis, suo robore videretur aequipollere; & mirabar, inquit, quod in hominibus diversis tanta esset differentia; sed multo adhuc clariùs subdit (b) Praecordia ubique proportionem servant, quantò enim homines magis torosi, musculosi, ac durioris sunt habitus, & Cor habent robustum, crassum, densum, & fibrosum magis; tantò auriculas, & arterias proportionaliter in omnibus crassitie, & robore habent magis respondentes. Quod verò magnus Harvaeus inter primos animadvertit, nos dum connatas Aneurysmatum causas diligenter quaeremus saepissimè invenimus.

supra cit. pag. 163. Harvaei observatio de auricularum firmitate in hominibus torosis. (b) pag. 170.

Et sanè isthaec proportio, quam sola primùm experientia detexit, ratione confirmatur: etenim cum natura effinxerit Animal, ut non vivum dumtaxat, sed incolume, quod fieri posset, fervaretur, necessariò praedictas partes, tam inter se, quàm cum universo corpore instruere debebat proportione respondentes; hac enim sola lege Animal sanum poterat conservari. Nam sanguinis motus est de genere projectorum, seu violenter decurrentium; trusione siquidem Cordis, & varià circumpulsione canalium in circuitum urgetur; ut proinde nemo in mechanicis, vel leviter instructus possit ignorare ad constitutionem, & conservationem hujus motus, totiusque machinae Animalis opus esse movente, mobili, & viis, quae omnia inter se habeant rationem molis, & ponderis impulsus, & renixus, quibus in rebus proportione respondentibus, universa pene versatur Animalium oeconomia.

Animalium vita, & incolumitas in partium proportione consistit.

Et quoniam demonstratum jam est, solidarum partium proportionem ad naturalem hominis statum tuendum, conservandumque magnopere conferre, superest modo ut breviter exponamus, hanc eandem proportionem interdum ab ipsomet ortu, ac principio generationis vitiatum iri: unde postea varii, gravesque morbi, praecipuè antem Aneurysmata, ob levem quamcunque occasionem facillimè excitantur. Enim verò quemadmodum plantis, ubi accidat, aliqua

Aneurysmata in Animalibus ex imbecillitate fibrarum non secus, ac tumores in plantis oriuntur.

Confirmatur exemplo textiliū operum.

qua in parte fibras esse minus firmas, invicemque cohaerentes, aut etiam pauciores, ibi quidem varia vitia, tumores praesertim, atque erosiones (quasi non dixerim Aneurysmata, varicesque) oboriri animadvertimus; ita in Animalium corporibus, homine praecipuè, quoties Praecordia alicubi non satis validis, aut etiam deficientibus fibris instructa esse contingat, illic paulatim ob vehementem sanguinis impulsū, qui fibrarum imbecillitatem superet, accedente potissimum majori nonnunquam pectoris conatu, vel externā vi eneruatū, infirmūque locum percutiente, Aneurysmata, varicesque progigni comperimus.

Dum haec scribimus exemplum succurrit satis luculentum, quo ejusmodi doctrina illustrari potest; nimirum fabrica textiliū, ac vimineorum quorumcunque operum: haec enim, nisi eo studio sint contexta, ut vimina, aut fila illam proportionem habeant, quae singularum partium muneribus, atque officiis opportunè respondeat, quo loco eadem vimina, aut fila pauciora, laxiora, atque infirmiora sunt, quàm earum partium usus postulat, minimo negotio dehiscunt, dissolvuntur, rumpunturque.

Aneurysmatum principia in prima foetus formatione.

Quod si autem tantum valet texturae proportio in arte factis, in quibus simpliciores sunt actiones, quanto majoris erit momenti in Animalibus, hominibus praecipuè hujusmodi vitiata structurae ratio, in quibus tam multiplices, ac planè innumerae, vehementesque sunt actiones, ac renixus. Quocirca, si in ipsa foetus formatione vitiari utcunque contingat Praecordiorum machinam, procul dubio quaedam veluti futurorum aneurysmatum semina, suo quaeque tempore pululatura, in laeso fibrarum Cordis contextu latere, recondique arbitramur. Quod autem hucusque, tum mechanicis rationibus, tum analogismo ex plantis, atque ab arte factis petito demonstravimus, experimentis, & observationibus sequenti libro fusè, latèque confirmabimus; atque hinc quasi praetereuntes id ipsum generalibus aliquot animadversionibus ostendemus.

Infirma Cordis te-

Et quidem primo loco in Praecordiis occurrere potest vitium languidiorum, nec satis cohaerentium, aut etiam deficien-

tientium fibrarum. Ita in puerorum cadaveribus, nec non in catulis, ac vervecibus aliquando spectavimus eorum Corda, in altera auricularum, (vel ut frequentius) sinistro in ventriculo locum quendam, ac veluti foramen pellucidum, quod externâ, internâque tantum membranâ ne omnino dehisceret, impediabat. Neque dubitandum, quin, si eadem corpora adolevissent, inter illa facilè adnumeranda essent, quae repentino interitu ob apertum ex tempore Cordis foramen concidunt, cujus profectò mortis genus, & alii saepè, & nos crebrò etiam vidimus.

xtura in pueris observata.

Non infrequens pariter genus vitiatae proportionis illud est, quod intercedit inter texturam arteriarum minus renitentem, & contextum magis validum fibrarum, quae Cordis ventriculos componunt, & comprehendunt. Si enim contingat, ut structura alterius, vel utriusque ventriculi validior sit, quàm usus postulat, ac proinde ut in propria tensione majorem exercent vim propellendi, quàm alicubi sustineri queat à minus valida textura arteriarum; tunc necessario ex hac inepta proportione sensim locus ille à sanguinis impetu debilitari, frangique debet, admittetque Aneurysma. Enim verò neque id praetereundum arbitramur, nos in cadaveribus juvenum praesertim, qui propter largas, effusasque haemoptyses decesserunt, fere semper hujusmodi vitiatam vasorum Pulmonalium cum Corde rationem invenisse. Scilicet, offendimus Cor nimis robustum, torosumque, ac dexterum praecipuè ventriculum solito validiorem, cum arteria Pulmonica solito laxiori, infirmiorique. Quamobrem sanguis, quoniam aetate illa suapte naturâ ferventior esse solet, aciem suam acuit propter violentiorem nifum à Corde acceptum, undè tunicae, ac velamina minimorum Pulmonalium vasorum non aegrè diducuntur, ac perumpuntur.

Aneurysmata quomodo ex turbata proportione inter fibras arteriarum, & Cordis oriuntur.

Anatomicae observationes idem comprobant.

Postremò genus quoque indebitae proportionis apparet in universa Cordis mole, quae in ipsa embryonis formatione consueto major (quemadmodum in foetuum capitibus, aliisque membris frequenter comperimus) fieri contingat. Amplior enim haec moles majus etiam pondus accerlit, majorem

Quomodo ex nimia Cordis mole aneurysmata gignantur.

rem renixum ad motum inducit. Quo fit, ut proveciori-
bus annis, cum vires moventes musculos fenfim minuantur,
Cor etiam facilius languefcat, indeque in illius vafis, atque
utriculis fubfiftant, colligantur, & acuantur fucci apti nati
ad gravandum, irritandum, exedendumque. Undè oritur
prolapfus, & Aneurysma ejuſdem Cordis. Quod fanè ma-
lum quondam (c) non ſemel, vicinioribus verò temporibus,
ut per hiftorias dilucidè trademus, faepiffimè obſervavimus.

(c) Lib. 2.
de mortib.
ſubit. hift.
2. eorum
qui repente
mortui
ſunt.

S E C T I O III.

De vafis particularibus Cordis.

Tametsi de plerisque omnibus Cordis vafis, nonnihil in
genere ante hac variis locis attigerimus, tamen cum
hujusmodi doctrina ad ſolvenda pleraque omnia phaenome-
na, quae in Cordis actione obſervantur, ſit momenti maxi-
mi, praecipuè autem ad inveniendas haecenus fruſtra quae-
ſitas mechanicas rationes alterni hujus musculi motus; Id-
circo in hac Sectione tractabimus de peculiaribus vafis, ac
foraminibus, quae musculari Cordis texturae inferviunt. Se-
ligemus autem praecipuè arterias, & venas coronarias una
cum nervis, qui per Cordis ſubſtantiam perreptant: nam de
vafis adipofis, & lymphaticis abundè ab aliis, nobisque
diſputatum eſt. Illis enim rite conſtitutis, naturales Prae-
cordiorum motus adamuſſim moderantur; depravatis è con-
trario, aut vitium quodcunque habentibus in ſitu, nume-
ro, figura, magnitudine, aliave minima conditione pleni-
tudinis, vel inanitionis, praeternaturales facillimè proficiſ-
cuntur. Quae fanè res, quemadmodum meam ad inqui-
rendum induſtriam excitaverunt; ita ſpero fore, ut Lectorum
animos attentos efficiant ad perpendendum.

*Vafa coro-
naria ritè
conſtituta
cauſa ſunt
alterni Cor-
dis motus;
depravata
verò morbo-
ſarum affe-
ctionum.*

CAPUT I.

De Arteriis Coronariis.

PROPOSITIO XXXIX.

Deteguntur conditiones non exigui momenti, quae occurrunt in ortu, & divaricatione Arteriarum Coronariarum, atque hinc plura deducuntur ad motum sanguinis per easdem.

Cum nihil in Animalium machina sit otiosum, sed omnia artificii sint plena, propterea minimas etiam conditiones tum situs, magnitudinis, aut additamenti, tum figurae, prospectus, connexionis, aut contactus coronariis arteriis tanquam non frustra paratas diligenter, quantum in nobis erit, considerabimus.

Itaque primo loco animadvertendum est Coronariam Arteriam, quae oritur ab Aorta intra Pericardium, ut plurimum duplex, rarissimè triplex, aut simplex (quo in casu statim bifida evadit) ita esse constitutam, ut angulum acutum efficiat cum sectione Aortae inter Cor, & ipsam coronariam posita, atque idcirco alicui forsitan videbitur, quatenus directio motus sanguinis à Corde per systolem propulsi non concurrat in directum cum Coronariarum directione (constituit enim cum eisdem acutissimum angulum) non nisi parcissima sanguinei fluidi moles tunc temporis, atque ea in directione in ipsas Coronarias influere posse: è contrario autem cum Cor versatur in diastole, sanguis ab Aortae contractione undequaque actus majori vi in arterias Coronarias sibi magis obvias impingere, influereque; praesertim cum semilunares valvulae complanatae obsistant, eidemque influxuro sanguini per Coronarias ancillentur, hanc tamen opinionem suo loco expendemus, rationibusque validis refutabimus.

Quae sit directio arteriarum coronariarum.

Sanguis non influit majori vi in coronarias tempore

II. Praetereundum minime est, ex Arteriarum Coronaria-

*Diastoles
Cordis.*

*Sanguis ci-
vius in au-
riculas per
coronarias,
quàm in
ventriculo-
rum sub-
stantiam
influit.*

*Cujusmodi
sit distribu-
tio corona-
riarum in
superficiem,
ac Cordis.
substan-
tiam.
Cur exter-
nis earun-
dem ramis
folliculi
adiposi in-
cumbant.*

*Arteriae
coronariae
maiores
valvulis de-
stituantur
& cur?*

riarum ramis (si demas quos ad folliculos Cordis adiposos, atque ad utrumque caudicem majorum arteriarum, & venarum natura dispensat) priores ad aurículas spargi; proindeque iter sanguinis per Coronarios furculos fluentis brevius esse ab Aorta ad utramque auriculam, paulò verò longius ad utrumque ventriculum, scilicet minus spatium conficiendum esse sanguini influenti per immiffaria Coronariarum Arteriarum usque ad universam gracilem alioquin substantiam utriusque auriculæ, quàm usque ad omnes angulos crassorum parietum utriusque ventriculi. In quem verò finem id factum sit, sedulò in subsequētib; rimabimur.

III. Adnotandum, Arterias Coronarias majoribus suis ramis per miras anastomoses junctis externam Cordis superficiem, partim coronae instar circa basim, partim per rectos quasi fulcos à basi ad cuspidem perreptare; ad internam verò muscularem Cordis substantiam non penetrare, nisi per minimos ramusculos. Illud insuper adnotatione dignum videtur, scilicet majores ramos, qui externam Cordis faciem tenent, ubique adiposis folliculis ac fasciolis tegi, eaque ratione admodum laxos, ac molles deprehendi, quin imo si forfice per longum aperiuntur, minimis interiùs rugis inaequaliter distingui; undè iidem majores rami cum in longum, tum in latum facilè distendi, ampliarique possunt. Hinc proclive est intelligere, naturam cautum voluisse, ne Arteriae Coronariae (quemadmodum Aorta, & Pulmonica non rarò durefcunt) in cartilagineam aut osseam substantiam facerent, seu quod eodem relabatur, ne à libera distensione atque elongatione, cum opus est, prohiberentur.

IV. Arterias Coronarias nullis valvulis ad immiffaria donari: quamquam Thomas Bartholinus, ex quo semel, aut bis, ut nobis etiam contigit, illas offenderit, putat semper inveniri. Neque porrò ullis valvularum repagulis, ne sanguis in Aortam reflueret, hujusmodi Arteriae indigebant, cum vehemens sanguinis quaquaversum nitentis vis nunquam non urgeat, vigeatque in Aorta, ut recursum sanguinis à Coronariarum oculos fatis renitatur.

V. Non ita verò accidit in minoribus earum ramis, qui altè

altè in muscularem substantiam Cordis, & auricularum inferuntur. Nam in iisdem sphincterulos, ac valvulas eleganter, abundèque distributas deprehendimus. Sed quoniam methodus, quà hujusmodi valvulae detegendae sunt, non omnibus fortè Anatomicis erit obvia, propterea illam fusè hîc tradendam esse putamus: qui enim ab se nuper inventa obiter tractat, is confusionem pro compendio solet invehere.

Valvulae in minoribus earundem ramis ab Auctore observatae.

PROPOSITIO. XL.

Ostenduntur quaedam scitu necessaria in majoribus ramis Arteriarum Coronariarum; modusque traditur, quo Sphincteruli, & valvulae in minimis earum surculis sint detegenda.

Cum nullas valvulas aut in orificiis, aut in majoribus Arteriarum Coronariarum ramis, adacto Stylo, vel alià ullà ratione comperire potuerimus; subit animum ramusculos aliquos ab iis ortos, ac lanceolâ priùs vulneratos animadvertere. In eos igitur immisimus setam; cumque eam versus majores ramos adegiffemus; obicem quendam offendimus, quare ut oculis planè pateret, an causâ renixus ad ulteriorem setae progressum, atque intra ramorum capacitatem ingressum, valvula, & vel quid aliud fuisset per summam diligentiam, (quae caeteroqui in rebus Anatomicis, ut olim fecit, ita facit, facietque in posterum, ut quae inventa nondum fuerint, aliquando inveniantur) per summam, inquam, diligentiam Arterias Coronarias una cum Aortae segmento à quo profiscuntur, in suos quosque ramos magnos, minores, atque etiam minimos, & exillimos ab ipsâ Cordis substantia quantum licuit separavimus, universamque horum ramorum seriem in catino aquâ pleno immerimus; quod ubi factum fuit, extrema quaeque vascula cum ob exiguitatem molis, tum propter inclusum aërem quaquaversum dispersa, atque eleganti spectaculo ramorum instar epithymi, anethi, aut foeniculi innatantia vidimus, ac plura deinceps in hac tubulorum quâ majorum, quâ minorum serie animadvertimus.

Valvularum indicium ex setae immersione.

Elegans figura coronariarum in aqua fluitantium.

Mira majorum coronariarum longitudo, & usus :

Primum magnos caudices Arteriarum Coronariarum, qui per Cordis basim circumferuntur, quique ad usque mucronem pertingunt spirali ordine, motuque fluitasse, ac postmodum extractos ab aqua in multò majorem lineam protendi, quam cum Cordi adhaerebant, potuisse. Quamobrem injecto per Coronariam Arteriam mercurio, curiosum est cernere majores ejus ramos in rugas abire; minores verò nerveis veluti filis strangulari. Hoc quidem manifestum nobis fecit, naturam voluisse, non solum quod Arteriae Coronariae vicissim longiores, ac breviores evaderent; sed ut major, quam nudus oculus judicare possit, quantitas sanguinis intra illarum capacitatem ad subitas Cordis systoles, ubi occasio postulat, promovendas, collectus, ac paratus detineretur.

Interior majorum coronariarum tunica cur valdè crassa, & rugosa.

II. Cùm truncos Coronariarum Arteriarum, majoresque ramos ab iisdem natos forfice per longum secuerimus, interior membrana multò quam in aliis Arteriis (in quibus Arachnoidea planè est) alba, crassa, atque adeo mollis nobis occurrit, ut cum illam conati fuisset evellere, faciliùs quam usquam trahentes digitos sequeretur. Id mihi quidem exinde accidere visum est, quod nusquam in universo corpore Arteriae in majori, aut violentiori motu semper sunt constitutae, quam in Corde: quamobrem externa, mediaque muscularis membrana tam saepè, ac tam fortiter in contractionem, ac distractionem veniens quasi per se ab interiori sejungitur, ac separatur: intima vero in frequentiores rugas abit, ut quodammodo valvularum vices ad prohibendum refluxum sanguinis in Aortam una cum ejusdem à tergo prementis liquidi renixu, praestare videatur.

Eadem valvularum munus praestat.

III. Prodeuntes è Coronariarum truncis ramos, atque à ramis ramusculos frequentiores, copiosioresque in Corde vidimus, quam proportionem in aliorum quorumcunque musculorum arteriis cernantur; & quidem non temerè, nam cum plana, & fasciae musculares in Corde longè copiosiora sint; quam in quovis alio musculo, necessarium fuit, ut per omnes inclinuationes, singulosque manipulos, & fibras sua quaeque Arteriola dirigeretur.

Cur earundem arteriarum divisiones innumeratae penè sint.

IV. Sedulò perspeximus industriam naturæ, quæ ad ostia singularum majorum Arteriarum Coronariarum in minores faceffentium, circularem quendam marginem, seu limbum, ac veluti exilem sphincterem apposuit, scilicet quo contentus sanguis probabiliter urgeretur in minimos inferentes tubulos, atque alternè impulsus retineretur. Ad ostiola verò minorum, & minimarum Arteriolarum, quæ dispensantur, ac sepeliuntur intra unum, alterumque musculare planum, valvulas oppositas conspeximus, prohibentes videlicet regressum sanguinis à minoribus in majores Arterias: quod quidem mirum in modum conducere mihi videtur ad ipsius Cordis systolem: cum enim carneæ Cordis fibrae tendi incipiunt, mole simul augmentur; quare necessario interjectas Arteriolas premunt, contentumque fluidum quaqua versum urgent; quod a valvulis retentum cogitur versus Arteriolarum apices, ac fibrarum sinulos influere: atque hinc experimur injectam in Coronarias Arterias aquam, eamque per Cordis substantiam diffusam nunquam compresso tametsi Corde refluere: quemadmodum cernimus in venis, per quarum oscula infusus liquor facilè relabitur.

*Margines
in orificiis
majorum
ramorum
quid præ-
stent.*

V. Ut autem evidentè cernantur ejusmodi valvulae, sumendae sunt Arteriolae in quas exiguus stylus, vel seta immitteri debet, leniterque contrario itinere, hoc est versus majores ramos adigi: nam propè singula ostiola versus truncos dehiscentia valvularum membranulas elevari, stylique, aut setae apicem praepediri, atque involvi nudis oculis spectabitur. Quod si vero stylum adhuc urgeas, illum indutum, atque obductum valvulae membranâ, quæ per vim explicatur, intueberis.

*Qua ratio-
ne hujusmo-
di valvulae
invenian-
tur.*

VI. Haec autem omnia multò clariùs, atque evidentius in equino Corde animadvertuntur; Si nimirum minores Coronariarum Arteriarum ramos ita secueris, ut immisso specillo adversum iter cursui sanguinis teneas; elevantur enim in singulis sectionibus, seu originibus minorum truncorum, ipsae valvulae, quæ obsistunt progressui ejusdem styli, donec illatâ vi, vel dirumpantur, vel sese in contrariam faciem expli-

*Eaedem in
equino Cor-
de eviden-
tiores.*

can-

cando, cedant, stylumque obvolvant. Perspicuè pariter hîc illic in Arteriolarum ramusculis observantur sphincteruli, quasi quidam nodi, qui in extremis etiam finibus quoad profequi datum est, per microscopium animadvertuntur.

PROPOSITIO LXI.

Describitur varius situs orificiorum Arteriarum Coronariarum. Quidque ad influxum sanguinis per easdem Coronarias praestet exponitur.

Tam sibi varia, atque inconstans est natura in collocandis ostiis Arteriarum Coronariarum, ut qui pauca licet, humana praesertim cadavera secuerit, varietatem tamen multam hac in re potuerit animadvertere. Nos quidem, qui ad comparandam Anatomicam supellectilem, scribendis nostris hisce libris necessariam, innumera planè aperuimus, frequentissimam diversitatem offendimus. Sed ut verum, quo unicè capimur, candidè fateamur, pro diverso situ orificiorum, diversas quoque pulsus in magnitudine, aut parvitate apud sanos, incolumesque homines inveniri; ita ut plerumque in iis, qui magno pulsu dum viverent, gaudebant, supra valvularum margines; in aliis qui medio se habebant modo in earum confinio, vel unum supra alterum infra positum, ut etiam Morgagnus noster, animadvertimus, apud illos verò, qui exili pulsu, praesertim inter foeminas, donabantur, post margines eadem Coronariarum Arteriarum ora ut plurimum insculpta, atque reserata deprehendimus. Simile quid multò adhuc clarius, evidentiusque in brutis Animalibus spectavimus. Nam quae motu corporis velociori modo ad artus, aliaque apta ad illum instrumenta concurrant, validiori etiam Corde donantur; cujusmodi sunt generosi equi in quibus saepiùs orificia supra, quàm infra limbos collocata observavimus: *animosa est bestia*, inquit Plutarchus, *(a) & bello apta, atque martialis equus*. In canibus quoque orificia haec paulo supra margines dehiscunt, & semel aut bis dumtaxat in tam frequenti, quod peregrinus canicidio,

Arteriarum coronariarum ostia, in quibus supra margines valvularum occurrant.

In quibus infra.

Exempla ex brutis derivata.

(a) In quaeft. Roman. XCVII.

dio, eadem immiffaria ad horizontem cum valvularum lim-
bis offendimus; erant autem blandi, ac domestici. Quae
verò bruta Animalia tardigrada funt, & languida ut oves,
& boves, in iis infra valvularum margines fepulta confpe-
ximus.

An verò ulla, & quaedam varietas in motu, fluxuque
fanguinis per Arterias Coronarias producat, à varietate
fitus praedictorum orificiorum; quaefitio fanè, ut folutu non
facilis, ita post folutionem iplis Phyfiologis futura adhuc,
non injucunda, fortè etiam frugifera mihi videtur. Ne igitur
hanc intactam relinquamus aut faltem ut ii, quibus Jupi-
ter de meliori luto finxit praecordia, ad feliciùs explicandam
excitentur, noftram qualemcunque fententiam proponemus.

Cenfemus verò rem forte implexam, ac difficilem adhibita
diftinftione ad Tyronum praecipuè intelligentiam enodari
facile poffe; feparanda nimirum ab invicem tam tempus in-
fluxus à tempore refluxus fanguinis per Arteriam Magnam:
quàm feftiones majores à minoribus, & minimis Arteriarum
Coronariarum. Etenim fi confideretur tempus fyftoles Cor-
dis; tunc fanguis ingreditur quidem magno gurgite in Coro-
nariarum orificia, quocunque loco aperta funt, paulò tamen
minori quantitate, ubi eadem orificia post valvularum lim-
bos dehifcunt; longe autem majori vi, ubi fupra, vel me-
dio tandem modo, ubi in confinio, vel alterum fupra, al-
terum infra margines locata funt. Contra verò fi expendatur
tempus diaftoles Cordis, in qua fanguis per folam Aor-
tae conftrictionem, & concidentiam ad ejuſdem bafim re-
fluit, ac reverberatur; tunc perinde fe habet, fi orificia
Coronariarum fupra, vel infra margines valvularum aperta
fint: nam fanguis eadem copià, & vi, minori tamen, quàm
in fyftole Cordis in Coronarias ingeritur excipiturque.

Si verò attendatur diverfitas feftionum Coronariarum Ar-
teriarum, arbitramur fanguinem in fyftole Cordis obftanti-
bus, vel non obftantibus valvulis, in majores folùm Coro-
nariarum Arteriarum feftiones, quae ſub adipofis fasciculis
progredientes, externam Cordis faciem occupant, infundi,
urgerique poffe. Secus autem eundem fanguinem per Aor-
tae

*Ad quae-
ſtionem di-
rimendam
diftinftione
utendum.*

*Sanguis
majori co-
pia in Cor-
dis fyftole,
quam in
diaftole in-
tra corona-
rias inſluit.
Majori ta-
men vi in
habentibus
orificia ſu-
pra valvu-
las.*

*In Cordis
diaftole mi-
nori, ſed
aequali
ſemper mole
quocunque
fitu orificia
dehifcant
ingreditur.*

*Sanguis in
Cordis ſy-
ſtole inmit-
titur tan-
tum in co-
ronarias
exteriores;
in diaftole*

verd in ramos etiam minores.

Quomodo sanguis in Cordis systole trahatur in coronarias.

Cur sanguis in principio Cordis systoles paulo minori quantitate insuat, cum orificia intra valvulas delibant.

Post principium copiosius insuat, & cur.

tae constrictionem, & concidentiam, dum Cor est in diastole, repercussum in majores, atque etiam in minimas Coronarias Arterias facillimè trudi, atque impelli.

Quod autem primo loco sanguis uberrimè semper, quocunque loco insculpta sint orificia, dum Cor systole corripitur, in Coronarias impingat, & ingrediatur, ex eo perspicuè patet, quod Arteriae Magnae caudex perpetuò invenitur sanguine plenus, tum antè, tum retro, tum supra, tum infra valvularum margines, vel cum Cor versatur in diastole. Qua de re quotiescunque idem Cor per alternam, novamque systolem, alternè quoque novum sanguinem in eandem Aortam, priori sanguine jam refertam, urget, & quaqua versum impellit necessariò idem sanguis in praedicta Coronariarum orificia, ubicunque sint referata, incurrere, & magnà, qua scilicet per varias condiciones permittitur, quantitate infundi debet.

Aliquantò tamen minori mole, ut conjici potest, sanguis in eadem orificia insuat, cum illa teguntur, ac velantur à valvulis semilunaribus; in hoc enim casu cum valvulae, per primam sanguinis à Corde eruptionem impulsae, atque expansae orificiis quibus obtenduntur, applicentur, fieri nequit, quin interceptum sanguinem valvulas inter, & Arteriae Magnae parietes, admotà veluti manu, partim sursum in Aortam, partim in eadem orificia impellant, atque protrudant. Accedentibus autem iisdem valvulis ad orificia, per id primi temporis spatium, necesse est, ut infusio novi à Corde expulsi sanguinis in eadem quoquo modo praepe-diatur; ac propterea perspicuum evadit, in principio systoles aliquantò minorem sanguinis portionem orificia Coronariarum subire, cum eadem post valvulas delitescunt.

Verum, id quod in principio systoles contingere diximus, non eodem modo quandiu eadem durat, accidere putandum est. Nam post primam sanguinis à Corde eruptionem, eodem subinde quaqua versum magis urgente, probabile admodum est, Aortae latera nonnihil à valvularum contactu removeri, adeo ut intrusus sanguis, magnaue vi nitens, quà data porta in orificia Coronariarum tunc non impedita, quem-

quemadmodum in reliquis ipsarum Arteriarum divaricationes influat, & pervadat. Ex hydrostaticis enim manifestum fit, in canalibus distractilibus liquore jam plenis, cum novus in illos liquor per vim immititur, singulas earum partes aequaliter comprimi, atque distendi; proindeque liquorem pari facilitate profilire quocumque pateat exitus. Quamobrem licet Coronariae donentur directione ad directionem sanguinis in easdem parum commoda, ac pene adversa; nihilominus nullo sunt impedimento, quòminus idem sanguis eadem quantitate, quam si quacumque alia directione collocarentur, in illas circa medium, finemque systoles Cordis possit influere.

Nil obstante in contrarium directione canalium.

Sed arguendus fortè aliquibus viderer, si lectores meos non admonerem, praeter memoratas causas promoventes tempore systoles Cordis uberem influxum sanguinis in orificia Coronariarum, etiam si sub valvulis sint aperta, illud etiam accedere, quod harum valvularum membranae, sunt tendineo musculares, mobiles, & majorem partem liberae, alligatae tamen, & continuae cum basi Cordis, & tribus locis, cum parietibus Arteriae Magnae, quibus necessariò accidit, ut, dum Cor venit in systolem, ipsae quoque, utpotè Cordis partes, aliquantulum contrahantur, ac breviores, quantum permittitur, fiant, tam per longitudinem, quam per latitudinem; ac proinde earum margines à linea curva versus rectam contendant; praesertim cum subrotundum in medio cujusque limbi corpus (ab Arantio olim, & nostrà aetate ab amicissimo Morgagno diligenter observatum) sit verè musculus, qui ipsa in contractione tendines suos, marginem valvularum, utrinque constituentes ad se adducit; atque ideo hujusmodi valvularum margines, utcunque contractae inscribent, ut poterunt, quasi triangulum mixtilineum in circulo arteriae magnae: proptereaque iidem margines rigidiores per contractionem evadentes, paulum recedent ab ipsis Aortae parietibus; atque idcirco Coronariarum orificia, quibus obijciuntur, aperta pro viribus servabunt.

Muscularis semilunarium structura describitur. Earundem contractio quando.

Contractae quomodo influxum sanguinis in coronarias adjuvent.

Longè autem majori mole sanguis intrà Coronarias in eadem Cordis systole urgetur cum orificia supra limbos, vel in

Cur sanguis copiosè

fuis in Coronario influat cum orificia supra limbos sunt. eorum confinio dehiscunt; quia scilicet statim ac systole Cordis incipit, non is dumtaxat sanguis in illa incitatur, ac propellitur, qui valvulas inter, atque Aortae parietes continebatur; verum altera etiam portio, quae in primo systoles momento à Corde protruditur: cum enim sanguis illico vehementi ictu in eadem orificia nullo velo impedita, aut protecta incurrat, atque impingat, obstante praesertim & sanguine, quem à fronte offendit, facillimè in Coronarias deflectit, quemadmodum supra, §. *Quod autem &c.* abundè probavimus.

Rationes quibus sanguis minus copiose influit in Coronarias tempore diastoles Cordis.

Ex iis autem, quae de vehementi, magnoque sanguinis influxu in Coronarias tempore systoles Cordis hucusque demonstravimus, facili negotio intelligi potest, contrarium evenire cum in diastolem abeunte Corde, ipsa Aorta constringitur, & sanguis ad ejusdem basim repellitur: haec enim repulsio exercetur per vim longè minorem eâ, quam penè immensam exerit Cor; cum per superadditam contractionem mirabilis, ac multiplicis muscularis texturae, eundem sanguinem suis è sinibus expellit: Arteriae siquidem per solam gracilium suarum membranarum restitutionem contrahuntur, & concidunt. Quare sanguis in diastole Cordis non nisi leniùs in Coronarias Arterias potest influere.

Sanguis in Aortae coincidentia fortè copiosius, quam in alias arterias in Coronarias influit &c.

Illud utique contingere in Coronariis verisimile est, ut per valvularum depressionem, dum sanguis prohibetur, ne in laevum Cordis ventriculum relabatur, ingressus ejus in haec, quae ibidem sola insculpta sunt orificia (quocumque loco dehiscant) nonnihil adjuvetur: praesertim cum ipsarum Coronariarum directio, potius ad excipiendum refluxum, quam influum sanguinem commodior esse videatur.

In sectione vivorum canum coronariae, & pulsant, & sanguinem vehementius effundunt eodem cum Aorta tempore.

Quae haecenus nuda ratione ducti in Praecordiis evenire conjecimus, mirum in modum respondent iis, quae in vivorum dissectione observavimus. Siquidem, aperto thorace, scissoque Pericardio in molossis, qui Coronariarum orificia supra valvularum margines gestant, vidimus Coronariam Arteriam pulsare eodem tempore cum Aorta: ita ut simul utraque ampliatur, & constringatur; Similiterque vulneratas sanguinem eodem alterno tempore majori cum

vi, & saltu effundere, vicissimque remittere. In pecudibus verò, quae Coronariarum immiffaria sub valvulis locata habent, spectavimus Aortam nonnihil Coronali prius diaftolem incipere, sed simul utramque absolvere.

Neque verò, ut ad alterum propositae divisionis membrum revertamur, dubitandum videtur, quin sanguis per Cordis systolem in Aortam, atque in Coronariarum orificia, quocumque situ pateant, & quacumque mole projectus sit, à majoribus dumtaxat Coronariarum sectionibus excipiatur: Secus verò per constrictas, & concidentes Arterias versus Cordis orificium repulsus non solum à majoribus, sed à minoribus quoque, & minimis Coronariis Arteriis admittatur. Etenim, dum Cor tenditur, eae tantum Arteriae, quae externam Cordis superficiem sub adiposis fasciculis occupant, à fibrarum ejus compressione sunt liberae; quinimo distendi, ampliarique facile possunt, etiam ad majorem sanguinis molem capiendam (cum scilicet per quamcumque causam plethorae, iracundiae, ac violentissimi corporis, vel thoracis motus intra easdem explicatis rugis, ampliores evadentes solito major, & plusquam necessitas alternae consuetae Cordis systoles exigit, quantitas sanguinis intruditur). Minores verò, & minimae, cum inter muscularia plana, & per singulos fibrarum manipulos divaricentur, mirum in modum; dum Cor tenditur, premuntur, atque idcirco novo tunc sanguini recipiendo minus capaces evadunt.

Laxato autem per diaftolem Corde proclive est concipere, tunc minoribus, minimisque ejus Arteriis à pressione liberatis, repulsus, ac reverberatus ab Aorta sanguinem urgere anteriorem illum, qui jam à Cordis systole in majores Coronarias impulsus fuerat; unde hic in minores subinde, minimasque, adjuvantibus etiam nervis, nullo negotio illabi possit.

Ex narratis hucusque non aegrè conjici posse videtur, secundum varium orificiorum situm, varium quoque evadere Cordis robur; & quidem maximum apud eos, in quibus dicta orificia observantur supra valvularum limbos; magnum verò ubi in confinio, vel alterum supra alterum infra locata

In pecudibus Aorta nonnihil prius dilatatur quam Coronariae.

Quomodo sanguis in Cordis systole influat in Coronarias externas. Cur sanguis à Coronariis internis, ac minimis excipi nequeat in Cordis contractione.

Cur ab istodem excipiatur in diaftole.

Conjecturae de vario Cordis robore ex vario situ orificiorum Coronariae.

sunt, nempe ob maximam, vel magnam sanguinis molem, ac vim, quam ipsae majores Coronariarum sectiones excipere, & pro alterna Cordis systole promovenda possunt retinere. Apud eos autem aliquantò minus Cordis robur contingere, pulsusque exiles fieri, qui eadem orificia depressiora habent.

Quae hoc loco à nobis conjectando proponuntur, & non raro autopsia etiam comprobata fuerunt; operae pretium erit, ab Anatomicis nova experimentorum luce magis illustrari: nimirum diligenter inquirendo in cadaveribus eorum, quos, cum in vivis essent, valido pulsu donatos observaverint; num Arteriarum Coronariarum orificia supra valvularum limbos extent; Contra verò, num in iis, quos languido pulsu debiles agnoverunt, infra eosdem limbos occultentur.

Non tam situs, quam etiam amplitudo orificiorum spectanda.

Quò tendat varietas situs orificiorum in Coronariis.

Nolim tamen, ut quae hucusque de variò situ orificiorum Arteriarum Coronariarum diximus generatim intelligantur: magna enim hac in re varietas nasci etiam potest, ex majori, vel minori eorundem orificiorum amplitudine; ita ut qui eadem orificia, licet sepulta, majora tamen habent, majorem sanguinis copiam possint excipere, quàm qui sublimioribus, sed angustioribus orificiis praediti sunt. Illud certè probabile mihi admodum videtur, naturam ad humanam societatem firmiùs, validiùsque conglutinandam longè frequentius in hominibus, quàm in caeteris animalibus situm, ac aream orificiorum Coronariarum Arteriarum variavisse. Voluit enim alios magis, alios minus Corde robustos, ut alii ad imperandum, alii ad parendum; humiles multi se quioris praecipuè sexus; plerique, virorum praefertim, generosi animi futuri essent.

CAPUT II.

De Venis Coronariis.

PROPOSITIO XLII.

Traduntur observationes de structura, ac divaricatione Venarum Coronariarum, earumque rationes afferuntur.

Cum nemo veras causas alterni Cordis motus apprime possit cognoscere, quem latet singularis structura Coronariorum canalium; idcirco post expolitas, expensasque Arterias, oportet Venas etiam quàm diligentissimè scrutari, & tum earum numerum, ac distributionem, tum diverticula, modosque omnes animadvertere.

Primùm quidem comperimus naturam sæpè variam, atque inconstantem, nimirum quemadmodum novimus de Arteriarum immiffariis, ita emissaria Venarum Coronariarum, sinè certa lege solent inerrare. Nam licèt earum orificia intra sinum dexteræ auriculæ, quæ Cavam spectat, in duo plerumque ostia, alterum superius, alterum inferius aperiantur; interdum tamen unico dumtaxat, illoque maximo, ac statim in duos ramos facessente dehiscunt, non rarò autem tribus, quæ habità semper ratione, aliquantò minora offenduntur.

Diximus verò habità ratione, quoniam exigua, & minima quaedam orificia Coronariarum Venarum multa esse jam demonstravimus in figura annexa Propositioni XXXVI. quæ nempe refluum sanguinem à radicibus majorum Venarum, & Arteriarum, ab auriculis, & à basi Cordis juxta, & intra canaliculum K. K. K. potissimùm evomunt.

II. Assèveramus nos sæpè sæpius vidisse tres magis insignes Venarum Coronariarum caudices ad dexteram auriculam ferre, suaque liquida per recensita orificia eructare, duos quidem posteriora Cordis tenentes, quorum alter à mucro-

*Orificia
Venarum
Coronaria-
rum varia
in variis.*

*Descriptio
trium cau-
dicum Ve-
narum Co-
ronaria-
rum.*

ne

ne rectà ascendit, alter ex sinistra auricula, proximisque; & sinistri praesertim ventriculi parietibus proferpit. Tertium verò caudicem deprehendimus occupare anteriorem Cordis faciem, atque à dextri ventriculi fibrarum manipulis sanguinem reducere.

Valvulae in orificiis venarum coronariorum, earumque varietas. Nonnunquam desideratur.

III. Neque frequens dumtaxat diversitas in orificiorum, ramorumque numero, situque nobis occurrit, verum non rarò summum etiam videre contigit discrimen in valvula, quam cornutae lunae figuram referre scribit Eustachius, eam enim ceu operculo majus orificium Venae Coronariae tegitur; Et licet ut plurimum unica est, eaque sola, & vel unicum, vel etiam duo simul venarum ostia protegit, ac tuetur; interdum tamen accidit, ut planè desideraretur, nudo hiantē magno Coronariae Venae orificio, quod nos die XVII. Octobris anni 1717. in Viro sexagenario, qui ex Praecordiorum morbo decesserat, magna cum amicorum frequentia novissimè spectavimus. Identidem non una solum valvula cornutam lunam referens spectatur, sed duplex, sequens, nimirum duplicata venarum ostiola, altera quidem major, altera minor, seu minima secundum majorem, aut minorem aream orificiorum, quibus trunci Venarum Coronariarum in auriculam hiant.

Duplex reperta.

Variae affectiones ex hujusmodi valvularum varietate.

Ex hac autem varietate numeri tum ostiolorum, tum vel maximè valvularum quibus magis, minus, aut minimè earundem Venarum ostiola teguntur; eae differentiae, ac discrimina, quae saepè circa pulsuum magnitudinem, parvitem, aequalitatem, vel inaequalitatem in statu etiam naturali deprehenduntur, oriri non immeritò suspicamur; praesertim si jungantur cum certo situ orificiorum Arteriarum supra, vel infra margines semilunarium valvularum dehiscensium. Etenim ubi orificia Venarum teguntur valvulis, & orificia Arteriarum non sunt supra margines, ibi admodum verosimile est moram, ac motum sanguinis intra muscularem Cordis substantiam moderatum, magisque ordinatum, facilioremque fieri, quàm ubi planè detecta, ac nudata sunt.

Venae Coronariae co-

mero aliquantò plures Arteriis apparent; quia nempè celeritas

ritas motus sanguinis multo major est per Arterias, quàm per Venas.

V. Inter Venas Coronarias illae, quae ab auricularum fibris proficiscuntur, breviores sunt iis, quae à musculari ventriculorum textura procedunt; ita ut sanguis eadem lege, quàm per Coronarias Arterias citiùs in Auricularum, quàm in ventriculorum parietes influit, citiùs etiam per venulas ab iisdem auriculis, quàm à ventriculis refluat. Quod sanè multum facit ad detegendam rationem, cur auriculae alternè tendantur, atque à tensione remittant.

VI. Idem pariter observamus accidere in Venis, quae à Cordis basi intra ipsam Auriculam sanguinem regerunt; haec siquidem minus spatium usque ad emissarium metiuntur, quàm quae ab ejusdem mucrone sanguinem pariter reducentes in eandem auriculam aperiuntur. Hoc sanè in causa esse videtur, ut natura consuluerit aequali celeritati reductionis sanguinis à mucrone, aliisque longè ab auricula dextra ventriculorum partibus per quaedam etiam diverticula, de quibus agemus in sequenti.

VII. Valvulas in majoribus truncis Venarum Coronariorum rarò deprehendimus, semper verò in minoribus ramis, quemadmodum in Arteriis usuvenire comperimus. Id autem factum fuisse arbitramur, ut facilior, ac promptior redderetur cessatio systoles Cordis; nimirum ut sanguis à resilientibus fibrarum carnearum utriculis expulsus, in minimos primùm, deindè minores, maximosque Venarum Coronariarum ramos faciliùs, sed non contra devolvi possit. Ita enim, siquando propter aliquam causam sanguis prohibetur effluere per sua emissaria in Auriculam dexteram hiantia; tunc nullo obstante valvularum repagulo per laterales canaliculos, seu venosos tubulos, qui aperiuntur intra Cordis ventriculos, liberè satis excurrit, neque in minimas Venas retroagitur: Simile quid natura machinata est in Vena Pulmonica, in cujus majori trunco, seu caudice nulla penitè occurrit valvula, sed in singulis ramis diligens sector conspicuas cernet; modò tamen illos non scindat per longum, sed immisso stylo per-

piofiores, quàm arteriae.

Venae Coronariae, ex auriculis revebentes breviores sunt iis, quae ex ventriculis.

Cur auriculae citiùs relaxentur, quàm ventriculi.

Venarum Coronariorum iter brevius à basi, quàm à mucrone.

Valvulae in ramis minoribus Venarum Coronariorum.

Cur in ramis majoribus nullae sint valvulae.

tentet, aut sedulò etiam introspectat, & quasi in contrarium Venas illas evaginet.

PROPOSITIO XLIII.

Clariùs expenditur usus, agendique modus Valvularum cornutae lunae figuram referentium, & canaliculi, quibus orificia Venarum Coronariarum teguntur.

Quoniam Divino Consilio factum est, ut in Animalium, hominum praesertim, corporibus singulae partes, etiam minimae ad fartam tectamque illorum servandam oeconomiam conducant: idcirco diligentius investiganda nobis sese offerunt ea, quae conspirare possunt ad detegendas, illustrandasque actiones, agendique modos, tum pusillarum valvularum cornutae lunae figuram referentium, tum memorati canaliculi; utraeque enim membranae orificiis Venarum Coronariarum admotae sunt.

Qua ratione in diastole regressus sanguinis ex Cordis substantia per Venas Coronarias praepediatur.

Quomodo systole auricularum promoveat exitum sanguinis per orificia Venarum Co-

Id autem, ut pro viribus assequamur distinguere oportet tempus, in quo dextera Auricula impletur sanguine, seu versatur in diastole, à tempore, in quo systole primùm correpta, eundem sanguinem intra ventriculum impellit. Nam si perpendatur tempus, in quo Auricula est in medio suae diastoles, seu immisso per Cavam sanguine tumet, (qui certè sanguis eo vehementius in Auriculam urgetur, quo magis ad celeritatem refluentis accedit impulsus Venae Cavae peristaltico motu contractae, ipsaque vis respirationis-) tunc porro ejusmodi membranulae ab eodem implente, premente, atque extrorsum nitente sanguine viciniùs admoventur orificiis Venarum Coronariarum, eademque ita velant, & impediunt, ut egressum praecludant sanguini, qui à muscolari Cordis substantia refluit, indeque omnia alia producuntur effecta, quae à subsistente in Coronariis Venis sanguine proficiscuntur. Si verò perpendamus alterum tempus, nempe illud in quo auricula vicissim versatur in fine systoles; in eo proculdubio casu praedictae valvulae, & canaliculus ab interna pressione vindicata facilè elevabuntur, liberumque exitum permittent egressuro sanguini, atque idè statim

cau-

caudices Venarum Coronariarum deplebuntur, omniaque consequentur, quae inanitis Venis ventura sunt.

Clausis itaque per depressas valvulas Venarum emissariis, ille sanguis, qui à majoribus truncis, minoribusque ramis Venarum Coronariarum per orificia (quae sub iis valvulis, & intra canaliculum delitescunt) in ipsam auriculam elutriari deberet, cogitur subsistere in iisdem truncis, & ramis Venarum Coronariarum, primùm quidem in illis, qui ab ipsismet auricularum fibris, quippe propinrioribus, deinde etiam in aliis, qui à ventriculorum lacertis magis diffitis proserpunt: neque verò concipi potest insignis mora inducta sanguini fluenti per truncos harum Venarum, quin simul intelligatur retardatus motus, atque excursus sanguinis per minores, ac minimas Venas: sunt enim canales continui cum majoribus; Verùm non modò ab appulso in auriculas sanguine praecluditur exitus illi, qui jam continetur in Venis Coronariis, verùm etiam, si quando eveniat, ut per structuræ vitium nullae valvulae occurrant in orificiis, vel alià ratione sint minus firmæ, aut non integræ, tunc publicus, ut ita dicam, Venae Cavæ sanguis in illas non aegrè potest etiam urgeri.

Accedit verò ad rationes inductæ moræ sanguini in truncis, ac ramis Venarum Coronariarum tempore diastoles auricularum, quod tunc aliquando tardior est in iisdem motus, atque impetus, quàm sit motus, impetusque alterius sanguinis, qui per Cavam intra ipsam auriculam pleno gurgite irrumpit. (Sanguis enim Coronariarum ab ipsa Cordis systole vim omnem accipit). Solemne siquidem est in rivulis, qui lento cursu aquas suas in flumina solent effundere; ubi haec ob novam aquarum copiam elevantur, illos cernere non solum propriis semper liquoribus auctos, sed laticibus quoque ab omnibus partibus derivatis magnopere tumentes.

Neque ullus certè Zootomus calculum suum nostræ hypothesei denegabit, si meminerit, Cor cum auriculis plene rubere, dum in diastole laxum, flaccidumque versatur: Contra verò, dum systole corripitur, primùm pallere, mox

ronaria-
rum.

In diastole sanguinis refluxus etiam è minimis Coronariis Venis cobibetur.

In diastole auricularum impellitur ab auricula novus sanguis per Venarum Coronariarum orificia, ubi valvulis destituntur.

Augetur sanguinis mora in Venis Coronariis ex sanguine per Cavam uberiorius fluente. Comprobatur exemplo fluminum.

Cur ipsius Cordis superficies rubicunda observetur in diastole,

albescat pene in systole.

in summa tensione ferè totum cum Auriculis albescere; id, quod in Amphibiis, atque in puncto saliente perspicuè magis occurrit. Nimirum quia in diastole Venae Coronariae, quae Arteriis sunt graciliores, ac longe plus tranfluent, sanguinem cumulatius colligunt, illumque in Auriculam eructare prohibentur. Unde sanguis multà copià intra majores, minoresque Coronarias Venas collectus exsuperat in spatia superficiei Cordis, illumque diastoles tempore rubere facit. Contrà verò idcirco pallent, albicantque auriculae, ipsique ventriculi, cum in summa tensione, seu systole constituti sunt, quia tingens sanguis per id temporis à superficie remouetur, atque intropellitur.

Afferitur ratio cur Venae Coronariae in Auricularum systole evacuentur.

Quod verò cum auriculae, ac ventriculi Cordis in systolem veniunt, depleantur Venae Coronariae, id sanè accidit duplici ratione; primùm quia à Venarum orificiis auferuntur obstacula valvularum, & canaliculi, quorum membranae, turgente auriculà premebantur, & pressae obstruebant earundem Venarum emissaria. Nam ubi concipiatur dextram auriculam per primum tempus suae systoles pellere sanguinem intra ventriculum, fieri non potest, quin simul animo nostro obversetur, evacuatà mox auriculà, membranas illas suapte natura laxas, & molles, necessariò in libertatem venire, atque ita egressuro sanguini cedere, ut quam ex cataracta obstruente, & operiente abeant quodammodo in pontem, vel arcum, sub quibus sanguis, qui à Coronariarum Venarum ramis intra auriculam confluere gestit, liberè potest excurrere.

Altera ratio cur Venae Coronariae in systole exciuiantur à Cordis.

Deinde verò ideò inaniuntur Venae Coronariae, dum Cor tenditur, quia per eandem Cordis systolem velocitas sanguinis decurrentis per Venas Coronarias summoperè augetur, evaditque maximè potens superare objectum renixum coincidentium valvularum. Nam auriculae quemadmodum in perfectis, ut ajunt, Animalibus systolem incipiunt paulò ante ventriculos, sed cum iisdem postea violenter tenduntur, ita his aliquantò prius in diastolem transeunt, sanguis tamen Coronariarum faciliùs intrà vacuum penè auriculam ingredi potest, cum sit vicinior, & tunc concitatiùs excurrat, quam
fan-

*Auctoris
experimen-
ta quibus
diverticula
sanguinis à
Venis Coro-
nariis in
Cordis ven-
triculis
dehiscencia
observata
sunt.*

Porro sanctè affirmamus, primum lumen in tantis tenebris nobis praetulisse, quod XIX. ab hinc annis in Corde molossi canis, secto per longum ventriculo dextrò, atque ab omni sanguine penitus absterfo, cum fortè fortunâ sinistrum ventriculum manu comprehensum contra septum fortiter premeremus, minutulas, leviterque rubentes ichoris guttulas ex quibusdam osculis hîc illic in septo, ac prope illud dehiscentibus lentè prodire viderimus. Hoc sanè statim nobis injecit dubium, an ipsa natura à laevo in dextrum sinum, vicissimque obscuras vias ad sanguinis trajectionem aperuisset. Sed, cum postea id ipsum in aperto laevo etiam ventriculo prope mucronem, atque in aliis internis validè compressis Cordis segmentis accidere, praesertim verò ubi Venae fuissent interclusae, comperissem, animum statim erexi ad suspicandum de hujusmodi diverticulis, quae deinceps multis feliciter tentatis experimentis, mihi reddita sunt apertissima.

*Monitum
ad liquorum
injectiones
exactè in-
stituendas.*

Sed luculentius confirmantur hujusmodi diverticula per liquidorum in Venas Coronarias injectiones. Ne autem sub initium error Tyronibus subrepat; sciendum est ad instituendas ejusmodi injectiones, sanorum semper Animalium corda esse feligenda. Nam si occurrat (ut nobis saepe saepius accidit) Cor extractum è thorace hominis, qui ex lenta Praecordiorum erosione, aut subitâ necrosi mortem obierit; tunc certè, quoniam interna ventriculorum superficies non laxatior solum reddita, verum etiam erosa jam fuit; si quid per Coronarias Arterias infundatur, minimo negotio ob incisa earum capillamenta ex laevi sinus parietibus, per virgulas uberrimè effluit, *facitque ut minus in Arte periti putent hoc ipsum usuvenire in statu quoque naturali, quod à veritate tam alienum est, quàm distant aera lupinis.*

At enim verò, ut veritati litemus, si in 'Arterias Cordis non vitiatas hydrargyrum injiciatur, evidenter quidem per ventriculorum poros, minimosque hiatus trajicitur, sed non adeò conspicuè per virgulas erumpit, quemadmodum si idem Mercurius per unum ex truncis Venarum Coronariarum immittatur. Quamobrem suspicamur liquorem per Arterias injectum longiori itinere circumagi oportere, nimirum ab
ip[s]is

ipsis arterioli in Venarum ramos, qui intra Cordis capacitates dehiscunt, excurrere.

Sed rectam nunc viam quaeso ineamus. Sunt verò conspicua Venarum intra sinus Cordis aperta diverticula, eaque diligens Anatomicus facillè deprehendet, si per diversa oscula, seu emissaria Venarum Coronariarum, quae in dextram Auriculam, summamque Cavam dehiscunt, modò simplicem aërem, modò aquam colore aliquo infectam (trunci enim Coronariarum Venarum valvulis destituuntur) paulatim injecerit; subinde spectabit eosdem liquores tum in dextrum tum in sinistrum sinum, non tantum per bullas, & guttulas sudoris instar manare; verum etiam per virgulas interdum profilire.

Venarum Coronariarum diverticula in ventriculis per liquorum injectiones observata.

Selegimus verò semel, iterumque, ut ad singularia descendamus, minus ostium Venae Coronariae, quod sub majori osculo plerumque secundum Cavae radicem, apparet, factumque est ad excipiendum sanguinem è posticis Cordis partibus, atque adeo à septo praesertim medio refluentem; in hoc itaque orificium injectam leniter per siphonem aquam laeti vidimus eandem trajectam sub ipsis columellis versus mucronem sinistri ventriculi.

Narrantur experimenta.

Primum.

Similiter immisso per syringam aëre intra aliam Venam, quae externam posticamque pariter Cordis partem occupat, illico animadvertimus in ventriculo pariter sinistro tremulas, ac vibrantes columellas, atque hîc illic bullulas elevari. Selegimus tertiam posticam quoque, per quam immissus liquor prodit ex quibusdam exillimis, ac subrotundis hiatibus, qui dehiscunt in interna tunica ventriculi dextri, versus mucronem, ac septum medium.

Secundum.

Tertium.

Neque caeteros venarum ramos intactos reliquimus: etenim liquores per anteriores etiam Coronarias Venas immisimus, vidimusque dextrum ventriculum evidenter maduisse, ac transversam praecipuè columnam, seu trabem carneam illachrymasse; ut mihi non ampliùs fuerit dubitandum, quin lateat intimum commercium Venarum Coronariarum cum utroque Cordis ventriculo: Delegimus verò in experimentum corda nunc equorum, nunc boum, qui per necem extingui solent; siquidem in iis grandiora sunt vasa, & pa-

Liquores injecti evidentiùs erumpunt.

ten-

per diverticula in Cordibus majorum Animalium, quàm in hominibus.

tentiora diverticulorum orificia. Illud tamen candidè fate-
mur, nos rarò cernere potuisse apud hominum corda inje-
ctos liquores per virgulas, quemadmodum à nonnullis ad-
mota etiam icone repraesentatur, ex ventriculorum forami-
nibus profilientes. In equino utique, ac bovillo id egregiè
factum animadvertimus. sed aprius à nobis cavendum esse
putamus, ne, dum historiam scribimus, poetarum licentia
sumatur, ut quaedam ita augeamus, ut fiant vero majora.

*Diverticu-
la in fini-
stra auricu-
la.*

Neque autem hîc praetereundum esse ducimus in superficie
interna finisrae auriculae, exigua quaedam foramina occur-
rere, quae sunt diverticula earum Venarum, quae ab exter-
na facie hujus auriculae versus dextram proserpunt. Constat
itaque variis, certisque experimentis inveniri maeandros, an-
fractus, ac diverticula à Venis Coronariis in singulis quatuor
Cordis capacitatibus aperta, per quae sanguis sibi vias ad e-
gressum munire solet.

*Usus diver-
ticulorum
exponitur.*

Sed cùm admirabile hoc, perpetuoque sibi constans natu-
rae in parandis Venarum diverticulis artificium sedulò mecum
reputarem, & cujus rei gratiâ institutum fuerit, diligenter
perpenderem; occurrit animo, Cor alternè, celeriterque
relaxari non posse, quin sanguis intra ipsius fibrarum utricu-
los ad tensionem excitandam prius interceptus subitò effluat.
Cum autem id aequali temporis spatio, è singulis Cordis
partibus superioribus, inferioribus, lateralibus, centralibus,
aliisque intra Cordis capacitates ferè pendulis, nonnisi per
vascula meatus, atque emissaria ab iisdem diversis partibus,
aeque distantibus, fieri possit; necessarium fuit, ut ex re-
motioribus ab auricula dextra, & Cavae radice fibrarum
Cordis manipulis, viciniora vasa, atque emissaria compara-
rentur. Idcirco in singulis quadricavi Cordis muscoli capa-
citatibus dehiscunt ea Venarum diverticula, quae ex singulis
Cordis partibus ab Auricula dextera longè distitis sanguinem
ad alternè deplendas Venas, seu ad totius Cordis diastolem
inducendam, illicò excipere, atque effundere debent.

*In lenibus
Cordis mo-
tibus diver-
ticulorum
minus*

Arbitror, verò, plerumque opus esse ad Cordis diasto-
lem promovendam, omnium simul praedictorum diverticu-
lorum officio; minus tamen, cùm Cor blandè, leniterque

mò-

movetur; tunc enim in ipsius contractione, ea sanguinis praestari à majoribus sinibus Venarum. quantitas, quae in fibrarum utriculis intercipitur excipi facile potest à sinibus, & capacitatibus magnarum Venarum Coronariarum: hae siquidem sunt ad Cordis diastolem, quemadmodum caudices fororum Arteriarum ad systolem: ac propterea ad statim excipiendum, retinendumque sanguinem prodeuntem è fibris, natura non indiget longo usque ad auriculas itinere, sed ubique locorum ipsi majorum Venarum ventres praesto sunt; quo in casu multa saltem diverticula ferari possunt. Sed, quoties Cor vehementius, celeriusque agitatur, tum cum sinus majorum Venarum pares esse nequeant ad magnam sanguinis copiam celerrimè exhauriendam, semper diverticulis hisce commodè, opportunèque provisum fuit, quibus uno, eodemque tempore ex singulis Cordis partibus ab auricula dextra, ipsisque truncis majorum Venarum longè positis in centra singularum capacitatum sanguis promptè, ocyssimèque deducitur.

PROPOSITIO XLV.

Probabile est, sanguinem à fibrosa Cordis substantia refluxum, ac per diverticula Venarum intra singulas ejusdem capacitates immissum redeunti ad Praecordia antiquo, & effoeto jam sanguini utilitatem aliquam afferre.

Si quis autem suspicetur (sunt autem plurimi) per descripta diverticula Coronariarum Venarum intra singulas quatuor Cordis capacitates dehiscencia, subtile aliquid, maximèque, ut ajunt, fermentativum effundi, quod universae fluidorum massae per Venam tum Cavam, tum Pulmonicam refluxae utiliter inspergatur, non admodum laborabo. Nam Cur sanguis è fibrarum utriculis refluxus sit vividior. probabile, veroque proximum arbitror, fluidum, quod ex singulis fibrosae Cordis texturae post alternam systolem effluit, ac per Venas regeritur, componi tum ex sanguinis, quasi dixerim, flore despumato ab Aorta, cum statim in Coronarias aperitur, tum ex liquido animali, quod à Cerebro descendit, ac per tot, tantosque nervos, hederæ admodum sese Arteriis, Venis,

*Sanguis e
vena Cava,
& Pulmo-
nica cur
magis ef-
foetus, ac
crudior.*

*Spiritus vi-
ni quomo-
do vinum
imbecille
roboret.*

*Quare per
corporis
exercitia
hebes san-
guinis mas-
sa instau-
retur.*

*Differen-
tia inter
sanguinem
è Vena Ca-
va emissum,
atque ab ar-
teria Pneu-
monica ex-
perimento
comproba-
tur.*

nis, & muscularibus fibris Cordis advolutos, non exigua parte permiscetur sanguini, qui per mutuos nifus eorundem sanguineorum, ac nerveorum canalium comminuitur, tenuaturque magis, evaditque tum propter motum, tum propter spirituum animalium miscelam summoperè actuosus. Hoc itaque liquidum conflatum, ex perniciosissimis, summaeque energiae particulis, fieri non potest, quin Cavae sanguinem partim veterem, ac jam effoetum, exhaustumque, partim crudum ex recens per galaxiam infuso chylo, solvat quoquomodo fluidiorem, ac mobiliorrem reddat, uno verbo roboret, animetque; perinde ut cum amphorae vini imbecillis, nullarumque virium parum ejusdem spiritus instillatur, agitaturque; tunc sanè universa effoeti vini moles novam virtutem, novumque vigorem adipiscitur; ut optimae, utcunque notae videri possit. Simile quid accidere conspiciamus apud eos, qui ob succorum crassitiem, ac plenitudinem hebetes, pallidique occurrunt: hi enim nullis quanquam exhibitis remediis per iteratas dumtaxat corporis exercitationes, comminuto, permixtoque cum nervorum liquido intra artuum musculares potillimum fibras sanguine, pristinum vigorem adipiscuntur, ac reflorescunt.

Confirmant autem, redduntque magis verosimilem cogitationem nostram de actione reflui à Coronariis sanguinis in sanguinem ab universo corpore remeantis, repetita per nos saepè saepius experimenta in vivis canibus, explorandi nimirum gratià, num aliquid discriminis intercederet circa colorem, partiumque adhaesionem, inter sanguinem Venae Cavae, & Arteriae Pulmonicae, antequam ullam Pulmonum, aërisque vim fuisset expertus. Nam vulneratà per lanceolam Cavà propè auriculam, fauciatàque simul, statim atque à dextro Cordis sinu egreditur, Arterià Pulmonicà, vidimus (iisdem ferè semper recurrentibus apud diversos canes conditionibus) sanguinem Venae Cavae in patinam exceptum colore subnigrum, & in grumum duriusculum faecessentem apparuisse; Secus verò sanguinem, qui ex Pulmonica Arterià effluxit persimili patinà collectum, rubicundiorrem, coactumque sectioni minus repugantem, seu solutiorem offendimus. Et quanquam non ignoremus, has differentias

ab

ab aliis etiam causis, ac praesertim ab inaequali decurrentis sanguinis mixtura oriri posse; ita ut ex fauciatâ Cava eum, qui tum crassior fluebat, erupisse, ex Arteria verò Pulmonica fluidiorem, atque ad motum expeditiorem; Nihilominus, cum idem experimentum non semel tantum, sed pluries etiam nobis redierit, facillè inducimur, ut putemus expositam varietatem tum à valida compressione, & permixtione, quas publicus, ut ita dicam, sanguis ab auricula, & ventriculo dextris subierat, quàm ab ejusmodi quasi recens affuso fermento ex Coronariarum emissariis derivato proficisci. Sed haec conjiciendo tantummodo scribimus, veritatem ipsam sapientioribus eruendam relinquentes.

V. O.

Conjectura de causis hujusmodi discriminis.

PROPOSITIO XLVI.

Eadem diverticula Venarum Coronariarum sub finem diastoles ad alternam Cordis systolem inchoandam symbolum aliquod conferre.

Quoniam ex postulato XI., & XII. ad inducendam cujuscumque musculi tensionem, necesse est, ut fluida nervea, ac sanguinea sinulos fibrarum muscularium subeant; quemadmodum ad relaxationem oportet, ut eadem fluida ab iisdem sinulis recedant; certè in quadricavo Cordis musculo, cum systole, ac diastole alternè inducatur, synchronis morulis interjectis; eadem pariter alterna vicissitudine opus erit, ut liquida ad sinulos fibrarum Cordis accedant, atque ab iisdem recedant. Quaecumque itaque causae accessum sanguinis ad sinulos fibrarum Cordis possunt promoverè, dicendae quoque sunt symbolum aliquod ad inchoandam Cordis systolem conferre. Hoc autem certo quodam modo ipsa diverticula Coronariarum Venarum moliri posse in praesentia demonstrandum suscipimus.

Et quidem ut res ob oculos ponatur, animadvertendum est officina diverticulorum, quae multa cum in utraque auricula, tum in utroque ventriculo sunt, nullis valvulis protegi, sed liberè, evidenterque dehiscere; ita ut per eadem foramina facili negotio, & alii, & nos quoque liquida per si-

Liquores ab auricula, & ventriculis in diverticula infundi possunt.

phonem infuderimus, quae diffusa quidem per Cordis substantiam, seu potius per Venas fuerunt, & cum aliò exitum non invenirent per eadem orificia regurgitarunt.

(a) prop.
44.

Sanguis in fine diastoles à ventriculis, & auriculis in diverticulis influit.

Hoc autem posito, clarum apud Anatomicos erit, fore ut, quemadmodum (supra probavimus, (a) sub finem systoles Cordis) sanguis à Coronariis Venis, ac diverticulis intra omnes Cordis capacitates urgetur, atque exprimitur; ita in fine diastoles, cum eadem capacitates plenae jam sunt, aliquid sanguinei fluidi per aperta, & dehiscencia diverticulorum orificia in depletas jam Venas lentè permeet, ac subterfugiat, donec pertingat ad usque illa Venularum segmenta, quae valvulis muniuntur, & ascensum usque in sinus prohibent.

Comprobatur ex orificiorum eorundem diverticulorum figura.

Confirmari autem videtur assertum, videlicet sanguinem vicissim egredi, ingredique ad instar euripi per praedicta Venarum diverticula ab eo, quod observamus in labiis eorundem orificiorum. Nam ea non sunt aspera, inaequalia, ac veluti in aciem desinentia, sed undequaque laevia, ac expolita, quo sane probabiliter indicatur, liquida alterno itu, redituque, perinde quasi tenuissimo agitante pumice, osculorum margines levigare.

Sanguis in diverticula urgetur ab impetu venae Cavae & sinistrae auriculae.

Ingressus sanguinis in orificia diverticulorum ex auriculis & ventriculis per cerae injectionem demonstratur.

Et quidem sanguis per impetum, quem tam ex Cava, & auricula dextra, quàm ex Vena Pulmonica, sinistraque auricula in fine diastoles accipit, non potest in memorata orificia non adigi, quippe quae ab impulso, tametsi leviter fluido aperiuntur, atque implentur. Vidimus verò facilem liquidi ingressum in ejusmodi orificia per lenem immisionem, cum fortè fortunà aliud (ut suo loco dicemus) pertentantes injecerimus ceram pinguedine dilutam tam per Cavam in dextram auriculam, & ventriculum, quàm per Venam Pulmonicam in sinistras cavitates humani Cordis tepido hydrelaeo prius eloti: etenim postquam refrigerata cera concrevisset, eosdem sinus jam oppletos reservavimus, spectavimusque cylindrulos, & conulos ejusdem cerae intra orificia diverticulorum hinc illuc coactos. Adeò verum est, tempore quo laxum est Cor (laxum autem proculdubio est in cada-

veribus) infusa per suas quasque vias liquida intra memorata diverticula facillimè derivari.

Et quamquam certissimum est, fluida, quibus finuli fibrarum Cordis alternè replentur ad systolem non per Venas Coronarias, sed per Arterias, ac Nervos influere; ac propterea nihil ad immissionem liquidorum intra eosdem fibrarum loculos alternum hunc sanguinis per diverticulorum ostiola refluxum conferre dici possit; nihilominus tamen, cum majores Coronariae Venae à minoribus, atque etiam ab Arteriis (quibus cum inosculantur) sanguinem accipiant, si eadem novo sanguine circa diastoles finem oppleantur, sustinent quoquo modo, & praepediunt, ne tunc temporis sanguis per Arterias influens liberius, faciliusque in Venas sibi per anastomosim junctas excurrat, sed eundem cogunt in praedictos finulos divertere: ac proinde jam demonstratum videtur, Venarum Coronariarum diverticula nonnihil ad futuram quoque systolem conducere.

Qua ratione sanguis per orificia diverticulorum immisus ad Cordis systolem conferat.

C A P U T III.

De Nervis Praecordiorum.

Rerum ordo, ac ratio admonet nos, ut sedulò investigatis iis, quae ad sanguinea ipsius Cordis vasa spectant, pari, quantum in nobis est, diligentia ad ejusdem visceris Nervos inquirendos eò quidem alacrius nunc accedamus, quò minus plerique Anatomici hoc praestare aggressi sunt. Nam, ut taceam plures solertes nostrà in Arte Viros Cordi nullos Nervos à natura datos putavisse, Thomas Willifius (a); Petrus Dionus (b), & Laurentius Bellinus (c) afferere non sunt veriti *Nervos exiles ac vix memoratu dignos Cor ipsum subire.* Et quamquam non ignoremus inter primos doctissimum Falloppium (d) lampadem posteris per invia, atque obscura haec ituris accendisse, eumque suis postea vestigiis Viussenium (e), Lowerium (f) praesertim, Munnickium (g) aliosque recentiores consequutos fuisse;

Anatomici parum diligentes in Nervorum Cardiacorum investigatione.

(a) *Nervorum description. c. 24. pag. m. 127.*
 (b) *Demonstr. Anatom. V. pag. 269.*
 (c) *In o-*

pufcul. prop.
40. *pag. m.*
179
(d) *Thm.*
1. *of. A.*
nat. pag.
91., &
110.
(e) *De*
Nervis
cap. v.
(f) *De*
Corde c. 1.
pag. 15.
16.
(g) *Ana-*
tom. Nov.
num. 39.
pag. m.
99.
Triplex ra-
tio ad facili-
detegendos
Nervos
Cordis.

nihilominus horum inventis nostras observationes adjecisse fortè haud prorsus inutile existimabitur.

PROPOSITIO XLVII.

Qua methodo utendum in Cardiacorum Nervorum investigatione.

Luculentam de Praecordiorum Nervis doctrinam nunc tractandam suscepturi, operae in primis pretium arbitramur, Tyrones Artis ad facilem eorundem detectionem diligenter instruere, ne, cum ipsi in eas difficultates, quae imparatis, imperitisque ut plurimum objici solent, incurrerint, ad illorum faciliè opinionem accedant, qui aut nullos, aut perquam paucos, exilesque in Corde nervos, inveniri crediderunt.

Ut autem Nervorum ramos magno numero Cordi impertitos fuisse evidenter cognoscamus, triplici viâ illos venari oportet.

Cur Nervi
Cordis lateant in
hominibus.

Primò itaque à facilioribus incipiendo; quoniam Praecordiorum Nervi ob tenuitatem, & reptatum tam sub externis Arteriarum, Venarumque membranis, quàm intra Pericardium, posticâ praesertim Cordis facie, ita in hominibus occultantur, ut olim vel diligentes inspectores fefellerint, idcirco, ut commodius eosdem è vestigio cernere possimus, in majoribus brutis Animalibus, nimirum in equo, aut bove sunt inquirendi: in iis enim ob singulorum viscerum, vasorumque magnitudinem longè magis in conspectum cadunt, quàm in homine. Ab extispiciis igitur horum Animalium sedulaque Cardiacorum Nervorum in illis inquisitione expeditior viâ, magisque compendiosa ad hominum Anatomem aperitur: Etenim statim atque ab invicem diducuntur majores Arteriae, multitudo Nervorum se prodit: & quacumque facie, potissimum verò posticâ extimae vasorum tunicae sanguinea vasa comprehendentes auferuntur, Nervorum quasi rete eleganter formatum conspicitur.

Praeterea, cum diuturnis experimentis constet, Nervos urinâ maceratos admodum augeri, tumesceri, atque extendi,

di, eorum maximè hominum cadavera ad expeditam, promptamque Nervorum Cordis detectionem opportuna comperimus, qui empyemate, vel pectoris hydrope decesserunt: in iis enim cum thoracis cavitas, atque ipsum Cor, & majora sanguifera urinoso liquido diu maduerint; eorum Nervi hujusmodi humore imbuti ita turgent, ut non tantùm oculis cernantur, sed vel ipsis manibus possint contrectari.

Cur in hydropticis. & empyicis hominibus magis sint conspicui.

Denique illud monemus, ut ad certam nullisque fallaciis objectam praedictorum Nervorum inventionem incipiamus ad ipso exortu, qui, cum sit tum à foraminibus cranii, tum à spinali medulla, inspectionis principium à fontibus capiendum est. Ita enim partim cultro, partim unguibus Nervorum usque in Cor progressum persequi licet. Neque verò satis est Nervos, eorumque plexus usque in Praecordia venari; sed opus quoque est illorum cursum ad lumbarem usque regionem, atque ad capsulas, quas dicunt atrabiliarias sequi: nam multi Nervi occurrunt, qui per Cavam inferiorem more recurrentium sursum ad Cor revertuntur. Haec sunt, quae nobis breviter praemonenda visa sunt, ut antequam de singulis Nervis diceremus, pauca in univèrsum proferrentur.

Nervorum Cordis inquisitio ab ipsorum exortu facilius inchoatur.

Quosque dicit Nervi sint perquirendi.

PROPOSITIO XLVIII.

Praecordiorum Nervos ad quinque potissimùm Classes reduci posse, & quatenam eae sint.

Ex quinque Nervorum paribus utrinque, tum ex dextris scilicet, tum ex sinistris, insignes rami ad Cor feruntur. Horum autem tria sunt, quae à spinalis medullae radice intra cranium, reliqua verò duo ex eadem medulla, sed extra cranium derivantur.

I. Appellatur par Vagum, quod nullo ganglio muniri in nostra De Gangliis Dissertatione, jam docuimus.

II. Est illud, quod subobscurè delineatum cernimus in Tabulis Anatomicis Bartholomaei Eustachii (a), & a Willisio, aliisque dicitur intercostale internum, nos autem, primo gan-

Primum par in Cor ramos immittens est Vagum. Secundum

*Intercoſtale
internum,
Auctori ſu-
perius.*

(a) Tab.

XVIII.

*Tertium
Vertebrale*

ganglio inter ſecundam, & tertiam colli vertebram prædicitum, Intercoſtale ſuperius, ac ferè tendineum nominabimus.

III. Ex iis, quæ intra cranium oriuntur recenſemus Vertebrale, quod abit in ſecundum ganglium juxta poſtremam colli vertebram.

Primum deinde ex iis paribus, quæ ex medulla, ſed extra cranium oriuntur, & ex quo Nervi Cardiaci quartæ Claffis diſpenſatur, eſt Intercoſtale inferius, quod faceſſit in tertium ganglium.

*Quantum
Intercoſta-
le inferius.
Quintum
Phreni-
cum.*

Poſtremum eſt Phrenicum ſine notabili ganglio, quod modò ex ultimis colli, modò ex primis dorſi vertebris unà cum Axillaribus ex ſpinali medulla prodiit.

*Origo, ac
progreſſus
paris Vagi,
& Inter-
coſtalis ſu-
perioris.*

Illud verò ab initio compertum nobis eſt, origines Nervorum paris Vagi, & Intercoſtalis ſuperioris (licèt interdum varient) plerumque tamen prope nates, ac teſtes repetendas, eorumque progreſſus ſub mole cerebri tenuiſſimâ membrana obvolutos, inter ramuſculos Arteriarum Carotidum perquirendos eſſe: quod ut facilè contingat, ſeligenda eſt cerebri baſis, quæ minetur gangraenam: in hoc enim ſtatu Arteriolæ omnes, quæ eâ in parte Nervulos uberrimè comitantur, nigrae evadunt, ſecus autem Nervorum fila nativum candorem ſervant: quare illorum tum origines, tum progreſſus perſpicuè magis cernuntur. Sed accuratiùs hæc ab iis pervidenda ſunt, qui præcipuam Cerebri, omniumque Nervorum Anatomem velint adornare. Nos enim de Præcordiorum dumtaxat Nervis acturi fatiſ habebimus, ſi unumquemque Nervum ad Cor pertinentem aut a cranium, aut a vertebrarum foraminibus egredientem ſingillatim perquiremus.

*In morboſo
cerebro ex
Gangraena
faciliùs de-
teguntur.*

*Quinque
memorata
Nervorum
paria ad a-
lias etiam
partes per-
gunt.*

Animadvertimus interea ex quinque jam expoſitis Nervorum paribus ſurculos nec quidem exiles ad aſperam Arteriam, Pulmones, Mediſtinum, Pericardium, atque etiam ad majora ſanguinea vaſa diſpenſari. Sed nos quaerentes propagines, quæ intra Cor potiſſimum penetrant, de aliis Nervis ea ſolùm, quæ in via occurrerint, notabimus.

Deſcribitur

Primò itaque incipientes à latere dextro ſpectamus Nervum

vum Paris Vagi secundum latus Venae jugularis intra thoracem productum, illicò ramum emittere, qui Axillarem Arteriam ejus lateris amplectitur, evaditque recurrens. Deinde verò (variis huc illuc emissis ramusculis) penetrato unà cum Vena Cava Pericardio propaginem prodit, quae ad dexteram auriculam fertur, mox alteram, quae sub Arteria Pulmonica recurrit, majores verò spargit ad insignem quendam plexum, qui inter Arteriam Pulmonicam, & Aortam in basi Cordis versùs posteriora situs est, nimirum eo in loco, quo Arteriosus tubus inter utramque Arteriam intercedit. Hic sanè plexus accuratissimè observandus est: nam ad eum excitandum multitudo Nervorum ab unoquoque ex quinque partibus defertur, atque ab eodem innumeri Nervorum villi intra Cordis substantiam discedunt.

iter, atque distributio ramorum Paris Vagi a cerebro ad Cor. Nervorum plexus inter Arteriam Aortam, & Pulmonicam prope Cor.

Secundus deinceps Nervus Cardiacus est paris Intercostralis superioris seu tendinei, qui secundum anteriorem ramum Arteriae Carotidis per canalem ossis sphenoidis descendens excipit Nervosa fila ab omnibus penè Nervis, qui intra calvariam nascuntur, ut luculenter demonstravimus in Dissertatione de Gangliis §. *Postquam*. Is autem è cranio per foramen ossis petrosi egressus ganglio munitur inter primam, & secundam cervicis vertebrae prope dictam Carotidem internam, ac sub Vena Jugulari, Nervoque paris Vagi. Ex hoc porrò ganglio praeter multos quasi tendineos Nervorum ramos, qui in diversas colli, linguae, supernasque thoracis partes feruntur, tres satis conspicui sub Arteria Carotide progrediuntur, ac postmodum intra thoracem supra Aortam ascendunt; subinde verò penetrato Pericardio, eorum unus supra Arteriam Pulmonicam fertur, rectaque in anteriorem Cordis substantiam dispensatur, comitaturque ramum Arteriae Coronalis, cumque eodem intra musculares Cordis lacertos immèrgitur; duo autem alii, non secus ac de pari Vago dictum est, ad plexum superius memoratum pertingunt, à quo largè, copiosèque musculari Cordis substantiae dispensantur.

Describitur exitus Intercostralis superioris è cranio, ac ejusdem ad Cor descensus. Ganglion intercostralis superioris.

Tertius, seu Vertebralis intra cranium (quod notandum) prope par decimum oritur, multisque ejusdem ramis comitatus

Vertebralis Nervi origo, egressus

Isus è crania, atque reptatus in Cor.

Ejus ganglium.

Intercostalis inferior origo ac progressus ad Cor.

Ejus Ganglium.

Phrenici origo, ac distributio in Cor.

Rami ex Pari Vago sinistro ad Cor tendentis descriptio. Ejus recursus.

Aorta descendens cur in ea parte, qua

tatus incedit per canalem exculptum ad excipiendum Arteriam Vertebralem ibique non paucis Nervorum fibris, è spinali etiam medulla profectis locupletatus egreditur ex septima colli vertebra, ibique in secundum ganglium abit, atque ab eodem expeditus in plures ramos dividitur: quorum praecipui pergunt per dextram thoracis partem, secundum descendentem Cavam in Pericardium, atque eadem, qua superiores, viâ ad plexum efficiendum incedunt: unde postea veluti è majori fonte Nervorum rivuli Cor ipsum penetrant, & irrigant.

Quartus, seu Intercostalis inferior multiplicem habet originem infra Nervos Axillares inter tertiam, & quartam dorli vertebrae; indeque obliquè repens, tertio ganglio munitur à quò rami non pauci, trajecto Pericardio per superiorem Cavam, dextramque auriculam perreptantes, ad excitandum tandem praedictum plexum in Cor dispertiuntur.

Quintus denique Nervus est Phrenicus, qui non semper certum habet principium; in aliquibus enim vidi natum ex vertebrae colli, in aliis prope Nervos Axillares. Hic penetrato thorace arctè implicat partem Venae Cavae superioris, atque exterius ipsum Pericardium, cujus membranam nonnullis Nervosis fibris pervadit, a qua per adnexum truncum ejusdem Cavae superioris, non solum ad auriculam, ac ventriculum dextrum, verum etiam ad plexum supra indicatum perrepat.

Non absimili autem itinere, ac ratione per sinistrum latus Nervi, qui ex memoratis quinque paribus proficiscuntur, ad Cor desinunt.

Illud autem intercedit discrimen, quod ex pari Vago per thoracem ad abdomen descendente, insignis ramus statim atque ad primam Aortae flexuram pertingit, sursum ad anteriora conscendit, atque ita recurrens evadit, ut hinc illuc tum ad asperam arteriam, laryngisque musculos, tum ad oesophagum non exigua fila diffundat.

Est autem, ut obiter animadvertamus, Aortam eo in loco, ubi a recurrente hoc Neruo inferna sui parte veluti stapede sustinetur, ac fulcitur, substantiam aliquando firmiorem,

rem, solidiorem, ac duriolem, quàm sit superna, passim acquirere; ita ut in quodam sene, qui laboriosam vitam duxerat, eandem Aortam ad situm dumtaxat contactus recurrentis Nervi, callo veluti obduratam invenerim. Indicio satis probabili, portionem illam Arteriae Magnae per impetum hinc vehementer extrusi a Corde sanguinis, illinc etiam violenti, frequentioresque thoracis, Pulmonum, totiusque corporis motus, ea in sectione a recurrente hoc Nervo fuisse contusam; quemadmodum cutim ipsam in volis manuum, ac pedum ex laboribus, itineribusque sensim indurari, & obcalescere comperimus.

Nervo praedicto recurrente substinetur obdurescat.

Ex eodem hoc pari Vago sinistro paulò infra ramum recurrentem alia propago producitur, quae reflexa tam in auriculam sinistram, quàm in saepius memoratum plexum immergitur, a quo postmodum nerveae fibrae in ventriculorum substantiam diffunduntur.

Peculiari quoque observatione dignum est, in sinistro latere ex secundo pari Nervorum, qui ad Cor pertingunt, insignem ramum a ganglio superiori proficisci, qui secundum Arteriam Carotidem descendens, cum ad Aortam pertingit, externam ejusdem tunicam subit, & penetrato Pericardio (praeter propaginem, quam per exteram Cordis faciem, ut Coronariam Arteriam posticâ parte comitetur, emit) ad Arteriae Pulmonicae contactum statim inflectitur, & instar novae stapedis truncum ejusdem Aortae ubi interiorius eidem Pericardio alligatur, devincit, recurritque ad asperam Arteriam, & oesophagum, quod quidem planè ignoro, an ullus Anatomicorum descripserit.

Peculiaris distributio Nervi secundi paris in Cor.

Ejusdem recursus haetenus non descriptus.

Cùm verò Arteria Magna duobus his fulcris, ac stapedibus muniatur, uno quidem a pari Vago, altero ab Interco-stali superiori seu tendineo; id certè non temerè à natura factum fuisse putamus; sed eo probabiliter consilio, ut, tum Arteriam Magnam suapte naturâ jam inclinantem continerent, atque suspenderent, tum ut in Animi pathematibus, ac violentis corporis motionibus moderatore ganglio plus minus ad augendam versus Cerebrum, & supernos artus, quid non etiam intra Coronarias Arterias? sanguinis vim

In quem usum Nervi praedicti Aortam duobus in locis tamquam stapede complentur.

furfum traherent. Fieri quoque potest, ut beneficio horum duorum recurrentium paulatim in natis claudatur tubus ille, qui in foetu ab Arteria Pulmonica intra Aortam dehifcit; quatenus fcilicet, cum primùm puer in lucem emiffus est, incipit respirare, vocemque emittere, ac propterea tunc temporis recurrentes hi Nervi bronchiis, atque asperae Arteriae alligati necessariò plus minus furfum trahuntur, proindeque non folùm Aortam loco movent, fanguinemque à directione, & influxu in illam repellunt; verùm etiam illius canalis latera mutuo applicat, ejusque capacitatem conftipat, constringitque; quemadmodum accidit in Arteriis umbilicalibus. Simile quid contingere videtur in occlufione foraminis ovalis, quo in eodem foetu à fumma Cava in Venam Pulmonicam fanguis divertit: ibi enim zona quaedam, feu vitta muscularis infra meatum pofita est, per quam alternè elevatam fanguis repellitur ab incepto ex Cava in Venam Pulmonicam itinere, hiatusque fenfim occluditur, praefertim cum è regione, qua foramen respicit Venam Pulmonicam, membrana quaedam tenuis utique, ut primus animadvertit Harvaeus, fed tamen dura, idem foramen alternè a fanguine pulfata omnino claudit; est enim foramine major.

Cur tubus Arteriofus claudatur post editum puerum.

Cur foramen ovale post ortum obftruatur. Cur Aneurysmata contingant frequentius in determinatis Aortae partibus.

Trium reliquorum Nervorum inceffus ad Cor.

Ex iis, quae hactenus de duobus iis recurrentibus Nervis exposuimus, ratio elucet, cur Aneurysmata adeo facilè in convexa, feu superiori verfus sternum Aortae parte contingant; raro autem in flexa, feu inferiore prope Cor, quà fcilicet ftapedibus firmatur, illa enim & tunicis infirmior est, & impetui majori impulfi a Corde fanguinis rectiùs obijcitur.

Caeterum de tribus reliquis Nervis, qui ab aliis partibus per finiftram internam pectoris regionem ad Cor feruntur, non fum admodum follicitus, ut fingularem illorum progrefsum, nexum, infertionemque describam: nam iidem perfimili cum dexteris paffu in auriculam primò finiftram, subinde in muscularem Cordis substantiam, producto ftatim valido inter Arteriam Magnam, & Pulmonicam reti, diftribuuntur. Confule Tabulam VII.

Tab. VII.

PRO.

PROPOSITIO XLIX.

Nonnulla ex praecedenti Propositione veluti Corollaria ad explicandum motum Auricularum, & Ventriculorum Cordis tam ordinarium, quam extraordinarium inferuntur.

Haec, quae fingillatim de quinque distinctis utrinque ad Cor Nervis fuso fati semone ex Anatomicis observationibus huc usque disputavimus, nonnulla quasi per Corollariam colligenda esse arbitramur; &

Primò quidem exiles quosdam Nervorum ramos ex unoquoque pari, cum ad basim Cordis per majores Venas, Arteriasque serpunt ad auriculas ferri, licet ad easdem a memorato quoque amplexu aliquot fila dispensentur. Quamobrem sine ulla dubitatione asseverare possumus, Nervos expeditius, citiusque ad auriculas, quam ad ventriculos Cordis pertingere. Quod non parùm ad consuetum earundem auricularum motum paulò ante ventriculorum contractionem promovendum (ut de sanguinis vasis diximus) conferre putamus.

Nervorum distributio in Auriculas.

Cur Auriculae citius, quam Cor contrahuntur.

II. Est quoque, ut ex indicato Nervorum reti inter Arteriam, praesertim Aortam, & Pulmonicam contexto, atque illinc productis in substantiam Cordis Nervorum filis deducamus, naturam voluisse ordinariam contractionem in singulis fibrarum manipulis, lacertis, columellis, tendinibus, aliisque muscularibus Cordis particulis uno, eodemque tempore contingere: validum enim agens in tensione, seu systole Cordis est Nervorum vis, ut latius dicemus.

Unde synchrona contractio Ventriculorum, aliarumque Cordis partium.

III. Neque verò hoc loco praetereundum videtur, Nervos ad Cor diffundi tum ex iis paribus, quae ganglio carent, cujusmodi sunt Vagum, & Phrenicum, tum ex aliis, quae gangliis muniuntur, qualia sunt reliqua. Nimirum ut cavus Cordis musculus, sicuti est maximus, sic dicam unicus sanguinis motor, tam in naturalibus, seu ordinariis ejus motionibus, puta in somno, & quiete corporis; animique, quam in extraordinariis, & morbois utriusque mo-

Cur ex Cordis Nervis alii gangliis muniuntur, alii vero iisdem careant.

tibus, tum in vigilia, tum in somno contingentibus; ad variationem earundem motionum rithmos suos variare potuisset; atque idcirco, nunc per solum oscillatorium, hoc est ordinarium Nervorum motum, nunc per extraordinarium a gangliis productum juxtà temporum, atque affectionum discrimen motus Cordis variè contingerent.

Cur singulis Cordis Nervis ligatis Animal vivere possit.

Denique per ea, quae de mira Nervorum ex quinque hinc inde partium ramis in Corde desinentium implicationem demonstravimus, ratio quoque reddi potest, cur, ligato E. G. Nervo paris Vagi, aut quovis alio unius lateris, turbetur quidem, non verò deficiat motus Cordis; oporteret enim omnium parium Nervos, qui sunt decem, ut ostendimus; unà simul vincere, quod vix ulla arte, ac sine praevio Animalis interitu fieri potest.

PROPOSITIO L.

Ex singulis Cardiacorum Nervorum classibus nonnulli rami infra Cor producti recurrunt per Cavam in Cor.

Maximum mirumque pandimus hinc naturae opus, quod an cuiquam hactenus innotuerit, ignoramus. Nimirum ex singulis quinque Nervorum paribus, è quibus insignes ramos ad Cor descendere Prop. XLVIII. clarè demonstravimus, vicinas propagines infra Cor produci, rursumque per Venam Cavam inferiorem ad dextram usque auriculam ascendere.

Plexus renalis, seu stomachicus.

Rectus nervorum à plexu memorato per Cavam.

Certum est; atque omnibus nostri aevi Anatomicis, Wilisio praesertim, ac Wienffenio exploratum, nervos tum paris Vagi, tum Intercostrales, tam superiores, quàm inferiores, atque etiam vertebrales, è thoracis limitibus egressos infra diaphragma plexum renalem, quem alii stomachicum dicunt, licet inter capsulas renales inveniatur, componere. Ab hoc autem plexu cernimus multos Nervorum ramusculos in Cavam inferiorem inferi, perque ejus membranas instar hederae mirabiliter usque in dextram auriculam descendere; ut nullum proinde dubium nobis superfit, quin ipsa natura ad promovendum ab abdomine ad Praecordia sanguinis

nis motum, subsidiariam opem per ejusmodi nervos adhibitam voluerit. Et quidem cum sanguis ab infernis artubus, atque etiam à Vena Porta in Cavam contra gravitantis sui corporis renixum conscendat, novo aliquo impulsore opus habet, quo veluti admotis, & circumpellentibus manibus Cavam ipsam alternè constringente ad cursum quò valvulae permittunt, nimirum versus Cor adigatur, & propellatur.

*Quomodo
praedicti
nervi re-
currentes-
sanguinis-
scenium per
Cavam ad-
juvent.*

Ex pari autem Phrenico recurrentes per Cavam Nervi hac ratione procedunt: videlicet insignes rami in Nerveum ejusdem septi centrum digesti, manifestas propagines Venae Cavae tribuunt eo commodum loco, quò eodem diaphragma perforat, quae quidem propagines, cum caeteris ab imo ventre superius descriptis recurrentibus Nervis ad Cordis auriculam, dextrumque ventriculum ascendunt.

*Describitur
recursus
nervi phre-
nici ad au-
riculam &
Cor.*

Quod si quis objiciat, non constare, an hujusmodi Nervi, quos cum inferiori Cava ad Cor putamus ascendere ex partibus potius superioribus unà cum Vena Cava descendant, statim respondemus à perito Anatomico difficultatem minimo negotio expediri. Siquidem liquidò apparet, hujusmodi ramos infra diaphragma majores esse, ac sensim magis attenuari, quò magis ascendunt, tandemque in dextra Cordis auricula, atque ostio continui ventriculi obliterari, atque evanescere: Quod nequaquam eveniret, si à superiori in inferiorem partem per Cavam descenderent, nam si ita esset quò magis infra diaphragma progredierentur, eò tenuiores evaderent.

*Diluitur
objectum
adversus
praedictio-
rum Ner-
vorum re-
cursum.*

PROPOSITIO LI.

De ratione, qua cardiaci Nervi in Cor, & sanguinea praesertim vasa distribuuntur.

Complexe putant Anatomici tractationem de Nervis Cordis, cum aliquot illorum propagines ad fortissimi hujus muscoli basim, plexumque dixerim, verè mirabilem deduxerint: id tamen inventionis quasi principium est: omnis enim Nervorum actio in Corde ex modo, ac ratione, quà intra ejus machinam iidem inferuntur, ac serpunt, repetenda videtur. Sed quoniam iter omne Cardiacorum Nervorum

*Difficultas
persequendi
Nervorum
distributio-
nem intra
Cordis sub-
stantiam.*

rum

rum in ipsum Cor assequi opus est difficillimum, jure meritoque plerisque Anatomicos ab hoc labore deterruit; ita ut Celeberrimus Fallopius, postquam plures parvorum Nervorum ramos in Cor dispergi asseruit, ingenuè fassus sit, *se illos ulterius prosequi nequisse.*

Ut autem certo aliquo, perspicuoque ordine in re admodum confusa, atque implicata procedamus, distinguendi sunt Nervi, qui externam Cordis faciem perreptant ab iis, qui in ejus substantiam, internasque superficies altè inferuntur.

Quâ ratione Nervi per externam Cordis faciem diffundantur. Differentia inter Arteriarum, ac Venarum Coronariorum Nervos. Nervi Arterias Coronarias à basi ad cuspidem. Venas à cuspide ad basim comitantur.

Et quidem præcipuè Nervi, qui per externam, anterioremque Cordis faciem feruntur, descendunt secundùm externum latus Arteriae Pulmonicae: qui verò per posteriorem ejusdem Cordis superficiem distribuuntur, repunt ad latus Aortae. Utrobique autem (exceptis filis tenuissimis, quæ in extimam hujus visceris membranam obliterantur) truncos, ramosque Arteriarum Coronariorum implicant instar hederæ, quæ suis claviculis arborum caudices amplectitur, ac devincit: immò verò nerveis veluti vaginulis Arterias muniunt, & investiunt. Atque hîc porrò notatu dignum est, Nervos longè copiosiores Arteriis Coronariis adjungi, quam sociis Venis, quarum membranis tenuissimi quidem Nervorum furculi adnectuntur, sed nec tantâ copiâ, nec tam mirâ, ac flexuosa implicatione à basibus ad cuspidem adhaerescunt; cum in Venis à cuspidibus ad bases proserpere, & quasi reflecti videantur.

Cur major Nervorum copia Venam Cavam implicet, quàm Venas Coronarias.

Et quamquam superius docuerimus, Venam Cavam, præfertim infernam, copioso Nervorum reptatu præditam esse, hoc tamen ideo à natura præstitum fuisse arbitramur, quia major exigebatur vis in hominibus, præcipuè ad reducendum sanguinem ex infernis ad supernas partes contra gravitatem ejusdem fluidi ad perpendiculum incumbentis, quàm in Venis Coronariis, quarum sanguis per directionem inclinatam facilius fluit ad emissaria; potissimum cum magna vis ad ejus motum promovendum accedat ex vehementi fibrarum Cordis contractione.

Quomodo Nervi Ar-

hos, qui Arteriolas comitantur, & involvunt, ibi potissimum

mum inferi, & penetrare ubi eadem parvis, ut diximus, sphincteribus firmantur, quod quidem indicio est ibidem majori spirituum influxu, quasi in Arteriolarum nodis opus esse, quam in mediis tractibus, in quibus minor constrictionis vis erat exercenda.

teritis Coronariis inferantur.

Sed quoniam Nervi, qui ad externam Cordis faciem dispensantur, habitâ ratione molis Cordis, scilicet crassitudinis parietum, scrobiculorum, columellarum, ac tot tendinum, quot internis superficiebus deprehendimus, omnino pauci, exilesque sunt, ideo natura consuluit, ut interno aliorum subsidio opportunè juvarentur. Ex plexu itaque nerveo, quem primus Fallopius, deinde alii, & nos quoque in basi Cordis, inter Arteriam Pulmonicam, & Aortam diligenter observavimus, multiplices rami subeunt circa earundem Arteriarum orificia, perque mediam, intimamque Cordis substantiam quaquaversum diffunduntur. Et quamquam difficillimum sit exactè fines omnes eorundem Nervulorum rimari, nobis tamen visum est eodem non tantum in Arteriolas modo, ac ratione persimili, quibus extrinsecus feruntur, sed etiam in carneas fibras, atque tendineas valvularum membranas immergi, alternos simul omnium motus administraturos.

Descriptio Nervorum internam Cordis substantiam perreptantium.

PROPOSITIO LII.

De modo quo Nervi complectuntur, & implicant carneas Cordis fibras, & an pori, qui sunt in fibris, cum sanguineis vasis communiōne jungantur.

Conducit autem summopere ad facilè intelligendum modum mechanicum, quo fibrae carnae fluido tendente vicissim tument, ac deplentur, nosse reptatum, ac rationis nerveorum villorum in fibras carneas, ideò ea referemus, quae nos in tanta rerum exiguitate, & minuta implexione accidere suspicamur.

Ex Cowperi praesertim observationibus, nostraque autopfia constat carneas musculorum fibras in exillimas, ac penè innumeras fibrulas, villosque resolvi; ita ut singulae fibrae

Quae sit fibrarum carnosarum structura.

carneae, quae inermibus oculis conspiciuntur, nihil aliud sint, quam fasciculi minorum fibrarum variè inter se confriatarum, & quemadmodum asserit Leeuwenhoekius, concatenatarum; dicique meritò possint exigui muscoli, praefertim cum tenuissimâ membranâ ipsi quoque investiantur. Hanc autem membranulam probabili fati conjectura ex minimis Nervorum villis, & plusquam capillaribus Arteriolarum tubulis contexti arbitramur. Praeterea, cum egregiorum Virorum experimentis compertum sit, non modò singulas fibras ex aliis conflare, verum etiam singulas conflantes in minores adhuc villorum fasciculos dividi, adeo ut ad ultimae divisionis terminum nulla arte perveniri possit, consentaneum rationi est asserere, universum quadricavum Cordis musculum ex innumeris musculis variè dispositis, coagmentari, atque conjungi; quemadmodum funes ex funiculis, atque iidem ex minoribus, aliisque adhuc exilioribus, qui ex filis compinguntur, quae & ipsa ex contortis, & complicatis villis construuntur.

Fasciculi fibrarum membranei Nervis, & Arteriis impliciti.

Ex hac autem fibrarum Anatome perspicuè videtur elucescere, tenues Nervos unà cum Arteriolis ad texendas singulas fibrarum membranas una cum Arteriis protendi, quod primò erat ostendendum.

Cowperi experimentum ad fibrarum poros ostendendos.

Quod verò spectat ad alteram Propositionis partem, videlicet an in fibris pori qui sunt cum sanguineis vasis, communiōe jungantur. Quoniam in Corollario ad Postulatum X. solâ ratione ducti asseruimus fibras carneas inanitatibus, ac sinulis excavari; id modò experimentis demonstrandum suscipimus. Et quidem a Cowpero accepimus, poros in minimis fibris non modò per microscopium fuisse perspectos, verum etiam immissum per Arterias mercurium intra eorundem fibrarum poros in globulos divisum apparuisse.

Idem Autoris observatione compertum.

Haud absimile deinde experimentum nos ipsi coram doctissimis Petro Assalto, & Francisco Soldati, industrio Anatomiae incisore Petriolo, aliisque amicis aggressi sumus in Cordè canis recenter mactati. Cum enim mercurium per illius Coronarias Arterias injecerimus, non tantum animadvertimus majores, minores, & Capillares earundem Arte-

ria-

riarum ramos per externam superficiem perreptantes eodem hydrargyro plenos; verum etiam dissectis ventriculis, sinistro praesertim, jucundo sanè spectaculo vidimus lacertos, columellas, atque funiculos, internam superficiem contexentes, ita mercurio intumuisse, ut argentei apparuerint, exhibuerintque speciem tubulorum diaphanorum, qui, ut, cum essent integri, minutissimis undequaque mercurii guttis fudabant, ita dissecti eundem mercurium magnà copiâ effuderunt.

Cum itaque hujusmodi lacerti ex fibris carneis planè rubentibus compingantur, erit proculdubio apertissimum fibras carneas mercurium excepisse adeoque in iisdem fibris loculos, atque inanitates inveniri, quae plus aut minus ab infuso liquido distendi, contrahique possint.

An verò fibrae carnae, quemadmodum inter alios suspicatur Clarissimus Dominicus Sanginetus, (a) sint ipsi Arteriarum tubuli, unà cum Nervis continuati, varièque flexi, hîc expendere superfedemus, cum difficillimum sit intimas, obscuras, externasque hujusmodi latebras omnino persequi, quae sunt in ipsius naturae majestate sepulta, sed satis ad rem nostram erit experimentis comprobasse, fibrarum inanitates aperiri, ac dehiscere ad excipiendum fluidum ab Arteriis, aut etiam a Nervis devectum, quod insuper Tyronibus magnopere proficuum demonstrandum suscepimus.

Sed ne Lectores hac in re aliis nostris experimentis fraudasse videamur, asserimus, nos quondam humanum Cor, omni prius expresso sanguine VIII. uncias pendens intra aquam saepè renovatam per 40. dies ad macerandum detinuisse, ut scilicet, absterfis fluidioribus substantiis, quidquid magis haerens, ac solidum superesset, diligenter posset animadverti. Haec autem prae caeteris spectavimus.

I. Post XX. Dies ad staterae examen rursus revocatum pependit pondus V. dumtaxat unciarum; & quadragesimo exacto, trium tantummodò unciarum faciebat: amiserat itaque diuturna illa maceratione pondus unciarum v. materiei, quae ab aqua facile abstergi, imbibique potuit.

(a) In suis Dialogis de structura, & motu Cordis.

Incertum est an fibrae sint extremitates sanguineorum vasorum.

Auctoris experimenta ad investigandam fibrarum naturam quibus Cor componitur.

II. Inquirentes in flaccescentem eam Cordis substantiam, nihil aliud in ea comperimus, nisi tria genera diversorum corporum. Scilicet primò vascula sanguinea; secundò ramos, villosque nerveos; tandem confusum quoddam fibrarum tomentum ex reti vasculari, & nerveo compaginatum.

*Fibrae
Nervae
potissima
Cordis
pars.*

III. De Nervis illud non obscurè cernere potuimus, eos nimirum vasa sanguinea undique comitari, ac majores semper intra Cor fieri, augerique, ita ut peculiaris quaedam nervearum partium origo Cor ipsum esse videatur. Nam tendines valvularum, ac columellarum Cordis singuli Nervis intextuntur; ut mirum sit cernere complexum, atque intertextum Nervorum in singulis, praesertim internis, & ad magnorum vasorum ostia positis partibus.

PROPOSITIO LIII.

Naturalis, seu consueta Cardiacorum Nervorum in sanguineis Coronariis vasis, fibrisque muscularibus actio ad inducendam systolem, ac diastolem Cordis subtilius exponitur.

*Improbatur
nonnullorum
opinio
de actione
Nervorum
ad Cordis
motum.*

Incerta, vel saltem admodum obscura habita hucusque est apud Anatomicos actio Nervorum in promovendo motu musculorum Cordis. Nam (ut eos praeteream, qui Nervos huic visceri denegantes usum, actionemque illorum penitus ignorarunt) à plerisque recentioribus nerveos tubulos eà ratione Cordi datos astruitur, ut (veluti in caeteris musculis) liquidum importent cum particulis sanguinis in bullas, live effervescentiam ad lacertorum Cordis tensionem inducendam, abiturum; quam quidem sententiam perspicuis argumentis nos etiam validiùs fortè, quàm alii fecerint suo loco refellemus.

*Triplicis
Nervorum
actio in
Cordis motu.*

Itaque, ut confertissimos Nervos utrinque ex quinque partibus peculiari propagatione ad Cor ferri superiùs ostendimus, sic modò asseverare non dubitabimus, naturalem, ac consuetam illorum actionem triplicem esse, & unamquamque ad alternam, naturalem, & ordinariam Cordis systolem simul conspirare.

Prima actio in Ar-

Prima spectat sanguifera Coronaria, quibus iidem Nervi

mi-

mirabili nexu, quemadmodum demonstravimus, advolvuntur, implicantur, & inferuntur; scilicet ut facilius, ac promptius dirigatur alternè, & acceleretur influxus sanguinis, vel aliarum quarumcumque ejus particularum intra musculares fibrarum Cordis poros, eodem planè temporis momento, quo illinc per Venas retardatur effluxus.

riis constringendis.

Altera versatur circa villos, ac fila, in quae tandem iidem Nervi supra, atque intra minimas Cordis fibras desinunt, quorum beneficio validius alternè, celeriusque tensio Cordis perfici possit.

Secunda in Cordis fibris.

Postrema rationem habet ad ipsum sanguinem, vel qualescumque particulas ejus, quae ab Arteriis Coronariis in fibrarum Cordis poros influunt; scilicet, ut cum succus nerveus sit naturae volatilis ac motus perniciosissimi, se se alternè immisceat fluido per Arterias adacto, quo citius, atque expeditius eosdem loculos, ac poros fibrarum subire valeat, atque interiùs pervadere, & dilatare.

Tertia in admixtione fluidi nervi cum sanguine.

Porrò, quod attinet ad primam Nervorum actionem cum Prop. LI. autopsiâ docuerimus Nervos comitari, complecti, implicare, irretire, atque, ut uno dicam verbo, ferè in universum, sin minus componere, certè colligare Arterias, Venasque Coronarias, unâque etiam valvulas, minimosque sphincteres, fieri necessum est, ut Nervi, quoniam ex alterna (a) majori vi ab Arteriis, Cerebrique membranis illata, animale liquidum, vicissim excipiunt, illudque subtenfi in partes, in quas desinunt, eâdem lege impellunt, majorem etiam alternè contenti liquidi copiam in Coronariorum sanguineorum membranas, in valvulas, & sphincteres urgeant: quamobrem omnia Cordis sanguinea vasa vicissim compressa, & contracta, cum diametro minora, tum breviora reddentur. Atqui minora, ac breviora alternè reddi nequeunt, quin contentus in iisdem sanguis alternè quoque intra obvios siphunculos, aut saltem intra vacuos à diastole occurrentes fibrarum poros excipiatur; propter obstantes enim Arteriarum rugas, & valvulas refluere non potest.

Qua ratione ex Nervorum actione sanguis ab Arteriis Coronariis in fibrarum poros impellatur.

(a) Ex Postulat. XXII.

Et quoniam eodem tempore ob memoratam alternam Nervorum tensionem Coronariae etiam Venae, Venarum-

Quomodo eodem tempore ab ipsis

*Nervis co-
hibeatur
sanguis re-
fluens in
Venas, &
diverticu-
la.*

que diverticula in auriculis, & ventriculis dehifcentia, & ipsa contrahuntur, necesse pariter erit, ut diametro minora evadant, fierique contraria ratione debet, ut Cor eodem temporis articulo (refluxu sanguinis ab Arteriolarum finibus vicillim diminuatur; id quod in artubus quoque propter Venarum compressionem passim accidere animadvertimus.

*Quomodo
Sphincterum
Arteria-
rum Coro-
nariarum
constrictio-
ne sanguis
adigatur in
fibras Cor-
dis.*

Praeterea ad illustrandam ejusmodi de prima Cardiacorum Nervorum actione doctrinam, ea ad memoriam sunt revocanda, quae à nobis de Coronariarum sphincteribus demonstrata sunt. Nam cum sphincterum usus sit canalium capacitates, quibus advolvuntur, dato tempore constringere, ne quidquam, cum iidem constricti sunt, per longitudinem canalis infra illos excurrat; proclive erit intelligere sectiones Arteriolarum inter duos quosque sphincteres comprehensas alternè ita coarctari, ut contentum liquidum per obvios laterales canaliculos in fibrarum poros promptius urgeatur, quam rectà in Venas possit excurrere. Ex Arteriolis itaque inter musculorum Cordis fibras proserpentibus; facile ob alternam Nervorum, & sphincterulorum contractionem ad latera per siphunculos, obscurosque meatus in fibrarum poros liquidum movens faceffet.

*Confirma-
tur exemplo
Arteria-
rum cere-
bri.*

Consimilem porrò mechanicen adhibitam a natura videmus, non tantum in intestinis, è quorum sinu chylus in lacteas Venas, ope motus peristaltici, exprimitur, verum maximè in Cerebro in quo nullae sunt Venae (quidquid minus in arte periti in contrarium clament) sed infinitus penè Arteriolarum numerus dispensatur, a quorum ventribus minimi, visumque inermem effugientes meatus in Cerebriglandulas, & loculos, ad spirituum animalium secretionem aperiuntur. Universa verò vis ad hujusmodi cribrationem accepta ferenda est alternae tum Arteriarum, tum meningum pulsationi unà cum Arteriolarum finibus, quae ubi intra durae matris sinus dehifcent, validioribus eorundem sinuum membranis perinde ut sphincteribus, firmantur, & alternè constringuntur.

Patet itaque primo loco naturalem, & consuetam Cardiacorum Nervorum actionem in eo versari, ut Coronaria Va-
sa

sa vicissim compressa, & constricta, breviora etiam reddantur, contentumque sanguinem, vel quidquid a sanguine ad Cordis tensionem secedere debet, per laterales canaliculos intra musculares fibras, fibrarumque poros adigant, impellant; ibique retineant.

Sed tametsi Anatome non constaret, Nervos in haederae formam Coronaria Vasa vincire, iisque sexcentis modis advolvi, implicari, & affigi, adeoque alternè subservire trusioni sanguinis ab externis in interna, & ab iis in interiores meatus; nihilominus duo experimenta hanc Nervorum actionem apertissimè demonstrarent.

Primò quidem, si quis vivum anguem dissecuerit, cernet Cor ejus placidè, distincteque pulsare, & cum in systole verifatur, sive cum brevius fit, & contrahitur, tunc à rubro album evadere (quod sanè mirabiliori spectaculo in ovi cicatricula, & puncto saliente distinguitur) scilicet quia contractis per alternam Nervulorum tensionem externis vasculis, sanguis intropellitur, proindeque necessario externam superficiem relinquens rubedine spoliatur.

Experimentum ad comprobandum opinionem de actione Nervorum in Coronarias Arterias.

Deinde si accipiatur Cor hominis, vel canis, aut ovis, hoc plerumque laxum flaccidumque, seu veluti in diastole positum invenitur cum Arteriis, Venisque Coronariis peramplis, & valdè conspicuis; tum verò si ferventi aquà leviter foris, intusque injecta madefiat, statim cernimus à diastole in validam systolem abire, ejusque externa Coronaria vasa minora admodum reddi, & quasi dixerim obliterari: Nervos verò, qui Arterias praesertim comitantur, & implicant magis conspicuos apparere, & quasi niti, in easdem Coronarias. Siquidem fervens liquidum non tantum sanguinis vicem obit, dum musculares Cordis fibras pervadit, atque implet; verum etiam propter igneas particulas speciem induit liquidi animalis, cujus ope ipsi Nervi tenduntur, atque inflantur, ut sanguinea vasa, quibus advolvuntur validè, perinde ut in ordinaria Cordis systole contingit, comprimant, & constringant.

Aliud experimentum ad idem ostendendum.

Secunda Cardiacorum Nervorum actio, scilicet ipsorum usque intra fibras Cordis inducta tensio, ob oculos ponitur tam

in

Demonstratur Nervos ad fibrarum contractionem facere duplici de causa.

in vivi sectione, quàm in Corde parùm elixato; utrobique enim fibrillas contrahi, crispari & complicari in Cordis systole animadvertimus. Porro cum ejusmodi Nervorum villi non solum in extima Cordis membrana, atque in vasis majoribus inveniuntur, sed etiam fibras carneas inter se neçant, & colligent, internosque Cordis parietes validè vinciant: necesse est, ut duplici ratione iidem villi ad Cordis contractionem concurrant; primò quidem, dum externam Cordis membranam, ac muscularem superficiem vehementer contrahunt, & universam lacertorum machinam a peripheria versùs centrum adigunt, comprimuntque; unde totius musculi Cordis induratio proficiscitur; Secundò autem, dum interiores quaque particulas, columellarum tendines, ad conum usque productos contrahunt versùs basim, necesse, inquam, est, ut promovendae systolae suam symbolam conferant. Quod sanè perspicuum apparebit iis, qui semicoctum elixatione Corsecuerint, internaesque sinuum nervosas partes contractas, & corrugatas invenerint.

Dicitur obiectum.

Neque autem quis objiciat, tensionem singulis fibris per nerveos villos eodem cum Arteriis tempore inductam, immisioni, ac penetrationi intra illarum poros liquidi moventis obesse, cum fibrarum spatia diametro minora ipsa quoque per compressionem, constrictionemque reddantur. Nam primò minor semper est vis tensionis in minimis, quàm in majoribus, maximisque Nervis; ac proinde cum Arteriae Coronariae per longissimam seriem validissimo Nervorum reti muniantur, majori vi nituntur in sanguinem, quàm fibrarum pori renitantur, ad quos investiendos nonnisi tenuissima fila pertingunt. Deinde verò certus quidam licèt paulò minor contranifus in fibris, fibrarumque spatiis eodem temporis puncto dari debet, ut omnium simul particularum Cordis validissima tensio contingat: quemadmodum in penis erectione, ac duritie accidere animadvertimus, ad quam inducendam unà simul conspirant immissio, & mora liquidorum tendentium intra poros corporum fistulosorum, & contranifus membranularum omnium, & fibrarum corpora ipsa, eorumque poros comprehendentium.

Postrema Cardiacorum Nervorum actio perspicuè intelligi potest ex quo fluidum animale summa mobilitatè, ac subtilitate praeditum est; ideoque cum extrema Nervorum dehiscant, aut saltem faceffant in sanguineos tubulos, & carneas fibras, quas undequaque amplectuntur, ac texunt, necessario sanguineis particulis per meatus finulosque lubricam quasi viam munire potest, eas nimirum mobiliores atque agiliores reddendo: quo facilius deinde, promptiusque fibrarum loculos subeant, atque ad systoles reciprocationem absque sensibili effervescencia distendant. Hic autem agendi modus non ratione dumtaxat evincitur, verum etiam confirmatur experimentis tum generaliter in quolibet liquido, tametsi habeti, ac torpido, quod admixtione cujusque sulphureo-volatilis spiritus reddi solet actuosius, & penetrantius: tum peculiariter in ipso recens extracto Corde insectorum, quod cum sua à contractione cessat, tunc vel admotione calidae manus, vel aspersione spiritus vini, aut alterius oleoso volatilil, liquidi, ut plurimum ad alternas aliquot contractiones rursus excitatur, & reviviscit: nimirum quia moleculae volatiles admotorum corporum non aegrè succi nervei in superfitem sanguinem, aut alias quascunque ejus particulas officio funguntur. Quid? quod passim viventes experimur, cum per inedia, aut aliam quamcunque causam animo linquimus, praesentissimo statim auxilio nobis esse vinum odoratum, aut ejus spiritum labiis, ac naribus admotum; è vestigio ipsis Nervis animali liquido circa Praecordia deficientibus mirum in modum succurritur.

Quomodo fluidum Nervorum sanguini miscetur, quidque admixtum praestet ad motum.

Confirmatur experimentis spirituum sanguini permixtorum actio.

Ex iis autem, quae hactenus perspicuè pro nostra tenuitate, exposuimus, satis aperte inferri posse putamus, remittente vicissim triplici illa Nervorum, nervearumque fibrarum actione, ordinariam Cordis contractionem remittere etiam debere; nimirum laxatis truncis, sphincteribusque Arteriarum, minui, atque languescere impetum influentis sanguinis quaquaversum in Cordis fibras, augeri verò effluxum ejusdem per laxatas, apertasque tum Venas, tum earum diverticula. Denique flaccescente universo villorum,

Cordis remissio quomodo ex contrariis causis inducatur.

ac filamentorum rete universum pariter Cor concidere, atque in diastolem abire.

*Qua ratio-
nis sanguis
ex Arteriis
in fibras,
& ex fibris
in Venas
transire
possit.*

Et porrò non admodum laboramus in examine meatum, quibus a Cordis poris tendens liquidum in Venas, & Venarum diverticula alternè secedat, ac derivetur; nam, praeter quam quod particulae moventes non sunt universa moles sanguinis, sed tenuiores ejus moleculae, quae laxatis poris, quemadmodum in cute, ubi sudor ex lipothymia erumpit, contingere videmus, facillimè subterfugiunt; quid vetat dari a singulis fibris exillimos meatus, qui statim atque Nervorum tensio alternè cessat, liquidum illud tenuissimum ad diastolem inchoandam excipiant, cum Animalium corpora undique pervia occurrant, &, docente Hippocrate in iisdem consensu fit unus, conspiratio una consentientia omnia?

PROPOSITIO LIV.

Extraordinaria Cardiacorum Nervorum actio tum in violentis corporis motibus, tum in Animi Pathematibus, ac morbosis affectionibus breviter explicatur.

*Ganglia
Nervorum
musculi.*

Universa hujus Propositionis ratio repetenda videtur ex gangliorum doctrina. Ne autem lectoribus nostris, eadem recoquendo, nauseam creëmus, summatim dixisse satis arbitramur, Ganglia peculiare esse Nervorum musculos, quibus eorum liquidi motus, atque influxus certis occasionibus augetur, dirigitur, aut aliter moderatur.

*Cardiacorum
Nervorum
actio
consuetudo
quomodo e-
datur.*

Quoniam verò ex paribus Nervorum, qui utrinque ad Cor dispensantur, tria muniri gangliis, duo verò ab iisdem libera esse demonstravimus; hinc fieri censemus, ut ad consuetum Cordis motum excitandum memorati leniter simul omnes conspirent. Siquidem ii quoque Nervi, qui a gangliis profiscuntur, cum animus a perturbationibus vacat,

cor-

corpufque a violentis motibus feriatur, fpiritus aequabiliter per medium gangliorum, quae tunc temporis otiantur, fluentes excipiunt, atque ad partes in quas definunt emittunt, quemadmodum in hydraulicis paffim animadvertimus; folitum nempe ipfius aquae motum non perturbari, nifi cum mota machina per fufflamen, vel celerius, vel tardiùs majori, minorive mole aquae fluentum evadit.

Illustratur exemplis machinae hydraulicae.

Cum itaque Animus a vehementibus Pathematibus de repente agitur, tunc quidem fpiritus tumultuariè in fuperius, mediumque praefertim ganglium irruentes, mufculares in illis fibras variè, pro Pathematum varietate afficiunt, ac proinde variis modis Cardiacos Nervos confringendo, elevando, aut quocunque alio modo commovendo Coronaria vafa confringunt, attollunt, convellunt, aut alia ratione quatiunt, atque percellunt; unde naturalis Cordis motus, quod frequentiffimè accidit, immutatur. Praeclarè idcirco Celfus, (a) tametfi reconditori Anatome deftitutus, fcriptum nobis reliquit, Medicòs Venarum pulfui fidere, quem mille res turbant.

Quomodo Cordis motus in animi pathematibus perturbentur per gangliorum actionem.

(a) Lib. 3. cap. 6.

Neque verò quis hoc loco a nobis expectat, ut Moralem Philofophiam tractantes omnium tum animi, tum corporis affectionum, & perturbationum modos fingillatim perfequamur, nemo enim ignorat Corda hominum ftatim, vel in confpectu inimici, vel auditis afperioribus verbis, vel vifis terrificis objectis; item ex violenta, contentaque vociferatione, aut ex curfu, paleftra, faltu, confimilibufque aliis vehementibus exercitationibus (ut nihil dicam de morbofis affectibus) perturbari, laceffiri, atque convelli.

Cum autem Nervi ex gangliis ad Cor pertinentes non tantum numero majores fint, quantum validiori vi donantur, cum novam actionem ab iisdem accipiunt, quam fint ii, qui fine gangliis a Cerebro dumtaxat impetum nancifcuntur: propterea ad perturbandum Cordis motum illi plerumque valentiores habentur duobus aliis, qui gangliis deftituti funt, nifi per affuetudinem, perque anticipatum validae

Cur Nervi gangliis praediti magis agant in motu Cordis perturbando, quam qui gangliis careant.

*Qua ratione animus
cogitare
possit gangliorum
actionem,
atque inde
natam Cordis
perturbationem.*

mentis conceptum, utrorumque Nervorum motus ita invicem temperetur, ut ad hostis E. G. conspectum ad subitum terrorem, ad minacia verba, vel nihil, vel saltem quàm minimum timeamus. Quod verò spectat ad violentos corporis, thoracisque motus cum sanguis per eosdem in Cavam, & auriculas celerius adigatur, necessariò Cordis motus ob evidentissimas rationes debet accelerari, ut suo loco dicemus.

De morbosis verò gangliorum affectionibus, adeoque de variis Praecordiorum spasmodicis, aut paralyticis aegrotationibus, & diximus aliàs, & fuse dicemus in Libris de Aneurysmatibus.



LIBER SECUNDUS

DE

MOTU CORDIS.

CAPUT I.

De iis, quae in vivorum sectione circa Cordis motum animadvertuntur.



Quae tum ex nostris, tum ex aliorum observationibus de structura partium Cordis, hactenus exposuimus, eo collimatura putamus, ut ad explicandum Cordis motum expeditiorem viam muniant, ad quam quidem cum summopere etiam conferant, quae in vivorum sectionibus circa conditiones, rythmos, successionesque motionum tam Venae Cavae, quam auricularum, & Ventriculorum Cordis, tandemque Arteriarum observari solent: idcirco nonnulla sub initium experimenta narrabimus, quae haec super re ab Harvaeo (a) primùm deinde a Stenone, (b) postremò etiam a nobis aut repetita, aut denuò tentata sunt.

(a) Exercit. I. cap. 23.
(b) Act. Afriens. Tom. 2. Obs. 46.

PROPOSITIO LV.

Praemonentur aliqua in viventium multi generis Praecordiorum extispiciis diligenter cavenda.

Antequam verò ad propositum accedamus operae pretium est, ut occurratur Tyronum praejudiciis, quibus iidem imbui possent ex tam variis observationibus, quae apud Anatomicos extant de Cordis motu in viventibus Animalibus; Nam monendum est quae in amphibiis, insectis, in brutorum

Morus Co-

dis in A-
animalibus
imperfectis
non respon-
der motui
perfecto-
rum.

foetibus, in volucrum ovis spectantur, eadem in natis hominibus, atque in perfectis, ut ajunt, Animalibus, non omnia neque ita disposita, seu ordinata deprehendi, quemadmodum docuimus Sect. II. Cap. I. Prop. XXV. Et quamquam singula ad naturalem historiam augendam, atque ad Analogiam quandam Anatomicorum animis ingerendam magnopere conducunt, diversas tamen inter se leges habent, multumque a motionibus Cordis in perfectis, ac respirantibus Animalibus differunt; quo fit, ut ea potissimum nobis attingenda esse credamus, quae in iisdem perfectis, ut dicunt, natis jam, adultisque Animalibus cernuntur.

Diversi
sunt Cordis
motus in
aegrotanti-
bis, mori-
bundis A-
animalibus
ab iis qui
in vegetis
sunt.

Praeterea animadvertendum putamus multum discriminis interesse inter motum Cordis sani, & vegeti Animalis, ac inter aegrotantis, irritati, & mox morituri. Nam, scisso E. G. in canibus thorace, elevato sterno, aperto Pericardio, non solum respiratio prorsus adimitur, quae motum sanguinis per Pulmones, ac proinde etiam per Cor plurimum adjuvat; verum etiam Nervi alii scissi, puncti contrarias affectiones, paralyfis nimirum, & convulsionis in partibus, in quas definunt, necessariò producant; ut taceam de sanguinis effusione, atque aliis symptomatibus, quae ex Animalium torturam proficiscuntur. Haec enim mirum in modum, tum liquidarum, tum solidarum partium motum, actionemque peturbant, atque pervertunt; ut idcirco veritatem inquirere cupientibus diligenter inculcandum censeam; ne illico apparentibus assentiantur, verum eadem pluries experimenta repetant, & quod frequentius in natis jam, perfectis, vegetisque Animalibus viderint, id naturae magis consonum esse decernant.

PROPOSITIO LVI.

De observatis motibus Venae Cavae, & Pulmonicae, Auriculæ dextrae, Venarum Coronariarum, & Ventriculorum in vivorum sectionibus.

(a) *Loc.*
sup. cit. n.
7. usque

Quod Vir Clarissimus Nicolaus Steno (a) se in apertis cuniculis vidisse refert, motum scilicet Cavae superioris

ris

ris (Corde etiam cum auriculis quiescente) ad solius digiti pressionem perseverare, indeque auriculam moveri, nos in vivorum equorum sectione (cujus spectandae occasio in Urbe saepe recurrit) diligenter observavimus. Nam cum Vena Cava tam superior, quam inferior in hoc bruto animali alba sit, atque adeo solida, ut canis Aortae speciem exhibeat, ejus motio clarius etiam, quam in aliis, perspicitur, si nempe statim atque sternum detractum fuerit, Pericardium etiam scindatur; tunc enim Vena Cava interdum sponte sua adhuc sese movens deprehenditur, plerumque tamen calidis digitis, aut oris halitu parumper fota ad naturae temperiem, motumque restituitur. Nonnunquam acu dumtaxat, vel cultri cuspede puncta intermissum motum renovat. Nimirum illicò (ut intestina solent) peristalticas Cor versus constrictiones, ac vibrationes quater, aut quinquies recipiat, dum semel Auricula dextra unicum contractionem explet. Quod verò de Vena Cava in vivorum sectione ab omni motu cessante, & modò per acus vellicationem, modò per calidi corporis admotionem pulsus suos recuperante dictum est; in quacunque Cordis parte, auricularum nempe, aut ventriculorum accidere animadvertimus; videlicet statim ad simplicem focationem, novumque calidi corporis contactum inaequales palpitationes, & quasi fluctuationes (modo Cor non obriguerit) in iisdem succedere. Quo fit, ut Zootomus aestivum prae caeteris tempus ad ejusmodi extispicia tentanda feligere debeat.

ad 12.
Motus Cavae quiescentis auri mis a Stenone observatus. Idem ab Auctore animadvertitur in equo.

Motus jam abolitus in Vena Cava, & auriculis, quomodo excitetur.

Nonnulla insuper de Cavae, & Auriculae dexterae motu ab eodem Stenone recensita, peculiari annotatione digna mihi videntur; ea enim affabrè consentiunt cum iis, quae a nobis de ipsius Cavae structura, & per eam reptatu Nervorum tum descendendum, cum Cava superiori, tum recurrentium cum inferiori exposita fuerunt.

Ne autem quidquam diligentiae magni hujus Anatomici detrahamus, nonnullas observationes ejusdem verbis subignabimus, adjectis nostris etiam experimentis: & quidem.

I. In cuniculo Faemina mense Augusto dissecta (habet autem hoc Animal tres Cavas, ut in erinaceo terrestri recen-

(b) Digress. ad Prop. XI. sui-

Senonis
Observa-
tiones de
motu Ca-
vae & au-
ricularum
in cuniculo,
& columba.

fuimus) (b) varia, iuquit Steno, praesertim Auricularum, & Cavae motum, spectantia fuere observata: Partius, lentiùs micante dextera Auricula, patuit tandem motus Cavae, & in dextro & sinistro ramo, ubi post binas, tresve Cavae pulsationes semel movebatur Auricula, modo tamen, non semper eodem; interdum enim in limbo Auriculae ab inferiori angulo versus superiorem serpebat motus, interdum contraria planè ratione a superiore angulo ad inferiorem idem limbus videbatur concuti; nonnunquam, limbo planè quiescente, in medio quasi plano Auriculae quaedam erat contractio; (etiam in Corde columbae vidi motum ab uno Auriculae angulo incipientem, ad oppositum pergere). Ligatis deinde tribus Cavae ramis, & omni, qui ligaturam intra, in Cava, Auriculaque, & dextro Ventriculo erat, sanguine educto per foramen exiguum in fundo dextri Ventriculi, parvula acu factum, simul omnis cessavit motus, ut emortua omnia dixisses; sed non diu duravit haec quies; quandoquidem novus ex Venis Cordis egurgitans sanguis Cavae in se collapsas tunicas tantillum distendens novum, sed exiguum, nec nisi in sola Cava conspicuum motum produxerit, qui tamen, cum remota vincula liberum sanguini ad Cor concessissent refluxum, & Cavae & Auriculis restitutus est integer.

Auctoris
experimen-
tum da eod-
dem in cu-
niculo.

II. Nos quoque in aliis cuniculis, quos Junio mense aperire contigit, post tres horas cum jam ipsa Auricula moveri defuisset, spectavimus non solum Cavam adhuc se moventem, verum etiam factis ligaturis in ejusdem ramis, eductoque sanguine per vulnus inflictum in dextro Cordis Ventriculo, Cavas intra ligaturas a motu statim feriari comperimus. Contra verò laxatis vinculis, iterumque admissio sanguine, solitum in Cavae ramis motum rediisse tam supernè, quam infernè versus Auriculam apertè observavimus; ut non sit ambigendum, quin peristalticus motus in ramis, ac ramusculis ipsius Cavae fiat a cuspidibus ad bases, seu a minoribus ramis ad majores, & maximos truncos.

Motus Ca-
vae ab an-
gulo inla-
tino.

III. Non est autem hinc reticendum in dissectis vivis gal-
linis nos post vidisse quidem motum vermicularem in Cavae
ramis, saepe recurrentem, ac successivè tardam per amplae

Au-

Auriculae, & dextri Ventriculi contractionem, seu quandam veluti fluctuationem, sed nullum spontaneum ictum, vel pulsus in Auricula sinistra deprehendisse; resupinatoque laevo Ventriculo nullum similiter motum in postico ejusdem pariete animadvertisse; quamquam segmenta illa Cordis ac puncta moverentur; indicio satis manifesto causam occasionalem, ut vocant, spontaneae tensionis in Auricula, & dextro Ventriculo, fuisse potissimum sanguinis pressionem, qui a Cavae ramis sese peristaltice contrahentibus versus dexteram Cordis capacitates urgebatur. Secus verò, cum sanguis per Venam Pulmonicam, quoties respirationis instrumenta, reserato thorace penitus labefactata sunt, in sinistras capacitates propelli nequiret; nil mirum, si penitus immobili unâ cum Auricula sinister Ventriculus subsideret. Sanguis enim dum per Cor, sinusque devolvitur variè interius premit, fovetque tum fibras nerveas, tum emissaria, ac diverticula Venarum Coronariarum; quamobrem facile contrahuntur nervuli, & agitantur moventia liquida, quae propè fibrarum simulos continentur, quaeque prius quiescentia ad motum rursus revocantur.

Alia Aurtoris experimenta in Gallinae praecordiis.

Cur motus in sinistra auricula cessaverit, prius quam in Cavae ramis. Quid conferat sanguis ad auricularum aliarumque partium motum.

IV. Accedit quoque ad illustrandum motum Venarum a minoribus, in majores propagines, id quod rursus idem Clarissimus Steno animadvertit, *in corvo aquatico, in quo, cum circa secundam ab aperitione horam inciperet languescere Cordis motus, manifestè ab illo distingui poterant, ut Auricularum ita & Cavae mications: omnes tres motus etiam tempore a se invicem distincti. Corde verò tandem quiescente, pars Auriculae proxima Venae Cavae diu supervixit, donec & Auricula omnino immota, sola pulsaret Cava infra Cor duos a se invicem planè distinctos exhibens motus, quorum alter in parte remotiore exterius conspiciebatur, alter interiori latere in parte Cordis proxima; sed quod mirabar maxime, nec in alio indè subjecto licuit observare id erat, quod resecto Cordis Ventriculo dextro, omnique exhausto sanguine, permanserit nihilominus in ipsius Venae tunicis jam penitus in se collapsis motus, quo fibrarum transversarum una post alteram aliquantulum elevabatur* (notentur haec verba)

Stenonis Observatio in corvis, qua potissimum comprobatur motus Cavae ab angusto in latum.

*filum super Venam transversum ductum referens, id Cor-
versus pergendo, qui motus secunda pomeridiana nedum cessa-
verat, cum tamen ante meridiem hora nona sectionem ince-
pissim.*

*Motus ra-
morum Ca-
vae ab an-
gusto in la-
tum, &
Coronariae
à cuspide
Cordis ver-
sus basim
probatur
experimen-
tis.
Quatuor
Cavae, &
Aortae in
in gallinis.*

V: Denique pulcherrima est observatio motus ramorum Venae Cavae, quinimo Venarum Coronariarum in vivis gallinis, quam observationem in capone nos postea repetentes fidem solertissimi Stenonis, in enarrando quod viderat, mirati sumus. Porro volucrum genus ferè omne quatuor, ut Aortae, ita & Cavae ramos habet, qui in brevissimum caudicem, seu potius in peramplum vestibulum dextrae Auriculae aperiuntur. In gallinis igitur celeriter apertis cernitur quam distinctissimè motus non tantum omnium ramorum Cavae versus Auriculam: sed etiam illius Venae Coronariae, quae *per ipsam Cordis longitudinem a cono* (intellige verticem) basim versus fertur, ita ut ejusdem tunicae concussio a cuspide videatur incipere, & inde ad basim usque Cordis continuare.

*Motus Ve-
nae Pulmo-
nicae.*

De Venae autem Pulmonicae motu pauca subnectimus, contenti videlicet indicasse, Venam quoque Pulmonicam prope Auriculam sinistram peristaltico, sed leviori motu agitari. Quamquam non tam facilè in vivis Pulmonicae contractio observari potest, cum ea penè sepulta jaceat postica in Cordis facie, atque inter alia Pulmonum vasa delitescat: sed praetereundum minimè est, sanguinem per Venam Pulmonicam ad laevas Cordis capacitates properantem, minori fibrarum vi indigere; cum idem sanguis a Pulmonibus multò concitator in sinistras, quam a toto corpore per Cavam in dexteros sinus revertatur.

*Ab allatis
experimen-
tis tria col-
liguntur.*

*I. Nervos
ad motum
Cordis con-
ducere.*

*II. Liquida
volatilia.*

Ex supra memoratis experimentis tria quam certissima ad causas Cordis motus detegendas opportunè feligi posse videntur.

I. Cum intermoriens in partibus Cordis motus redeat ad solam vellicationem acu inductam; & cum acus suo apice villos, fibrasque nerveas potissimum fodicet, necessariò adstruere debemus Nervos ad Cordis motum maximè conspirare. II. Cum ad calidorum, ac volatilium corporum admo-

tio-

tionem; pressionemque idem motus redeat, necesse pariter est, actuosas, subtiles, ac spiritu volatili redundantes particulas in motum actas ad eandem Cordis motionem plurimum conferre. III. Demùm cum experimento constet, solutis Cavæ vinculis, atque inde fluente per eosdem ramos in Auriculam, dextrumque Ventriculum sanguine, motum in Cordis partibus sponte sua reverti; contra verò, quiescente in Vena Pulmonica, sinistraque Auricula ob defectum respirationis sanguine, statim intermori motum sinistrae Auriculæ, & magnam partem laevi Ventriculi, certo certius concludere licet, proximam causam pulsus in Corde esse eundem sanguinem. Sed in uberrima hac re faciamus quaeso compendium, asseverando nempe ad naturalem Cordis motum duo summopere esse necessaria, Neryorum scilicet, & sanguinis actionem. Nam si ubi in vivi sectione tum sanguinis, tum animalis fluidi motus deficit, tunc supplet admotio calidorum, ac volatilium corporum; luculenter inde colligi potest, Nervos, ac sanguinem ideo ad Cordis pulsus conducere, quia particulis constant solutis, tenuibus, ac non solum valde mobilibus, sed in motu jam positis.

III. Sanguinem.

PROPOSITIO LVII.

Nonnulla Problemata ex superioribus observationibus elicita solvuntur.

Tria potissimum se se offerunt ex praecedentibus experimentis, experimentorumque rationibus subtilius enucleanda. Primò, quare motus sanguinis in cunctis Venis tendat a vertice ad basim. Secundò, cur motus in Vena Cava diutius, quàm in aliis Praecordiorum partibus perseveret. Denique qua ratione, postquam Vena Cava, Auricula dextra, & quaecunque alia Cordis particula certo post sectionem tempore quieverit, motus in iisdem rursus excitetur, vel ab admoto calido, aut fodicante, prementeque corpore, vel a sanguine denuò influente.

Motus sanguinis à Venis in praecordia tribuitur impulsui ejusdem sanguinis ab Arteriis, & reptatui Nervorum.

Ad primum quod attinet, ideo Venarum sanguis movetur a cuspidibus versus basim, non solum quia impulsus a

Corde per Arterias in Venarum vertices incurrit; verum etiam quia Nervi per fibras Venarum progrediuntur eadem ratione ab apicibus nempe versus patentiores diametros. Hoc quidem non tantum ex iis, quae de recurrentibus per Venas Nervis fuisse jam differuimus; sed mirifice quoque comprobatur ex superius memorata quarta observatione, in qua Steno se vidisse asserit *filum quoddam* (nempe nerveum) *Venam Cavam complectens versus Cor tendere, atque intumescere*: quo circa quemadmodum singulis in Arteriis ab illarum bali unde & Nervos, & impulsum accipiunt, versus apices in moribundis etiam propellitur; ita idem sanguis in Venis è contrario a verticibus versus bases secundum acquisitae velocitatis ordinem, ac decurrentium Nervorum iter, & circumpulsionem urgetur; proindeque in cadaveribus universus pene cruor in Cava, & circa, atque infra Cor plerumque invenitur.

*Cur motus
in Cava ul-
timum cesset.*

Venio nunc ad secundi problematis solutionem, cur nempe vermicularis motus ultimò cesset in Cava. Id autem duplici ratione contingere arbitramur. Primò quidem, ac potissimum quia fibrae musculares in hac Vena multò graciliores occurrunt, quàm in alia qualibet Praecordiorum parte; Ventriculi siquidem omnium maximè, deinde Auriculae copiosioribus fibrarum manipulis compaginantur; Contra verò non minori Nervorum apparatu instruitur Cava, quàm quaecunque ex recensitis Praecordiorum partibus. Cùm itaque eadem sit moventis vis in singulis; sed renixus minor occurrat in Cava, quàm in reliquis Praecordiorum sinubus, proclive est intelligere, cur faciliùs Vena, nondum abolito spirituum motu, nec penitus obstructis, aut obrigentibus in ea tubulis, moveri pergat. Solemne est in mechanicis animadvertere, illam inter versatiles, aut alias quascunque mobiles machinas, faciliùs ab eodem movente agitari, quae minus renititur. II. Nonnihìl etiam ad expeditiorem ipsius Cavae motum conferre videtur, quod sanguis ab angustiori ipsius Venae diametro in ampliorem minori vi sit propellendus, quàm a latis Ventriculis in angustiora Arteriarum orificia.

Hinc

Hinc verò pulcherrimum Corollarium deduci potest, ultimum scilicet moriens, ut vulgo apud Anatomicos fertur, esse dextram Auriculam, sed quodammodum Venam Cavam.

Denique cur. abolitus motus tam in Cava, & Auriculis, quàm in Ventriculis per calidi, aut saltem volatilis corporis admotionem, vel etiam per compunctionem, pressionemque reviviscat; non aegrè hoc etiam problema, ut obiter in superiori Propositione tetigimus, duplici ratione solvi potest. Primò nempè quia tum per calorem, tum per liquida volatilia, & maximè per contactum, ac pressionem ipsius sanguinis, moventes, qui propè minimos fibrarum utriculos locati sunt liquores, iique ad concretionem caeteroquin propè mortem tendunt, agitari rursus incipiunt, ac paululum urgeri; ita ut facilè angustos fibrarum meatus, ac Veniculas subire valeant, easque ad leves contractiones adigere. Et quoniam musculares Cordis fibrae, cùm nondum in extispiciis obriguerunt, versantur in uno quasi aequilibrio, certè vel minimo accedente impulsu moveri occipiunt, & tantò quidem promptiùs, quantò minor est moles, seu renixus contenti sanguinis in capacitatibus, qui in fauciatis, & moribuudis Animalibus plerumque minima esse solet. Secundò verò, cùm fibrae Nervorum ab aculeis quibusvis punguntur, ac fodicantur, necessariò ab invicem diductae a quiete in motum aguntur, atque in latum extensae contenta in proximis vasculis liquida ita impellunt, ut illa in fibrarum finulos adhuc deliscentes facillimè adigant; quamobrem eadem fibrae contrahuntur, & convelluntur. Simile quid accidit, quotiescunque pulsatur, ac leniter verberatur emoriens aliqua Cordis particula: tunc enim fibrae carnae, quae aequè se habent ad motum, & ad quietem, illico ab urgente, ac premente corpore oscillationes aliquot (quemadmodum quiescens pendulum tametsi leniter agitatam) confesum repetunt.

Fistulis exponitur cur motus abolitus per liquores calidos, & volatiles rursus excitetur.

Cur idem motus excitetur per compunctionem.

Cur instauratur a prementibus digitis.

Verùm, dum ex vivorum memoratis sectionibus, haec commiscimur, praeterire minimè debemus ea, quae ad tam varias pulsuum anomalias in Praecordiorum apud aegros

Quibus de causis motus Cordis perturbetur in aegrotis.

affectionibus explicandas ab iisdem experimentis deduci possunt. Nimirum ex diversis causis, determinatam dumtaxat praecordiorum particulam irritantibus, prementibus, obstruentibus, calefacientibus, aut quovis alio modo alterantibus non synchronum, aequalemque, sed perturbatum, & inaequalem quadricavi Cordis musculi motum, ac tensionem produci compertissimum erit; ac propterea inaequalis etiam, intercisis, aut intermittens evadet sanguinis ex Cordis sinibus in Arterias propulsio; unde necessariorum varius quoque pulsuum rhythmus exorietur.

PROPOSITIO LVIII.

Expenditur hucusque recepta opinio de alterno Auricularum, & Ventriculorum motu.

Anatomicis ex observationibus minus accuratis alternis auricularum, & ventriculorum motus assertus.

Quoniam apud Anatomicos haecenus invaluit sententia, Auriculas, & Ventriculos alternè moveri; in primis operae pretium ducimus inquirere, undenam ejusmodi opinio in scholas medicas irrepsit. Ex duplici verò fonte manasse animadvertimus. Primò quidem ex eo quod forte fortuna in vivorum extispiciis frequenter observetur (effoetis jam animalium viribus, perturbatisque naturalium motionum legibus) motum Auricularum alternis vicibus fieri cum motu Ventriculorum, ac proinde Anatomici animum minime adhibentes non idem evenire (ut infra dicemus) in statu, qui minus à naturali recedit, facile putarunt contractionem Auricularum vicissim contingere cum contractione Ventriculorum.

Observationes nisi in vegetis Animalibus fiant fallaces.

At enim verò quantum naturales actiones in vivorum Anatome perturbentur, ac saepè invertantur, luculenter per se innotescit, nosque Prop. LV. & subsequenti satis demonstravimus ex memoratis nempe tum à Stenone, tum à nobis peractis Praecordiorum extispiciis, in quibus, saepè Auricula tantummodo dextra (immotà penitus sinistra, & Ventriculis) contrahitur; interdum autem compunctus dexter Ventriculus, qui jam quiescebat, movetur, abolito penitus Auricularum motu; nec postea, nisi fodicatis, vel calefactis,

ctis, illarum fibris, micationes rursus in iisdem manifestantur. Ex quibus nemo sanè cordatus colligat, eadem in vigente Animali contingere debere; tametsi per morbosas Praecordiorum affectiones aliquando contingant.

Secundò autem alterna Auricularum cum Ventriculis contractio ab Anatomicis excogitata fuit, quia alternus Auricularum, & Ventriculorum motus magis respondet, ac favet hypothefi, quam iisdem commenti sunt: scilicet Auriculas tensas impellere contentum sanguinem in Ventriculos, eosque distendere; deinde verò Ventriculos sanguine turgidos eundem per systolem quaquaversum urgere, mitralesque valvulas distensas orificiis Venarum tum Cavæ tum Pulmonicæ ita applicare, ut eadem omnino claudantur, cogantque sanguinem per utramque Arteriam erumpere.

*Quomodo
Anatomici
alternum
Cordis Au-
ricularum
motum pro-
priae hypo-
thefi accom-
modant.*

Haec porrò ratiocinatio ut est diligens, & accurata, sic magna ex parte vera est. Sed in harum motionum ordine vera cum falsis confunduntur. Censent enim Anatomici non posse aliquo temporis momento simul concurrere duas illas contractiones, Auricularum scilicet, & Ventriculorum; idque multis modis probare nituntur. Primò, inquit, motus Auricularum esse non potest synchronus cum motu Ventriculorum, quia tricuspides, seu mitrales valvulae eodem tempore aperirentur à sanguine ab Auriculis impulso, & clauderentur ab eodem ex Ventriculis quaquaversum adactò, ac proinde etiam repulso. II. quia si eodem tempore Auriculae, & Ventriculi intenderentur, certè occlusis per violentiorem contractionem Ventriculis, sanguis, qui ab Auriculis unà simul contractis urgeretur, cum liberum aditum in oclusos jam Ventriculos non inveniret, in ipsos Auricularum parietes, utpote minoris roboris vim faceret, ac propterea id non solum frustraneum esset sed etiam noxium. Nam periculum immineret, ne earundem Auricularum compages brevi dissolveretur.

*Rationes
adversus
synchronum Cor-
dis, & Au-
ricularum
motum.*

Postremò Vir quidam doctissimus addit, quod si Auriculae eodem tempore cum Ventriculis contraherentur, sanguis ob rationem, quam secundo loco posuimus, Auriculas disten-

dens,

dens, Nervos ita comprimeret, ut in earundem musculos nerveum liquidum influere non posset.

Sed quàm à veritatis scopo abluant ejusmodi commenta, fuse demonstrabimus tum in sequenti, ubi de vero motu Auricularum, & ventriculorum agemus, tum in altera Propositione, in qua hisce objectis directè occurremus.

PROPOSITIO LIX.

Ex vivorum sectionibus ostenditur contractionem Auricularum non esse verè alternam cum Ventriculis, sed nonnihil antevertere, citiusque desinere, ac propterea magna ex parte synchronam esse.

*Probatur
propositio
ex observa-
tionibus fa-
ctis.*

*Naturalis
Cordis, &
Auricularum
motus
in majori-
bus, ac ve-
getis Ani-
malibus ob-
servandus.*

Primum fundamentum hujus assertionis fecimus jam Prop. XXV. in qua demonstravimus, postquam Corculum in ovi cicatricula ab intorti canalis specie in conicum corpus abierit, Auriculas non ampliùs alternè cum Ventriculis moveri; sed parumper antecedere Ventriculorum systolem, magnamque ejusdem temporis partem unà simul infumere. Nunc verò eandem hypothefim retractantes, non dubitamus asserere, in natis, atque adultis Animalibus experientia quoque constare, ipsas Auricularum contractiones non quidem vicissim cum Ventriculis fieri, sed illas horum systolem parumper antevertere. Hoc autem ut perspicuè observari possit, deque eo liberum judicium ferri, de duobus Tyrones sunt praemonendi.

Primum, ut ad hunc motum statui naturali, quoad fieri potest, magis proximum pervidendum, necessarium sit seligere bruta animalia mole majora, nempe boves, equos, aut saltem canes molossos, sanos ac vegetos; in iis enim adhuc viventibus, statim atque thorax apertus, Pericardiumque scissum est, animadvertitur Auriculas sese non alternè, sed ferè simul moveri: Contra verò, si ejusmodi experimentum tenetur in Animali vel priùs malè affecto, vel jam imbecilli, fanguineque propter lanienam exhausto, maximè autem ob destructam in eodem respirationis machinam, faciliè fit, ut comperiatur, ipsos Auricularum, & Ventriculo-

lorum motus ita perturbari, ut à naturali rhythmo penitus desciscant, evadantque omninò abnormes, praesertim in pusillis, ac pusillanimis Animalibus.

Alterum quod praemonemus ad clarè, distinctèque intelligendam anticipationem motus in Auriculis, & perseverantiam ejusdem cum motu Ventriculorum, illud est, quod tam constrictio, quàm dilatatio Auricularum, & Ventriculorum dividenda sit in tria tempora, in principium scilicet, medium, & finem: ita tamen, ut ejusmodi tria tempora non sint puncta indivisibilia, sed habeant singula aequales latitudines, quae alternos Cordis motus metiantur. Ponamus igitur tum diastolem, tum systolem Cordis duodecim temporis, ut ajunt, gradibus absolvi, horum quatuor primos tribuo latitudini ipsius principii, secundum trientem medio, postremum fini; ita enim perspicuè intelligi poterit, quomodo Auriculae suà contractione paululum antevertant contractionem Ventriculorum, ac deinceps cum iisdem per spatium duorum temporum simul in systole permaneant.

Porrò si haec duo in animum suum induxerit qui nostras observationes velit pertentare, non dubito, quin facile animadvertat, Auriculas suà contractione nonnihil antevertere contractionem Ventriculorum. Universum siquidem, & contractionis, & remissionis negotium eà lege tranligitur, ut principium systoles Auricularum synchronum sit cum fine diastoles Ventriculorum medium verò systoles earundem Auricularum sit synchronum cum principio systoles Ventriculorum; denique ut finis systoles Auricularum metiatur medium contractionis Ventriculorum; & vice versa comperiet, finem contractionis Ventriculorum concurrere cum principio diastoles Auricularum: principium autem diastoles Ventriculorum cum medio diastoles Auricularum: medium diastoles Ventriculorum cum fine diastoles Auricularum; tandemque finem diastoles Ventriculorum eodem recidere scilicet cum principio, ut diximus, systoles Auricularum. His verò motionum legibus Cor in statu naturali apud perfecta Animalia adstringi putamus, minimè dubitantes, quin motus Auricularum, & Ventriculorum sexcentis

*Tum systole, tum dia-
stole Cordis,
& Auricularum in
tria tempo-
ra dividenda.*

*Exponitur
ordo, inter
contractio-
nes, &
remissiones
Ventriculo-
rum, &
Auricularum
secundum praedi-
cta tria
tempora.*

tis modis per morbos variari, ac perturbari possint, fierique proindè omninò aut sychroni, aut alterni.

PROPOSITIO LX.

Diluuntur objecta superius exposita, contra sychronam magna ex parte Auricularum, & Ventriculorum contractionem, usque varii contractionis Auricularum nonnihil praecedentis Ventriculorum contractionem explicantur.

Abstinèmus autem, ne actum agamus, refellere hîc allatas ab Anatomicis observaciones de alterno Auricularum, & Ventriculorum motu; eas enim satis in praecedenti Propositione accuratioribus experimentis confutavimus. Restat itaque, ut eorum rationes rationibus labefactare adnitamur, nostramque hypòthesim naturae magis consentaneam, statuamus. Et quidem ad id, quod objiciunt, *si sychroni essent motus Auricularum, & Ventriculorum, sese oppositis viribus destruerent, ac propterea eosdem hac lege non frustraneos solum, sed etiam noxios futuros esse*: reponimus, ordinem à nobis animadversum, ac descriptum, quo Auriculae, & Ventriculi moventur, tantùm abesse, ut adversetur institutae à natura Praecordiorum oeconomiae, ut faveat potiùs, & plurimùm adjuvet. Nam cum Auriculae ex nostris experimentis incipiant constringi in fine diastoles Ventriculorum; tunc sanguis contentus in sinibus Auricularum, nullis obtinentibus tricuspидibus valvulis (utpote nondum Ventriculorum contractione distentis, atque elatis) facilè intrà eosdem vacuos Ventriculos propellitur, quo eorundem sinuum capacitas uberius, quemadmodum res exigit, impleatur, distendaturque: & quidem cum dixerimus orificia diverticulorum Venarum Coronariarum, intrà Ventriculos etiam dehiscencia, vicissim pervia essetam sanguini in principio, ac medio diastoles ab eorundem Ventriculorum substantia effluenti, quam eidem sanguini in fine diastoles ex sinibus Ventriculorum illuc influenti; procul dubio, quoniam tunc temporis Auriculae incipiunt

con-

constringi, sanguis per hanc constrictionem eo impetus momento in Ventriculos adigetur, quo non tantum eosdem affluenter impleat, verum etiam libenter in recensita diverticula adigi possit, praesertim si nequiret per Arterias excurrere cum systole correptae sanguinem refluxere cogant versus semilunares valvulas, illasque ita deprimere, ut in consueto naturali statu parum aut nihil à Corde sinant effluere.

In secundo deinde, seu medio tempore contractionis Auricularum cum respondeat primo tempori contractionis Ventriculorum; tum certe persistens earundem Auricularum contractio duabus rationibus naturali motui sanguinis à circumpellentibus Ventriculis in Arterias projecti obsecundare, ac prospicere videtur. Primo quidem quoniam vero simile est principio contractionis Ventriculorum valvulas tricuspidales nondum omnino applicari orificiis Venarum Cavae & Pulmonicae: nam neque vis Cordis adhuc summa est, & ab opposito summo Auricularum impulsu nonnihil infringitur impetus, atque inclinatio sanguinis à Corde contra easdem valvulas protrusi: hinc fit, ut sanguis ab Auriculis in contractione perseverantibus adactus per valvularum rimas nondum adamussim memoratis orificiis aptatarum in Ventriculos utcumque influere perseveret, praesertim cum directio priorum sectionum sanguinis Ventriculis admissi tendere jam occaeperit versus Arterias; quod sanè per id temporis non aegrè contingere potest, ubi nimirum Arteriae plethorà non admodum turgeant, ac renitantur.

In fine demum systoles Auricularum cum valvulae tricuspidales per ipsam vehementem vim mediae contractionis Ventriculorum ad orificia summarum Venarum validè impellantur, ne eadem in discrimen disruptionis adducerentur, natura consuluit, ut sanguis ab Auriculis etiam tum adactus aliquantum contraniteretur valvularum distractioni, & proinde impulsus sanguis subsidiarias quasi copias afferat, tum ad muniendas valvulas, tum ad impellendum (intropulsis valvulis) Ventriculorum sanguinem, & citius, ac facilius in Arterias devolvatur.

Hoc sanè adminiculi genus quântum valeat ad Praecordiorum valetudinem factam tectamque servandam, is novissime potest, qui quamplures Aneurysmatibus dextrae Auriculae laborantes curaverit, atque in illorum postea cadaveribus, Auriculam quidem ampliata, erosam, enervatamque, sed simul etiam tricuspides valvulas admodum distractas invenit: indè enim luculenter conijcere poterit, ob enervatam pellendi vim in Auriculâ, necessarium valvulis subsidium defuisse.

Ad id verò, quod postremo loco Vir egregius objectat, nempè *si Auriculae eodem cum Ventriculis tempore contraherentur, Nervi ita comprimi deberent, ut eorum liquidum in Auricularum, aut Ventriculorum musculos nequiret influere*; ingenuè referimus, difficultatem hanc proficisci ex ignoratione multitudinis, atque itineris Nervorum, qui ad Auriculas, & Ventriculos pertingunt. Nam ex iis, quae nos autopsiâ duce, Sect. III. Prop. XLVIII. & XLIX. de Cordis Nervis demonstravimus, satis superque elucet, Nervos, & seorsum, & conjunctim in Auriculas, & Ventriculos spargi; immo verò ad Auriculas aliquantò citiùs (ut etiam Arteriae, ac Venae) dispensari, quàm ad Ventriculos: videlicèt, ut eadem Auriculae aliquantò pariter citiùs, quàm Ventriculi systole corripì possent, eamque mox cum ipsis Ventriculis ea lege, quàm superiùs exposuimus, continuare.

FINIS PRIMAE PARTIS.

P A R S A L T E R A

D E

ANEURYSMATIBUS.

L I B E R P R I M U S

De Aneurysmatibus in Genere

P R O P O S I T I O I .

Agitur de Aneurysmatis Etymologia.

uamquàm Galenus 6. Met. cap. i. non laudaverit Medicos curiosos nominum disquisitores: rerum namque naturas, non nominum voces diligentius praeſtat inquirere; nihilominùs cum nomina ſapientum ſint munera, ut putarunt Cratylus, Heraclitus, & Pythagorici, eaque media ſint inter ideas dicentium, aut ſcribentium, ac judicantium, aut legentium, quae ideas rerum in nobis excitent; ſtatim firmandum cenſemus, quid Prifci, quibus ſummum arbitrium, & jus fuit rebus nomina imponendi, de Aneurysmatis etymo ſenſerint.

Aneurysmatis vocem, quam Arabes corruptis nominibus Emboryſma, Aporiſma, Hyporiſma, Latini verò ſtrictori ſenſu Arteriae dilatationem à triplici Graeco vocabulo apud noſtros derivatam invenio. Primò etenim Hieronymus Montanus Aneurysma enervationem tranſtulit ab à privativà particulà, & τῆ νεροῦ, id eſt à nervo, & quamquam hujusmodi etymon minimè probetur Marco Aurelio Severino De noviffimis obſervatis abſceſſibus cap. VII. pag. 170. (nec ſcit etenim intelligere, quò hujusmodi tranſlatio referatur,

cùm specie differat Nervus, qui istius fedes non est affectus; & Arteria, quae fedes est mali) attamen isthaec etymologia aliquo modo exponi potest, si accipiamus enervationem pro Arteriae debilitate: eo quòd reverà in Aneurysmate eadem Arteria summopere infirmari, dum dilatetur, necessum sit. II. Johan. Babbista Silvaticus sedulus inter Galenicos istus mali scriptor, Aneurysma à verbo graeco *εὐρύνω* quod *dilato* significat, non inepto vocabulo deduxit: cùm in communibus Aneurysmatibus Arteriae addit dilatatio. Postremo praecitatus Severinus scribit, Aneurysma vocari traslatà graecà dictione *εὐπλωεν* quae Latinis idem sonat atque *exilire*, seu *effluere*.

Sed inquiet aliquies vestrum, qualemnam bonam, utilemque eruditionis frugem ex hisce Graecis derivationibus, quae ad Grammaticos potius, quàm ad Medicos spectare videntur, nos hodiè colligemus? Sanè statim reponimus hujusmodi vocès Graecas nobis scitu necessariissimas, docere quot, & qualia universalissima fuerint apud Practicos Aneurysmatum discrimina: scilicèt duplicis ordinis; primò enim vocarunt Aneurysma tumorem illum, qui ex Arteriae dilatatione producitur. II. Aneurysma etiam dixerunt alteram Arteriae affectionem, in qua, apertis quomodolibèt Arteriis, sanguis erumpit, ac profilit, Unde nos curabimus in frequentibus hujusmodi generalia divisionis membra, ita sejungere, ut Aneurysmatis doctrina clara, atque utilis, quantum summa hujus rei difficultas patitur, possit evadere.

PROPOSITIO II.

Exponitur generalis Aneurysmatis idea cùm descriptione locorum, quae ab hoc malo affici solent.

Cum scientia locorum affectorum apud Priscos Médicos, tanti fuerit, ut Hippocrati idem sit locorum, ac ipsorum morborum diversitas, ea ratione moveor hïc ad ea describenda loca, quae ab Aneurysmate solent occupari, ut, ducto statim hoc veluti affectarum partium filo, ab Ariadneo Aneurysmatum labyrintho si fieri potest, aliquandò nos expediamus. Sciendum est itaque prae primis, quemadmodùm Hippo-
cra-

crates medicina in cunis adhuc vagiente, nullius Aneurysmatis meminit Arteriarum, ita postmodum adolescente Arte, quemadmodum apud Galenum, Paulum Oribasium, Aëtium, Actuarium, & Avicennam, istius in Arteriis maxima plurima leguntur exempla; sic apud eosdem, quantum hactenus videre potui, altum esse silentium de Aneurysmatibus Cordis, ejusdemque maximorum vasorum, quae deinde minoribus natu Chirurgis, & Medicis frequenti cadaverum sectione innotuerunt: sed quoniam ut clara evadat doctrina haec Aneurysmatum, necessarium est nonnulla assumere veluti postulata, quae planam nobis reddant, quae nunc aspera est, viam, idcirco sit sequens.

PROPOSITIO III.

Breviter proponuntur, quae necessaria existimantur de statu naturali, & praeternaturali impetus Cordis in sanguinem, nec non sanguinis in Arterias, & quae sit structura, crasis, & proportio praedictorum inter se.

Cum nobis agendum sit de Aneurysmatibus tam Cordis, quam Arteriarum, jure licere putamus, parumper digredi circa ea, quae claram notionem subministrare possunt, ut causas, & modos quibus tam varia hujusce morbi discrimina oriri possint, probe intelligamus. Et quoniam Aneurysma est vitium viarum sanguinis, quod circulationem perturbat, ut suo loco videbimus, ea hic praemonenda videntur, quae doceant statum prius naturalem instrumentorum motus sanguinis; recto enim intellecto melius innotescit obliquum.

Primo itaque ponendum est tamquam indubitatum, circulationem secundum naturae leges fieri, subministratam debitam sanguinis quantitate à Venâ Cavâ, & Pulmônari utriusque Auriculæ Cordis & ab iis immissa in Ventriculos, à quibus magnâ vi idem sanguis urgetur in Arterias, & Venas, ut denuo reducatur in Cavam.

Secundo firmandum est, ut hujusmodi, quae dictu facilis esse videtur, operatio contingat, plurima instrumenta,

&

& causas concurrere debere. Sed quae ad nostram explicandam doctrinam praecipuè conducunt, tria esse putamus. Primò vim, & structuram determinatam machinae thoracis, Cavae radice, Auricularum, & Cordis, quae omnia ad motum, & impulsum sanguinis validè conspirant. II. Quantitatem & qualitatem determinatam sanguinis à supradictis moventibus impellendi. III. Determinatam resistantiam, motum, figuram, & libertatem Arteriarum, & Venarum usque in Cavam. Quae quidem tria brevibus perstringuntur, si dixeris opus esse movente, mobili, & viis.

Tertiò similiter supponendum, inter tria superius enunciata particularem quandam proportionem debere intercedere in tempore, in vi, & resistantiis. Primò etenim instrumenta respirationis, neque minus, neque magis, quàm par est, debent operari. Ità pariter Auriculae, & Ventriculi Cordis suis perturbari non debent in motibus. Ipsi quoque Ventriculi tantà vi sanguinem in Arterias opus est impellant, ut major sit resistantia ejusdem sanguinis, sed non major resistantia distractarum Arteriarum. II. Dein sanguis determinatis quantitate, pondere, fluiditate, momento velocitatis, & crassi, necesse est instruat, & polleat: si enim exiguae, vel maximae sit quantitatis, si in specie gravior, si minùs fluxilis, si acer, & mordax; haec quidem vitia bunt leges proportionis, quae intercedant oportet inter vires impellentis Cordis, & impulsu sanguinis, ac inter impulsu sanguinem, & resistantias, atque particulares texturas, seu superficies continentium parietum, ac vasorum: finge namque naturali conditione graviolem, & tenaciolem esse sanguinem, certè idem à Corde acrius urgebitur, & inter inaequales, asperasque Cordis capacitates minùs liquidas, & magis graves particulas facillè relinquet: ac proinde tùm Cor necessariò afficietur, tùm venturus à tergo sanguis suo in itinere sistetur, quod sanè maximo cum continentium capacitatum, ac vasorum discrimine continget.

Finge rursùs sanguinem acrem, ac mordacem; tunc quis non videt ab eodem gracilem villorum Cordis, & Arteriarum texturam, si diù haereat cum iis, de facili posse dissolvi?

De-

Demùm Arteriae ipsae & figuram cylindricae fimilem habere debent, & fibrarum firmitatem, & cohaesionem eò usque tantummodò distractilem, ut dùm eadem Arteriae in systole reperiuntur, minorem habeant resistantiam ad impetum sanguinis, majorem verò, dum positae sunt in diastole, ut superius diximus, unde Arteria contra sanguinem resilire possit, & contrahi. Cogita modò Arteriam alicubi, vel externo incidente, aut contundente instrumento debilitatam, aut naturaliter, laxè, & minoribus fibris contextam; tunc fieri non poterit, quin statim tibi veniat in mentem, resistendi vim apud eandem Arteriam paulatim cum vi projecti sanguinis aequandam, ac temporis processu minorem adhuc impetu sanguinis evasuram, seu hîc, illicque rimas aperituram. Praesertim cùm nisus propulsi sanguinis sit extrinsecus, scilicet à Corde ipsis Arteriis adveniens, ac proinde vehementius in easdem agat, ut patet ex scientiâ virium percussiois, & exemplo fistularum plumbearum, per quas ex altiori situ aqua devolvitur, quae ubi minorem quàm oportet, fistulae offendit resistantiam, facilè illam superat, ac perrumpit. Nemo enim inficiabitur, scissâ usque in capacitatem Arteriâ, liberum sanguini exitum praeberi, quia omnis ablata est tunicarum resistantia.

Ad vias etiam sanguinis reducitur libertas Arteriarum. Etenim si alicubi compressa, constricta, obstructa, aut aliter vitiata inveniatur, tunc sanguini fluxu cohibito, statim ictus fluidi sanguinei reflectitur, ac reverberatur, seu duplicatur contra solitam resistantiam superioris sectionis Arteriae, aut cavarum Cordis. De quibus omnibus (singillatim, & fusius particularibus in locis repetendis) superfedebimus hic longius disquirere.

PROPOSITIO IV.

Exponitur generalis quaedam Aneurysmatum definitio.

Longus sanè, & omninò inutilis esset labor aliorum hîc definitiones Aneurysmatum perstringere, cùm Auctores particularia quaedam ab ipsis cognita, & visa, non verò

omnia; & singula comprehendere tentaverint, quod eundem nobis in animo nunc est, nec omninò diffidimus id assequi posse; constat enim in quolibet Aneurysmate Cordis, vel Arteriarum cum fluxu sanguinis in vicina spatia, vel extrà corpus, aut sine sanguinis affluvio semper admittendam esse enervationem, seu divulsionem aliquam fibrarum, Arteriarum tunicas, vel muscularem Cordis, aut Auricularum carnem textentium, quare necessariò concipere debemus, in omnibus Aneurysmatibus villos, ac fibras plus minusve ab eo cohaesionis, & nexûs momento, quo ad invicem colligantur, & connectuntur recedere debere.

Sit igitur generalis hujus mali definitio, nimirum Aneurysma est imminuta plus, minusve, aut omninò ablata cohaesio villorum contractilium, Arterias, & Cor alicubi textentium, unde oritur, vel tumor pulsatilis Arteriae, vel fluxus vehemens ejusdem sanguinis extrà Arteriam. Si quis enim attentè perpendat hujusmodi descriptionem, certè cognoscet, quascumque Aneurysmatum species alterà ex iis conditionibus donari, scilicet plus, minusve imminutà, vel omninò ablatà cohaesione fibrarum Arterias, vel Cordis machinam componentium.

Sed quoniam enervata fibrarum cohaesio multipliciter contingere potest, eà de re clarioris doctrinae gratiâ hoc mali genus in suas quasque differentias dividendum, ac subdividendum esse putamus. Quapropter sit

P R O P O S I T I O V.

Ostenditur necessitas dividendi Aneurysmata in varias differentias sed praesertim in Aneurysma legitimum, & spurium.

Nullâ profectò in Arte, vel Scientia evidentius, quàm in Medicinâ illud apparet, quod scriptum reliquit Plutarchus, nomina scilicet numero pauciora semper fuisse numero ipsarum rerum, nos enim uno, eodemque saepissimè vocabulo plures inter se, & naturâ, & exitu distinctos morbos appellamus, ut res per otium attentè consideranti liqui-
dò

dò patebit. Hodie equidem clarum istius animadversionis offendimus exemplum in eo, circa quod versamur argumento, Aneurysma enim, ut in praecedenti Propositione obiter tetigimus, quamquam sedem habeat in Corde, atque in Arteria, non unicam tamen eorum affectionem (si Priscorum vestigia premere velimus) indicare videtur.

Neque tantummodo in firmanda hujus mali essentia diversas Medici adhibuerunt ideas, sed vel in recensendis causis vario illarum genere usi sunt: Nunc enim ex Arteriarum, Cordisque vulneribus iisque nunc ad usque cavam penetrantibus, nunc vero externas dumtaxat tunicas scindentibus, nunc ex contusionibus, compressionibus, aut erosionibus, vel nimium auctis sanguinis conatibus ortum habere scripserunt; cumque hae causae non agant singulae eadem ratione, ac nunc in Arteriarum, Cordisque substantiam; quinimo (quod maximi est) cum non eadem omnibus, sed singularis lingulis, ex praedictis causis propria opponatur curatio, unica certe mentis notione multiplex hujus mali status, & causarum concursus contineri non poterit; sed opus erit in suas classes, ac differentias singula Aneurysmata probe referre. Ita siquidem, perspectis singillatim veris, ac specificis ideis, & causarum agendi modis istius funestissimae aegritudinis, mens nostra prius accedat ei veritati, ad quam sapiens Medicus, priusquam suam curationi manum admoveat, inhiare debet, ut facile suos ponat ob oculos veras rationes, quibus fit, ut nonnulla Aneurysmata citissime, nonnulla tardius, nonnulla vero nunquam aegros ad tumulum, nisi senectute collabentes perducant.

Primo itaque dividemus Aneurysmata in legitima, & spuria. Legitima vocamus ea, quae fiunt à causis proximè debilitantibus Arteriarum vel Cordis texturas, & resistentias: nimirum quae brevi tempore tollunt aut saltem imminuunt firmum, validumque villorum nexum; & hujus porro generis alia sunt, quae ab exterioribus causis, puta vulneribus, aut contusionibus oriuntur; alia vero quae ab interioribus, nimirum nunc à naturali villorum paucitate, ac laxitate, nunc

ob culpam accreti morbi fiunt, cujusmodi sunt erosiones, aut villorum tabescentia.

Spuria verò appellamus Aneurysmata, quae ab initio non pendent à debilitatâ resistantiâ villorum, ac fibrarum Cor, & Arterias textentium, sed potius ab adauctâ vi impetus, vel recti, vel reflexi sanguinem supranaturalem, & ordinariam Arteriarum, & Cordis resistantiam impellentis; ita ut debilitatio, ac discissio villorum posterior sit, seu effectus adaucti momenti impetus, ac nisus sanguinis ad consuetas vaforum resistantias. Hanc speciem Aneurysmatis producunt validi corporis conatus in Bajulis, ac Tubicinibus, qui motum atque Impetum sanguinis naturali constitutione longè voluntariis suis nisibus majorem reddunt. Hanc quoque accersunt Arteriarum alicubi convulsiones, compressiones, ac obstructions, ut in hypochondriacis, quibus sanè causis, si erosio postmodum accesserit, spurium Aneurysma in legitimum transit.

Secundò Aneurysmata legitima rursus dividimus in ea, quae conjunctam habent integram tunicarum Arteriarum, aut partium Cordis scissuram, exesionem, aut quemcumque alium hiatus, per quem sanguis extrâ cava, & quandòque extrâ corpus erumpat, vel comitem habet solam dilatationem diametri cavi Arteriae, vel Cordis: undè tumor iis in locis, non quidem à vicinis partibus sanguine repletis, ac distensis, sed à valido impetu fluentis per ea cava liquidi elevatur.

Ex iis verò Aneurysmatis discriminibus attentè perspectis, tamquàm per Corollarium deducere possumus, non omne Aneurysma sub tumorum genere comprehendi: cum ea quae à confossis Arteriis, aut Corde fiunt, cadunt sub genere haemorrhagiarum: & ea solum ad tumores reduci posse, quae à laxatis, erosis, aut quoquomodò distensis supra naturalem Arteriae diametrum fibris oriuntur, superstitibus semper integris vicinis partibus, aut saltem si externa fuerint universalibus tegumentis, quae tumidae arteriae superinducuntur.

Sed quoniam diversa est ratio, seu saltem concipiendi modus generationis Aneurysmatis in Arteriis, ac in ipso Corde, idcirco, ut utrorumque Aetiologiae, quò fieri potest clarius per-

percipiantur, consentaneum suo loco ducimus agere prius de Arteriarum Aneurysmatibus, quippè quae frequentiora sunt, ac magis obvia: ut deinde facilius ad Cordis Aneurysmata aggrediamur.

Advertenda hîc signa, quibus distinguitur Aneurysma Cordis à Pericardii tumore. Vidimus enim quendam inauratorem, qui cum viveret Cordis palpitatione, & spiritus angustiis laborabat, quique palam Aneurysmate certe tentatus credebatur; is post varias sanguinis missiones, à quibus alleviari videbatur, repente obiit. In cujus postea cadavere praegrans abscessus, qui disruptus liquorem meliceroidem effudit: occupabat autem Pericardii basim, unam inter, alteramque tunicam.



LIBER SECUNDUS

De Aneurysmatibus Particularibus.

CAPUT I.

De Aneurysmatibus legitimis Arteriarum.

um Aneurysmata legitima Arteriarum, ea esse dixerimus, quae proximè ab omninò ablatà, vel infirmatà alicubi resistentià ipsarum Arteriarum proficiscuntur, nemo certe in horum intimas naturas penetrare poterit, quin rectè praeoscat veram Arteriarum structuram, earumque particulares affectus. Sit proinde

PROPOSITIO VI.

Firmatur qualis sit vera Arteriarum structura, earundemque usus.

Quamquam Arteriae sint tubi cylindrici, quorum textura in quasque partes facile resolvi potest; nihilominus clamorosa viget apud Anatomicos quaestio de earundem structurâ; alii enim contendunt fibris utcunque contractilibus; alii etiam muscularibus constare, quibus fibris dilatari & constringi aliter crediderunt; alii secus nullis ordinatis, seu organice contextis fibris compaginari voluerunt, sed illarum texturam nihil aliud esse, quam tomentosum quoddam villorum aggregatum communi tunicâ circumseptum, ut scilicet sanguinis nisui tantum cederet, quantum distrahi potest, ut naturaliter veniant in contractionem. At verò miror sane, quomodo in re oculis obviâ etiam classici Auctores hallucinati fuerint, praesertim postquam Willisius egregiam dissectandi Arterias methodum tradidit.

Ut

Ut igitur hujus canalis structura elucescat, fumatur quicumque Arteriae ramus: sed ut facilius nudis oculis occurat, experimentum fumatur Arteria Magna, eaque, intruso apto ligneo cylindro, ferventi aquâ saepius madefiat; deindè cultro, & stylo ab exterioribus in partes interiores sensim procedatur; ità enim quatuor distinctis membranis Arterias compaginari deprehendimus.

Prima est pure villosa, & tenuissimis constans filis, quae si elevare tentaveris, eadem implicata cernes perinde quasi gossipii fila, aut raram istorum filorum spumam, qua folliculus sericus exterius circumducitur: intra hujusmodi fila implicantur exillima vascula tum sanguinea, tum nervea.

Secundam deinde membranam densiorem, ac distractioni magis resistentem offendes, haec Willisio glandulosa creditur, & nobis quidem se habere videtur veluti propagatio pleurae, seu interioris Pericardii membranae; similem enim soliditatem, ac texturam sortitur: multis etiam instructa est fibris longitudinalibus.

Tertia vero plane fibrosa occurrit, & omnium est crassissima, ita ut eadem sectoris dexteritate, ac patientiâ in plures laminae deduci possit; quemadmodum nobis non semel videre contigit, & quod maxime notandum, hujusmodi fibrae, quae Galeno ventriculi lacertis assimilantur, revera circulares, seu annulares occurrunt.

Quarta seu postrema ex membranis est omnium subtilissima seu valida, & quamquam angustissimis foraminibus sit pervia, diaphana tamen est, ac lumini objecta perlucet: haec autem Arteriarum tunica, ei respondet, quae interiorem ventriculorum Cordis faciem investit, quaeque cum densissimâ villorum texturâ compaginetur, subtiliores, ac volatiliores particulas facile procul dubio magnâ ex parte avolaturas unica coërcet: Rarior namque caeterarum textura volatiles partes aegre posset retinere. In hac sane membranâ duo insuper observanda sese exhibent, primum interior ejusdem facies tota oleaceo quodam glutine laevigata, quo glutine influenti liquori via redditur expeditior, ac magis lubrica. Alterum, non ubique, sed certis in locis, & potissimum in magnis Arteriarum

rum ramis occurrit distributio quorundam adiposorum folliculorum, qui citrà microscopium in Aorta evidenter cernuntur: à quibus probabile est adipem separari, & colligi, indeque separatam hîc illicque opportunè sensim evomi, ut oleacea hujusmodi substantia Arteriae levigentur, ut superius diximus.

Ex iis porrò clarè deducere possumus, Arterias, cum densis, ac sese decussantibus fibris (quas contractiles esse nemo inficiabitur) obvolvuntur per vim, & molem sanguinis à Corde exeuntis ultrà naturalem diametrum, in quo flaccidae, seu laxae esse solent, distendi, sed postquam ad ultimum distensionis statum venerint, & moles sanguinis à Corde noviter expulsa in successivas Arterias rapidè praeterfluxerit, introrsum confestim propria fibrarum restitutione, nec non etiam alternativa cum Corde vigoratione sese praeipiunt, ut hac ipsa ratione novum impetum languescenti alioquin in cursu suo sanguini novum impetum adjungant.

PROPOSITIO VII.

Proponitur Idea, & divisio Aneurysmatum Arteriarum ex vulneribus.

CUM agentes de Aneurysmatibus in genere inter causas legitimorum Aneurysmatum enumeravimus vulnera: haec autem in sensus nostros faciliùs quàm reliquae causae soleant incurrere, ordò, ratioque exposcit, ut à magis perspicuis, ac facilioribus initium ducentes, primò enarremus Aneurysmata ex vulnere inducta.

Notandum autem, sectionem Arteriae, per quam sanguis liberè, & extrà corpus fluit, non esse verum Aneurysma: cum hoc malum reducatur ad genus vulnerum, & hæmorrhagiarum. Nihilominus tamen quoniam ex hujusmodi incisione frequentissime oritur tumor, qui passim Aneurysma dicitur, non immeritò de Arteriae vulnere omnium primò nobis agendum esse ducimus: quia probè intellectà ratione tum modi, quo vulnus reverà in Arterià apertum fuisse cognoscitur, cum methodi quâ idem citò curari potest, nondum

dum factum Aneurysma praecaveri, factum verò facilius curari poterit.

Notandum II. vulnus Arteriae vel pertingere ad ipsius cavum usque, ita ut inde sanguis vehementissimè statim ejaculetur; vel non penetrare usque in cavum scissis tantummodò membranarum exterioribus cum parte etiam fibrarum circularium. Qui casus licet sit rarissimus, aliquando tamen potest contingere: & contigisse memini cuidam, cujus historiam inferius narrabimus. Et quoniam utriusque casus, rationes, ac medelae non sunt eadem, ideò distinctis Propositionibus agemus de singulis.

PROPOSITIO VIII.

Quomodo cognoscitur Arteriam usque in cavum vulneratam fuisse.

Cum Arteriae vulnus plerumque contingat in Venae sectione, cujus abusu fortè hanc datam fuisse poenam nonnulli ingeniosè opinantur, non immentò ostendenda sunt signa, quibus non venam simpliciter, sed subjectam insimul, vel ad latus positam Arteriam incisam fuisse cognoscamus, neque enim satis est ad asserendum Arteriam vulneratam fuisse, ut sanguis ex vulnere tenuis, fervidus, & in spatium satis distans profiliat: fieri enim potest, ut incisam tantummodo venam in juvene bilioso, iracundo, acutam febri detento, & in quo anastomasis aliqua Arteriae cum Vena proxima sit, emissario in vena aperto, ut, inquam, omnia superius enunciata phaenomena absque ullo Arteriae vitio contingant. Secus autem vulnerari potest, à Phlebotomo Arteria, etiamsi statim sanguis magno cum impetu non egrediatur: scilicet quotiescumque injectum supra Venae incisionem vinculum adeo perstrictum fuerit, ut simul cum Vena Arteriam etiam validè comprimat, cursumque per illam sanguinis infra ligamen prohibeat.

Et quoniam Chirurgus, ac Medicus accersiri possunt ad invisendum aegrotum, vel dum adhuc Barbitonsor est in actu missionis sanguinis, vel postquam circumducta de more fa-

scia, sanguis per illam trajicitur, aut si non amplius trajicitur, elevatus est in parte tumor, quem nostri Ecchymosim vocant; utriusque casus pathognomica signa tradenda sunt.

Cognoscitur primò Arteriam fuisse vulneratam, dum actu liberè sanguis fluit, non tantum ex saltu, & summa fluxus vehementia; sed potissimum tentando validè pollice premendo, tum supra, tum infrà vulnus; si enim vena tantummodò aperta fuerit, tunc eadem compressa infrà emissarium è vestigio sanguis fluere desinet; secus autem si Arteria fuerit incisa per inferiorem illam compressionem non tantum non sistitur ejusdem haemorrhagia, sed adaugetur, nec eadem retardari potest, nisi forti compressione suprà ipsam incisionem, unde impediatur excursus sanguinis per Arteriam ad apertum locum.

Si verò Barbitonsor existimans se venam aperuisse cum Arteriam vulneraverit brachium consueta fascià in cubitu jam deligaverit, tunc accersitus Chirurgus vel Medicus clarè poterit dignoscere Arteriam pertusam fuisse; si sedulò advertat, vel sanguinis effluvium, nullà alià ratione sisti posse, quàm injecto fortissimo suprà vulnus vinculo, vel iam suppressam esse haemorrhagiam, sed inde natum tumorem Anserini ovi circiter magnitudinem aequantem, qui principio pulsatur, & longè major est eo, qui ex Venà duntaxat aperta attollitur. Deinde verò durus, & validè retinens cum sepulta ab coagulatum in succutaneis, & muscularibus spatiis sanguinem pulsatione; quae vix a peritissimis dignosci soleat. Quinimò aliquando ipsa pulsatio omnino cessat, non solum quia concretus sanguis pulsationi mirum in modum resistit, sed vel maximè quia Arteria comprimitur, atque angustatur ab effuso sanguine ex vulneratis valis in interstitia adjacentium partium: quo sanguine Arteriae tunicae extrinsecus gravatae, ac veluti constrictae dilatari nequeunt ab urgente intrinsecus sanguine per Arteriarum canales impulso: hujus enim vis impar est oneri extrinsecus prementis sanguinis attollendo. Signa sunt etiam vulneratae Arteriae dolor in loco compuncto, & propagatio stagnantis sanguinis per

in-

infernas brachii partes, unde solet non rarò necrosis induci, ut inferius docebitur. Color Ecchymosis primò est ruber, deinde livescit.

PROPOSITIO IX.

Quid sentiendum de eventu vulnerum Arteriarum.

Distingendum est in Arteriarum vulnere qualitas, & situs canalis; si enim Arteria sit magna, eaque aliquo in ventre incisa, cui nullà ratione mederi possimus, res est omninò conclamata. Si verò sermo sit de Arteriis minoribus, artus, vel externas musculares partes occupantibus, eae, quidem si peritum in vestigio inveniant Artificem, difficiles utique curatu, sed non impossibiles erunt; nisi tamen affectum membrum ex orta Ecchymosi in gangrænam, & sphacelum transierit: tunc enim res est periculi plena, ita ut ferè omnes, qui ex vulnerata in cubitu Arteria decesserunt ob illatam brachii necrosim obierint: cui, ut opportunè succurratur, sint sequentes Propositiones.

PROPOSITIO X.

Proponuntur methodi curandi vulnera Arteriarum minùs rationales, ac laudabiles.

Ut in omni protinùs Arte, ita in Re Medica accidit, ut quot sunt Artificum capita, tot ferantur agendorum sententiae, hinc plurimae proponuntur à Practicis curandi rationes in Arteriarum vulneribus: quarum quidem rationum, cum aliquae optatis minimè respondeant, aegros in vitae periculum ut plurimùm inducentes; has non incongruum erit primo referre, ut juniores statim in limine, quod vetare debent inveniant: Harum vero

Prima est illorum, qui vulneratam Arteriam igne tractant; atqui non advertunt isti, transacto triduo, cadentem escharum illicò sanguini fores aperire, & ut aegris vitae discrimen, ita Chirurgis infamiam asferre.

Secunda illa est, quae jubet vulneratam Arteriam empla-

stro adstringente cùm pulvillis, & circumductâ fasciâ in loco dumtaxat affecto fortiter esse comprimendam. Sed hujusmodi methodus si aegrum inveniat cacochymum, aut nimis plethoricum, prohibendo excursum liquorum sanguinis, ac lymphæ à partibus infra constrictionem positis, in hac facile necrosim producere potest, unde aegrotus mortem, quam ex hæmorrhagiâ vel Aneurysmate vitare satagit, forsitan citius incurrit.

Tertia est illorum, qui laudant, & magni faciunt aquam stypticam, quam fauciatorum anchoram vocant. Hac enim linteamina quintuplicata probe humectant, & orificio Arteriae, vel trunco membri extirpato justo injecto vinculo superimponunt, illamque ad sydera extollunt, affirmantes momento temporis congelare sanguinem, ac vasâ protinus corrugare. Sed licet is non sim, qui hujusmodi aquae efficaciam in sistendo sanguine, non majorem simplicis aquae pluviae vel fontis credam, ut famigeratissimus quidam nostrâ aetate Vir scriptum reliquit: ejus tamen energiam eo ipso nomine periculosam, quod magnâ polleat vi cogendi, ac sistendi sanguinem, quae quidem vis tanta est, ut praedicta aqua in vivi canis Venas infusa, è vestigio idem Animal in miros ejulatus, inque varias, vehementesque convulsiones urgeat, brevique interimat. Quare metuendum mihi videtur, ne, cùm in Arteriarum incisionibus ut plurimum Venae etiam vulnerentur, istius liquoris particulae redeunti versus Praecordia sanguini permixtae eum, cum in Cordis ventriculis, tum in Pulmonibus coagulent. Id quod probè narrant ii, qui experimento compererunt, quod ipse saepius observavi ex effusâ aquâ stypticâ amputatis membris, post modicum temporis intervallum, varia Cordis pathemata, asphyxias, eandemque mortem, magno cum Chirurgorum dedecore supervenisse. Illud tamen tacere non possum inter aquas stypticas nonnullas inveniri, quae non fiunt ex destillatis vitriolo, alumine, sed ex solutis dumtaxat in aquâ pluvîâ additâ etiam terrâ Japonicâ, hae enim habent utique vim constringendi ob salium austeritatem, subitam tamen, sed sanguini coagulationem nequaquam inducunt: verum,
ut

ut inferius dicemus, praestat topicis glutinosis, & in emplastri formam, quam aqueis in sanguiferorum vulneribus uti; vel ipse enim aquae stypticae contactus noxius est; facile enim (cum fluida sit) extrinsecus illita interiora subit, & perniciem affert.

PROPOSITIO XI.

Quae sit opportunior methodus pro curandis Vulneribus Arteriarum, dum actu fluit sanguis.

Antequam methodum, ac viam curandi Arteriarum vulnera exponam rationi magis consentaneam, eorum error abjiciendus, qui existimant, quo minus coalescant vulnera, atque cicatrice obducantur, inopiâ fieri materiae vi corporis partes instaurandi praeditae: quam quidem Veteres ex spermate proficisci commenti sunt.

In qua opinione refellendâ tempus non teram. Duae igitur potissimae sunt causae, quibus vulneratae Arteriae coire prohibentur: distantia nimirum, ac distractio labiorum vulneris, ac motus sanguinis, alternaque Arteriarum systole, ac diastole. Quarum causarum prima est veluti intrinseca, & aliis corporis partibus communis, quae ex fibris contextuntur, quibus insita est facultas se contrahendi. Etenim incisae fibrae sese contrahentes labia vulneris diducunt: quamobrem aptari nequeunt, ac glutine jungi, ferruminarique: Altera verò causa Arteriis est propria ac peculiaris, motus videlicet sanguinis, qui ex Corde pulsus tunicas Arteriarum distendit: quò fit, ut vulneris labia alternatim recedentia, atque accedentia inter se committi non possint: cum statim ac coire caeperint, sanguinis impulsu divulgata removeantur, glutine disjecto adhuc molli, & infirmo.

Ex his apertè intelligitur Arteriarum vulnera curationem facile, obductâ cicatrice, admissura, si eorum labia inter se admota, atque conjuncta, probè aptentur, ac diutius in eo situ contineantur: interim verò una curatur, ne sanguis ad affectam partem impellat, vel saltem ut ipsius impetus quo ad fieri poterit infringatur, ac debilitetur: hac enim ratione

fuccus, qui ex tunicarum fibris sponte manat nutritioni idoneus sensim coalescet, ac inflictam plagam glutinabit.

Quamobrem incisarum Arteriarum curatio in tribus potissimum reposita est, In cito nimirum sanguinis fluxu sistendo, deinde in vulnere apte deligando, tertio in idoneo remedio topico admovendo.

Quod ad primum attinet, nullum efficacius, ac tutius est auxilium ad vulnere labia componenda, sanguinisque impetum, atque effluvium cohibendum, quam admotis vulnere pulveribus digitis, ac manibus hiantem Arteriam comprimere, ac diurno continere, donec confirmetur. Utinam in Emin. Purpurato, aliisque quibus Romae loco Venae Incisa fuit Arteria, ipsi Chirurghi non solis fasciis, sed ministrorum digitis confisi, sanguinem sistere curassent, procul dubio iidem aegri non decessissent eam citissime privati animam quam fatis impie in solo sanguine locavit Galenus. Quid enim facilius est apud divites, vel etiam apud pauperes in Nosocomiis, quam per vices mutare ministros, & famulos, qui exitui sanguinis diligenter invigilent, & suis digitis optime renitentur. Sed quoniam fieri potest, ut adstantes, etiamsi fuerint necessarii, adhuc tamen taedio afficiantur, idcirco chalybeum instrumentum inventum est apud Gallos, quod perfimile dixerim illi instrumento, quo ad repellendum omentum, vel intestinum apud herniosos utimur; habet namque vim elasticam foris intro urgentem, quod sane, cum violenter dilatatur, membrum admittit, sed postea in naturam suam rediens affectum locum ita premit, urgetque, perinde quasi ministri digitus esset: Quinimo cum instrumentum non undequaque, & circulariter, quemadmodum fascia, sed oppositis quasi punctis anteriori nimirum supra vulnus, & è diametro posteriori dumtaxat pone brachium valide nitatur, opportunissimum est ad inhibendum exitum sanguinis, sed non ad prohibendum fluidorum itum, reditumque per alia quaeque vasa, cum spatia lateralialia supersint, quae à pressione sunt omnino libera. De caetero huiusmodi machina parari etiam posset cum cochlea, per quam circumducta ferrea spira pro opportunitate subjectam laminam plum-

plumbeam, supra vulnus magis, vel minus urgeat. Doctissimus de Nuck in suis Experimentis Chirurgicis Exp. 29. pag. 99. torcular in delineatâ figurâ proponit, quod huic usui tanto certe accommodatius esset, quantò facilius, ac citius ex fasciis in circulum ductis parari potest, nisi ipsa refluentis sanguinis renitentia, summopere obstaret. Anxie interim expectamus novum, si talis est, modum sistendi sanguinis citrà ligamen, quem spondet in suâ IV. Epistola D. Desnoves Chirurgus Gallus.

Cum provisum fuerit exitui sanguinis, statim cogitandum erit de convenienti per fasciam constrictione, nec non de qualitate topici admovendi. Circà fasciae admotionem, eam semper in isto casu praeferrem, quam proponit alias laudatus Genga; haec enim à summis, & singulis digitis incipiens in brachio, vel in crure, sensimque scandens per Venarum cursum usque ad affectum locum, ubi firmiter pluries, ac decussatim circumducta ascendere debet, usque ad humerum, vel ad coxam. Ità enim probe compressis Venarum, Arteriarumque extremitatibus, ne remoram faciant, ac necrosim inducant, prohibentur. Juvat etiam rotundam assulam in parte internâ humeri, de more fasciis consuere, & fortiter deligare, ut sanguinis decurrentis per Arteriam impetus si non plane tollatur, saltem diminuatur.

Denique quamquàm unio, & cicatricis obductio, omninò pendeat à naturâ, nihilominus juvari potest per admotionem remediorum, quae in istò casu (exclusis spiritibus mineralibus) multiplicia esse possunt: & idcirco varia apud Auctores prostant in forma scilicet pulveris ex bolo armeno, terrâ figillatâ, scoriâ ferri, myrrhâ, lapide haematite, gypso, terrâ Japonicâ, radicibus consolidae, plantaginis, sed potissimum ex vitriolo calcinato, seu ex pulvere, quem unguentum armarium vocant: In formâ etiam emplastri calcinati ex iisdem pulveribus, cum succo plantaginis, consolidae, & urticae, nec non albumine ovi, & modico laudani opiatum; fert enim & Wepferus laudano Arteriae vulnere admoto haemorrhagiam stetisse. Sunt qui magis compendiarium curam faciunt (aliquandò enim ruri facere cogimur) utentes fru-

frustulo cafei recentis, & non saliti, quod glutinosum quid habet vasorum unioni admodum consentaneum. Sunt qui ceratum laudant, cujus haec sit formula.

℞. Pul. Cathecu.	}	a 3 i j.
Croc. mart. adstr.		
Terrae vitriol. dulc.		
Bol. armen.	}	a 3 j.
Ter. sigill. rubr.		
Thuris,	}	a 3 ff.
Myrrhae.		
Opii pulv. gr. viij.		
Comphorae gr. jv.		

cum sufficienti quantitate cereae resinae pini, & olei hyperici f. ceratum molle. Huc etiam conferre poteris, quae describit Julius Caesar Claud. conf. 67.

Sunt qui laudant emplastrum de calcitide, quod apud Rosinum Lentilium Miscellaneis Medicis Praef. Tit. Empl. de Calcid. pag. 66. descriptum invenies, quique subdit hujusmodi remedium à Scretâ plurimum fuisse commendatum in Aneurysmate nondum inveterato, ubi monetam minorem, aut laminam plumbeam cum hoc emplastro diù applicare jubet, & quidem duriusculum vinculum, vitatis exercitiis vehementioribus, & diaetâ parciore primum institutâ.

Priusquam igitur fascia circumducatur, labia vulneris carptis linteis emplastro hoc, vel pulveribus immixtis erunt obturanda, deinde monetâ plumbeâ aut aeneâ cum quintuplicato linteo (imbuto liquore styptico, ex solâ infusione, & ebullitione cholcotaris vitrioli factâ in aquâ tormentillae chalybeatâ) muniatur pars affecta: quae deinde in situ magis naturali, sed paulò elatiori collocata fasciis modò superius indicato, sed inter se contrariis cum ordinibus circumductis appositè deligetur; neque interim per octiduum de alio cogitare oportet, quàm de quiete illius membri, & de reiterata saepe in die humectatione fasciarum in loco vulnere respondente cum liquore styptico, qua sanè via ipse Galenus v. method. cap. 6. plura Arteriarum vulnera à se feliciter curata tradit. Quod si aliquid mali ex fortiori constrictione infer-

nis partibus timeretur, eadem saepe vino myrrhato, aut spiritu vini camphorato erunt fovendae, cavendo semper, ne hujusmodi liquida vulneratum locum tangant. Transacto octiduo, auferenda erit ferula, & laxandae parumper fasciae, donec denudetur vulnus, quod emplastro, moneta plumbea, plumaceolis, & fascia rursus muniendum, & quidem quanto diuturnior erit gestatio fasciarum, tanto validior singulas membranas comprehendens generabitur cicatrix, idonea ad resistendum impetui sanguinis: Memini duorum virorum, qui per integros annos monetam plumbeam cum fascia supra cicatricem prudenter gestarunt. Secus atque aliquibus accidit, qui suis viribus, & apparenti cicatrici nimirum fidentes enata inde Aneurysmata infeliciter sustulerunt. Cujus sane eventus causa patentissima est: etenim cum Arteria ex pluribus, ut diximus, tunicis constet, quarum tertia diversis fibrarum ordinibus invicem decussatim advolutis comprehenditur, fieri interdum potest, ut per validas fasciarum constrictiones, & per admota adstringentia exteriores tunicae coalescant, interioribus vero adhuc divulsis, quibus ita stantibus si tollatur superadditus fasciarum obex, sanguis adhuc appellens cum solito minorem resistantiam offenderit, locum divisionis necessario distrahet, & ad amplitudinem coget, seu in tumorem, quem Aneurysma dicimus, sensim elevabit; quod si fuerit in principio, solo usu fasciae comprimentis, & adstringentis feliciter curari potest, si vero ad magnam excreverit amplitudinem, tunc efficaci opus erit Chirurgia, quam dabimus Prop. XV.

Loquendum pariter esset in cura vulneris Arteriarum de aliis remediis, quae universum corpus respiciunt, puta de sanguinis missione, si aeger sit robustus, quam ex contrariis partibus celebrandam esse laudamus: haec enim molem, & motum sanguinis avertit, quominus ad affectum locum influat: De rigorosa dietâ, quae vulneratis semper conducit, ac proinde tantoperè ab Hippocrate commendatur: De juribus vulnerariis, quae resinosis suis particulis citam vulneris agglutinationem adducere solent: De vini abstinentia: De alvi lubricitate per clysteres promovenda, nec

non etiam per blanda solventia, si pravus adsit corporis apparatus, qua sanè in re legatur curatio facta cum purgantibus à Gulielmo Fabritio Hildano Cent. 3. observ. 44. Tandem de quiete tum animi, tum corporis: sed cum hîc agamus de parte praecipuè Chirurgica, assumimus jam peritum Medicum hisce aegrotantibus consilia, opemque opportunè laturum, idcirco à longiori istarum rerum disquisitione libenter abstinemus.

PROPOSITIO XII.

Agitur de vulnere Arteriarum cum Ecchymosi, quam verum esse Aneurysma probamus.

Rectè quidem Thomas Bartholinus cent. 3. Epistolarum Epist. 54. Deum precari solebat, ut hujusmodi Aneurysmatum species, vel averteret, vel curae suae subtraheret, cum plerumque mala ista lethalia sint, eorumque progressus à minimo ad maximum incuriae Chirurgorum, ac Medicorum à vulgo hominum soleant adscribi. Ut igitur aegris vitae periculum, professoribus propriae discrimen famae opportunè praecaveatur, in memoriam identidem vocandum esse censemus utilissimum illud adagium. *Felix quem faciunt aliena pericula cautum.* tota namque offensio hisce in calibus sita est in eo, quod Artifices timidiores, quàm ratio postulet, tùm in praedicendo, tùm in operando se ostendant; necessarium quippe censemus, ut statim atque accersiti sùnt Chirurgus, & Medicus, delineatam futurorum malorum tabulam, si à filo rectae curationis vel minimum deflectatur, tùm aegro, tum necessariis viriliter ostendant; facto dein prognostico, totos se curationi accingere debent.

Sed hîc me continere non possum, quin acriter succensentiam nonnullos, qui parvum morbum extollere solent, quos se magis praestitisse videantur, loquor de illis, qui vocati ad invisendum aegrotum, cui à Barbitonfore missus fuerit ex brachii medianâ sanguis, illicò compunctam fuisse Arteriam, ex eo depraedicant, quòd tumorem inveniant ovi magnitudine cum dolore, & levi sepultâ pulsatione. Etenim inter-

dum

dum vel Nervus, vel tendo bicipitis, una simul cum Vena fauciari potest, atque complicata Ecchymosi Venosa cum subiectae partis convulsione, saepe Arteria constringi aliquomodo potest, & liberum sanguinis cursum praepedire, quod factis est ad sepultam producendam pulsationem absque legitimo Aneurysmate. Legatur quaeſo historia XII. observationum Riverio communicatarum à D. Pomaret, & si fieri potest rifuſ contineatur; Ipſe enim non potui cum probè cognoscerem peritissimum alioqui Chirurgum universo imponentem orbi pro vero Aneurysmate accepisse Venosam Ecchymosim in suppurationem cum doloribus, febribus, ac vigiliis transeuntem, tandemque apertam, repurgatam, ac brevi sanatam. Sed redeamus in viam.

Cum hîc agendum nobis proposuerimus de Arteriae incisione cum supernato tumore, quem Ecchymosim Arteriae vocamus, auditores monere debemus, nos nunc in primo curandorum Aneurysmatum limine versari: Etenim quamquam Sennertus, sed praecipuè Diemerbroek contra Regium hanc non admittant Aneurymatis speciem, quam effusionem sanguinis ab incisa Arteria in vicina spatia, non autem verum vocant Aneurysma; nihilominus Priscorum (quibus dare nomina rebus jus fuit) vestigia prementes, dicimus, tumorem hunc reverà ad Aneurysmatum classem esse revocandum. Ità sentiunt Galenus lib. de tumoribus praeter naturam cap. XI. Aëtius, Strabo IV. ferm. II. cap. XI. Johannes Baptista Silvaticus in libello de Aneurysmate, Platerus de causis vitiorum ab exuberanti, quem transcripsit Marcus Aurelius Severinus De Abscessibus sanguinis, Antonius Saporata lib. primo de tumoribus cap. XLIII. ac denique Thomas Bartholinus in aureo suo commentariolo ad historiam Aneurymatis ex vulnere. De modo autem quo hujusmodi tumor fit non admodum laborabimus, cum clara sit affectio, scilicet incisa Arteria, sed ipsa ad cicatricem non perducta, cutis vulnus coalescit, effunditurque proindè magno nisu ab Arteriae hiatu sanguis in vicina sibi spatia, quae vi cunei distenduntur, & implentur, ex qua distentione non solum affecti membri tumor enascitur, sed vasa omnia, & praeser-

tim venosa, ac lymphatica talem compressionem pati necesse est, ut inde stagnationes, coagulationes, necroses fiant, ut superius monuimus.

Hinc verò factum est, ut Aëtius advertit, Aneurysma ex vulnere ortum esse non adèdè molle, quàm quod ex interna causa natum sentitur; & quidem utriusque ratio est in promptu. Etenim in eo Aneurysmate, quod ex vulnere nascitur, cruor extra vasa erumpens, & à Corde continuò pulsus omnes cuti subjectas partes veluti cuneus distendit, atque elevat: mox verò iisdem in locis coagulatur, & acescit, undè mixtus ex repletionem, ac tensione tumor suboritur. In altera autem Aneurysmatis specie aliter se res habet; cum sensim dilatata ipsa Arteria, liberum eundi, ac redeundi spatium sanguini praebet, etiam si postea ejusdem accesserit Arteriae ruptura, ut suo loco docebimus.

Sed clarioris doctrinae gratia sit

PROPOSITIO XIII.

Proponuntur diversi status Ecchymosis ab Arteriae vulnere factae.

Quoniam secundum varios non solum corporis apparatus, sed potissimum modos quibus hujusmodi aegri ab initio tractantur, varii esse possint status in quibus iidem à superveniente Chirurgo, ac Medico inveniantur, ut clara evadat curationis quae singulis casibus competit methodus, operae pretium censemus hinc probè distinguere, ac seorsim trifariam illos considerare. Primò cum Ecchymosis est recens, tactui cedens, non magna, nec adhuc nigricans. Secundo cum tumor magnus, & durus livorem contraxit, sed nondum pars sensu carere incipit. Tandem cum finitimae inferiores partes ipsae quoque intumuerint, denigrentur, sensuque priventur, atque insuper febris prehenderit, aliqua phaenomena supervenerint, quae non tantum futurum in parte sphacelum, quantum etiam necrosim ipsius sanguinis in univèrsum corpus circumeuntis ostendant.

Si quis autem distinctos hosce casus sibi optimè non proposue-

fuerit , difficile admodum est , ut rationalem curationem instituat , sed sola empyrica ductus in duobus perpetuò versabitur periculis , ut vel carnificinam adhibeat , ubi placidior fatis esse poterat medela , vel blandiori utatur medelâ ; ubi carnificina opus erat ; quae quidem pericula ut evitemus , sequentes damus Propositiones.

PROPOSITIO XIV.

*Qua methodo utendum in recenti Arteriarum Ecchymosi,
& nominatim Arteriae in flexura brachii posita
tae , quae regula esse potest omnium
aliarum, quae in Artubus
locatae sint.*

Cum recens Arteriarum Ecchymosis ea sit , in qua sanguis majori ex parte adhuc est fluidus , & nondum acescens , loca admodum à vulnere distita , eorum interstitia cunei instar trajiciens , occupaverit , spes effulget simpliciori curatione aegrotum evasurum : quae curatio in eo consistit , ut sanguis ex Arteria Axillari erumpens cohibeatur ea ratione , quam superius demonstravimus ; compressa nimirum eadem arteriâ sub humero per assulam descriptam Propositione XI. aut solis digitis periti ministri , deindè collecta Ecchymosis evacuetur ; Id autem ita efficitur. Primum cutis , & subjectae membranae scindantur , donec sanguis partim coagulatus educatur ; deinde separato nervo Arteria denudetur unico patens hiato , eoque non admodum diducto , & divulso. Mox laudarem Gallorum methodum , quae ab Etmullero describitur in Chirurgia Medica tit. de Aneurysmate pag. 564. quaeque tota versatur in applicatione parvorum globulorum magnitudine pisi paratorum ex vitriolo Cyprio ad albedinem calcinato , qui probè gossypio involuti imponuntur foramini Arteriae , atque interea vulneri inspergunt pulverem ex thure , & colophonia , & replent cavum plumaceolis digestivo illitis , fasciaeque aptè quotidie obvolvunt , exteriores plumaceolos amoventes quò plus evacuari possit , globulos verò , & proximos vulneri

Arteriae plumaceolos non remouent, nisi sponte cadant; vitriolum namque liquefactum rodit nonnihil labia Arteriae, quae renovata erosione, & inducta adstrictione per proximum nutrimentum denuò conglutinantur, ubi advertatur, si ceciderit globulus, priusquam satis conglutinata sit Arteria, novum esse imponendum, donec habeatur propositum: hinc etiam caro musculorum vicinorum faciliè supercrefcit, & tandem ulcus ex toto consolidatur.

Neque interea reliquae parvi faciendae erunt indicationes Propositionis XI. circa victus rationem, & reliqua praesidia expositae.

PROPOSITIO XV.

De Ecchymosi orta ex Arteriarum Carotidum vulnere.

Cum apud Milites evenire prae caeteris possit, ut quis levi perstringatur vulnere in exterioribus tunicis alterius ex Carotidibus, quae idcirco debilitata interiori tunica tandem dehiscat, sanguinemque in vicina evomat spatia, unde Ecchymosis oriatur: in hoc rerum statu cavendum omnino arbitramur ab efficaci Chirurgia, quam superius proposuimus, & quidem multis de nominibus: Primò metu repentinae, atque irreparabilis haemorrhagiae, cum in colli Arteriis ossa proximè non substernantur quibus valida vincula injici possint: Secundo, quia ipsamet vincula vitam in perniciem adducunt. Legatur hac super re curiosa non minus, quam sincera, omniumque Chirurgorum mentibus infigenda historia à Clarissimo Harderio suarum observationum LXXXVI. recensita, cujusdam nempè militis, qui ex tantillo sinistrae Carotidis vulnere Aneurysmate illius partis detinebatur. „ Coacto Chirurgorum consilio anceps tandem cu-

„ ratio decreta fuit: locus hic Arteriae vulneratae notatus,
 „ ejusque inferiore parte arctissimè compressa, facta lancet-
 „ tà incisio, grumique sanguinis exempti fuerunt; inde
 „ sanguini Arteria aliquantum denudata cum impetu profi-
 „ lienti, nodulis vitriolo coopertis, & aqua stypticâ medi-
 „ dis prospectum, superimpositis plumaceolis compluribus,

eadem aquâ irroratis : ast cum ad ligaturas deveniretur ,
 quae laxiores inefficaces fuissent, aeger inter Chirurgorum
 manus expiravit. Sic Harderius.

PROPOSITIO XVI.

*Proponitur medela ad reliquos gradus Ecchymosis
 Arteriosae.*

Quoniam in proposita divisione Ecchymosis Arteriosae firmavimus, secundam, ac tertiam speciem esse, cum ad membri necrosim, & ad totius corporis necem tendunt; idcirco sua cuilibet apta hîc exponenda videtur medela.

Si igitur Ecchymosis nigricet, dura sit, & magna, sed nondum sensu careat sanè efficaciori Chirurgia opus erit, quam longo usu confirmatam ad unguem describit Antonius de Nuck in loco aliàs citato, cujus integrum contextum, clarum aequè ac brevem liceat hîc transcribere, inquit enim: *Ubi verò tumor notabile jam sumpsit incrementum, & operationem ipse patiens desiderat, sequenti modò procedendum censemus.*

Venae sectione pridè instituta, aegroque, bene locato, ministrorum unus Arteriam suprà tumorem vinculo, vel ligamine, quo pro libitu Arteriam hanc magis minusve comprimere valet (Galli ut Journequet, Nolstrates Herculâr vocant) contingat, mox Chirurgus tumorem lanceola simili modo; quo abscessus aperiuntur, incidat, incipiendo à parte inferiori versùs superiorem: aperto tumore, sanguineque coagulato expresso, atque eruto, Nervus ab Arteria, qua cum firmiter jungitur, prudentia singulari separandus, vasque Arteriosum filo duplicato cera obducto, & per acum incurvatam trajecto probè ligandum.

Facta jam ligatura, sanguine, & sordibus vacuus locus linteis carptis liquore styptico imbutis, vel pulvere adstringenti, vel fungo Bovist asperis, adimplendus; impositoque emplastro una cum defensivo, fasciatio conveniens instituenda.

„ Secundo, vel tertio post operationem die fasciationis
 „ fiat deligatio, majorque plumaceolorum pars removeatur,
 „ relictis autem iis tantum, qui in fundo locati erant, ne
 „ nova haemorrhagia curam interrumpat; mox applicatis
 „ applicandis, fasciatio ut antè administraretur.

„ Quarto, quintoque die ea quoque adstringentia, quae
 „ haecenus in fundo haesere removeare licebit, curandumque
 „ porrò, ut narcoticis medicamentis excavatus locus novâ
 „ carne adimpleatur.

„ Interim ut brachium convenientem obtineat situm
 „ (quem nonnulli non satis curant) probè observandum:
 „ necessum enim, ut quodammodo plicatum cum manu ele-
 „ vata suprà pulvinar quiescat, ut eò liberior sanguinis fiat
 „ circuitus. Praetereâ maximoperè consultum injungere pa-
 „ tientem, interdùm, sed prudenter brachium; *cubitumque*
 „ *flectet*: haecenus de Nuck.

Alium breviorē, vel saltem magis securum efficacis Chirurgiae modum proponit, ac describit Expertissimus Stephanus Blancardus in Institutionibus Chirurgicis cap. XXIX. de Aneurysmate pag. 481. qui ligatâ Arteriâ, & extracto coagulato sanguine locum non vitriolo, aut alio salino, aut bolari adstringenti, sed linteo carpto, & balsamo copaive statim implet, & vulnus fortiter ligat, neque ligamen removeat priusquàm locus carne sit impletus.

Quâ sanè occasione opportunè rursus monere debemus, quanti saepe sit periculi amputatis sanguiferis vasis stypticis vel ab acidis salibus utcunque distillatas aquas ad haemorrhagias cohibendas admovere. Facile namque fit, quemadmodum supra innuimus, ut eadem ad Praecordia pertingentes (praesertim si languidus aeger sit) partim Auricularum convulsionem, partim sanguinis coagulationem inducendo subitam necem inferant, ut nos ipsi tum artis, cum artificis dedecore olim vidimus.

Tandem si nobis occurrat aeger gangraenâ affectae partis detentus, tunc nullum aliud (si ferum non fuerit) tentari debet remedium, quàm ejusdem membri extirpatio: singula enim inutilia, & forte etiam periculosa esse solent. Hanc
 suis

suis experimentis edoctus unice laudat Barbeta in Chirurgia, non omissis diaphoreticis, & balsamicis per os exhibendis. Etenim hiſce in caſibus ipſa partis necroſis minimorum vaſorum, & fibrillarum eroſiones demonſtrat, & Arteria, quae ſola lanceolâ aperta fuit in fruſtula ita diviſa in cadaveribus inveniri ſolet, ut ſenſim diſſolvatur, & fraceſcat. Hoc demonſtravit primùm Thomas Bartholinus in *Historia Anatomica Aneurysmatis* Diſſert. pag. 41. ubi poſtquàm infelicem caſum Hieronymi de Roggiere viri Neapolitani, cui Arteria loco Venae pertuſa fuit, ſtatum deſcribit, in quo poſt mortem Arteria varias in ſimbrias eroſa detecta fuit, quemadmodùm in alio vidit etiam Harderius *Obſerv. LXXXVI.* in quo Arteriae bracheae infeliciter ab imperito miniſtro vulneratae fibrillae ſuperſtites poſt mortem nonniſi tenui filo pendebant. Quare in hujusmodi rerum ſtatu fieri non poteſt, quin ad Praecordia per Venas, & ad Cerebrum per Nervos veneficum quid recurrat, & aſcendat, quod toti corpori brevi necem minatur, niſi amputatione praemortui membri, & infuſione per os pharmacorum, & cardiacorum, diaphoreticorum, & balsamicorum citiſſime ſuccurratur. Hanc quidem methodum nonnullis ſalutarem fuiſſe vidimus, legimusque. Exhibeantur igitur potiones vulnerariae cum radicibus ſcorſoneriae, & contrayeruae, Gelatina Cornu Cervi facta in aquâ cardi ſancti, boli ex pulveribus radicis contrayeruae, myrrhae, muniae, lapidis bezoar, bezoartico minerali, ſale volatili cornu cervi, ſuccini, ſed praeter caeteris in partium necroſi ſummoperè proficuum expertuſum ſpiritum optimi ſanguinis humani, qui bis in die ad gutt. *XX.* in jure, aut decoctione ſupradicta propinari poteſt.

Sed priuſquàm ad alios curationum caſus procedamus, duo hîc ſolvenda occurrunt Problemata. Quare ſit

PROPOSITIO XVII.

Qui fiat, ut in parte supra Arteriae constrictionem, aut amputationem posita, non manifestetur spurium Aneurysma, cujus inter causas ipsam convulsionem, & compressionem sinus adnumeraturi.

Huc sane quaestioni facile respondetur, si duo primum consideraverimus. Primum, loca, apud quae Arteriae ligari, aut incidi solent, sunt artus, non ventres, quibus sane in locis varius occurrit status circumpositarum Arteriis partium; Arteriae namque in artubus positae inter musculorum, tendinumque intercapedines validè colligantur, atque accedente veluti fasciâ ex communi omnium tegumentorum thecâ muniuntur. Quae verò per ventres feruntur Arteriae praeter propriarum tunicarum, & particularis abdominis, ac thoracis membranae tutamen, fere nudae procedunt; & quamquàm eadem à superpositis visceribus perpetuò tangantur, & urgeantur, variatis tamen semper contractionibus premuntur. Atque hinc sane fit, ut Arteriae, per artus divaricatae longè majorem superadditam habeant resistentiam, quàm illae, quae per ventres feruntur.

Posterior verò consideratio ea est, in amputatâ, vel ligatâ Arteriâ, vel Aneurysmatis curandi gratiâ, vel alterius artuum affectionis, novam semper superiori Arteriae tegumento superaddi resistentiam ex cicatrice inducta, quae cum per Arteriae longitudinem fiat, novo adhuc tutamine Arteriam firmat, ac roborat.

Ex his verò clarè Problematis enodatio deducitur. Si namque concipiatur sanguis per Arteriae longitudinem in artubus fluere, & ad locum amputationis, aut vinculi pertingere, certe cum longe majus superadditum resistentiae momentum ibidem inveniatur, quàm in ventribus, minorem nisum extrorsum manifestabit in illis, quam in his, & idcirco spuria Aneurysmata, ut saepe in ventribus, ita rarò in artubus observabuntur, nisi Arteriae locatae fuerint in superficie manuum, aut pedum, quibus in partibus eadem affe-

ferri

ferri potest ratio minoris superadditae resistentiae; quae causa est, cur facilius in ventribus hoc Aneurysmatum genus appareat.

PROPOSITIO XVIII.

Cur truncata, vel ligata in Artubus Arteria inferiores membri partes laesorum nec motuum, nec nutritionis exhibeant indicia.

Hoc facillime dubium ex Anatomicis principiis enodatur, quibus docemur, naturam in vasorum distributione non statui dumtaxat naturali, atque incolumi, sed vel morbofo opportune, ac divina plane ratione consuluisse. Etenim (cum de Arteriis fermo sit) Axillares, Ilicas, Cervicales, Carotides, aliasque ita divisit, & utrinque ad oppositas quasque partes per decusses studuit distribuere, ut si unus ramus compressionem, obstructionem, aut amputationem forte fortuna passus esset, vicinus, aut oppositus illico succurreret; unde etiam si Arteria, E. G. quae sub medianâ Venâ in cubito latet, truncetur, altera, quâ foris, quâ intus ex Axillari producta, undequaque varicata succenturiatur. Non est tamen, ut casum extraordinarium hîc taceamus: Nam aliquandò non duplex sed simplex est Arteria Axillaris, unde mors misero aegroto allata est, & de qua Celebrerrimus Bidlous (ut scribit Wolfius in observatione XIX. pag. 66.) recensuit observationem juvenis, qui Hagae Comitum oriundus Aneurysma gestaverat in brachio per aliquod tempus, quod cum de die in diem rueret in pejus Exercitatissimus Chirurgus Petri Adriani Verdugn Amstelodami adhibetur in consilium. Vide caetera apud eundem loco citato.

Illud verò hîc tacere non possum in iis, qui hujusmodi passi sunt infortunia, licet quod ad nutritionem attinet, nihil postea sensibile detrimentum patiantur, musculorum tamen motus semper debiliores esse, quàm sunt in sanis, non quidem ob metum, ne Arteria laesa rursus aperiatur, sed revera quia cum flumen uberrimum sanguinis una sit ex causis motus muscularis, deficientibus cum ipsa mole etiam ali-

quot tubulis illum ducentibus, necessario nifus, & vigor in musculis paulo languidior observatur.

Sed altera species Aneurysmatis ex vulnere nos revocat in viam.

P R O P O S I T I O . X I X .

De Aneurysmate ex Arteriarum Vulnere, per quod externa dumtaxat tunicae vulneratae fuerunt.

Etiam si, quod ad medelam attinet, parum distet species haec Aneurysmatis ab ea in qua Arteria usque in Cavum incisa fuit, sed nondum Ecchymosis producta, & de qua jam actum est Propositione XI. nihilominus cum hoc Aneurysmatis genus, ex exteriori Arteriarum incisione facultate tantum imaginandi excogitari, non autem re, nonnullis contingere posse forte videatur: eò quod primo rarissime eveniat, ut lanceolae, vel alterius instrumenti cuspis eo, & non ultra pertingat: deinde quod licet possit accidere, cum exteriores membranae sanguineis vasculis, ac proinde prompta nutritionis materia donentur, facillime consolidari soleant: praesertim cum impetus Arteriae admodum infractus ad externas partes pervenire credatur.

Sed pace istorum Philosophantium hujus mali exemplum nunquam extaret. Sed quidquid in natura fieri potest, aliquando fit; multorum enim historias referre hinc possem, qui in hujusmodi morbum inciderunt: quos inter duos ipse vidi, unum quidem ante 25. annos in Nosocomio S. Spiritus, alterum in Urbe decem circiter ab hinc annis, in quibus una cum Vena, etiam Arteria compuncta fuit, ita cum de more apud illos flueret ex incisa Vena sanguis, tunc nullum, propter relictum in fundo dolorem, nascituri Aneurysmatis indicium apparuit: unde consuetis fasciis tractatum venosum vulnus, brevi convaluit; sed post aliquot dies tumor primum exiguus, deinde vero sensim ad ovi magnitudinem,isque pulsabilis, & pallidus elevatus fuit, qui omnium postea concursu symptomatum pro legitimo Aneurysmate confirmabatur.

Ut

Ut verò arduum minimè est concipere modum, quo hujusmodi vulnus inducitur, cum lanceola per diametrum Venam secans subjectam Arteriam ita possit incidere, ut ad exteriores fibras perveniat, non autem introferatur, similiter nulli erit difficile rationem invenire, ob quam ipsum suboriatur Aneurysma: etenim cum magno naturae consilio factum sit, ut tota quanta est interior, exteriorque Arteriae compositio, unice collimet ad hoc, ut nisi projecta à Corde sanguinis resistat, si alicubi eadem quocunque modo diminuetur, tunc impetus vim suam contra debiliorem tunicarum aggerem exercens, eas ibidem facili negotio extrorsum urgebit. Simile quid passim accidere videmus non tantummodo apud Animalia in herniarum productione, quae circa umbilicum quandoque fiunt, debilitatâ resistantiâ muscutorum abdominis ad impetum extrorsum propulsi à visceribus Peritonaei, sed passim etiam in artefactis, ac praecipue in folle lusorio, qui duplici pelle, aut corio formatus, quoties inter ludendum alicubi contingat, ut exteriori pelle debilitetur, ac paulatim dehiscat, tunc mirum est, quam citò in quandam abeat Aneurysmatis speciem, cum intrusus violenter intra folles compressus aëris elater in internam tunicam per debilitatum locum sub formâ tuberculi in sphaerae convexo elevati extrorsum impellat, & adigat.

Multò tamen facilius hujusmodi Aneurysma apud eos accidit, qui pravis, atque erodentibus succis scatent; tunc enim cum è minimis, discissis intra ipsas Arteriae tunicas vasis, ichor aquae fortis analogus in locum sectionis depluat, necessario impedit, quominus exteriores membranae villi ad coalitum venire possint.

Juvat verò hinc transcribere historiam Clarissimi Gulielmi Fabritii Hildani loco supra citatò, quae ad vivum expressit Aneurysma natum ex solâ incisione exteriorum Arteriae tunicarum. „ Quidam, inquit, Ludi magister, cum propter „ scabiem ex humore melancholico ortam, sibi Venam basilicam dexteram à Barbitonfore incidi curasset, Arteria „ quoque simul compuncta fuerat. Undè paulatim Aneurysma exortum est, cui cum mensis spatio, & ultra medi-

„ camenta multa (frustrà tamen) adhibita fuissent, ad me
 „ tandem Paterniacum venit. Eò loci, ubi Venae sectio
 „ facta fuerat, deprehendi tumorem magnitudine ovum
 „ anserinum adaequantem, pallidum, & utcunque durum.

In quo sane exemplo illud animadversione dignum, existimo, quod propter scabiem ex melancholicis ichoribus ortam Ludimagister in Aneurysma facilius inciderit.

Signa autem, quibus haec species ab aliis, quae ab incisa usque in cavum Arteria producuntur, probè distinguitur, sunt primò, quod tumor non statim atque pertusum fuerit sanguiferum elevatur, sed sensim atque nifus ejusdem sanguinis superat renitentiam debilitati loci, sensim etiam tumor apparet. Secundò quod color tumoris est cuti concolor, secus atque in Aneurysmate producto à penetratione intrà Arteriam, in quo Ecchymosis necessario subsequitur, evadit livescens, ac subniger. Tertio, quod ipse pulsatilis tumor est aliis ut plurimum mollior, eo quod sanguis, qui tumorem elevat it, reditque per Arteriam, nisi extrà ipsam Arteriam intercepti humores coaluerint, ut in Fabritii historia accidisse probabilissimum ducimus.

De prognosi parva dicenda supersunt, cum si peritus accurat Medicus, & Chirurgus, & praesertim si morbus fuerit in principio, atque in corpore non admodum cacochymo, curationem faciliè suscipere possit.

Illud tamen hìc tacere nec possumus, nec debemus, quod si vel pusillum sit Aneurysma, & corpus pravis non scateat humoribus, vel aegrum pusillanimum cruciatibus tolerandis minimè parem futurum cognoscamus, vel nullum verè peritum artificem praesto esse videamus, tunc tutius erit consilium optimo sex rerum non naturalium regimine Aneurysma tractare, quàm aegrum certo vitae discrimini audacter exponere. Monet id nostrum experimentum, sed & Expertissimus, Doctissimusque Daniel Sennertus, Medicinae Practicae lib. v. part. prim. cap. 43. considerandam historiam describit suae cujusdam vicinae, quae cum ex Arteriae punctura in flexura cubiti Aneurysma nucis juglandis magnitudine contraxisset, post trigesimum annum fatis commodam vitam pro-

producebat : quod forsitan nequaquam evenisset, si periculosa curationi se subjecisset.

Quamobrem paucis medendi rationem exponemus : eodem enim modo curatur, ac primum Aneurysmatis genus ex Vulnere penetrante illatum. Itaque, si opus fuerit, aegrotans epicratica purgatione tractandus erit, & fluida opportunè corrigenda, sed potissimum diaeta, & potionibus vulnerariis.

Quantum ad sanguinis missionem pertinet, si occurrat habitus plethoricus ea instituenda erit, & si opus fuerit, repetenda.

Quod verò attinet ad topica, cum fieri possit, ut duplex adsit tumor in loco Aneurysmate laborante, unus quidem productus ex accretis, & subsistentibus tenacioribus succis extra Arteriam, nempe in loco sectionis, qui cognoscitur ex duritie magna, ejusdemque nobilitate; alter verò factus ex interiorum dilatatione membranarum, qui mollior est. Quod cum evenit primo curandum erit, & externo tumori provideatur cum emplastro de cicuta, vel cerato emollienti caelestani, quo deinde (succenturiante etiam purgatione) resoluto, altera succedit curatio, quae Arteriae dilatationem respicit. Admoveatur nimirum emplastrum, vel ceratum vulnerarium, & adstringens cum moneta plumbea linteo pluriès obvoluta, quae omnia validè circumductâ fasciâ firmentur. Quae quidem methodus felici ab experimento confirmata tradita à Gulielmo Fabritio Hildano loco supra citato.

Quod si verò tardè nimis peritus Chirurgus fuerit accersitus, ita ut solis adstringentibus curatio absolvi nequeat, tunc ad loci sectionem, & ad Arteriae constrictionem deveniendum erit, quam sanè methodum dedimus Propositione XV. & sequentibus.

CAPUT II.

De Aneurysmatibus legitimis à contusione pendentibus.

Agendum nobis hîc minimè proponimus de eo Aneurysmatum genere; quae in minimis Arteriis contingunt, dum contusae partes fracescunt, ac suppurantur; eae liquidem, cum ut plurimum bene cedant, cumque eodem remedii genere, quo pars contusa, curari soleant, singulari non merentur dissertatione tractari. Nostrae nunc Thema Propositionis erunt illa Aneurysmata, quae in magnis, interioribusque Arteriis manifestari incipiunt, postquam membra, quibus Arteriae illae substernuntur, magnam aliquam contusionem passa fuerint: horum plura ab Auctoribus describuntur exempla, & nobis quidem diversa videre contigit in dorso, propè sternum, atque in musculis intercostalibus, quorum sanè historias, magni utpote momenti, inferius exponemus.

Illud tamen omnium primum advertendum censemus, doctrinam de Aneurysmatibus ex contusione productis, summae curiositatis simulque necessitatis existere, cum ut plurimum ab initio aegrè cognoscantur, & pro interioribus abscellibus à minus in Arte peritis accipi soleant. Quare sit

PROPOSITIO XX.

Agitur de modo, & causis quibus Aneurysmata ex contusionibus fiunt.

Qoniam interdum accidit, ut majores Arteriae contundantur in casu ab alto, in percussionibus, caeterisque ictibus, quibus mechanici Artifices, & praecipue Milites frequentissime sunt obnoxii, non semper tamen inde oriri videmus Aneurysmata; hujus rei rationes perpendendas, excutiendasque prius judicamus.

Cum verò Practicorum observationes nos doceant, contusiones in carnibus, atque ossibus exceptas, magnam vim ac-

cipere ab interiori corporum contusione , ita ut ubi fluida sunt acriora , ubi ossa fragiliora existant , ibi contusiones , plagam , fracturamque facilius aperiant , nullam saepe moliturae , si , ut in pueris , molliora sint ossa , & vitali balfamo vasa redundant.

Hinc sanè proximas , vel interiores expositae Aneurysmatis speciei causas nobis sedulo quaerentibus , non una , sed tres nunc seorsim , nunc verò unà conspirantes occurrunt.

Prima esse videtur concursus duorum oppositorum ictuum , qui uno eodemque tempore eundem Arteriae locum afficiunt.

Secunda est innata gracilitas Arteriarum.

Tertia erit apparatus pravorum humorum in corpore percussi hominis. Sed quoniam unaquaeque ex praedictis causis nisi planius , ac fulius explicetur intelligi vix potest ; idcirco meorum in gratiam Auditorum circa illarum examen paululum digredi oportebit.

Primò itaque dicimus , inter causas , cur percussio supra locum , cui insignis Arteria subicitur , Aneurysma producat , adnumerandum esse concursum duorum contrariorum ictuum , quorum alter extrinsecus infligitur Arteriaeque membranas intropellit , atque urget : alter a sanguinis nisu , qui eodem tempore à Cordè impulsus ; easdem tunicas extrorsum pellit , intenditque. Neque certè alicui mirum videri debet duos istos contrarios nifus Arteriae tunicas ita debilitare , propriamque texturam evertere posse , quem non lateat , quàm facile franguntur contrariis motibus sonum cientibus , concussi necnon rursus , quàm cito campanae dissiliant , dum interius malleo percussae foris lapide caeduntur. Quorum sanè admirabilem effectuum veras causas profundè rimatur doctissimus , aequalique semper amicitia colendus Laurentius Bellini De morbis Pectoris tit. de Pálpitatione Cordis pag. mihi 639. iis enim contrariis eodem tempore motibus oportet , ut partes contiguae ab invicem , seu ab eodem contactu , recedant , atque ita divellantur , ut frangatur corpus.

Secundam ex causis censemus insitam gracilitatem tunicarum Arterias componentium, quam nos docuit experimentum factum tam generatim in extispiciis, quàm speciatim apud nonnullos Aneurysmate laborantes, in quibus Arteriae solito tenuiores, ac laxiores à nobis inventae fuerunt, maximè verò apud aliquos, qui ex percussionibus Aneurysmata contraxerunt. Si enim concipiatur dorsum E. G. percuti, sub quo Arteria Magna procedit; haec quidem ictu minùs laedi poterit, si validae fuerint ad resistendum texturae, quàm si tenues sint, laxae, & graciles.

Postremo loco posuimus apparatus pravorum succorum; Etenim si contusa Arteria affluat particulari nutritioni aptis, dulcibus, lenibusque, ex bona corporis constitutione advenientibus, fieri potest ut ex percussione nullum inducatur Aneurysma: liquor enim nutritius, temperatus, ac mitis non ita facilè vitiatur, atque acredinem contrahit. At si malo corporis habitu laboret aegrotus; humores acres in parte contusa sensim intercepti, ac stagnantes Arteriarum tunicas facilè exedunt, atque erodunt.

Et quoniam doctrina expressa per exempla profundius in animum nostrum penetrat, quàm ea, quae solis rationibus nititur, idcirco in singularum causarum exemplis recensendis paululum immorabimur.

PROPOSITIO XXI.

Exponitur exemplum Aneurysmatis nati ex contranisu Arteriae Aortae ad ictum externae percussionis.

Cum certum sit ex Anatomicis Arteriarum diastolem pro ratione magnitudinis canalium maximam, magnam, vel minimam esse, procul dubio in Aorta ictus extrorsum maximus erit. Si igitur contingat (quod evenire potest) ut eadem Arteria percutiatur eodem ipso temporis momento, quo in diastole versatur, summa fibrarum distractione, ac divulsione necessario laedetur. Exemplum quidem utrarum ità summè curiosum ante tredecim ab hinc annis vidi in homine alioquin sano, & robusto, quod sequenti historia narratur.

Vir

Vir fanus, & fortis nomine Plinius Eminentiff. Cardinalis Albani nunc Pontificis Maximi feliciffime regnantis, noſtrique Clementiffimi Principis pedestrium famulorum Decanus annorum circiter 45. habitus quadrati, cum per publicam incederet viam fortuito à quodam ex ludentibus ſphaera buxea, vulgò *Boccia* vehementer percuffus fuit in laeva dorſi parte, domum rediens affectum locum diligenter obſervari curat, in quo, citrà contuſionis indicia, momenti nihil animadvertitur. Curatum idcirco ſolo admoto roſaceo oleo, ſuperſtite interim ad uſque quatuor circiter annos levi, ſed moleſto ibidem ſenſu: poſt tam diuturnum temporis intervallum aeger conqueri caepit de ſepulta quadam eo loco pulſatione, quae ſenſim ſenſibilior facta cauſa fuit, ut patiens Peritos accerſiret; & quoniam rumor ad Eminentiff. Principem aſpiraverat, hic pro ſua innata, atque ſingulari benignitate me etiam contendit, ut illam inviſerem; convenio itaque cum duobus Chirurgis, quorum unus profundum abſceſſum, alter ſepultum in Aorta Aneurysma cenſebat morbum. Et cum ipſe ego animadvertiſſem, pulſationem illam Cordis ictibus reſpondere, magnoque niſu coſtas extrorſum urgere, ſtatim confirmare non dubitavi ſententiam illius, qui aſſerebat verum, magnumque in flexu Aortae latere Aneurysma. Et reverà paucorum menſium ſpatio (vitiatis etiam liquidis) eò res crevit, ut nullo juvante pharmaco, ſed in gibbam prope ſpinam elevatis, & corroſis coſtis, nec non dolore tendente, ac diſtrahente ad humeros uſque producto, audaciſſimus quidam empiricus ex eo, quod pulſationis vehementia remiſerat, putans ſepultum latere abſceſſum, inſciis amicis, & neceſſariis miſero perſuaſit aegrotò, ut ſe ſineret eo in loco aperiri, certò ſpondens puſ intùs concluſum illico erupturum, ac eundem ab imminentis mortis faucibus liberatum iri. Ventum eſt ad facinus, ſed prohi dolor! Flumen ſanguinis, quod debiliſſima exigui velaminis ripa coërcebat, imperito, crudelique aperta ferro ſtatim extrà alveum tanta erupit celeritate, ut animam ſecum raperit à corpore. Ita magno empirici terrore ſimul atque Chirurghi documento, barbaræ ignaviae victima miſerrimus

aeger cecidit exanguis. Vide similem historiam apud Amatium Lusitanum lib. 6. Observ. 8.

S C H O L I U M.

Ex hac verò historia nonnulla elicienda sunt tamquam postulata, quae partim ad cognitionem, partim ad modum productionis, partim etiam ad medelam istius generis Aneurysmatum conducere possunt. Etenim:

Primo indicia istius mali clare quidem occurrerunt: cum narretur ex contusione paulatim post duos annos pulsationem Cordis pulsationibus synchronam innotuisse, sensimque tumorum cum dolore scapularum, & humerorum ob connectionem elevatum fuisse. Abscessus enim quantum vis pulsationis supponatur, ejus tamen pulsatio, non perdurat nisi quousque pus confectum sit, dein vero cessat: In hoc autem rerum statu augefcente morbo major, & profundior manifestatur pulsatio, licet postea obducto polyposo veluti muro superficiei interioris ipsius Aneurysmatis minuatur, & vix sensibilis evadat, ut jam docuimus.

Secundo, hinc deduci etiam potest modus productionis hujus Aneurysmatis, quod non alia certe ratione fieri potuit, quam exposito, & probato illo concursu duorum contrariorum ictuum in determinato Arteriae loco, & contemporaneo momento. Etenim cum aeger iste fuerit robustus, sanus, & vegetus verosimiliter neque pravorum succorum copia redundare, neque nativam ipsius Arteriae debilitate laborare poterat. Si enim altera, vel utraque ex interioribus, & proximis causis ab initio concurrisset, proculdubio non ad quatuor annos Aneurysmatis manifestatio producta fuisset, sed post menses contigisset, ut in sequenti exemplo patebit. Reliquum est igitur, ut arguamus probabilitatem antedictae causae, quae cum possibilis sit, & aequè potens hujusmodi scissionis effectum producere non dubitamus, quin in allata historia unica, & potentissima fuerit causa ad efficiendum Aneurysma; si enim concipiatur Arteria tundi cum per systolem contrahitur, proculdubio multum diminui necessum erit.

erit de percussione violentia. Etenim cum motus corporis percutientis; in eandem partem tendat, ac motus Arteriae, tunicae fibrae percussae cum tantum impetum excipiant, qui proficiscitur à differentia celeritatis praedictorum motuum pro ratione massae. Contra vero si praedicti motus sint aduersi atque in contrarias partes tendant, tunc ea motus quantitate tunicae impelluntur, quae gignitur à duplo celeritatis earundem tunicarum habità pariter massae ratione, ut ex Mechanicis demonstratur. Sic vola manus minus tunditur à lusoria pila, cum haec vibrata excipitur ab illa retrocedente; secus verò violentiorem esse ictum cum resistentià totà quanta est contrario ipsi pulsioni nisu opponitur, ut probavimus. Neque solummodò in Arteria percussa malus iste duorum concurrentium oppositorum ictuum effectus, sed in aliis quoque nostri corporis partibus; in quibus summa viget distentio evidentè elucescit, puta in pectore, cum in extremo suae dilatationis puncto percutitur; atque etiam in pene, quoties rigida tensione lasciviens violenter flectitur, vel tunditur, utrobique enim, plerumque ruptura subsequitur, scilicet visicularum, & sanguiferorum in pulmone, atque in pene minimorum utriculorum corporis fistulosi, unde malum illud suboritur quod penis distorsio vocatur.

Tertiò, aliquod etiàm ad durationem conducens deduci posse putamus. Cum enim non levis medellae pars ea sit, quae saltem non laedit, hinc horrendus exitus istius aegri perpetuò prae oculis habendus est, ut caveamus à strage, seu ab illo artis errore, qui ut mortem aegris affert, legum etiàm poenis est obnoxium, ut latè probat Paulus Zacchia in Quaestionibus Medico-legalibus.

PROPOSITIO XXII.

Exemplum Aneurysmatis à contusione orti, conspirantibus tamen acrim humorum apparatu, & nativà Arteriarum gracilitate.

Etiam si Aneurysma à contusione natum sua natalia externae causae debere videatur, nihilominus, ut superius

probavimus, nisi cum interioribus causis, puta naturali gracilitate Arteriarum, & copia pravorum succorum in contuso corpore redundantium, aliquando complicetur, vel nunquam, vel tarde, vel minus certe lethale produceretur. Habetis igitur exemplum Aneurysmatis ab externo ictu tamquam à procatartica causa nati, sed accedentibus interioribus causis.

Homo quidam quadragenarius habitus gracilis, professione vestiarius, ob fortunae suae tenuitatem pravis alimentis nutritus, proindeque malis succis redundans, cum semel praegravem, summiq; ponderis ligneam arcam, baculis etiam oppositis in locis coadjuvantibus ab uno in alterum locum amovere conaretur, vehementissimum ictum ipsius angularis arcae partis in summo sterni miserimus excipit. Hinc statim quaedam sanguinis sputa cum levi tussi prodierunt, atque eo in situ profundus relictus fuit dolor, cui paulo post fortis quaedam pulsatio adjungebatur, quae tandem duorum circiter mensium spatio in verum Aneurysma evecta est. Interim res angusta domi illum impulit ad Nosocomium S. Spiritus in Saxia ubi macie, anhelitu, magna pulsus celeritate, exilitate, atque inaequalitate, licet cum diminuta pulsatione Aneurysmatis, nihilque plane juvantibus praesidiis opportune per Clarissimum D. Michaëlem Angelum de Paulis, Primarium ejusdem Nosodochii Medicum adhibitis, post annum ab accepta percussione lenta morte diem suum obiit 11. Kalendas Augusti 1701. cujus Cadaver coram me, affectas partes diligenter perquirente, apertum fuit, & sequens rerum series observata.

OBSERVATIO CADAVERIS.

Primò (vifa morbosa eminentia summi sterni, ubi claviculae dexteræ committitur) elevatum fuit ipsum sternum, cujus interior pars carie obsessa erat, & in cavam figuram elevata, sub qua latebat cystis, seu tumor Aneurysmaticus, qui continua pulsatione, & madore erodentis ichoris, perinde

de quasi vi vectis, & cunei superposita ossa elevaverat, atque exederat.

Secundò in dextero thoracis cavo vase effusum serum occurrit, quod probabiliter fuit lymp̄ha, quae è sua intra thoracicum ductum libera ob Anauryfmatis compressionem immiffione prohibebatur, & idcirco pulmonis lymphatica distenderat, atque acredine sua eroderat. Neque etiam à ratione abhorret fuisse subtiliorem, dilutioremque chyli partem, cum in hujusmodi affectibus ductus thoracicus ampliari soleat ob compressionem, ut vidit Gulielmus Riva in historia Aneurysmatis infra exponenda.

Tertiò Pulmones parte sinistra costis adhaerebant, illuc adacti, ac propulsi à mole ac tensione describendi Aneurysmatis. Unde aequè effuso sero anhelitus oriebatur.

Quartò Aneurysma apparuit tumor magnitudine praegrande, malum Punicum referens, assurgens in parte antica, & dextera flexurae Arteriae Magnae, non ab simile illi, quod observatum fuit Romae, & cujus icon anno primo expressa cura Germani observationi 18. inserta fuit; erat autem foris aliquantulum durus, ac renitens. Hic profectò Aneurysmaticus succus quemadmodum parte sua exteriori variis formabatur membranis, consurgentibus ex contextu superpositarum Arteriae partium, & potissimum ab exteriori Arteriae tunica, ita interiùs plerisque in locis ad digiti transversi crassitudinem consurgebat ex cohaerentibus veluti laminis polyposae substantiae, quibus intermisciebantur hîc, illicque, sanguinis grumi, ubi non obiter notandum venit, hujusmodi laminas Medicâ adhibitâ diligentia in plures laminas diduci potuisse non secus, ac tenuia fasciarum involucra, quas inter laminas collecti sensim ac foras expressi mordaces ichores non solum cartilaginum, ossiumque calcem inducere, sed vel ipsum polyposum Aneurysmatis sepimentum, vel erodere, vel alicubi solent diducere, atque aperire; ita ut plerumque multis diebus, antequam mors pulset ad ostium, hujusmodi Aneurysmata sua sponte hîc illicque aperiantur, & ichorem cruentum emittant.

Quintò extractis cruoris grumis in cystidis fundo foramen
specta-

ſpectavimus apertum in facie antica ſummitatis arcus Arteriae Magnae, parumper dextrorſum inclinans. Erat autem foramen ferè rotundum, aequalemque habebat diametrum ei monetae, quae vulgo appellatur *un giulio*. In iſtius verò foraminis circumferentia callus quidem durus ſupereminebat, ea tamen lege, ut in ſitu magis declivi eadem durities eſſet complanata, & ferè horizontalis cum interiori ſuperficie facculi Aneurysmatici. In eâdem circumferentiae inaequalitate illud animadverſione dignum à nobis iudicatum eſt, quod ubi circumferentia reſiliebat, atque elevatum exhibebat marginem, ibi ſummitas marginis plena omninò erat, perinde ac ſi Arteriae membranae à radente cultro fuiſſent diſciſſae. Quamobrem interiores membranae ſeparari videbantur, ac ſeſungi à membranis folliculi Aneurysmatici, qui parte dumtaxat extrinſeca obſervabatur obductus externae tunicae ipſius Arteriae. Contra verò ubi circumferentia apparebat demiſſa, ibi interiores quoque membranae productae, & folliculo continuatae apertiffimè cernebantur, quae fanè fuerunt cauſa, ut probabiliter cenſeremus, ſuperiorem orificii partem illum praecipuè fuiſſe locum, in quem peculiariter arcae ictus inſilit, ibique interiores Arteriae membranas eoſque fuiſſe debilitatas, ut ſenſim ab impetu ſanguinis, & ab influentibus ichoribus erodentibus penitus fuerint diſciſſae. In parte ſecùs inferiori Arteriae membranas ſolum diſtenſas, & elongatas fuiſſe putamus.

Sextò non inutilis obſervatio ſe obtulit in ſtructure ſingularum Arteriarum iſtius Cadaveris, quae ubique locorum, & omnium maximè, circa Cor triplo ferè graciliores inventae fuerunt: atque Arteria Magna melior, & tenuior eſſet, quam in aliis cadaveribus Arteria Pulmonica, vel carpi eſſe ſoleat.

S C H O L I U M.

EX iis autem, quae in cadavere obſervata fuerunt, fatiſ liquere poteſt, in tantum adeo celeriter in hoc miſero veltuario ex contulione manifeſtatum fuiſſe Aneurysma (ſecùs
at-

atque in descriptō Propositione XXI. casu accidit, in quo pulsatio elapso tantum triennio ob inculpatam aegri valetudinem sentiri coepit) in quantum tres insimul causae ad citissimam istius productionem concurrerunt: duae quidem interiores, & unica exterior, quae dubitari non potest, quin fuerit percussio interiorum prior, quae insita, & frequentius in hujusmodi malis, quam vulgus Medicorum putet occurrens extitit textura languidula, & satis infirma Arteriarum omnium, quae non modo impetui sanguinis extrorsum per tunicas nitentis, verum etiam externis pulsionibus, atque ictibus aegrè potuit resistere. Posterior ex interioribus fuit apparatus morbosus, seu copia salium erodentium, ichoribus dissoluta, in homine alioquin gracili, & mali victus ratione utente. Haec enim causa efficere valet, ut quoties casu, vel datà operâ iidem determinantur ichores ad particularem Arteriae sectionem, apti sint diducendi, feriendi, lacerandique fibrosam istorum tubulorum texturam.

PROPOSITIO XXIII.

Agitur de signis, tam diagnosticis, quam prognosticis Aneurysmatum ex contusionibus.

Diagnosis istius affectus tam ex generali Aneurysmatum semiotica, quam ex ante positis, ac sedulò descriptis hitoris, deduci satis potest. Cùm enim aliquis percussione passus, indè, vel brevi, vel post longum tempus incipiat perferire sub eadem parte pulsationem diù perseverantem, primum absque febre, mox vero exilitate, atque inaequalitate motus illius Arteriae, quae infrà *dilatationem* posita est, res erit in aperto, praesertim si pulsationi tumor appareat, qui aliquando (cùm Aneurysma delitescit) sensibus non adeo facile ostenditur.

Sed Chirurgus Anatomicam faciem prae se ferens, praesire debet manifestationem claram, & nimis apertam istius mali, ut illud, si fieri potest, praecaveat, vel si non potest praeproperam saltem necem ab aegri foribus arceat.

Quantum deinde ad prognosim spectat, accersitus artifex

tunc se doctum, expertumque in praefagiendo circa hoc morbi genus ostendet, cum non tantum exteriorem ictum, quantum interiores causas, & situm, seu qualitatem Arteriae ad iudicii lancem expenderit. Etenim si corpus optimae fuerit solidorum constitutionis, bonisque fluidis maximè redundans, & percussa Arteria exterior, & pusilla fuerit, bonum omen praenunciare poterit, praesertim si opportuna Medica, & Chirurgica praesidia ad opus accesserint. Quod si secus gracile fuerit perculli hominis corpus, quinimò Arteria extiterit interior, & insignis, tunc Aneurysma insanabile futurum poterit asserere, cum nullà efficaci Chirurgiâ tractari queat.

PROPOSITIO XXIV.

Traditur methodus curandi Aneurysmata interiora ex contusione pendentia.

CUm in superiori dixerimus aliam esse conditionem Aneurysmatum interiorum Arteriarum, & praecipuè majorum, quae per artus excurrunt: idcirco hanc divisionem sequentes, asserimus.

Si post acceptam percussione[m] hoc mali genus manifestetur in Arteriis thoracis, vel abdominis, vix ullum tam efficacem, atque aptum esse pharmacum, quod malum possit averruncare: cum ad malum gignendum plerumque concurrat mala cum fluidorum, tum solidorum constitutio, ut in praecedentibus Propositionibus latè probavimus. Potest utique palliativa curatio aegri vitam in longum producere, quod prudens Medicus facillè assequetur, si statim Venam tundat, & pro indigentia sanguinis missionem repetat, si laudabilem & mediocriter tenuem victum praescribat, si corporis exercitationes prohibeat, ac potissimum si vulneraria, tam externa, quam interna propinet: in quo sanè remedii genere multum insistere oportet. Vidi enim duos, tresve Aneurysmate ex regimine, necnon fotibus, ac vulnerariis potionibus in melius vitam semper producentes. Ubi tamen duo notanda precor, primum, vulneraria intus propinanda non admodum volatilia, & sulphurea feligenda esse, cujusmodi
 exi-

existimantur, quae cum spiritu vini extrahi solent, aut super apte natura nimis resinosa existunt: haec enim arterioso sanguini motum intestinum, nimiumque fervorem conciliant; sed optima expertus sum jura ex sola urtica, haedera terrestri, fanicula, scabiosa, plantagine, vincapervinca, & consimilibus, quibus identidem praemittendus est bolus ex ꝰß. Cerusae Stibii, & gr. VI. Balsami Peruviani albi. Quod si nondum appareant indicia apertè, per scissionem foraminis in Arteria, quod deduci solet ex magno tumore, dolore, & superpositorum ossium elevatione, jus etiam viperinum cum suprascriptis vulnerariis temperatis exhiberi posset: cujus usu quendam ab Aneurysmaticae affectu Arteriae intercostalis, ex acrium lympharum concretionem pendente, liberavimus. Nitrum quoque stibiatum cum oculis Cancrorum, & modico terrae sigillatae proficua erunt, cum ad corrigenda scilicet acria, tum ad eadem cum lymphâ per urinae vias eliminanda. Sed omnium maximè accurata victus ratio, & quies tam corporis, quam animi prae oculis habenda sunt.

De caetero, cum externa percussio lenius, vel gravius malum Arteriis inferat juxta interiorum causarum concursum, harum potissimum rationem habere debet curans, qui pravae constitutionis videat indicia. Tunc etiam jus falsae, & sandalorum cum cancris fluviatilibus, vel saltem destillatum magistrale exhibere poterit, cujus formulam dabimus Capite de Aneurysmatibus ortis à siphillide.

Similiter, si aegri corpus fuerit hypochondriacum, tunc aquis bolaribus, & chalybeatis, balneo, fero, & lacte cafeato cum antihectico Poterii, pro anni tempore uti poterit.

PROPOSITIO XXV.

Exponitur methodus curandi Aneurysmata externa ex contusionibus pendentia.

SI verò à contusionibus externa excitentur Aneurysmata, nempe in artubus, vel in succutaneis Arteriis; non solum ea omnia, quae superius indicavimus, iudicio boni Medici, tentanda erunt, sed efficax quoque, si opus fuerit,

Chirurgia prae manibus esse debet; de qua jam egimus et professo in Prop. XI. ubi modum ligandi Arterias, & reliqua exposuimus, quae in Aneurysmatibus à vulnere ortis optimo plerumque cum exitu in aegrotis animosis locum habent.

Fieri tamen aliquando solet, ut neque in ventribus, neque in artubus, neque in succutaneis locis, sed in partibus thoracem claudentibus Aneurysmata à contusionibus oriantur, in quibus media quaedam medendi ratio tenenda venit. Quare sequitur

PROPOSITIO XXVI.

De Aneurysmatibus in anteriori thoracis parte positis, quae vitio tum fluidorum, tum etiam contusionum oriri solent.

Si quae sunt Arteriarum sectiones, in quibus ex causis tum interioribus, tum potissimum externis oriuntur Aneurysmata, profecto illae frequentissime occurrunt, quae ad pectoris anteriora positae sunt: & ratio quidem mechanica mihi esse videtur, quod sectiones istae non solum in majori distractione ob respirationis vicissitudinem; quam quae aliis in partibus locantur, perpetuo versari solent ac majorem impetum sanguinis à Corde propulsi ipsae primum excipiunt. Exinde sane fit, ut per alternam costarum elevationem, ac depressionem à situ; & positura continue removeantur; quamobrem illarum tunicas non tantum ob vehementissimum Cordi adeo proximum sanguinis nisum, sed ob externam thoracicae machinae diè, noctuque perennem motum irrequietas semper, ac distractas aliquantò magis, quam alias immutari, ac dissolvi necessum est.

Si verò alicui ex iis Arteriarum segmentis liquidum erodens in nutritionem accedat, vel externa adveniat percussio, tunc eadem facile dissolvi, atque erodi poterunt. Ita multos novi, qui ex nimio cantu, ex casu in terram, & supra lapidem, aut ex alia causa dexterum potissimum pectoris latus percutientes in harum Arteriarum Aneurysmata incurserunt, in quorum curatione nonnulla praecipue veniunt

ob-

observanda, quae vel tentanda, vel omnino vitanda videntur.

Laudantur in huiusmodi Aneurysmatibus ea omnia opportune adhibita, quae Propositione XXIV. exposuimus, sed potissimum illico post acceptam percussione[m] fortis ex aqua Nucariana, aut Willena cum ebullitione gallarum & baccarum cupressi, deinde ceratum ad contusiones, vel ex stibio crudo cum balsamo Peruviano, & laudano, vel emplastrum ex urtica, & consimilia topica placidissima, sed non admodum adstringentia, quae quidem, ut vim aliquam externis faciant tegumentis, ad Arteriae substantiam vix possunt penetrare, quin fortasse fieri potest, ut si paucorum humorum copia redundet in percusso corpore, ipsa nimium styptica minimos obstruendo meatus salinorum ichorum circulationi, vel transportationi unice necessarios Aneurysma redant gravissimum.

Sed quoniam doctrinam exemplis illustrata longe clarior est, & ad docendum magis apta, idcirco duas hic subnectemus historias, quarum unam describitur vir adhuc post multos annos superstes: alteram vir pariter, qui suo indulgens genio, & Chirurgo stimulos ad operandum addens citam necem sibi accersivit.

PROPOSITIO XXVII.

Exponitur exemplum Aneurysmatis Arteriae Magnae ab externa contusione orti cujus curatio feliciter adhuc procedit.

Vivit adhuc Romae vir sexagenarius natione Belga, nomine Petrus Wanderchem praecursor Velitum custodiae Pontificiae. Hic cum in Dianae, Venerisque castris diu militasset, tandem pravis, atque hypochondriacis succis redundans frequenti urinarum fusione, ac diabetica quadam affectione laborare caepit. Hisce affectus ante quatuor annos ruri degens sclopum, cui ab anno solito major a rustico quodam pyrii pulveris quantitas immissa, & nimium forsitan

compressa fuerat, pectori admovit, tantumque ictum ab explorato instrumento in dextra thoracis parte excepit, ut non solum dolor ad duos menses superstes affectam partem occupaverit, sed quod pejus est, inde paulatim inter secundam, & tertiam, atque inter tertiam, & quartam costam pulsationis sensu emerfit: qui sanè ignorans aeger cuius generis esset, diù neglexerat. Denique cum fortè fortuna apud Excellentiss. Equitem Sacchetti in Romana Curia Hierosolymitanae Religionis Oratorem de eadem pulsatione conquereretur, vera tunc natura morbi primùm innotuit; Nobilissimus enim Vir (ut rerum naturalium maximè amans, ac studiosus est) affectum locum suis lustravit oculis, & sepultum Aneurysma detexit. Consilium propterea innotuit cum Doctissimis D. D. Johanne de Tomalis Medico curante, & Marco Antonio Collegiano Celeberrimo Chirurgo, qui una mecum statim dubitarunt de qualitate affectae Arteriae, num scilicet ex intercostalibus, an subjecta aliqua fuisset ex iis, quae intra thoracem delitescunt. Extabant signa dilatationis duarum Arteriarum intercostalium, sensus, tactus, & visus, quibus inter duas praedictas costas evidentissimus pulsationis motus observabatur, ita ut apparerent duae Arteriae inter se distinctae, quae musculos intercostales una ictibus elevabant; neque aliud indicium laesarum interiorum Arteriarum aderat, quàm pulsum inaequalitas. Vicit tamen opinio credentium sedem Aneurysmatis esse Arterias intercostales.

Neque interim haesitationi locus fuit, quin Aneurysma mixti generis existeret, nimirum dependens ex contusione simul, & acrium humorum apparatu, cuius generationi modum dedimus Propositione XX. Proinde post tectam Venam, & exhibitum bis intrà octiduum oleum amygdalarum dulcium cum aliquot clysteribus, exterius censuimus adhibendos esse fofus ex aqua chalybeata, in qua bolus armena, baccae cupressi, & simplicia quaedam vulneraria ebulliissent, & ad eluenda salia pungentia propinanda censuimus jura vitulina parata ex ℞j. aquae nucerae, cum decoctione radicis plantaginis & urticae, quibus sanè per tres menses continuatis, una cum optimo, & parco vitae regimine, tantum

tùm miles iste profecit, ut majus in posterum animo suo detrimentum, quam corpori utilitatem ex muliebri, quam servabat, vivendi ratione se experturum profiteretur; exinde namque factus impatiens paulo liberius comedere, atque exerceri caepit; ita ut modò praeter recurrentem levissimam dumtaxat, praesertim dum violentius agitur motibus, in parte pulsationem, optime se habeat. Adeo verum est maximam consuetudinis habendam esse rationem, ut Magnus praecepit Hippocrates, nec à scopo abludit adagium apud libertinos saepe veridicum: *Medice vivere est misere vivere.* Hinc discamus varia esse Aneurysmatum discrimina, atque eventus, juxta variam corporum, & causarum differentias; ac proinde Clinicum versatilem esse oportere ad ea, quae aegrotantium naturis magis congruunt, neque uni dumtaxat methodo esse addictum, ut oppositum aliquando transire non debeat dummodo caveat, ne noceat.

Videamus modo exemplum infelicis eventus ob nimiam in medendo, inconsultamque festinationem.

PROPOSITIO XXVII.

Describitur Aneurysma Arteriae magnae inter quartam & quintam costam dexteri lateris, quod tandem ad rupturam ocyus properavit usu cujusdam instrumenti chalybei ad instar bracherii.

Illustrissimus Canonicus Tempestivi, vir quinquagenarius, habitus quadrati, & sanguinei, ad cantum, & melodias propensus, atque idcirco violenti thoracis agitationi plus justo deditus, cum post affectionem hypochondriacam mentagra correptus fuisset, purgatione succis antihypochondriacis, & sero convaluit. Sed cum post sex menses levem externam contusionem in dextera thoracis parte accepisset, inde sensim manifestari caepit dolor quidam pulsatilis inter quartam & quintam costam, qui multis à Chirurgis, & postea etiam à me diligenter observatus deprehensum fuit verum ea in parte Aneurysma. Ambigebatur tantum circa Arteriae qualitatem, utrum anterior, & Praecordiorum, an verò In-

Intercostalis fuisset. Sed temporis progressu nihil dubitationi reliquum fuit, quin Arteria Intercostalis laesa esset; quae cum profundius lateat in robustis corporibus interiorum affectuum ligna exhibebat. Etenim post mensē vehemēti Arteriae pulsu, & dilatatione extrorsum elevata, tactu percipiebatur folliculus Aneurysmaticus, qui quidem folliculus non solum divulsis Arteriae tunicis consilari videbatur, quippe qui oblongam, non autem rotundam speciem exhibebat, atque à perito Chirurgo tam apte interpellabatur, ut per aliquod temporis spatium sub intercostalibus musculis probè occultaretur. Variis ab initio feliciter aeger curatus fuit remediis, nimirum sanguinis missione ex pede, aqua nuceriana, nec non balneis ex aqua sancta (cū aetas ferveret) accedentibus etiam exterius cerato ex pelle Arietina cum laudano, tumor enim, & pulsatio omnino evanuit. Post duos circiter annos noviter ex variis causis, sed potissimum ex vehementiori corporis, & animi motibus, morbus recruduit, quem eisdem remediis oppugnare quidem, incassum tamen, tentavimus.

At vero ager à me admonitus, ut à comestationibus, & praesertim à totius corporis, necnon thoracis motibus abstineret, spem ostendens fore ut optima victus ratione ad aliquot annos vitam producere posset, taedio affectus in praecipue se coniecit auxilium. Accersito namque Celebrī Romano Chirurgo aliquod ab illo praesidium postulavit, quo cystum Aneurysmatis intrā thoracem posset coercere; plus enim ignarus aeger ab externo, quā ab interiori tumore sibi metuebat. Annuit Peritus, & constructo cingulo chalybeo cum elatere non absimili bracherio, quo Enterocelen intrā abdomen urgemus, facili negotio saccum prominentem Aneurysmatis eo admoto intrā pectus violenter detinuit.

Hoc verò admoto instrumento sibi tantum profecisse videbatur aeger, ut sine victoria recuperatae salutis triumphum caneret, quamquā amoto instrumento statim idem subito saccus emergeret; sed quid inde? Cū mense Februario anni 1699. à Basilica S. Laurentii in Dimaso, cujus erat Canonicus, ipse reduceretur, de repente magno correptus anhelitu,

tu, quibusdam prius rejectis sanguinis sputis ruptâ intrâ thoracem fistulâ Aneurysmaticâ suffocatus est antiquae, ac probatae amicitiae vir.

Ex superius allata historia duplex habemus documentum. Primum quo ostenditur descriptum Aneurysma duplici causa fuisse excitatum; partim nimirum ab humorum acritudine, & compressione, erosioneque externarum Arteriae tunicarum; id quod praecedens mentagra satis demonstrat; haec enim probabiliter lymphae crassioris, atque erodentis copia inducebatur; partim vero externo impetu Arteriam urgente, lentosque humores pigrè ex toto fluentes versus partem affectam propellente: eo usque certum est rarè Aneurysma, praeterquam cum à vulnere fit, ab unica, simplici que causa pendere.

Alterum verò circa medelam versatur diligenter observandum, & prae oculis semper habendum: videlicet ne quidpiam novi certo cum periculo fiat, saepe enim spe boni exitus ad ea curantium ars fertur, quae nocere potius quam prodesse solent, ad quam sanè erroris semitam ab aegrotantium querelis plerumque ducimur; ii enim artifices perpetuò ad nova invenienda praesidia exstimulant, quibus furdas aures opponere debent, qui omnia secundum rationem faciunt, neque ad alia transeant oportet, ut Divinus innuit Còus. Etenim quamquam in Aneurysmate optimum sit consilium, ipsa partis compressio, haec tandem ibi proficit, ubi vel os vel durum aliud corpus Arteriae substernitur: quod majori ejusdem renitatur distractioni, quemadmodum accidit in artuum flexuris, aut in collo; Sed ubi sola tenuissima tunica substrata est, pessimum erit, ut allatum exemplum ostendit, in quo Arteriae impetus, ferè totus extra delatus resistentes inveniebat suppositos musculos intercostales, pectorales, necnon communia integumenta: postea verò admoto cingulo universam distracta Arteriae vim nuda pleura sustinere coacta, facili negotio, & pleura, & ipsa Arteria ad integram rupturam pervenerunt.

Similem casum, sed in postica thoracis parte sub scapula proponit Antonius de Heide in sua Cent. Observ. 34. sed in

eo tumor in dies ad capitis magnitudinem accrevit, & cutem tandem gangraena (quam saepe nos etiam factam vidimus) exedit, aegerque fati cessit.

I C A P U T III.

De Aneurysmatibus à fluido erodente praecipue pendentibus.

Quamquam in omni ferè Aneurysmate semper consideranda veniat tamquam causa ultimo concurrens ipsa quoque erosio, ut de iis, quae in contusionibus pendent superioribus demonstravimus Propositionibus, nihilominus tamen totius doctrinae claritas monet nos, ut distincto capite agamus de Aneurysmate orto primùm & praecipue a fluido, quod seorsim ab aliis causis erosionem in Arteria molitur: cum revera hujusmodi malum, quod quidem curari non potest, nisi potissimum causae ratio habeatur, non raro in praxi contingat; occasiones enim morborum singulariter à Medentibus considerandae sunt, apud Hippocratem. Primùm itaque quid humor erodens sit explanabimus.

P R O P O S I T I O XXIX.

Quid intelligatur nomine humoris erodentis; & quotuplex sit, qui in Arteria producit Aneurysma.

Nomine fluidi erodentis accipimus quidquid salini, duri obstruentis, ac scindentis corporis, utcumque liquidis nostris admixtum, solidis dein partibus admotum, eas à continuitate removere aptum est natum. Et quoniam sanguini, lymphae, succoque nerveo hujusmodi particulae admisceri possunt, quae dum in motu unà cum aliis corporibus fluida nostra componentibus versantur, nullam de se produnt erodendi facultatem, sed eam tantummodo manifestare incipiunt, cum solitaria, atque separata; aliquam quietem nanciscuntur, atque ad contactum solidi corrodendi corporis perveniunt.

At verò ad hypothese[m] descendentes duo advertenda du-

circum circa modum quo liquidum erodens fibrosam Arteriae-texturam scindere valet.

Primum est, hujusmodi liquidum in magnis Arteriis non agere, cum per earundem cavum excurrit, ut Priscorum aliqui opinabantur; sanguis enim tanto velocitatis momento per illas fertur, quo ab ea quiete prohibetur, quâ opus est, ut corrodescentes particulae possint emergere, ac magnarum Arteriarum tunicis aptari.

Et quamquam non ignorem extrema Arteriarum officia, quae per solius membranae interpositionem in cavum aliquod desinunt, facili negotio ab erodente vi sanguinis, tanquam à cuneo, aperiri aliquando posse, quemadmodum accidere videmus in haemophysi, in nimio mensium fluxu, in apertura sanguiferi intra Cranium, vel Pericardium; attamen cum hujusmodi mala potius ad haemorrhagias, quam ad Aneurysmata referantur, merito hîc silentur. Eadem quoque ratione etiam si fluida adeo cogi possunt, ac condensa evadere, ut in alicujus Arteriae sectione validam producant obstructionem, unde sanguis necessario à suo ibidem motu sistatur, ac proinde erodentes particulas facile tum acui, tum ab aliarum complexu separari possent; Hujusmodi tamen morbi, quos ad peculiare classes suo loco redigemus, primo, ac praecipue ab erodente liquido non dependent, atque idcirco peculiari aethiologia, ac therapeutica tractandae, neque cum praesenti confundendae videntur.

Aneurysmatis vero speciei, de qua nunc agimus causa est quidquid erodens extrinsecus tunicas Arteriarum adoritur, easque paulatim diducit, findit, adeoque infringit, ut impares sint ad sanguinis impetum per earum sectionem decurrentis sustinendum, qui sane modus, ut clare possit intelligi, sciendum

Secundo est, humorem corrodentem, ut plurimum duplicis generis esse; alterum nempe stabilem, seu ichorem referentem, qui aquae stygiae aemulus cum fluido Arteriam nutriente intra texturam fibrosam istius canalis brevi se insinuat, quique ut plurimum in hypochondriacis, hystericis, atque scorbuticis colligitur; alterum vero lymphaticum, cras-

fiorem videlicet, qui aliquam congestionem prope Arteriam primò producit, dein sensim intra Arteriae vasa, ac villos urgetur, ac subrepat; cujus sane generis non una dumtaxat species occurrit, sed duo potissimum ex distinctis principiis subnascuntur: nimirum una quae à crassiori, eaque ex pleniori, & subarido acri victus oriens cachexiam plerumque adjunctam habet: alia ex syphillide derivatur. Quas quidem singulas species distinctis Propositionibus rimabimur, & propterea sit

PROPOSITIO XXX.

De Aneurysmatibus ab ichoroso erodente principio apud hypochondriaca, scorbutica, aut hysterica corpora ortis.

In corporibus enunciatis culpa pravorum fermentorum tum in hypochondriis, tum in utero stagnantium, ichores quidam mordacissimi pariter, ac subtilissimi colliguntur, qui juxta diversa nostri corporis loca, in quibus decumbunt, ac subsistunt, diversa pariunt morborum discrimina, quae à Practicis sedulo labore suas ad classes rediguntur. Inter haec autem praecipuum certe locum tenent, quamquam obiter dumtaxat animadverta, Cordis, atque Arteriarum vitia, quae modo sub forma motus inaequalitatis, modò palpitationis incipiunt, ac tandem in Aneurysmata Cordis, aut insignis alicujus Arteriae manifestantur, ac desinunt.

Modum autem, quo hujusmodi Aneurysmata eveniunt, probabiliter censemus morbosam nutritionem alicujus sectionis Arteriae: cum enim nullae sint partes in Animalium corporibus, quae die, noctuque citra Animantis arbitrium perpetuo moveantur, praeter Cor, & Arterias, ac proinde quia villi, ac fibrae istorum organorum ob perpetuum distractionis, & contractionis motum semper particulares aliquas nimium attritas percursum meatus emittant, necessum est, ut perenniter nova consimilium particularum appositione refarantur; quod quidem praestant liquida per Arterias, & Nervos intra praedictam villosam texturam confluentia. Quod

si igitur eveniat, ut vel actu, vel minimo structurae vitio, particulae acres stygiae aquae similes nutrienti humori miscantur, tunc facili negotio post levem Arteriae convulsionem, paulatim erosio succedet, nimirum scisso forinsecus valido fibroso illius reti incipiet dilatari ea plane ratione, quam exposuimus tractantes de Aneurysmate pendente à scissione extremarum tunicarum Arteriae.

Neque ullus certe sanae mentis mirabitur erodens liquidum particulis nutrientibus permixtum intra ipsam Arteriae texturam influere posse, cum videamus solidissimam dentium substantiam à validitate stygii liquidi erodi. Ad hanc autem doctrinam clarius illustrandam unam aut alteram historiam subjungam Aneurysmatis ab erodente ichore geniti.

PROPOSITIO XXXI.

Describitur Aneurysma Arteriae Carotidis dexteræ in nobili Matrona, hysterica, scorbutica affectibus detenta.

Illustrissima D. Clelia Palaggi quinquagenaria major habitu sanguineo, & robusta, cum olim feracioris meo quidem iudicio fuisset uteri, quam duorum solummodo filiorum fertilitate satis sterilescere tuto potuisset; adhuc juvenis enormi hysterica praefocatione cum metu carcinomatis in laeva tuba detenta fuit, dein hypochondriaco-scorbutica facta est: cumque dentium nigredine, & gingivarum erosione diu laborasset, impetigine quadam in capite, ac pone aures erodentem ichorem emittente corripitur: exinde hoc morbo evanescente tribus abhinc annis in Cordis palpitationem, & vertiginem incidit, cui ex levi sane causa cujusdam nimirum ponderis elevatione magna pulsatio dexteræ Carotidis accessit. Ad hunc morbum curandum cum accersitus fuisset Chirurgus, causis minime consideratis partem decocto quodam adstringenti foveri, & fasciâ quadam obstringi jubet: sed pessimo cum exitu, quo tantum abfuit, ut nobilissima Mulier levaretur, ut majorem pulsationem, & quidem cum dolore deinceps praesentiret. Quare cum ipse accersitus fuisset omnibus

bus topicis, praeterquam fotui ex aqua Nucariana, repente vale dixi, & una cum alias laudato Viro D. Johanne de Tomalis Medico curante admonui, ut folis copiosis juribus ex eadem aqua Nucariana, carne vitulina, & succo pomorum redolentium, ultra mensem uteretur, additis etiam pulveribus testaceis, atque ex crystallo montana praeparatis; Hac enim methodo, necnon optima victus ratione, & abstinentia à motibus violentis in melius profecit, ut modo mitissimam experiatur affectae Arteriae pulsationem.

Ex hac equidem historia clare docemur, erodentes ichores, qui ad gingivas, ad capitis cutem, & pone aures deponebantur, sensim supra Arteriam Carotidem decubuisse, & quemadmodum aliis in locis erosiones tentaverant ita eadem moliri coepisse in externis Carotidis tunicis, quae cum per obliquum, seu figura litterae S curvatum osseum foramen intra cranium feratur, facilius ea in parte, quam alio quovis in loco dilatari potest: eo quod ibidem sanguis aliquam ad liberum intra calvariam excursum invenit repugnantiam.

Uterius hinc monemur, ubi copia adest salium erodentium, aegros ab admotis adstringentibus plus mali, quam utilitatis perpetuo solere experiri: eo quod styptica omnium vasorum fibras, ac meatus constringendo, & coarctando, salinos illius ichores, praepedita ad exitum via, in interioribus partibus sistunt.

Tandem non aspernandum est Corollarium, quod ex hac eadem historia elici potest, videlicet: si incipientes lethales morbi, circa principium adhibita suaviori, tutiorique methodo tractentur, aegrorum vitam diu produci solere, quin saepe integre aegrotos confirmari: sed si pertinaciter contraria medendi via incedatur, brevi ut plurimum perire.

PROPOSITIO XXXII.

De modo & causis, quibus fit, & de signis, quibus cognoscitur Aneurysma Gallicum.

Quemadmodum serum acré à cystide & succo Aneurysmatico destillans ad ossa, & ligamenta pervadit, eadem paulatim exedit, & tabo consumit, ita è converso fieri interdum solet, ut lymphæ gallicis salibus scatens postquam congestionem in ossibus, ac ligamenti primo tentaverit, mox paulatim mota acrior jam reddita supra, & intra substantiam externam Arteriæ depluens illam exedere incipiat, indeque in Aneurysma distendat, quod ex compressione simul, & erosione productum tanto reliquis pejus est, quanto minus Medici causæ rationem olim habentes solis sanguinis missionibus, sero, aut lacte plerumque tractare solebant. Cum secus vera curandi methodus tota versetur in temperando idoneis peculiaribus remediis, & ad transpiratam, ac diuresim promovendo veneream lympham, ut inferius appositis exemplis evidenter ostendere satagemus. Hujusmodi siquidem Aneurysmata à venerea cachexia producuntur, ut optimè advertit Marcus Aurelius Severinus De novissima observatione abscessus pag. mihi 197.

Cognoscitur autem Aneurysma gallicum non solum ex impuro, quod præcessit contagio, atque ex indicîis lûis venereæ in alias quoque partes jam propagatæ, sed potissimum ex modo, quo determinatus locus Aneurysmate afficitur; Non enim subito Arteriæ pulsatio sentitur, sed primo præcurrunt dolores præsertim nocturni alicujus ligamenti, vel ossis; indeque utrumque tumore extuberans subjectam Arteriam premere, atque exedere, ejusdemque pulsationem efficere incipit.

PROPOSITIO XXXIII.

Expositum Aneurysma validatur duobus exemplis.

Venditor Piscarius annorum 45. habitus carnosius vitæ omnino libertinae Baccho nimirum, Dianae, Neptuno, ac Veneri frequenter indulgens, ex qua postrema pluries contraxit luis stigmata, quae fere incurata suis confusus viribus imprudentissimè contempsit. Tandem cum variis animi pathematibus angeretur, clavícula sinistra dolere, dein elevari coepit, postremo sub eadem pulsatio emerfit, qui quidem dolor ad humerum, & collum extendebatur. Post mensem accersitus Chirurgus D. Johannes Castigliani partem diligenter observans è vestigio haesitavit de Aneurysmate Arteriae Subclaviae. Res delata est ad Medicum, qui nulla habita syphillidis ratione purgat, & sanguinem mittit, non modò incassum, sed cum detrimento. Denique aeger pallidus, anhelosus, & animò defectus meam opem implorat. Ipse affectum locum, & modum, quo morbus à gallico dolore incaepit sedulo perpendens, non dubitavi, quin hoc Aneurysma esset soboles corrodentis gallici: quod, cum intercipitur intra texturam ossium, cartilaginum, ac membranarum, quibus Arteria aliqua incumbit, ac potissimum intra plexus nervosus, quibus eadem in angulum flexa alligari solet; Arteria primum compressa constringitur: dein etiam stillicidio liquoris acris, quo passim membranarum ligamenta, atque ossa erodi videmus, corrumpitur, atque exeditur.

Qua de re multorum factus periculis cautus primitivam aegritudinis causam curandam suscepi, jussique ut purgato leniter atque epicraticè corpore cum electuario lenitivo malaxato cum oleo amygdalarum dulcium, sumeret destillatum magistrale antigallicum vulnerarium, & epiceraasticum hujus formulae

℞. Salsae elect. minut. incif. ℥̄ ℞.
 Radicum Ros. rubr.)
 Ligni Citon.) a. ʒ̄ ℞.

Infunde in ℥ xx. Aquae fontis per noctem, manè bulliant lento igne ad consumptionem quartae partis, adde versus finem ad despumationem carnis vitulinae maceratae ℥ iv. Cancrorum fluviatiliū num. xii. Testudinis nemorum num. iij. siccorum cicorii, borraginis, urticae, consolidae majoris, pomorum redolentium a ℥ ij. feri caprilli ℥ iij. seminum cydoniorum contusorum ℥ j. Florum violarum, hyperici a. pug. iij. ponantur ad desillationem in B. M. liquoris destillati capiatur manè ℥ v. & sero ℥ iv. quatuor horis ante cibum. Item loco vini uteatur bocchetto ex infusione falsae per tres menses continuos una cum victu tenui, exinde eo procescit aeger, ut diminutis doloribus, tumore, & pulsatione in naturalem statum restituta, sanus videretur. Sed cum postquam Arteria supra suum diametrum multum distracta est, fibrae, languidiores ad resiliendum in systolem, & promptiores ad dilatationem evadant, jure cavendum in vitae regimine omninò esse praediximus; Fieri enim posset, ut levi ex causa morbus pejori fato reverteretur: fluxerunt tamen quinque jam anni, nec morbus recruduit.

Alium similiter utcumque felici cum exitu curavimus, qui sub eadem clavicula gallicum Aneurysma diu patiebatur. Hic erat egregius citharaedus, qui ex impuro concubitu non semel in pudendis vulneratus, tandem ortis hinc illicque per artus doloribus falsa, & mercurio citra ullam methodum, atque utilitatem tractatus est. Exinde macer, & febricitans in tabem Gallicam magnis partibus contendebat, cum dolor, ac tumor, qui claviculam dexteram jam afficiebant majores evaserint, iisque sepulta quaedam pulsatio adjuncta fuerit, quae adeò crevit, ut magnum ostenderet Aneurysma: huic igitur opem laturo oleo primùm amygdalarum cum syrupo violarum coloratarum leniter laxato ventre cogitavimus de abluendis, elixiviandisque iis potissimum erodentibus salibus, quae ex mercurio male vel praeparato, vel propinato intra aegrorum corpora colliguntur, ac debacchantur; scilicet manè exhibuimus infusionem falsae in aqua Nuceria cum aliquot granis salis ammoniaci ad ℥ ij. ac vespere conditum ex textaceis, foliis auri, & confectione de Hyacintho, &

Alckermes. Post duodecim dies istius medelae remissa febris, destillato superius descripto usi fuimus. Sed quamquam inde aeger multum profecerit, eò tamen valetudinis non pervenit, quò descriptus Piscator perductus fuit. Etenim quamquam dolores remissi fuerint, ac tumor multum subsederit, in hoc tamen constans perpetuo fuit sepulta gravis illa pulsatio, quae aegrotum animo dejectum detinebat, utpotè qui impotens factus videretur libere exercendi artem suam, ne vicissitudine motus brachii morbus augetur. Post sex annos ab exposita curatione incolumis mansit, nunc verò ignoro, vivat ne amplius, an decesserit.

Sed quoniam actum est hîc de noxa ex mercurialibus, opportunum ducimus subnectere sequentem Propositionem.

PROPOSITIO XXXIV.

In qua ostenditur quàm facilè ex Mercurialium usu Aneurysmata gignantur.

Omnes ferè Chimici in eo consentiunt, Aneurysmata facili negotio ex Hydrargyri litu solere proficisci. Ita Paraeus, Ballonius, alique appositis exemplis indubiam rei fidem nobis fecerunt.

Rationem autem inquiringibus nobis cur interdum malum hoc ex hujusmodi causa suboriatur, duae praesertim occurrunt: altera ex hydrargyri vi: altera ex peculiari corporis, in quo morbus excitatur, qualitate; non enim semper, & ubique, sed tantummodo certis accedentibus conditionibus hydrargyri litu nascitur Aneurysma. Omnis autem hydrargyri vis in excitandis Aneurysmatibus reposita est in momento impetus, quo lympa, & sanguis attenuati quaquaversum urgentur, ac debacchantur, qui quidem liquores quoniam admistione salium acidorum intra aegrum corpus erodentes evadunt, facile possunt cunei instar vasa impellere, ac distrahere. Id quod evidentè ipsis sensibus apparet in glandulis, osculisque salivaribus, & intestinorum, quae post hydrargyri litum intumescunt, ac deducuntur.

Quod verò ad constitutionem corporis attinet, proculdubio

bio causa Aneurysmatis consistit in gracilitate, vel obstructione, vel alia quavis prava diathesi, qua alicujus Arteriae pars laborat. Neque certe à vero abluere censetur opinio, si consulatur casus Ballonii paradigmate XIII. relatus de quodam Mercatore, qui ad spinam dorſi per annum dolebat. Ter, aut quater litus est. Tandem sursum, deorsum ingens sanguinis copia, aperto Aneurysmate, excreta, & mortuus est.

Ex iis autem, quae hactenus dicta sunt prudens Medicus jure poterit concludere, in nullo Aneurysmate, etiam si à lue gallica profecto, locum habere mercurialia, & praesertim in forma litus.

PROPOSITIO XXXV.

Probatum nulla esse Aneurysmata pendentia à paralyſi fibrarum alicujus Arteriae tunicas textentium.

Ingeniosa magis, quàm vera videtur opinio cujusdam Neoterici, qui inter causas Aneurysmatis ponit laxitatem, & paralyſin alicujus sectionis Arteriae, quam credit impetui sanguinis resistere non posse, atque idcirco necessario dilatarum. Verum opinionem hanc à vero abhorre duplici argumento demonstratur.

Primum est, quod fibrae paralyticae tantum abest, ut propria infirmitate, ac mollitie impetus sanguinis minus resistentes Aneurysmati generando sint magis idoneae, ut potius ejusdem sanguinis vim infringant, & labefactent, quominus easdem fibras divellat, atque distrahat; quod enim vehementius tunicae Arteriarum sanguini impellenti renitentur, eò violentius percutiuntur, quemadmodum supra Propositione XXX. demonstratum est. Quod quidem vulgaribus experimentis perbellè illustratur. Lana enim, gossypium, plumae, aliaque hujusmodi mollia irruentium corporum impetum, ac motum facile comprimunt, atque extinguunt, sine propria laesione.

Secundum verò argumentum deducitur ex obvia observatione tot languentium paralyſi, in quibus omnibus, si vera

effet hypothesis indicati Auctoris, Aneurysma in affectis membris fieri deberet: cum fecus nulla sint corpora huic mali generi minùs obnoxia, quàm quae fideratione detinentur.

Non inficior tamen evinire posse, ut tabescentibus fibris ex pravo alimento, acri nimirum, atque exedente, Aneurysmata excitentur; nutriens enim succus depravatus, atque particulis acrioribus scatens cum ipsas fibras exedendo extenuat, tum lacerat, ac convellit. De quo Aneurysmatis genere Propositione XXX. diximus, agentes de Aneurysmate: ab erodente liquido pendente.

Relicta itaque ita paralyfi fibrarum, & absoluto tractatu legitimorum Aneurysmatum, reliquum est, ut alterum aggrediamur, sit proinde:

C A P U T IV.

De Aneurysmatibus, nothis, & illegitimis.

Secundum divisionem superius Propositione IV. traditam post legitima sequuntur illegitima Aneurysmata, quae pendent ab aucta mole vel impetu sanguinis supra capacitatem, & resistantiam ordinariam ipsarum Arteriarum, ita ut enervatio, dilatatio, ac discissio villorum, & fibrarum posterior omnino sit, ac veluti effectus adauctae molis, vel impetus projecti sanguinis. Hic tamen advertendum, spuria Aneurysmata saepe exhibere signa dilatatae, ad usque villorum discussionem, alicujus tunicae Arteriae, licet nondum diruptae; pulsant enim, ac turgent quemadmodum vera. Unde spurium appellabimus Aneurysma pulsationem extraordinariam alicujus Arteriae cum distractione supra consuetam orbitam tunicarum; ac spurium migrasse in legitimum dicemus, cum distractio transivit in discissionem fibrarum Arterias complectentium.

PROPOSITIO XXXVI.

*Exponitur duobus modis impetus ipsius sanguinis superare posse
resistentiam Arteriarum, nimirum per impetum re-
ctum, & per impetum compositum ex recto,
ac reflexo.*

Quantquam ex iis, quæ Propositione III., & IV. expo-
suimus circa discrimina Aneurysmatum, & proportio-
nem inter impetum sanguinis, & resistantiam Arteria-
rum clare deduci possint, quæ ad spuria intelligenda Aneu-
rysmata satis esse videntur, nihilominus generalis illa doctri-
na peculiariter hinc tractanda sese offert. Scilicet investigan-
di nobis erunt modi quibus adaugeri potest impetus sangui-
nis habita ratione renisus Arteriarum.


Duo autem sunt; quantum suspicor, adaucti suprædicti
sanguinis impetus: unus quidem, quem lato modo appella-
bimus adauctum impetum rectum: alterum vero mixtum ex
adaucto impetu recto, & addito reflexo.


Primus sane ab instrumentis sanguinem pellentibus, nec
non à sanguine ipso proficiscitur, quatenus instrumenta re-
spirationis, & Cor majori vi suos conatus, ac vibrationes
exercent contra sanguinem; hic autem pleniori sua mole, &
elastica quadam vi in Arterias nititur, ac plus solito extror-
sum premit, ac distendit, quæ deinde in locis, in quibus
minimum particulare structuræ vitium occurrit, debilitari
incipiunt: quod quidem præcipue contingit in athleticis, vi-
nosis, tibicinibus, & bajulis, in quibus primo rectilineus
sanguinis impetus consueto major exercetur. Etenim in ma-
gnis istorum conatibus, atque exercitationibus diaphragma,
omnesque thoracis muscoli nituntur contra sanguinem in Cor-
dis Auriculas, & Ventriculos excurrentem, unde fieri non
potest, quin Cor vehementius per systolem pellat in Arteri-
as eundem sanguinem, qui jam citatius per Venas versus Cor
movebitur, ea plane ratione, qua pila lusoria vehementius
à pellente instrumento in contrariam partem truditur, quo-
prius majori momento motus ferebatur.

Ipsa quoque moles, & vis elastica sanguinis rectilineum ipsius motum potest adaugere, quia quo major, & fervidior est moles fluentis liquidi, eo copiosiores, & validiores sunt partes, quae ad instar solidi elaterii, & cunei distendere, & nimium diducere, ac disjungere possunt villos, ac fibras Arteriarum texturam texentes. Legatur apud Severinum De Novis Abscessibus Cap. XXXVI. §. V. casus Aneurysmatis observati in juvene Burgundâ ingluviei summe dedita, & meri potatrice nulli secunda, quae acuta feбри correpta ob recentitam causam plenitudinis fervidi sanguinis, post mortem aperta, exhibuit Arteriam Celiacam ad compressi pugni molem dilatatam.

Hoc autem multo facilius contingit si momento adaucto impetus recti sanguinis, aliud etiam momentum impetus adjungatur, quod ex reflexione ejusdem in latera, & superficiem sanguinei cylindri proficiscitur, quod quidem secundo loco considerandum nobis proposuimus. Difficile est autem, quin hujusmodi momentum priori adjungatur; Etenim si una cum vasorum plenitudine, & quodam sanguinis conatu aliquam Arteriam comprimi, obstrui, aut alio quovis modo aliquid de suo diametro praeter naturam, & pertinaciter amittere contingat; proculdubio rectilineae sanguinis undae, quae illius axem, & proxima inter fluendum spatia occupantes in obstructum, aut compressum locum (quem nullo impedimento oblitum facile & libere permeassent) incidant, ex reflexionis legibus necessario resilient, & quaquaversum in superius canalıs cavum actae, extrorsum urgebunt Arteriae latera, quae caeteroquin à sanguinis partibus naturalibus in illa cuneorum instar incidentibus dilatantur; ex iis autem duabus trudendi viribus, rectae videlicet, & reflexae fieri non potest, quin superius Arteriae segmentum paulatim distendatur, diducatur, atque dilatetur.

At enim vero, ut modus productionis istius Aneurysmatis spurii sub ipsis oculis cadat, argumenta producam, tum ex mechanicis legibus fluentium liquidorum, tum vel maxime ab experimentis Anatomicis petita.





PROPOSITIO XXXVII.

Exponitur, ac demonstratur actio momenti compositi impetus recti & obliqui sanguinis, aut compressus Arterias excurrentis.

Primum itaque advertatur, in canalibus pelliceis, qui facile distenduntur per vim projecti liquidi, considerari posse partes excurrentium fluidorum perinde quasi totidem lineas, quarum aliquae ab orificio canalıs procedant per axem, aliae vero incurrant, seu urgeant superficiem interiorem ejusdem canalıs, qui quidem canalıs si alicubi comprimatur, vel obstruatur, necesse est ut vel omnes, vel multae ex lineis tum prope axem impulsis, tum ad latera incidentibus à suo libero excurso prohibitaе, reflexionem patiantur. Quod sane in sequenti clare apparebit figura

Sit Arteriae segmentum cylindricum BE, sitque fluxus vehementer projecti sanguinis ex B in E. His positıs detur obstructio, vel compressio in locis DD: quoniam sanguis vehementer propulsus à B in E cum pervenit ad praedicta loca compressa, vel obstructa prohibetur à libero excurso versus E, necesse erit, ut reflectatur à punctis DD quaquaversum, & nisi exerceat contra sanguinem impulsum à B versus E, fierique non poterit, quin cum latera ipsius Arteriae supra loca DD non sine distractionis resistentia, quemadmodum sunt ripae fluminis, sed maxime distrahibilia dilatentur in diastolem supra consuetam orbitam suorum orificiorum praesertim in canali BE versus universam circumferentiam FF; quin imo in singulis Cordis pulsationibus, geminato nisu sanguinis, recto nimirum & reflexo, supra loca positorum impedimentorum, necessario membranae ipsius Arteriae non tantum penitus distrahentur, sed tandem dirumpentur, praesertim si aliae accesserint causae, de quibus in sequenti Propositione.

Neque sane difficile admodum erit praedictam adaucti, & geminati sanguinis impetus operandi rationem in Arteriis concipere, si advertatur, plumbeos canales fluxum devolutae

tae aquae dirigentes, ob solam quandoque obstructionem, vel compressionem, duplicato, ut superius exposuimus momento nifus excurrentis liquidi citra ipsa impedimenta, sensim laxari, ac dehiscere.

Sed quid opus est ut externis experimentis utamur, ubi admodum, clara in Animalium corporibus sese objiciunt exempla? Denudet quis in Cane Arteriam E. G. Iliacam, & mox vinculo stringat, vel alio comprimat corpore, inde exitum sedulo observet, & re ipsa docebitur, quanto major sit impetus, & distractio quaquaversum in illo Arteriae segmento supra impedimentum post ligaturam, quam ante ipsam extiterit. Legatur hac super re pulchrum illud tentamen Magni Harvei in Lib. de Circulatione Sanguinis Exercitatione III. pag. 214. ubi narrat à se factum experimentum, quod à Galeno & Vesalio indicatum potius, quam tentatum fuerat, scindendi nimirum transversim Arteriam, & inditâ fistulâ ipsam ligandi. Audiamus illius verba: inquit enim
 „ nam supra calamum, aut fistulam quamprimum, ac vin-
 „ culo Arteriam strinxeris, supra ligaturam Arteria statim
 „ ab impulsu sanguinis desuper impacti dilatatur ultra orbitam
 „ fistulae, inde & fluxus inhibetur, & impetus refringitur,
 „ ita ut Arteria vinculo subdita, obscure admodum pulset,
 „ quia est sine impetu transeuntis sanguinis, & quod supra
 „ ligaturam reverberatur, &c.

PROPOSITIO XXXVIII.

Deducitur ex multorum serie experimentorum, validam Arteriae compressionem, seu constrictionem, si diu perduraverit, & canalem impervium reddat, productioni substantiae polyposae superioris Arteriosi segmenti cavum obturantis occasionem praebere.

Illud plerumque in praeternaturali corporum constitutione solet accidere, ut vitium, quod simplex initio morbi fuerat progressu temporis geminetur, & quod à solidis incaepit, postmodum propagetur in fluida. Hoc sane evidenter apparet

tet in forti seu valida compressione, vel vinculo ipsarum Arteriarum; hae siquidem affectiones si diu perseverent, non tantum sanguinis excursum per illam Arteriam praepediunt, & morbosam ejusdem liquidi repercussionem inducunt, sed efficiunt, ut tenaciores quaedam cruoris partes, cum minus ad reflexionem sint mobiles agglomerari invicem, paulatimque lateribus Arteriae adhaerere incipiant, donec plenior ex novo affluxu facta moles consimilium particularum fila referentium, in densum & fibrosi speciem exhibens corpus, quod polyposum dicimus, coalescat.

Error autem posset hinc subrepere, si quis opinaretur hujusmodi polyposum concretum nonnisi scissa, ac dehiscente Arteria fieri, ut de crusta polyposa cystidem Aneurysmatis obducente alias monuimus. Etenim in Aneurysmate sacci formam aemulante crusta polyposa impedit, quominus cruor per Arteriae axem non interrupta circulatione fluere possit; Secus autem in spurio, de quo loquimur, Aneurysmate polyposum corpus Arteriae cavum plane obstruens rectam sanguinis viam praecludit, ac proinde eo in loco circulationem intercipit, coacto fluido ad laterales vias capessendas. Hinc saepe pulsus ex hac causa obliteratur in carpis, ut in Marchione Paulutio.

Probat verò nostrum de generatione polypi assertum ipsa experientia, quam saepe in Canibus firmavimus: etenim denudatam apud illos unam ex Arteriis Iliacis cerato filo ante constrinximus; deinde curandum vulnus eorundem salivae relinquentes post quindecim, aut viginti dies secata per longum Arteria, expositam polyposam concretionem citra ligamen offendimus; quam quidem concretionem canalis cavum ita opplevisse animadvertimus, ut etiamsi soluto vinculo omnis tubo libertas redire potuisset, obstructio tamen ab irruente postmodum sanguine non omnino tolli potuerit, quia nempe substantia polyposa, vel nunquam, vel non nisi longo tempore, seu repetitis pressurionibus, & salis volatilis alluvione rursus dissolvi potest.

Advertendum ulterius ducimus, nos vel nullam, vel minimam dumtaxat lateraliter canali haerentem invenisse poly-

posam substantiam, ubi compressio, & constrictio non adeo valida adhibita fuerit, unde fluxus liquidi à superiori ad inferius Arteriae segmentum subito non resistit, sed adhuc utrumque perduraverit; torrens etenim sanguinis, cum ad strictum locum pertingit, partim reverberat, partim vero impetu majori fluens crassiores sanguinis partes secum abripit. Sed in humanis corporibus aegritudine aliqua tentari coeptis res aliter potest evenire; nimirum ut vitium constrictionis canalis illico jungatur cum vitio fluidi ad stagnandum apti, unde polyposa concretio, quae tubi culpa non accideret, vitio fluidi acceleretur.

Deinde confirmatur exposita hypothesis diversorum extispicio cadaverum, in quorum puris Aneurysmatibus hujusmodi polyposa substantia viam cursus sanguinis Arteriosi plane obstruens, inventa fuit. Pulchra prae aliis videtur historia à Panarolo Pentecoste II. observ. XI. descripta, qui narrat Aneurysma, quod ad verbum transcribendum duximus.

„ Religiosus quidam cum esset quadrato corpore, ante mul-
 „ tos annos passus fuerat Aneurysma sub axilla dextera.
 „ Huic consulentibus Medicis, singulis quibusque annis ma-
 „ xima ex brachio opposito sanguinis copia hauriebatur.
 „ Accidit in eo tempore, dum nunquam tam jucundus, &
 „ promptior esset ad vitae functiones, illi repentina mors.
 „ Secto cadavere, Venam Azygos maximopere turgentem
 „ inveni, ita ut rumpi videretur. Venae item, & Arte-
 „ riae omnes, quae musculos intercostales dexteros irrigant,
 „ summopere tensae, pleneque erant, ita ut dum sectio
 „ fieret, circa claviculam, & axillam maxima sanguinis co-
 „ pia redundaret. Sed, quod maxime admirandum fuit,
 „ Arteriae Axillaris inspectio; ipsa enim non ut in reliquis
 „ Aneurysmatibus rupta, & corrupta erat, sed undequaque
 „ integra: eâ tamen differentiâ, quod circa Arteriam, &
 „ Venam Axillarem, atque intra cavitatem Arteriae caro
 „ quaedam alba, solida, dura, & cartilaginosa maximae
 „ portioni tam firmiter adhaerebat, ut secerni nullo modo
 „ posset, imo ferro mirifice resistebat. Unde cum via fan-
 „ guinis naturalis, & vitalis ad irrigandum brachium ex in-
 „ „ signi

„ signi interna obstructione paulatim clausa esset, retroce-
 „ dens sanguis Cor suffocando, partem illam inopinatae
 „ mortis falce refecavit.

Similiter apud Marcum Aurelium Severinum de Novissimis Observatis Abscessibus Cap. XXXIV. §. V. prostat historia Aneurysmatis Arteriae Caeliacae à Nicolao Larcheo Chirurgo Romano diligenter observati, cujus dissectionis descriptio talis est. „ Extorti igitur ab inferioribus postquam
 „ ad Arterias Emulgentes pervenimus, superata jam parte,
 „ qua Magna Arteria primos divaricatus mittit, corpuscu-
 „ la offendimus tria ex pituita concreta (hujus uber est mo-
 „ dus Arteriae longeque amplior quam Vena) vi caloris,
 „ opinor, sibimet ipsis incumbentia, quae obturamen-
 „ ti cujusdam modo Arteriae ductui sic offarcta transversim
 „ erant, ut spiritui se transfundenti praeccluderent viam;
 „ continuo autem ad superiora facto transgressu, tandem
 „ Caeliaca sese obtulit ita dilatata, ut compressum pugnum
 „ admitteret, quae naturae suae modo vix annularis digiti
 „ crassitudinem aequat, in quo sinu sanguis abunde stagna-
 „ bat ater, grumofus, in putredinem abeuntis imaginem
 „ praeferebens: a quo uno Arteriae sic depravato statu pro-
 „ sectam interitus causam nemo est qui dubitet. Attente
 perlegenda historia prima Observationum Anatomico-
 Medicarum Johannis Baptistae Fantoni, in qua describitur
 Aneurysma Arteriae Magnae paulo supra Iliacas in viro
 carnosus habitus, frequentibus animi deliquiis, & vagis ven-
 tris doloribus vexato, in quo post mortem infra locum A-
 neurysmatis aderant crassissimi polypi, qui sanguinis fluxum,
 versus Iliacas impediabant; sed jam tempus est, ut ad alia
 procedamus.

PROPOSITIO XXXIX.

Demonstratur adauctum, ac geminatum impetum sanguinis; qui ab initio spurium efficit Aneurysma, verum, & legitimum raro inducere posse, quin vel solito graciliores alicubi inveniat Arteriarum membranas, vel in locis peculiaribus, ut erodens liquidum ad causae vim accesserit.

Nostra haec Propositio habet duas partes, primam, in qua assumimus Arterias nonnisi raro per auctum impetum rectum, & reflexum sua natura laxari, ac dehiscere posse, secundam, in qua probare aggredimur, per geminatum hunc impetum facilius, ac frequentius Arterias scindi non posse, verumque producere Aneurysma, quoties eidem insita tubi gracilitas, vel erodens indoles circumfluentis, atque excurrentis liquidi pertinaciter non adjungitur.

Prima pars facile probatur cum rationibus, tum experimentis à priori quidem; quia licet ponatur dirigi contra resistantiam peculiaris Arteriae utrumque sanguinis impetum supra ordinarias leges: adauctum, nisi Arteria fuerit exilis, atque extrema (ut in parturientibus, & diu, violenterque vomentibus interdum accidit) per solam istam vim impetus vix poterit dissilire: eo quod in Arteriis considerari debet non solum resistantia, quae proficiscitur ex propriis tunicis, sed etiam illa superaddita resistantia, quae proficiscitur ex multiplici complexu membranarum, glandularum, aut musculorum, quae ubique locorum ipsas Arterias circumvalidare solent. Unde etiam si praedicta sanguinis vis naturalem solius Arteriae resistantiam posset superare, non ita facile renisum circumpositarum partium vincere potest.

Experimentis etiam thesis nostra probatur: etenim quoties amputato, aut ligato membro, vel in convulsis, aut ossibus Arteriis apud hypochondriacos, & hystericas fortis pulsatio per sentita fuit, quae licet pertinax ad annos perduraverit, nihilominus in apertum Aneurysma nunquam transiit; spurium enim Aneurysma cum sola Arteriosi tubi distra-

fractione interdum diu perseverat: Cujusmodi fuit, quo Religiosus quadrati corporis, referente Panarolo loco supra citato, ante multos annos sub axilla citra ullam rupturam, aut corruptionem detentus fuerat; secus vero spurium Aneurysma optime cedit cum placida medela solutis vinculis in naturam redit Arteriae.

Quantum vero spectat ad alteram Propositionis partem demonstrandam, hoc sane longe facilius assequi poterimus, si Auditores nostri ineminerint, quae alias docuimus de insita, sed praeternaturali Arteriarum gracilitate, & de adjunctis pravis humoribus ad alias causas.

Etenim si corpus Arteriam obstruens, vel comprimens erodentes aliquas particulas de se promat, vel aliunde ex sanguine, aut nervis in affectam Arteriam derivet (quod sane aegro in corpore contingere facillimum est) quae intra fibrosam canalis texturam veluti cunei penetrantes illam sensim diducant, simulque discindant, in Aneurysma spurium ab initio, denique in legitimum transit, & adolescit. Quod nos octo abhinc annis vidimus in aperto cadavere cujusdam Caesidici affectione hypochondriaca vexati. Hic multos annos consuetam Arteriae Caeliacae pulsationem ex spasmo exortam passus fuerat, sed postremis duobus annis pulsationi etiam tumor malo punico aequalis adjunctus fuerat, in eo ramus Caeliacae Arteriae, quae primum sola convulsione laboraverat, sensim fluidi impetu, & erodentis vi adeo dilatatus fuerat, ut marsupium formaverit caenoso, ac polyposo humore cursum sanguinis in Arteriolas obstruente plenum, quod postremo dehiscens, & progressu temporis apertam versus partem, quae incolumi Arteriae segmento finitima erat, exundante intra cavum Abdominis Arterioso sanguine subitam aegroti necem induxit. Exemplum aliud Aneurysmatis spurii inchoati nempe à plenitudine sanguinis Aortam distendentis, ac demum in legitimum adolescentis ob adjunctam fluidorum acritudinem, & erodendi vim clarum, si quod aliud extat apud Saporam De Tumore Praeternaturali Lib. 1. cap. 43. de quo miror quomodo à Sennerto dubitari possit, an verum fuerit Aneurysma,

Neque vero hic praetermittendum videtur, quod alias monuimus, circa insitam Arteriarum gracilitatem, quae cum in aliquibus corporibus consueto minus robusta ad resistendum impetui sanguinis reperiatur, facile fieri potest, ut E. G. in bajulis, tibicinibus, parturientibus ob adauctam, respirationis contentione, vim propulsionis sanguinis major nisus in particulari Arteria determinetur, quae minus valida, aut suapte natura, aut ex obice fiat ad resistendum; unde necessario cogitur dehiscere, ut in antecedentibus fufius demonstravimus.

Interim satis fuisse arbitramur, si rationes exposuerimus, cur ex bajulis, caeterisque violentos conatus exercentibus, nec non ex aliis qui obstructas alicubi Arterias habent non omnes in vera incidant Aneurysmata.

PROPOSITIO XL.

Quod Medici tanto studiosius debent inquirere in scientiam incipientium spuriorum Aneurysmatum, quanto haec, si statim cognoscantur, minus difficulter, quam pleraque legitima, curari soleant.

Cum Aneurysmata spuria initio adjunctam minime habeant diminutam resistantiam Arteriarum ad consuetum sanguinis impetum, sed auctam solum contentorum fluidorum vim; cumque probatum superius jam sit, auctam vim sanguinis vix posse legitimum Aneurysma producere, quin vel ipsius infirmitas Arteriae, vel erodens liquidum accesserit, sequitur, ut spuria Aneurysmata, si ab initio cognoscantur, facilioris sint medelae, quam legitima, quia tunc probabilissimum est, nondum superadditam esse labem in Arteriarum tunicis, ob quam major fibrarum debilitas, seu minor resistantia induta sit. Adnitendum itaque erit in principio istarum aegritudinum, ut causa tollatur adaucti impetus in sanguine; quod facilius est assequi, quam resistantiam solidis addere. Atque hinc profecto fit, ut passim curata observentur huiusmodi Aneurysmata in plethoricis, atque hypochondriacis, quorum medela, si diu neglecta fuisset, fru-

straneus postea omnis labor extitisset; quia nimirum, ut supra demonstravimus, Arteriae ex aucto, & duplicato impetu sanguinis una cum accessione liquidi erodentis non aegre debilitari solent. Idcirco etiam atque etiam Auditores nostros monemus, ut quae in sequentibus tradituri sumus, non tanquam obiter dicta, sed veluti diu elaborata, & ad lydium experimenti lapidem revocata studiosè velint excipere; frustra enim laboramus in curatione illorum Aneurysmatum, quae jam erosas, habent membranas, quas nulla acus rursus potest confuere.

PROPOSITIO XLI.

De differentiis, & signis Aneurysmatum pendentium à vi cunei plenitudinis sanguinis.

Quamquam sanguinis plenitudo cum ad extremum pervenerit, motus omnes in Animali reddere soleat languidiores, eo quod tollat in minimis vasculis, & loculis necessarium illud ad concidendum, ac resiliendum spatium, sine quo liquidorum separationes, & fibrarum distensiones, contrariis urgentibus visibus fieri non adeo facile possunt: quapropter si segniores ad motum evadunt, quorum corpora sagineata magis fuerunt; nihilominus cum plenitudo mediocris juncta magnis extemporaneis conatibus, vel membrorum compressionibus, & curvaturis, aut vitio insitae gracilitatis Arteriarum, multum faciat ad vasorum dilatationes, & causa esse possit non infrequens Aneurysmatis, ideo de hac nunc agendum ducimus.

Illud vero prae primis advertimus communi omnium Medicorum, & Chirurgorum observatione exploratum esse; ingluviem frequentiore esse Aneurysmatum causam, ut nos fateri possimus, ex centum Aneurysmatibus sponte, seu absque ullo externae causae concursu obyvenientibus, plus media parte in gulosis, & bibacibus vidisse; reliqua autem in hypochondriacis, hysteris, & syphillide obsessis. Vide quae docte, prudenterque scribit Marcus Aurelius Severinus De Novissimis Observatis Abscessibus Cap. VII. pag. 177., & apud

apud eundem confer ea, quae tradit Nicolaus Larcheus in Observatione quadam Aneurysmatica data ad D. Marcum Aurelium Severinum, & loco citato adnexam pag. 280.

Sed quoniam ingluvies, juxta diversa alimentorum potuumque genera, necnon reliquae vitae rationem, duplicem plenitudinem facere solet, unam sanguinis laudabilis, hoc est sale volatili-oleoso praeditam, alternam verò cacochymam, crudorum nempe succorum sale fixo acetoso in plegmate dissoluto redundantem, ab utraque sane proficitur Aneurysma, si praesertim insita alicujus Arteriae debilitas, vel ignota nobis occasio malis ovis incubatum adjunxerit.

Et quamquam plenitudo optimi sanguinis rarius Aneurysma soleat inducere, nisi constrictionem, seu compressionem alicujus Arteriae, vel animi pathema prodromum, & comitem habuerit; idcirco malum hoc cognoscitur, quia fortis pulsatio incipit in corporibus robustis, & laudabilem constitutionem, cum genarum rubore, & lacertorum validitate, prae se ferentibus, quibus tamen vel improvus aliquis timor, vel pertinax maeror liberam per ipsa Praecordia circulationem praepediverit, aut vita sedentaria, & compressio, vel curvatura alicujus membri causam dederit, cur particularis Arteria amplè, nimiumque distracta sponte laxata fuerit.

Aneurysma verò ortum à plenitudine cacochyma, facilius cognoscitur, tum quia anteaetum vitae genus jam congestam humorum urgentium copiam plene demonstrat, tum vel maxime; quia ab ipso aegro hinc illicque per corpus pulsationes quaedam praesentiuntur: eo quod Arteriae suis in finibus ob liquidorum copiam leviter obstrui, & ob fibrarum irritationes convelli solent, ut intercepta sanguinis ab Arteris in Venas immissio ejusdem reverberationem intercepta sanguinis ab Arteris in Venas immissio ejusdem reverberationem ad latera identidem efficiat, donec in particulari Arteria plenitudo ista, validiori inducta obstructione firmiter determinetur, & fundamenta spurii Aneurysmatis jaciat; sed a signis transeamus ad Therapeuticam, & ad peculiare aetiologicaliarum Aneurysmatum aetiologias.

PROPOSITIO XLII.

Agitur de curatione Aneurysmatum à vi cunei plenitudinis sanguinis.

Ut juxta veriores methodum procedat curatio praedicti Aneurysmatis, distinguenda erunt illius tempora; etenim si Medicus accersitus fuerit incipiente malo, tunc secta semel, atque iterum Vena ad minuendam collecti sanguinis molem, nec non exhibitis lenibus ex cassia, & tamarindo solventibus, una cum placidis diluentibus, ex juribus borraginis, sonci, & similibus, nec non nitro sibiato, totus esse debet in rigida instituenda victus ratione. Quantum namque mero, & esca immodica primum se compleverat aeger ad morbum excitandum, tantundem etiam Cereris, & Bacchi parcitate longa uti debet, ita enim peritissimus Severinus De Novissimis Abscessibus Cap. VII. in scholio num. 8. se restituisse narrat Carolum IX., qui cum primum Aneurysmate ex nimio sanguine erupturum vidit, statim abstinentia repressit.

Neque nobis defuerunt exempla consimilium morborum, qui si vetustatem attigissent, tamquam insanabiles relinquendi fuissent: principio tamen rigidam vivendi rationem, exercitatione corporis jejuno ventre, nec non aëris mutatione remiserunt.

Si verò Chirurgus suscipiat curationem confirmati, & jam in legitimum mutati Aneurysmatis, tunc satis erit, si cœnatus omnes impendat in prohibendo, ne universus sanguis nimiam copiam redundans, vel sibi construat impedimentum ad motum in praecordiis & cerebro, aut Aneurysmatis cystim dirumpens subitam necem possit inferre; alterum enim contingere solet in antiquis, quamquam spuris Aneurysmatibus à plenitudine ortis; apud observatores Medicos adeò frequentes leguntur eorum historiae, qui extemplo vitam cum morte commutarunt, in quorum cadaveribus, vel turgens dilatatorum in Cerebro, & Praecordiis vasorum plenitudo, vel aliquo in cavo effusus sanguis occurrit.

Prohibetur autem potissimum humores turgere, si stas temporibus vere nimirum, & autumnno corpus sanguinis missione extenuetur, cujus auxilii profectò indicatio non ex sola aegri consuetudine, aut Medici inconsulto arbitrio sumenda erit, sed ex ipsis incipientibus indiciis adauctae molis sanguinis: Haec autem sunt segnities ad motum, Praecordiorum angustia, Capitis gravitas, calor, aut dolor. Saepè enim vidi aliquos, qui unum vitare cupientes malum, alterum funestius, nempe (ob nimiam sanguinis detractio- nem) cachexiam, & hydropem incurrerunt. Adeò verum est, prudentiam in Medico potiore esse suarum virtutum partem.

Deinde moderata quoque victus ratio, quae ad tenuem potius quàm ad mediocrem inclinet optimum erit praesidium ad evitandam, ut superius indicavimus, vasorum plenitudinem; cùm autem in secundo hoc Aneurysmatis statu corporis exercitatio vitari debeat, ne nimiae distensionis affectae jam Arteriae cuneos addamus, eò magis necessarium arbitramur praesidium, quod à vitae parcimonia proficiscitur, in qua illud etiam diligenter cavendum, ne acetariis, acribus, acidis succis utatur aeger, cùm jam demonstravimus, spuria Aneurysmata accessione acrium succorum, facile in legitima & omninò lethalia passim immutari.

Neque interim despiciamus decoctiones aliquas vulnerarias, quae sectà Venà ad aliquot dies propinari possunt, ut vasorum robur, ac fibrarum vis, quo fieri per Medicum potest, firmetur.

PROPOSITIO XLIII.

De variis speciebus spuriorum Aneurysmatum ab Arteriarum convulsione oriundis.

Inter Aneurysmata spuria non infimum certe locum tenent ea, quae à nervearum fibrarum spasmo dependent; cùm enim Nervi hîc illicque hederæ ad instar Arterias circumligent, ita in earundem fibrosam compagem ad motum tunicarum adversus Cordis impetum probabiliter reciprocandum,

dum , altè propagentur , ac penetrent , si contingat, quemadmodum in reliquis Nervis solet accidere , ut alicujus Arteriae Nervus spasmo afficiatur , tunc necessario ob suorum contractionem villorum , ipsa quoque muscularis ejusdem tunica convellatur oportet , ac proinde , ut Arteriosi tubi diameter ibidem constringatur , indeque sanguis versùs Cor inflectatur , vel saltem versùs partem superiorem Arteriae, caeteraque contingant, quae hinc evenire diximus Propositionibus antecedentibus.

Hujusmodi autem spasmodica affectio in Arteriis plures habet differentias , sed duas praesertim ; modò enim corripit fibras longitudinales , modò obliquas , seu spirales , nunc verò unam , nunc plures una , scilicet Arterias.

Quoniam Arteria , ut suo loco demonstravimus , obliquis sese mire decussantibus fibris instruitur , simulque longitudinalibus , fictas eas contractionum distinctiones nemo dixerit, qui tum in mortuorum Anatome , tum in vivorum de praxi diu fuerit exercitatus.

Similiter cum Nervi non in Aortam solum , sed in singulis artuum flexuris , & potissimum intra Abdomen miros ob fines intra substantiam Arteriarum disperdantur , hinc sane fit , ut interdum Arteriarum convulsiones nunc fiant circa Cor , nunc in Abdomine , & circa Uterum , nunc in singulis fere extremis oscillis eorundem canalium. Quod aliquando observavimus apud nonnullos , qui multo saepe acriter redundantes identidem violentissimas extremarum omnium Arteriarum pulsationes perenserunt , donec & quousque tota quanta vagabatur per corpus uno in loco cumalata erodens materia (nisi cicurata fuerit) verum produxerit Aneurysma. Legatur apud Paraeum Lib. VI. Cap. XXVIII. celebris historia pulsationis insignis omnium Arteriarum , cum aestu totius corporis , cui tandem Aneurysma ipsius Arteriae Venosae successit.

PROPOSITIO XLIV.

Traditur diagnosi ex historia convulsionis fibrarum longitudinalium Arteriae.

Cognoscitur verò fibras longitudinales Arteriarum spasmodetineri, quia aegrotantes pulsationes quasdam perfentiunt in Praecordiis una cum sensu molestissimo tractionis, ac divulsionis plurium Arteriarum à finibus versus principium, quòd cum evenit, non dubito quin obliquae etiam fibrae una convellantur, attamen vitium laesionis in fibris rectis potissimum apparet; & quanquam rarissima sit hujusmodi morbi species, eam nihilominus pluries vidi, sed praesertim primò in muliere hysterica, quam sedulò per intervalla paroxysmo detentam observavi, in quo mirabile occurrebat symptoma palpitationis Cordis, & magnae palpitationis ampliatarum Arteriarum temporalium, & carpi cum dolore ex earundem contractione, seu versus Cor retractione. In his autem affectibus probabile admodum est, superiores Aortae ramos convulsionem per longitudinem passos fuisse, unde constrictis hisce tubis non solum cohibebatur elutriatio sanguinis ab Arteriis in Venas, sed quod in iliaca contingit affectione, antiperystaltico excitato motu fluidum contentum repercutiebatur ad Aortam, & Cor, ubi palpitationem, & angorem ciebat. Mulier haec mutatione tum aëris, tum variorum, quibus ejusdem animus agitabatur, objectis, optimè convaluit.

Novi etiam juvenem fusci coloris, & melancholicum, qui in oppido Bracciano Medicinam exercebat: hic post multa animi pathemata, & varium acido-acrium ciborum abusum in quandam Praecordiorum, & Axillarium Arteriarum affectionem inciderat, quae non solum Cordis palpitationem cum sonitu, sed vehementem pulsationem in utroque carpo una cum sensu violentissimae, & dolore contractae Arteriae identidem aequi temporis intervallis inducebat: crevit morbus ad usque probabilem suspicionem dilatati juxta Cor magni alicujus vasis: is cum variis ex fero, succis, chalybe, cardia-

diacis, purgantibus, aliisque medicamentis, ac sanguinis missione se macerasset, venit Romam inter initia veris, ac me potissimum super curatione consuluit. Ipse audita morbi historia, suspicabar, ichores acres, quos brevitatis gratia dicimus melancholicos, tum in Corde, tum in Arteriis Axillaribus fibras praesertim longitudinales pungere, atque irritare; hinc enim perturbato, ac diminuto per contractionem diametro Arteriosi canalis perturbabatur libertas trajectionis sanguinis ab Arteriis in Venas Axillares; unde reflexio, atque repercussio ejusdem sanguinis ad suum principium. Damnantis idcirco caeteris pharmacis laudavi pertinacem usum succi pomorum redolentium in jure cum balneo aquae dulcis, nec non oleo amygdalarum dulcium, & vini abstinentia. Post annum ad Urbem rursus rediens aeger iste mihi ingenue confessus est, se solo succo pomorum per duos menses sumpto integre convaluisse. Adeo verum est cum initia, tum remedia magnorum morborum, plerumque esse pusilla.

Hinc tamen à minus in Arte peritis tamquam per Corollarium notatum velim, palpitationes Cordis, & varias Arteriarum pulsationes nisi quamprimum opportune curentur, in vera transire Praecordiorum Aneurysmata, nulla deinde curandi methodo cedentia.

PROPOSITIO XLV.

Exponitur diagnosi, & curatio spuriorum Aneurysmatum ex convulsione circularium spiraliū fibrarum Arterias comprehendentium.

Haec affectio ut plurimum corpora valetudinaria corripit nervosis affectionibus obnoxia, cujusmodi praesertim sunt hypochondriacorum, atque hysteriarum; In iis enim vel Nervorum succus acer factus ad Arteriarum spasmos descendit aptissimus, vel ichor Nervis infestus per Arteriolas in fibras tunicae majorum Arteriarum delatus spasmodicam affectionem, ratione superius allata, creat.

In Caeliaca vero Arteria frequentissime hujusmodi accidunt Aneurysmata, ut experimentis passim Docti referunt, quos

inter Riverius de Melancholica hypochondriaca, & nos etiam allatis exemplis superius demonstravimus, & ratio potissima est, quia hujusmodi canalis est obliquus, & variis Nervorum plexibus, quasi habenis cingitur, ac moderatur; unde cum apud hypochondriacos fermenta primae digestionis à naturali dulcedine sint devia, fibrosas, nervosafque (quae plurimae in Abdomine existunt) partes nonnihil convulsas perpetuo solent detinere, quemadmodum aperte demonstrant alvus adstricta, ventris tormina, tensiones, ructus, borborrygmi, & similia: cumque ex chylo austeris, ac peregrinis salibus scatente, lymphæ, & succus nerveus consimilis pariter indolis soleant rursus gigni, hinc sane evenit, ut paulatim res eo perducatur, ut membranae etiam extra intestinorum cava positae convelli incipiant, donec fibrosa Arteriae Caeliacae compages una convellatur; id quod primum ex identidem recurrente molesta, ac postmodum continua, gravique pulsatione innotescit, quae ubi ad annos nullis cedens remediis pertinaciter producitur, tumoremque in stomachi fundo, pressionibus pulsatilem secum fert, certo certius in verum migravit Aneurysma, quod tandem rumpitur, & necem aegrotantibus affert, ut admotis exemplis superius confirmavimus.

Sed cum certissimum sit, hujusmodi mala, si ab initio prudentem expertumque Medicum nanciscantur, non aegre curari posse: Idcirco dabimus hîc exemplum de victo inter initia hujus generis Aneurysmate.

PROPOSITIO XLVI.

Describitur exemplum sanati spurii Aneurysmatis Arteriae Caeliacae, & inferioris Aortae.

Illustrissimus Marchio Litta Mediolanensis juvenis studiosus, & melancholicus sensim ob affectionem hypochondriacam eo pervenit, ut de alio nihil magis conqueretur, quam de magna pulsatione Arteriae Caeliacae; & inferioris Aortae, quae non tantum tangenti manui obvia erat, sed aegrotanti adeo molesta; ut anhelitum & Cordis angorem
iden=

identidem induceret. Plura ad hanc rem tam Mediolani, quam Romae adhibuerat pharmaca, sed invicto semper morbo. Tandem cum ejusdem falus doctissimis practicis DD. Baglivo, & Palillo commendaretur, meum etiam exoptarunt consilium: Coepta itaque curatio est primo per emollientia admisto oleo amygdalarum dulcium per octiduum in jure sumpto, tum extra & intra fotibus, & clysteribus; deinde aquâ nncerianâ tepenti diluculo sumptâ acrium salium solutio, & elixiviatio, nec sine fructu, tentata est; denique balneo aquae dulcis paulo, quam solemus tepidiori absoluta fuit medela. Serum porro irritans fusum per cutis meatus discussum, ac per urinae vias fuit eliminatum, neque sane abs re alicui videbitur blandum sudorem promovere iis in morbis, cum diluta, & fatis fluida reddita fuerit causâ, quae vires accepit ab inertia corporis, atque à vita sedentaria, per quam in studiosis major Arteriae Caeliacae, & Iliacarum curvatura efficitur, majorque proinde praebetur ansa sistendis, seu determinandis actibus circa illas in ichoribus. Post aliquot annos revisimus Nobilem hunc aegrotum, qui acidulis chalybeatis omnino convaluit.

Similem, licet diversa in parte, vidit Roma morbum, felicemque exitum in Jurisconsulto D. Carolo Vernino Auditore Eminentissimi Cardinalis Nerli. Hic cum esset biliosus, summeque mobilis corporis, & ingenii, sensim tensione quadam in crure dextro corripit coepit, quae Arteriae primo pulsationem, dein tumorem induxit, quod sane mali genus multis accersitis Chirurgis Aneurysma indubie creditum, & appellatum fuit. Et quoniam in diversa abierunt curantium consilia, relicta truci, & periculo plena sectionis, vel ustionis viâ, peritissimus tunc temporis Chirurgus Magnanus una cum Excellentissimo D. Denza illius Medico primum fotibus, deinde balneis aquae dulcis, nec non interioribus diluentibus, & lacte asinino curationem ad umbilicum perduxerunt; subsedit enim, & evanuit tumor, indeque aegrotus iste per sexdecim annos sanus vixit, & acuto dumtaxat malo correptus decessit.

Plura adhuc ex convulsionibus suborta vidimus Aneurysma-

mata in delicatis nutricibus, quae cum supra vires infantibus lac praebere studuissent, saepe alicubi Arteriarum pulsationibus cum dolore correptae fuerunt, quae nisi lactare desissent, in tabem, & vera Aneurysmata perductae fato cedere debuissent.

Sed quoniam frequentissime accidit, ut Aneurysmata Auricularum, & Ventriculorum Cordis a convulsione incipiant, ea ratione moveor ad subnectendas huc Propositiones, quae modum explicent generationis istorum Aneurysmatum, necnon methodum, qua ab initio feliciter curari possunt.

C A P U T V.

*De Haereditaria ad Cordis Aneurysmata constitutione:
& de Cordis prolapsu.*

P R O P O S I T I O XLVII.

Exponuntur exempla haereditariae ad Cordis Aneurysmata constitutionis.

Cum apud Hippocratem clara extet doctrina propagationis morborum à parentibus in filios, cum ex fluidorum vitiiis, praesertim de morbis num. primo per haec verba: *Et quia Animal secundum parentes enascitur tot humorum species, & sanorum, & morbosorum in se habet*; tum etiam ex solidorum culpa ut de morbo sacro num. 5. *ex lienoso lienosus, ex tabido tabidus nascitur*, nemo inficiabitur Cordis vitia à parentibus in filios propagari posse. Profecto hujusmodi labes, quandoque inuritur, seu traducitur à primordiis generationis, scilicet cum radix Venae Cavae, Auricula, & Ventriculus dexter languidiori, & laxiori fibrarum nexu coalescit, sinistris interim parietibus cavorum Cordis multo validioribus, tunc enim adolescente sensim Praecordiorum mole, dilatatio dextrorum cavorum, leves ob causas incipit manifestari, nimirum, vel ob violentos corporis animique motus, vel ob aliquem acrium ciborum abusum.

Istius autem hereditariae affectionis non leve signum est pul-

pulsatio quaedam in dextero Cordis latere, quam affecti alioquin sani percipere afferant, post violentas corporis exercitationes, aut post crapulam.

Hujus profecto rei clarum nobis praebuit testimonium nobilissima quaedam familia, in qua quatuor sese ordine excipientes generationes, Proavum nempe, Avum, Patrem, & Filium, pessimo hoc mali genere vexatos fuisse nobis innotuit.

Proavus quidem generosissimus alioquin vir cum plane ignoraret laethalem suae affectionis naturam, apud amicos interdum ludere solebat, se duplici Corde à natura donatum fuisse, ictum enim in dextera thoracis parte identidem per sentiebat; Hic autem manifestato post aliquot annos dexteri Ventriculi Aneurysmate decessit.

Hunc deinde sequutus est ejusdem filius nihilo certe minus Parente suo generosus, ac prudens, qui variis per Europam itineribus, ac publicis, privatisque muneribus distractus affectione tandem hypochondriaca detineri coepit, cujus gravissimum erat symptoma frequens Cordis palpitatio; cui cum Praecordiorum angor, anhelitus; aedematosus pedum tumor, sepulta quaedam pulsatio dextero thoracis in latere, nec non magna Venarum Jugularium fluctuatio adjungeretur, paucis dubium fuit, quin dextera Cordis cava Aneurysmate fuissent obsessa; aliquis enim minus in praxi Medica, & Anatome exercitatus, huic opinioni aniliter repugnabat, donec aperto hujus aegri cadavere, inventa fuerunt praedicta cava stricto pugno capaciora.

Hic vero me temperare nequitiam possum, quin empiricis quibusdam istius Magnatis curantibus irascar, qui cum illum palpitatione Cordis primum tentari observassent, spiritibus, volatilibus, & aromaticis ad discutiendos, ut ipsi putabant, flatus, maxima cum aegrotantis pernicie ignaviter utebantur; Hi enim spiritus distractionem fibrarum Cordis mirum quantum accelerarunt.

In tertia pariter generatione vivit adhuc juvenis quadragenario major, qui cum quadragesimalibus praesertim cibus vescitur, pomeridianis horis molestam sentit in praedicto pecto-

ris latere pulsationem, quae usque adhuc quiete corporis, & somno paulatim recedit. Utinam huic etiam par finis non sit futurus.

In quarta demum generatione filiolum fratris superius descripti juvenis ante quatuor annos puerorum epilepsia mortuum, Anatomico cultro subjecimus, & in eo hereditariam hanc Praecordiorum labem offendimus.

Quod in dexteris Cordis cavitatibus nos hactenus observavimus fieri potest, ut in aliis etiam canalibus accidat.

PROPOSITIO XLVIII.

Agitur de aucta mole totius Cordis cum Aneurysmate, & productione, seu casu ejusdem supra diaphragma.

Adeo sunt diversa, & gravia Cordis mala, ut frequenter vel ipsius augmento molis una cum Aneurysmate laborasse deprehendatur; Neque autem intelligimus hîc pro molis augmento solam cavorum dilatationem, sed fibrarum crassitudinem, & soliditatem una cum advoluto adipe, qui basin Cordis solito majorem, ac ponderosorem faciens, universum hoc viscus gravius reddit, quam ut à solita suorum vasorum resistentia suspendi, aequarique possit.

Hoc sane malum non Cordi dumtaxat, sed singulis pene visceribus quandoque solet accidere, ita & nunc Hepar, nunc Ventriculus, nunc Lien, Pancreas, Uterus, aut Renes vitio stagnantium, aut interemptorum fluidorum in solito majorem molem augeantur, indeque eorundem viscerum prolapsus, ac descensus proficiscerentur.

Neque hîc sane Lectorem nostrum fatigabimus longo causarum, ac symptomatum, seu signorum examine, quibus in hujus mali cognitionem venire possit, satis enim felicius, ac facilius haec omnia assequi posse censemus sedula exempli historia quod omnium causarum symptomatum, atque extispiciis enarrationem comprehendens, singula explicabit, quae ad theoriam, ac praxim docendam sunt necessaria.

Apud Observatores Medicos, quantum hactenus legere

potui, umbratiles dumtaxat istius mali historiae reperiuntur, quemadmodum est ea, quae à Petro Marchetto traditur suarum Observationum Chirurgicarum Observ. XLIX. per haec verba :

„ Venetus quidam annorum quadraginta temperamenti
 „ calidi, & humidi, crapulae deditus de difficultate respira-
 „ tionis, & hypochondriorum angustia conquerebatur, qui
 „ multis adhibitis frustra remediis Patavium cum venisset,
 „ postera nocte morte repentina extinctus est.

„ Hujus aperto cadavere in hypochondriorum regione ni-
 „ hil quidem praeter naturam se prodidit. Verum in tho-
 „ race Cor adeo amplum observavi, ut tria naturalis magni-
 „ tudinis aequaret, ventriculis itidem amplissimis, ejus
 „ capsulae, ubique pressius adhaerebat, superiori, ac latera-
 „ libus partibus, pleurae etiam annexum; inferiori vero dia-
 „ phragmati, nec solum membranosae ejusdem parti, sed ob
 „ ejus molem carnosae quin etiam; ex quibus conjicere non
 „ praeter rationem fuit, praefatam gravem respirationem,
 „ non aliunde ortum duxisse, quam à pulmonum, & dia-
 „ phragmatis compressione, quae & causa fuit doloris hy-
 „ chondriorum, & potissimum distensio ejusdem.

Neque ab ista admodum abludit historia, quam legimus apud Miscellanea Naturae Curiosorum decade prima tom. V. obs. XL. in qua maximum Cor supra diaphragma demissum cum dilatatione ingenti Venae Cavae.

Sed quoniam utilitas, quae magna ex observationibus ducitur, tota quanta est ex integra, & absoluta venit historia, quae non solum postremum aegri statum, sed naturalem ejusdem constitutionem, occasiones unde is aegrotare coeperit, primas, & mox ordine succedentes singulos morborum gradus proponat, ac rimetur, denique si aeger decesserit minutam cadaveris tradat inspectionem, alias enim rudis, informis, atque empirica dumtaxat mali notio confurgit, quam interdum ignorasse fatius, quam notuisse ducendum esset, melior enim male picta tabula quaecunque rasa est.

Propterea necessarium ducimus unam absolute, & non perfunctorie delineatam observationis schedam proponere,

ut inde omnium complexum tam causarum, quam signorum istius mali possimus eruere.

C A P U T VI.

De Cordis Aneurysmatibus.

Doctrina haec summopere necessaria videtur, non tantum, quia frequentius malum est Aneurysma cavorum, & vasorum Cordis, quam vulgus Medicorum ob raras ab iis tentatas cadaverum sectiones hactenus putaverit, sed potissimum, quia occultae multorum malorum causae sunt, investigandae, quae in ipsis Cordis cavis dilatatis, vel obstructis repositae sunt. Puto liquidem nonnulla suffocativa asthmata, contumaces Cordis angores, ac fluctuationes frequentes, pectoris hydropes, ac praesertim subitaneas mortes uno ex fonte, inaequalibus videlicet, atque repente diruptis vasis Cordis, pendere, ut pluries attentata cadaverum sectio me docuit. Quare ut materies tanti momenti dilucide tractari possit sequentibus insistemus.

P R O P O S I T I O XLIX.

Demonstratur Cordis cava, & majora vasa difficulter per simplicem erosionem interioris superficiei dilatari posse.

Ut pateat veritas istius Propositionis, notandum est, sanguinem nullibi velocius, & rapidius, quam per majora vasa, & cava Cordis moveri. Unde fieri nequit, ut cum primum in fluidis erodentia salia emergere, atque vim exerere incipiunt tamdiu ibidem separata, atque à caeteris sejuncta partibus commoventur, nec impetu universi sanguinis abrepta, nec multigenis ejusdem particulis lenibus, ac temperatis diluta, ac retusa, donec Cordis fibris exesis, atque abrasis, interiorem ejus superficiem dissolvant.

Id autem praecipue Medicorum experimentis passim confirmatur. Abscessus enim, exesiones, vel ulcera Cordis in

extrema maxime superficie; aut intra musculares tum vasorum, tum Cordis fibras, raro intra cava contigisse observant; quia nimirum liquida erodentia in magnis cavis raro, & non nisi in mox morientibus separata, pura, ac quiescentia, quemadmodum in Pericardio, aut minimis Coronariis vasculis reperiuntur.

Deinde quotiescumque Cor exterius erosum, aut abscessu tentatum fuerit, non proinde legimus, aut vidimus Aneurysmate laborasse, nisi una simul magnorum canaliculorum, & orificiorum obstaculum accesserit, ut inferius demonstrabitur.

PROPOSITIO L.

Aneurysmata Cordis & majorum vasorum facilius per diuturnam vim repercussi sanguinis accidunt.

Ad evidenter Propositionem hanc demonstrandam satis esset advertere ex communi omnium Practicorum, quos apud Bonetum in sepulchreto Anatomico legere poteris, & ex propria observatione Aneurysmata Ventriculorum, Auricularum, Venarumque Cavae, & Pulmonicae nullibi facilius inveniri, quam apud illos, qui diuturna Cordis palpitatione, vel pertinaci aliquo asthmatis, aut catharri genere, vel terrifico, diuque detinente gravi ipsius animi pathemate vexati fuerunt; etenim in iis omnibus (quaecumque sit, & quomodocumque operetur causa) impeditur libertas trajectionis sanguinis in eadem vasa, & cava Cordis; ob impeditam autem trajectionem necessario sanguis in eadem vasa, & cava repercutitur; igitur erit in propatulo per vim repercussi sanguinis hujusmodi cava facile distendi posse.

At enim vero, ut hanc hypothesim dilucidius, ac distinctius exponamus opportunum censemus, singulos praedictos morbos, qui plerumque Aneurysmatum Cordis sunt prodromi, accuratius perpendere, ut illorum natura discussa atque explanata, nihil reliqui fiat, quod nobis tenebras offundat.

Primo itaque extra dubitationis aleam positum est, palpitationem esse frequentiore causam Aneurysmatum Praecordiorum, in quantum in palpitatione, non semper, vel solum aucta Cordis systole, sed perpetuò impedita libertas excursus ejusdem sanguinis à Cordis Ventriculis in arterias vel à majoribus Arteriarum radicibus in proximos ramos conspirat (unde in omni palpitatione pulsus exiles, inaequales, & saepe intermittentes, non magni, pleni, & aequales tanguntur) fieri idcirco non potest, quin cum rectus impediatur magnus motus ejusdem sanguinis idem repercutiatur, ac reverberetur ab Arteriis in Ventriculos, à Ventriculis in Auriculas, & ab iis in radices Venarum Cavae, ac Pulmonicae (impetus enim repercussi sanguinis viget etiam contra leve impedimentum flexilium valvularum) si itaque diu, pertinaciterque hujusmodi pathemata protrahantur, id necessitate mechanica continget, ut fibrae cavae Cordis, Auricularum, & radicum Venarum texentes in locis minoris resistentiae divulsionem atque distractionem patiantur; quia nimirum iis in Cavis, & canalibus duo concurrunt contrarii nixus, seu ictus sanguinis, qui ad continentiam partium divulsionem conducunt: prior nixus est impetus rectus sanguinis, qui ab instrumentis respirationis, atque à vi contractiva Venarum & Cordis dependens, arietat cum posteriori ictu, qui à vi repercussionis proficiscitur.

Secundò in diuturno pariter asthma, aut catarrho cum sit aliquod impedimentum, aut in viis, aut in instrumentis sanguinem per pulmones ducentibus, contra verò ad liberiores respirationem, & ad ipsam anacatharsim promovendam, necessarium sit, ipsa respirationis instrumenta validis conatibus identidem urgere, praedicti duo contrarii nixus vigeant in sanguine & vasis Cordis: quare ob eandem rationem fibrae Cor, Auriculas, & canalium caudices texentes distrahentur.

Denique in gravibus, diuque detinentibus animi pathematibus peculiaris, sed non absimilis inversus mechanicus operandi modus occurrit in Praecordiis; cum enim aequalibus temporis intervallis justà normà, atque ordine projici
sem-

semper debeat sanguis in statu naturali à Cava in Auriculam, ab hac in Ventriculum dexterum, Arteriam Pulmonicam, ac à Pulmonibus in laevas capacitates usque ad Arteriam magnam, aliasque inde natas Arterias; si ex vi pathematum animi extemporaneus, & inordinatus fiat hujusmodi motus (ut fieri potest ex Nervorum spasmo contractis, crispatisque vasis, ac fibris) ita ut contractio, circumpressio, & nifus solidorum contra fluidum sanguineum non procedat à caudice Venae in Auriculam, & ab Auricula in Ventriculum, atque in Arterias, sed è converso habeatur ab Arteria in Ventriculum, vel à Ventriculo in Auriculam, & Venam; tunc necessariò confundantur oportet motus isti; & invicem arietent in fluido cum divulsione certa fibrarum praedicta cava comprehendentium.

Hic autem notandum est supradictam doctrinam de varia, & abnormi contractione vasorum, & cavorum Cordis, quam ex animi pathematibus fieri exposuimus, vigere etiam in quocunque alio morbo, in quo ichor valde stimulans inaequaliterque impactus irriter texturam fibrosam vasorum, & musculorum Cordis: quod in diuturnis Praecordiorum affectibus, etiam citra ullum animi consensum potest accidere. Hujusmodi autem exleges atque abnormes Cordis, Arteriarumque motus saepe vidimus feri colluvie excitatos; qui quidem motus vel copioso sudore, vel plerumque uberi diuresi, cessare solent, nisi interceptum in Praecordiis serum hydropem cum Aneurysmate pectoris inferat.

PROPOSITIO LI.

Ostenditur nihil facilius esse ubi acrium humorum viget apparatus, quam ut sanguine jam reverberari incipiente, Cordisque cava divellere, ejusdem Cordis, majorumque vasorum villi una scindantur, & ex utroque vitio Aneurysma excitetur.

Quaecunque sit, & ubicunque operetur causa coarctationis, aut obstructionis viarum sanguinis in Corde, & majoribus tubulis, qua humores repercutiuntur, si corripit, ac detineat corpus, vel intemperatum, vel nativâ acrium, atque erodentium humorum copia refertum, tunc facili negotio, dum causa coarctans, vel obstruens vim suam exerit in punctis C. D. E. nimirum in principio orificiî Arteriae Magnae, vel in Pulmonicis Arteriis, aut alio quovis in loco stygiae liquoris particulae per vascula intra penitiorē substantiam delati scissionem minimae texturae Cordis, & vasorum hîc illicque in punctis A. B., &c. juxta minorem locorum resistantiam moliri possunt.

Id quod ex eo clarius demonstratur, quod Aneurysmata Cordis ut plurimum accidunt corporibus hypochondriacis, hysteris, aut syphillide affectis, in quibus morbi initio sola irritatio in fibris, vel obstructio in canalibus facilè contingit, progressu verò temporis acrium humorum copiâ redundante adjungitur erosio, & discissio villorum, qui minùs resistantem faciunt texturam partium, in quas decumbunt.

Patet autem ulteriùs veritas istius Thesis ex contrario etiam argumentandi genere; etenim quotiescunque pathematibus occupantur Praecordia, quae à phlegmate nonnihil tenaci, & acido fiant, non acri, & erodente proficitantur, quemadmodum sunt subitae quaedam leucophlegmantiae cum spirandi difficultate, vel catharri species, quae à nimietate ingestorum dependent, sed praesertim chloroses, in quibus non raro palpitationes vitio crassitudinis, ac ponderis

deris sanguinis vibrationi renitentis, non autem vitio irritationis, ac reverberationis fiunt; sanè ipsa minime eveniunt Aneurysmata, quae alioquin tam facile contingunt apud illos, qui acribus, & erodentibus liquidis redundant, ut passim observavimus.

Itaque si viribus sanguinem trudentibus, ac reverberantibus, Cordique cava instar cunei distrahantur, succenturiatur vis altera villos scindens, multo facilius Aneurysma canalium, & cavorum cordis exorietur, ut proposuimus.

PROPOSITIO LII.

Qui fiat, ut Aneurysmata Cordis frequentius contingant in Auriculis, & imaginarum Venarum vestibulis, quam Ventriculis, & magnis Arteriis Cordis.

Quod assumpsimus in Propositione, scilicet Aneurysmata Cordis frequentius in Auriculis, & Venis, quam in Ventriculis, & Arteriis accidere, probatione minimè egere videbitur apud illos, qui circa cadaverum sectiones, & Auctorum observationes versati fuerint, nihil enim utrobique magis est obvium.

Ratio autem istius eventus tota deducenda est ex minori resistentia Auricularum, & caudicum Venarum habito respectu ad resistentiam texturae validae, ac multiplicis Ventriculorum praesertim sinistri, unde sanguis repercussus à magnis Arteriarum orificiis in Ventriculos, & deinde in Auriculis, & Venis, majorem semper distractionis vim exercere debet in locis, ubi minor est fibrarum resistentia, cùmque Ventriculus dexter, utraque Auricula, & utrumque vestibulum Venarum graciliora sint texturam Ventriculi sinistri, exinde fit, ut sinister Ventriculus rarissimè ampliatur, secus autem reliqua Cordis cava frequentissimè dilatata inveniuntur.

Accedit ad faciliorem, vel omnium, vel aliquorum sinuum Cordis dilatationem ipsa in primordiis generationis laxa, & languida totius Cordis, vel particularis in Corde compages, quam in multiplici cadaverum extispicio non rarò spectavimus.

Haec verò causa est, ut quemadmodum in reliquis nostri corporis vasculis, membranis, & loculis multum facit naturalis fibrarum parcitas, & laxatas ad fluidorum stagnationem, & ad alia, quae hinc sequuntur creanda mala, ita in Corde, Cordique appensis canalibus, ipsa laxitas, & gracilitas staminum multum potest conducere ad praedictorum Aneurysmatum generationem, ut ex antedictis evidenter deduci potest.

PROPOSITIO LIII.

Agitur de Arteriis, ac Valvulis Praecordiorum ossream duritiem nactis, quae saepe apud illos inveniuntur, qui ex Aneurysmate decesserunt.

Frequentia occurrunt exempla Arteriarum & valvularum in ossream materiam conversarum in iis, qui Cordis Aneurysmate laborarunt. Celebris legitur historia apud Paraeum Lib. primo de tumoribus Cap. XXVIII. de Vestiario, qui ex Aneurysmate Arteriae Venosae repente dum pila palmaria luderet, rupto vase corruit. Dissecto cadavere, Arteriae corpus in amplitudinem dilatatum cum internae ipsius tunica ossrea inventum fuit. Ille dum viveret micantium impetu Arteriarum omnium pulsus, ingentemque toto corpore calorem se percipere asserbat.

Nos pariter in cadavere Illustrissimi Johannis Baptistae Palaggi Canonici S. Petri in Vaticano, unam ossream, duas verò ex valvulis ad ostium Aortae cartilagineas vidimus, indeque mirè angustatum iter sanguinis à Corde in eandem Arteriam; in eodem offendimus quoque Venam Cavam, Auriculam, & Ventriculum dexterum ita dilatatos, ut pugnum admitterent, ubi non citra admirationem sinistra Cordis cava admodum valida, & nulla dilatatione affecta notavimus; Nobilis autem hic vir, cum esset in humanis singulari morum suavitate, atque ingenti eruditione ornatus hypochondriaca affectione detinebatur, una cum reversiva Cordis palpitatione, pulsusque inaequalitate, atque intermittentia,

qui-

quibus erat obnoxius, cum praesertim animam, vel corpus vehementer exercuisset; suffocativo identidem asthma, ac vertigine vexabatur.

Veniam interim spero dabit Lector si maximae, & forsitan citra exemplum istius aegroti constantiae meminerim; hic enim cum mense Januarii 1695. post epilepticos paroxysmos repente dexteræ manus gangraenam correptus esset, & jam per brachium ad humerum serpentem videret consilia nostra de amputando brachio fortissimè excepit, & plusquam viriliter sustinuit. Etenim D. Marius Cecchinus magnae famae Chirurgus, qui brachium jam secturus erat, enixè precabatur, ut ferrum in sanam non emortuam partem adigeret, elatoque ut esset animo precabatur: me quoque adstantem, aliosque quæ Presbyteros, quæ necessarios nutibus, voce, oculis, hilaritate alloquebatur, ut plus doloris à nobis, quàm ab aegro sensum fuisse palam diceretur; supervixit autem usque ad æquinoctium Vernum anni 1697. quo tempore suffocativo asthma correptus brevi è vivis discessit.

Obiter hinc Lector monendus, quàm facile, ubi vasorum circa Cor dilatationes existunt, humores colligantur inducendis gangraenis aptissimi: vide casum apud Hildanum Centuria II. Observationum XCIX. cujusdam mulieris, quae morbo admodum intricato palpitatione scilicet Cordis, tussicula, ac respirandi difficultate diu detenta, denique sinistrae manus sphacelo correpta nullo auxilio, nec quidem ipsa sectione juvata; diem suum obiit. Aperto cadavere monstruosa Venae Pulmonicae dilatatio reperta fuit, quam graphicè delineandam judicavit Auctor. Ratio autem cur ex magnorum vasorum Aneurysmatibus frequentissimè sphacelus oriatur, partim deducenda videtur ex principio illo erodente, atque arsenicali, quod ut Aneurysmatis, ita & gangraenae causam esse potest, partim quoque ex perturbatis motibus mixtionis, & progressionis partium sanguinis, ob vitiatos canalium diametros, unde vitale illud spirituum, seu oleosum sanguinis volatile necessariò deprimitur, & hebetatur.

Omissis caeteris causis, quae primo morbum hunc in Illustrissimum Palaggi procrearunt, rationem tantum attingemus, qua Aneurysma fuit excitatum; hoc autem ex duabus potissimum causis procreatum fuisse judicamus, ex ossibus nimirum, cartilagineisque Arteriae Magnae valvulis, atque ex vehementibus animi, corporisque exercitiis. Quod enim ad primam attinet, valvulae praedictae partim osseae, partim cartilagineae propria duritie praepediebantur, quominus tempestive flecti, moveri, atque alternatim ad parietes trunci Aortae, applicari possent ad aditum sanguini ex Ventriculo aperiendum, & rursus ab iisdem secedere ad ejusdem sanguinis in Ventriculum reditum occludendum; quo sanguinis motum per Aortam summopere turbari, debilitari, atque inverti necesse fuit; hujusmodi autem motus perturbatio, quoties altera adungebatur causa, animi nimirum, atque corporis violentae exercitationes, maxime augebatur; ex his enim major sanguinis copia urgebatur in Praecordia, quamobrem sanguis, cohibito ac perturbato ipsius motu, in laevum Ventriculum necessario fuit repercussus; ac proinde sanguinis reditum per Venam Pneumonicam turbari, ac praepediri necesse erat, ac Pulmones jam crassae lymphae copia laborantes magis ab aucta sanguinis stagnantis quantitate opprimebantur. Ex quibus omnibus facile intelligitur quomodo Cordis palpitationes, asthma, atque enormis dextrorum cavorum Cordis dilatatio fuerint inducta; ad quam quidem dilatationem inducendam praeter memoratas causas non parum conspirarunt fibrarum languor, ac debilitas, quae in hoc aegrotò graciliores apparuerunt, atque humorum acritudo.

Primum, licet impedimentum aliquod cursui sanguinis positum sit ad ostium Aortae, non idcirco tamen dilatationem sinuum semper contingere in sinistris Cordis cavis, sed juxta minorem fibrarum resistentiam in dextris plerumque solere accidere; cum vero in sinistris accidit fere semper in Auricula, non in Ventriculo observatur, ut patet in casu relato à Josepho Boneto Anatomiae Practicae Lib. II. Sect. VII. Observ. XLIX. ex Daniel Horstii animadversione, in quo cum

val-

valvulae femilunares in levo Cordis finu osseae deprehensae fuissent, sinistra Auricula major dextera apparuit.

Secundum, quae causa membranas, ac tendines ossea duritie cogit, eandem ad Aneurysmata inferenda conspirare. Etenim praedictae partes, osseae evadunt inopia humoris alkici, quo delinitae, atque emollitae fabricae laxae minus compactae, ac flexiles in statu naturali conservantur; destitutae autem arescunt, rigidae, ac durae fiunt.

Ob eandem partium temperatarum lenium, atque oleacearum inopiam, eodem tempore, quo solida obdurescunt, humores acriores fiunt; salium enim particulae in ipsis innantes simul coeunt, coacervantur, ac figuntur; quae quidem salia vasorum, ac Cordis fibras lacerant, atque exedunt, unde eorundem dilatatio, atque Aneurysmata.

PROPOSITIO LIV.

De Cordis Aneurysmate ex diuturnis animi pathematibus.

Nova certe minime erit apud eos, qui longa praxi exercitati fuerint, origo Aneurysmatum Cordis, ex diuturnis animi pathematibus. Nos quidem hoc eodem, quo scribimus, anno multos vidimus, caeteroquin suapte natura languidos cum viros, tum mulieres ex gravi, diuque premente timore ipsius nutantis terrae in Cordis Aneurysmata incidentes, alios novimus ex zelotypia, ac subitis timoribus, eodem mali genere detentos. Celebre legitur apud Andre- am Cefalpinum Catoptri. Lib. VI. Cap. XX. exemplum Aneurysmatis totius Cordis, atque Arteriae Pulmonicae in B. Philippo Nerio, qui saepius in palpitationem Cordis incidebat ex vehementi extasi, quae magna animi simulque Cordis est affectio.

Causa vero cur animi pathemata, si magna, ac diuturna fuerint, dilatationes vasorum Cordis solent inducere (praeternaturales diatheses, quas in membranarum, fibrarumque labore, ac laxitate alias posuimus) quaerenda esse videtur

tam in fluidis, quam in solidis ab ipsis animi perturbationibus circa Praecordia maximopere alteratis.

Quod spectat ad fluida, quis ignorat ex hujusmodi animi motibus, sanguinis, ac reliquorum motus perturbari, ac proinde recrementa acriora fieri, & intra corpus subsistere? quae deinde facili negotio in Praecordiis intercipiuntur, ubi noviter inductum structuræ vitium inveniunt.

Hoc autem vitium facile intelligi poterit, si ea perpendantur, quae circa usum insignium Nervorum, quos ad duas potissimum Cordis Arterias ferri ostendit Anatomæ, & graphice delineat Clarissimus Willisus De Medicamentorum Operationibus Sect. VI. Cap. III. p. m. 104. etsi revocentur in memoriam, quae superius docuimus Prop. XLI. in qua demonstravimus Aneurysmata Cordis facilius per diurnam vim percussæ sanguinis accidere; varie enim convulsis, atque inordinate motis, & constrictis per Nervos Arteriis Cordis, inordinatus, & percussus contingat oportet motus sanguinis per Praecordia, ut clare ostendunt Cordis palpitationes, angores, pulsus inaequalitates, & similia, quae frequenter apud gravibus animi pathematibus detentos observantur phaenomena, quae si diu perseveraverint, necesse est, ut acrium ichorum congeriem in locis infirmioribus promoveant, & quae hinc sequuntur Aneurysmata paulatim inducant.

PROPOSITIO LV.

De Aneurysmatibus Cordis à violentis motibus, sed potissimum à contentione instrumentorum respirationi inservientium exortis.

Non infrequens horum Aneurysmatum causa est violentia contentionis musculorum pectoris, & diaphragmatis. Vivit adhuc Artifex pileorum, qui ob nimiam, ac pomeridianam praesertim trudendi vim cum brachiis contra pileorum tomenta, insuper carbonis fumum aqueis remixtum vaporibus excipiens, in Arteriae Pulmonicae dilatationem paulatim incidit. Sunt insuper Concionatores, & Tibicines,

nes, qui nativa corporis gracilitate, praesertim si bibaces fuerint, facili negotio à Cordis Aneurysmate corripantur.

Sed nulla magis obvia est horum causa malorum, quam complicatio alimentorum acro sulphureorum, & aromaticorum cum violentia motuum venereorum; tunc enim dum vasa à contentis liquidis plus justo distrahuntur per vim pulsionis, & contentionis muscutorum infra & supra diaphragma, nec non inaequalem vasorum Cordis crispaturam inter amoris illecebras contingentem, necessario retardatur, ac reverberatur in Praecordiis sanguinis fluxus, qui cum sit suapte natura acris, & sulphureus fibrarum manipulos dissolvit, difficit, & erodit.

Sed quoniam rara quaedam hujusce causae historia duos ante annos nobis occurrit, quam ad usque aegrotantis extispicium exactissime persequuti fuimus, ideo Lectorem paululum hinc morabimur. Sit itaque

PROPOSITIO LVI.

Exemplo demonstratur Aneurysma Venae Pulmonicae, Auriculae, & Ventriculi sinistri pendens à sanguine acris, atque erodenti.

Illustrissimus Abbas Pennonus Montis Falisci, quadraginta annorum, filius viri asthmatici, & catarrhis obsessi, habitus carnosus, rubro-suffusci coloris, Dianae, ac Cereris miles ante quinquennium per triennium cum tenaciori lymphacopiam sanguinis per tussim fere singulis mensibus citra ullum incommodum, praeter sensum pruritus in trachea; ab ore rejicere solebat, quam tamen excretionem post duos annos pulvere Haly Abbatis, & ollae Saxoniae suppressam excepit: paulo post profunda pulsatio sub mucronata cartilagine, quae quiescente corpore minor ac fere nulla, magna vero in quovis animi, vel corporis motu sentiebatur; insuper anhelitus in quavis corporis, vel animi perturbatione, nec non facilis hyeme in catarrhum proclivitas cum molesta interdum humida tussi. Crevit progressu temporis morbus, ita

ita ut tandem pulsatio, dum aeger quiescebat magna, dum movebatur maxima una cum Cordis angore, ac fere lipothymia persentiretur, & anhelitus etiam in quiete eo usque fatigaret, ut ipse horizontaliter decumbere raro posset. Pulsus omni peccabat aequalitatum genere, usque ad saepe recurrentem intermittentiam, nulla interim apparebat pulsatio, seu undulatio Venarum jugularium, nullaque costarum, aut homoplatae cernebatur elevatio.

In hoc rerum statu constitutus aeger, vario extra Urbem remediorum genere tractatus fuit, & potissimum sanguinis missionibus, quae cum illum e vestigio alleviare viderentur, spretâ causâ, ultra necessitatem repetebantur. Exinde pedum oedemata, leves vertigines, atque hypochondriorum tensiones, anhelitum adaugentes, sed flatuum coarctationes admodum cedentes supervenerunt. Mox Romam perductus, à sene quidem, sed istorum malorum minime perito Medico, ita empirice curatus est, ut post diversâ exhibita solventia brevi crura etiam, tandemque femora intumuerint, diminutisque urinis pectoris hydrops adjunctus fuerit & cum ab Aneurysmate simul & orthopnea circa vesperam, & per totam noctem praefocari videretur, ipse quoque, qui olim per epistolas aegro consulueram, accersor, qui cum illum toto corpore tumidum, facie livescente, pulsus asphixiâ, & orthopnoico suffocativo anhelitu oppressum intuitus fuisset, vix effeci, ut sacris ille muniretur pharmacis, sequenti namque die grumoso, nigro, fetidoque per os rejecto sanguine vitam cum morte commutavit.

Et quamquam istius extispicium cadaveris anili affinium scrupulo praetermissum fuerit, cujus nunc defectus in causa est, ut nos citra evidentiam philosophari cogamur; nihilominus similibus exemplorum lumine ducti probabilissimum existimamus in hoc aegroto ex cohibita haemoptysi illius causam, nempe lympham subacrem, & erodentem nisu circulationis ad sinistrum Ventriculum reducendam in vestibulo Venae Pulmonicae, & finitimae Auriculae subsistere, ibique interiorum tunicarum villos exedere coepisse, donec Aneurysma productum fuerit. Quod praecipue signa habet Cordis

dis angorem, lypothymiam, anhelitum, pulsationem sub mucronata cartilagine; quia nempe Cor ipsum à suis vasis pendere, & mole solet aliquantulum decidere.

Ex iis autem, quae in historia exposita sunt, nonnulla tamquam per Corollarium deducenda esse videntur.

Primum quidem, haemoptysim salutarem, qua olim aeger praeservabatur, probabiliter excitatam fuisse ab erodente sanguinis lymphæ, quae ab Arteriis potissimum Pulmonaribus in vesiculas ac tracheas suffusa membranas erodendo viam sanguini aperiebat, cum quo ea moles utiliter effundebatur, quae majori evidentium salium copia scatebat, quemadmodum in critico haemorrhoidum fluxu passim solet contingere; suppressâ vero viscidulorum pulverum usu haemoptâ (quod angue & cane pejus cavendum erat) necessario ad sinistra Cordis cava refluerè coactum est morbosum liquidum, ubi jam ad dilatationem proclives tubos exedendo eorundem renisum debilitare potuit. Hoc enim fere perpetuum in haereditariis asthmaticis observatur, laxitas scilicet tunicarum vasorum revehentium à Pulmonibus in Cor, qua imbecillitate vasorum diametri, oblata occasione, facile dilatantur. Quin imo adeo verum est, pleraeque spirandi difficultates, quae in corporis praesertim motibus solent urgere, inferri ab ipso Aneurysmate Venæ Pulmonicae, ut Celeberrimus Petrus Poterius scripserit Cent. III. Observationum Cap. XXII. per haec verba: „ Quaedam est respirandi difficultas, quae „ per intervalla deambulantibus accidit. In hac fit praeceps „ virium lapsus, propinquis tenentur niti adminiculis, alias „ humi corruerent; hi ut plurimum de repetente moriuntur. „ In hac Vena Arteriosa in sinistro Cordis Ventriculo „ dirumpitur, & sanguine effuso spiritus illico suffocantur.

Secundum, inchoatum hoc Aneurysma non magnis, ac frequentibus sanguinis missionibus, quae sanguinem enervant, & ad erodentia salia acuenda conducunt, sed potius blandis dissolventibus, ac vulnerariis curandum fuisse, cetera nempe stibii, sanguine hircino, syrupo de terebinthina, diluto falsae, & consimilibus; hisce namque remediis

memini, me alium, cui ab empirico suppressa fuerat Pulmonum haemorrhoidis, eadem redeunte, feliciter curasse.

Tertium Corollarium ipse erit hydropis ortus, quem alias diximus raro magnis interioribusque Aneurysmatibus non adjungi, cum vasa tum sanguinea, tum lymphatica premanantur, & exedantur, indeque serum, & lymphæ perpetuo in cava influat.

PROPOSITIO LVII.

Inquirere mechanicam rationem, ob quam in dilatationibus radice Cavæ, Auriculæ, & Ventriculi dexteri ipsæ Venæ jugulares vicissim dilatantur, fluctuant, mirisque modis agitantur, & concidunt.

Ex dilatatione Auriculæ, ac Ventriculi Cordis dexteri duo præcipua contingunt, maxima consideratione digna, quæ potissimum jugularium alternam dilatationem efficiunt. Primum quidem hisce cavis summe dilatatis, atque ampliatis longe major sanguinis copia in iisdem congeritur. Deinde orificium caudicis Venæ Cavæ amplius quoque fit, quam ut possit ab appositis valvulis omnino præcludi. Hinc propterea fit, ut contracto Corde sanguis ex dextero Ventriculo non solum in Pulmones per Venam Pulmonicam impellatur, sed cum præ nimia copia, tum etiam ob non satis clausum ostium Venæ Cavæ per illius rimas hiantes rursus per universum tractum Venæ Cavæ superius repellitur, ac repercutitur, atque ex ipso recte in jugulares vehementius fertur, quam in caeteros Cavæ ramos, quod illæ in directum sitæ sint ad lineam hujusce motus. Quamobrem cum ob auctam sanguinis molem, & cum ex conflictu sanguinis per easdem jugulares ex capite versus Cor contrario motu fluentis; ex quo veluti quidam aestus in euripo excitatur, ac fluctatio, jugulares eo loco necessario distenduntur, ac dilatantur à sanguine quaquaversum urgente; quæ quidem dilatatio magis conspicua fit in collo, quod ibi præter commu-

nia

ria integumenta, nec musculi, nec aliud quidquam occurrat, quod eum possit vel comprimere, vel occultare; Cessante autem Cordis systole sanguis rursus expedite deorsum ex jugularibus refluit in Cavam, unde eadem detumescunt, atque alterne subsident.

Hoc sane signum tanti est pro demonstrandis dilatationibus dextrorum Cordis cavorum, dummodo sit continuum, etiam dum aeger decumbit, & nullo thoracis motu agitur, angaturque cum reversiva Cordis palpitatione, perenni angore pendere, ac pulsatione, ut mirum sit, quam saepe contra aliorum sententiam Medicorum (certo credentium dilatationem in sinistris Cordis cavis) confidenter dextros sinus Aneurysmate laborare pronunciaverim; de quo equidem signo apud Auctores altum est silentium, licet alioquin aperientibus naturae volumina in cadaveribus statim sese offerat.

Sed nostrae huic hypothesei objici potest quotidiana observatio virginum chlorosi affectarum, apud quas hujusmodi pulsatio Venarum singularium frequentissime animadvertitur absque ulla dilatatione dextrorum Cordis cavorum. Profecto non semel rem hanc animo mecum agitavi, tandemque discriminis rationem reperi; In virginibus enim isthaec pulsatio tunc praecipue observatur, cum eadem in motu per acclivia augent sanguinis recursum per Venas in Cor, unde cum in iisdem sanguis ponderosior, crassiorque evaserit, simulque vasa, partim obstructa, partim compressa, & convulsa, libere per Pulmones circulationi renitantur, idcirco apud eas quoque fit ut constrictio dexterarum cavitatum Cordis partem cruoris versus Cavam repellat, indeque usque in jugulares reverberet; In ipsis vero, qui dilatatis hujusmodi cavis laborant perennis est etiam in quiete hujusmodi jugularium pulsatio. Quod si vero accidat, ut puellae etiam quiescentes eodem malo afficiantur, tunc si diu perseveret, & chalybeatis, ac viperatis non cedat, ambigi debet de praedicta dilatatione (ut nos interdum observavimus) crassitudo enim simulque acrimonia sanguinis temporis diuturnitate

tate fibras Cordis partim infarcit, partim exedit, unde sensim infirmantur, & dilatantur.

Si vero hujusmodi Venarum jugularium pulsatio virum, vel mulierem corripiat nulla de caetero obstructione, aut chlorosi affectos, diuque perseveret cum reliquis signis dilatatorum Cordis cavorum, Medicus tuto de illarum partium Aneurysmate poterit pronunciare.

Dum haec in publicum edituri iterum corrigebamus, occurrit nobis observatio D. Homberg adnexa historiae Academiae Scientiarum Parisiensis anni 1704. pag. 159. Historia autem ita se habet: „ Matrona annorum trigintaquinque „ sex annos Pulmonum malo affecta me consuluit. Hujus „ symptomata erant dirum asthma, frequens, & magnum „ capitis malum, cum perpetuâ vigiliâ, & doloribus pectoris: cum vel minimum se dimoveret, asthma adaugebatur accedente violentâ Cordis palpitatione, quae interdum „ perseverabat per horam, vel sexquihoram; aliis etiam „ passionibus vexabatur, quorum non memini, & quae invicem succedebant, unde nobis mulier saepe morti proxima reddebatur. Per id temporis, quo eadem majori vexabatur palpitatione, atque asthma, simul patiebatur „ magnam, ac sensibilem Venarum colli, & brachiorum „ pulsationem paulo diversam ab illa, qua Arteriae detineri „ solent; quae quidem Venarum pulsatio exacte sequebatur „ Cordis motum.

Hujus vero Venarum motus rationem ipse allaturus, praemittit cadaveris dissectionem, per quam Cor duplo majus inventum fuit, & substantiae flaccescentis: cava solito erant ampliora, & graciliora: aderant in utroque Arteriarum trunco polypi Cordis parietibus adhaerentes, & ad duorum pedum longitudinem, praesertim per Aortam distributi. His positis Auctor comminiscitur Venarum pulsationem pendere potuisse ex sanguine, qui cum citra obstaculum descenderet in Cor, cum nullus in Venis polypus adesset, sed libero ejusdem itineri repugnarent polypi Arteriarum, necessario dexterum Cordis Ventriculum implebat, & convulsivas contractiones, & palpitationes ciebat, unde sanguis in Venis con-

contentus, facto impetu in valvulas repellebatur in cavum, & ob fortem repulsionis impressionem communicabatur Venis Cordi vicinioribus pulsatio similis illi, quae sentitur in Arteriis: & quoniam pulsationes istae producebantur à convulsis Cordis contractionibus, illas exacte sequebantur.

PROPOSITIO LVIII.

Solvitur problema unde oriatur, ut in antiquis Aneurysmatibus paulatim pulsatio decrescat tandemque prorsus obscuretur, ac deficiat.

Quoniam rem hîc afferimus, quae fortasse aliquibus superficie tenus eam considerantibus fidem non faciat, ideo duo gravissima Celebrium Virorum testimonia producimus Marci Aurelii Severini, ac Friderici Ruyschii, qui in magnis Aneurysmatibus hoc peculiare phaenomenon observarunt, quod nos quoque in iis, quos videre contigit eodem mali genere diu obsessos, probe notavimus. Hoc quidem eo clariori asterisco advertendum est à Chirurgis, quod pulsatio Aneurysmatis signum adeo exploratum, ac pathognomonicum vulgo habeatur, ut sine illa Aneurysmata existere nullo modo posse credantur; quo errore imperiti decepti saepe aequo artis ludibrio, atque aegrorum pernicie Aneurysmatis tumorem minime pulsantem, ferro, vel igne temere aperiunt, cujus infausti casus exempla apud Dekkers, & Ruyschium legi possunt, quibus nos etiam horrendum experimentum suo loco addemus.

Interim vero ad propositum redeuntes istius deficientis indicii causam non unam eandemque omnibus visam esse Scriptoribus advertimus. Etenim Marcus Aurelius Severinus de Obs. Nat. pag. 178. ex putrefactione ipsius Arteriae à sanguine diffuso, & corrupto intra vicina spatia pulsationem remittere asseruit, quam sane causam mirabili enarratâ historiâ probare studet. Fredericus vero Ruyschius suarum Observationum XXXVIII. idem solvere satagit problema per

resistentiam ictui sanguinis, inductam à congerie concreti intra Aneurysma cruoris.

Sed quamquam ipse non dubitem, quin una ex causis languescens pulsus interdum sit objecta, & semper aucta grumosi, & polyposi corticis resistentia impetui sanguinis illuc à Corde propulsi; tacere tamen non possum, hanc resistentiam fatis per se solam plerumque non esse, nisi eidem adjungatur diminutio virium Cordis sanguinem propellentis, praesertim cum experimento compertum se habuisse narret in descripto Aneurysmate praecitatus Ruyschius pag. 52. quod pulsatio, quae vehementissima esset solet, in totum aliquot hebdomadibus ante mortem cessaverat. Etenim si ponatur Cordis vigorem eundem perseverare, necessario ictus sanguinis extrorsum trudens poterit per id temporis dimovere ea obstacula, quae ex polyposo fornice opposita sunt, cum ossa elevare, atque saepe etiam disjungere soleat.

Sed praeter allatas rationes, eo etiam argumento moveor, quod ad infringendum sanguinis impetum in tunicas Aneurysmatis, ejusque pulsationem imminuendam, nullum praestantius occurrit auxilium sanguinis missione; misso enim sanguine statim pulsatio in parte affecta longe debilior observatur; quod ideo evenit non modo, quia imminuta sanguinis copia, cum is a Corde impellitur, minus spatium occupat, sed etiam maxime, quia Cordis robur detracto sanguine necessario languescit, tum ob imminutum, atque hebetiorem spirituum animalium illapsum, tum etiam quia cum Cordis Ventriculi sanguine minus turgent, parcius ac debilius idem sanguis in Arterias Coronarias truditur.

PROPOSITIO LIX.

Enodatur problema, qui fiat, ut in magnis circa Cor Arteriarum Aneurysmatibus omnes Animalis Arteriae solito appareant exiliores, & plerumque etiam inaequales; si vero Arteriam Artuum occupaverit Aneurysma, exilitas atque inaequalitas sentiat in Arteria, quae posita est infra partem Aneurysmate obsessam.

Solutio istius problematis tota pendet ex scientia causarum, & modi, quibus magnitudo, atque aequalitas pulsus in statu naturali fieri solet. Tria vero sunt, ut alias docuimus, quae ad ordinatum sanguinis motum conducunt; determinata scilicet cruoris moles, & fluiditas; determinata vis, seu potentia Cordis; ac tandem determinata canalium figura, diameter, ac resistentia. Sed ne inutiliter, & forte etiam adnauseam ea hîc repetamus, quibus pulsuum inaequalitas minime vitio vertenda, figuram tantum, ac diametrum Arteriarum considerabimus, quae si ampliores, vel angustiores, quam naturalis corporis constitutio exposcit, fuerint, utique sanguinis motum plurimum turbabunt, depravabuntque; nisi enim Cordis impellentis viribus adamussim respondeant, sanguinis propulsi motum vel intercipient, vel praepedient, vel repercutient, vel retardabunt, vel accelerabunt; quod fieri nequit, quin Arteriae inaequalibus pulsibus micent.

Quapropter si qua parte Aortae truncus per Aneurysma dilatetur, sanguis è Corde per ipsius ductum impulsus, ubi ad folliculum tumoris pervenerit, statim ex hydrostaticae legibus retardabitur, utpote ex angustiori via in amplius spatium pervadens; quare hebetior, ac seignior caeteras Arterias praeterfluens, minores, ac languidiores earum pulsus efficiet.

Hoc sanè probe docent flumina, quae cum à stricto fine rapidissimè debacchantia in praegrandem, latumque alveum, vel subterraneam, magnamque cavernam excipiuntur, illi-

cò de velocissimo suo motu multum solent amittere, ita ut pro ratione amplitudinis alvei minori deinceps velocitatis momento devolvantur. Sed ad oculum id ipsum nobis ostendunt conici, & oblongi quidam cyathi, ita formati, ut identidem amplioribus nodis distincti angustentur, ac dilatentur, per quos quidem inclinatos cyathos immissus liquor, alternè pro spatiiis angustioribus, aut latioribus decursis, acceleratur, vel retardatur.

Cum verò Aneurysma peculiare aliquas Arterias occupaverit, puta Axillares, aut Popliteas, tunc inaequalitas, ac parvitas pulsus in ea solum Arteriae parte perentitur, quae infra locum Aneurysmaticum posita est. Sic apud Oculatissimum Harvaeum Exercitatione I. De Motu Cordis pag. 36. historiam legimus cujusdam habentis Aneurysma propè descensum Arteriae dexteræ Subclaviae in axillam, in quo pulsus ejusdem brachii exilis admodum erat, derivato nimirum, atque intercepto motu, seu influxu sanguinis intra tumorem.

Atque hinc sanè deducenda est ratio, cur Medici non undumtaxat carpi pulsui, nec unico tactus examini fidere debent, cum revera, ut Celsus ait, mille res illum possint variare, quem frequentissimè solet perturbare vitium in sola figura, & diametro Arteriae, quae momento temporis si per affectionem aliquam convulsivam Nervorum, aut Musculorum ipsi adjacentium prematur, varium, inaequalemque pulsus reddere solet. Facit ad rem nostram, quod per fraudem nonnulli, vitium Praecordiorum simulare studentes moliri solent, dum minus peritis Medicis carpum porrigunt ad explorandum; tunc enim bicipitem brachii musculus violenter, quantum possunt tendere, ac convellere fatagunt, quo fit ut Arteria Axillaris, & quae ad manum descendit, ipsa quoque inaequabiliter à subtensis masculi fibris constringatur, proindeque inaequaliter celer ejusdem carpi pulsus evadat. Tanti profectò est nosse varietatem causarum praeternaturalium effectum, simulque pravorum, callidorumque astutiam ingeniorum, ut utrifque ignoratis, sapiens etiam Medicus turpiter aliquando decipiatur.

Sed

Sed audio versatum aliquem, & Practicum nobis oggerentem, in Aneurysmate Venae Cavae, Auriculae, & Ventriculi dexteri tantum abesse ut pulsus fiant inaequales, & parvi, ut magni, tensi, aequalesque plerumque tangantur, ac propterea non in omni Aneurysmate pulsus exilem atque inaequalem evadere.

Verum nos minimè ignoramus, & libenter fatemur id evenire, sed nihil ad rem nostram facit; Secus enim res se habet, ubi Aneurysma Arterias & Cordis sinistra cava occupat, atque ubi Venae Cavae radix, vel dextera Cordis cava dilatantur; cum enim primum contingit Aneurysma ex pulsus inaequalitate innotescit, quemadmodum demonstratum est; cum secundum, pulsus ut plurimum magni, & aequales observantur: cujus symptomatis rationem, & causas sequenti Propositione ostendemus.

PROPOSITIO LX.

Exponitur mechanica ratio cur dilatatis radice Venae Cavae, & Auricula, ac Ventriculo dextero pulsus plerumque magni, & aequales appareant.

Equidem experimento constat, ampliatis supra naturalem diametrum expositis in Propositione dextris cavis, nisi malo adjungantur sinistri Cordis sinus, aut Aorta, semper pulsus esse magnos & aequales, quibus sanè pulsuum conditionibus peritos etiam quandoque Medicos eo usque deceptos vidi, ut nulla dilatatione Cavam, ipsique adjunctos sinus laborare, pertinaciter contenderint, quod nulla appareret pulsus inaequalitas; cum alioquin post aegri mortem de meae veritate praedictionis abunde fuerint victi.

Causa verò, ob quam in praedictis malis magnitudo, atque aequalitas pulsus (dummodo nulla sit in sinistris cavis, & canalibus culpa) plerumque observatur, tota posita est in eo, quod data dilatatione radice Cavae, & Auriculae dexterae, solito minor evadit circumpulsio, atque elutriatio sanguinis à Cava in dextera Cordis cava; laxatis enim Cavae fibris, ipsarum vis infringitur, qua sanguis in Ventriculum truditur,

quoties igitur enervatus fuerit fibrarum tonus, & ampliatum venosi canalis cavum, necessario lentior sanguinis pars ibidem subsistet, quae deinde necessitate pariter mechanicam remorabitur sanguinis recursum à minoribus minimisque Venis in Cor; proindeque orificia Arteriarum pigro ad circulandum sanguine solito magis opplebuntur, atque idcirco solito minus expedita erit, & libera trajectio sanguinis ab Arteriis in Venas, id quod causa erit, ut dum sanguis à Corde singulis pulsationibus in Arterias truditur, etiam si minima sit moles fluidi, quae pellitur, pleni pulsus apparebunt, cum Arteriae consueto tumidiores existant, neque sanguinis molis aequalis ei, quae à Corde intra Arterias infunditur, ab Arteriis in Venas possit effundi.

Idem sane non raro experimur in thoracis hydrope, & leucophlegmatia, in quibus pulsus fiunt magni, & aequales, non quidem ob sanguinis bonitatem, aut magnam Cordis vim, sed ob impeditum liberum circuitum sanguinis ab extremis Arteriis in extremas Venas, opposito circa cavum, vel Cavae ramos obice.

Sed urgebit aliquis sciendi cupiditate excitatus, unde poterit Medicus certam, vel saltem minus dubiam diagnosim deducere dilatationis Cavae, & dextrorum Cordis cavorum. Hanc sane spartam suo loco illustrabimus, demonstraturi praeter Cordis angorem, ingentem pulsationem, & palpitationem, aliud quoque symptoma concurrere, quod pathognomicum signum merito dici potest: hoc certe est vehemens quaedam pulsatio, & fluctuatio Venarum jugularium, quae ab aliquibus pro Carotidum pulsatione perperam accipitur: cuius rei causas Propositione LIII. supra demonstravimus.

PROPOSITIO LXI.

Rationem inquirere, cur in magnis Aneurysmatibus interna superficies dilatatae Arteriae caenoso ac polyposo sanguine corticis instar ducto incrusetur.

Certum est in magnis Aneurysmatibus, atque in iis praefertim, quibus Arteria maximè dilatatur, aut forami-

ne

ne pertusa attollitur in folliculum, inveniri quendam veluti fornicem polypofo-grumofum, qui fuperfitem Arteriae membranam diftentione alioquin attenuatam, diverfis compaginatis laminis incruftat, ac mirè tuetur.

Hanc fanè pseudocarneam cyftim primus vel detexit, vel faltem fcriptis, quantum fciam, promulgavit in fignis Gulielmus Harvaeus Exercitatione III. De Circulatione Sanguinis pag. 215. per haec verba: „Aneurysma ab exelis Arteriae tunicis, non tunicam Arteriae dilatatam; fed circumpositam ex membranis. & carne cyftim praeternaturaliter factam, pro continente habet. „

Eandem poftea rem, quibus apud cadavera videre non contingit, ad oculum delineavit Obfervatione XVIII. anni primi Centuriae I. Obfervationum Naturae Curioforum Germaniae, in qua exhibetur ichon Aneurysmatis cum duobus involucris, feu geminis foliis concreti, & in fibras producti fanguinis. Proftat pariter elegans iftius rei descriptio apud Clariffimum Fredericum Ruyschium Obferv. XXXVIII. ubi inter ea, quae in magno pectoris Aneurysmate à fe vifa fuerunt, narrat inventum corpus, quafi lamellatim difpofitum, feu ex innumerabilibus tunicis craffis, carnofis, ac fatis tenacibus fibi invicem impositis conflatum, inter quas tunicas fanguis copiofus, & coagulatus delitefcebat, quae fane obfervatio à nobis ad unguem in hujusmodi extifpicio cadaverum pluries refpondit. Legatur nofta Aneurysmatis obfervatio in Veftiario descripto Cap. II. de Aneurysmatibus ex contufionibus Propofitione XXII.

Hoc itaque per experimenta demonftrato fymptomate, reliquum eft, ut ejus caufas investigemus, unde nimirum ifthaec oriatur accretio polypofo-grumofae fubftantiae intra Aneurysma, ubi cum tam vehemens appareat fanguinis nifus extrorfum urgens, ac trudens, difficile forfitan alicui videri poterit, quomodo tanta copia craffi humoris colligatur: cujus tamen eventus rationem facilem reddent nonnulla, quae hîc fubnectenda ducimus, tamquam indubia ex theorematibus operationum Animalium.

Primò fanguinem effe fluidum non fimplex, fed heteroge-

neum; compositum nempe ex diversis partibus qua solidis; qua fluidis, crassis, ac subtilibus, in cujus substantiam bis saltem in die rivulus subtenacis chyli; & quidem largâ copiâ solet infundi; qui profecto chylus in statu naturali sanguini permixtus ejus intestino motu; ac continuo particularum attritu, & collisione attenuatur, in minimas partes comminuitur, ac volatilis efficitur.

Secundò praemonemus, ad attenuandum chylum cum sanguine multa fuisse à natura comparata, sed omnium maxime ipsorum vasorum determinatas figuras, certos diametros, & validos motus, seu vires peristalticas; quae si aliquando vitari contingat vasorum affectiones juxta gradum in solidis admixti vitii, enormia quoque fluidorum vitia in corpore manifestentur oportet; sed praecipue necessario turbatur exacta illa in sanguine fluidi cum solido, crassi cum subtili, permixtio, ita ut in locis affectis eae fluidorum partes subsistant, quae ponderosiores; quae fibrosiores; quaeque verbo ad motum per se prosequendum minus sunt expeditae.

Duobus his praepositis perinde quasi facibus, obscura caeteroquin problematis enodatio clarescit; Etenim cum certum sit in Aneurysmate; quo idem majus est, eo magis tria haec apud Arteriam vitari, figuram videlicet, diametrum, & praecipue motum peristalticum, qui scissis, aut erosis fibris, canalem aptum ad resiliendum, seu ad contrahendum constituentibus, eo in loco debilitetur, prorsusque tandem tollatur necessum est; quare sanguis, liquor nimirum heterogeneus, & chylo scatens cum à Corde impulsus, folliculum Aneurysmatis penetraverit, illico segnius moveri incipit: partim quia ex angustiore Arteriae diametro, in latiore folliculum influit; quo fit ut ex hydraulicae legibus retardetur: partim etiam quia folliculi tunicae, seu portionis Arteriae dilatatae abscissis, atque exesis fibris contrahi nequeunt, atque praeterfluentem sanguinem, in proximas Arterias ordine impellere; atque accelerare, seu saltem motum ex Corde conceptum propagare: imminuto autem sanguinis motu, particulae chyli non adhuc probe subactae, variae aliae quamplurimae specificè caeteris graviore, ab iis secedunt, atque inter se coeuntes concreseunt

in fibras, ex quibus variae lamellae postmodum contextuntur polypi materiam referentes. Ex his autem Aneurysmatis fornix progressu temporis attollitur.

Et quoniam partes, quae citius à sanguinis torrente alicubi subsistendo secedunt, seu quietem adipiscuntur, duplicis praesertim ordinis esse solent; chylosae nempe, seu crudae, & nimium excoctae, terreae, uberique tartaro redundantes, ea quidem ratione evenit, ut in cystide Aneurysmatica simul inveniantur admixti laminae polyposis, (quae nutritiae, & chylosae partes sunt) nigerrimi sanguinis grumi, qui nihil aliud sunt; quam aggregatum particularum sanguinis nimium excoctarum, seu capita dixerim mortua, terrea, salina & tartarea vetusti sanguinis.

Neque vero alicui; etiam si in subtiliori Anatome, & animalium operationum profunda inquisitione, minus versato ardua videbuntur ad intelligendum, quae proposuimus circa polyposi fornix, & grumorum congestionem in Aneurysmate, dummodo motus torrentium, & fluminum à Clarissimo P. Benedicto Castelli in aureo Libello De Mensura Fluentium Aquarum expositos haud ignoret; Is enim Auctor Corollario V. demonstrat, in torrente turbidam aquam vehente, si retardetur motus, & ingressus ejusdem intra alveum fluminis, tunc quidquid turbidi; crassi, & majoris ponderis est in fluentia praecipitatum; ibi ad fundum caenoso, ac fere dixerim polyposo praecipitato incrustabitur, ac elevabitur.

Ex iis autem, quae hactenus probavimus, duo effecta in magnis Aneurysmatibus passim observata tamquam Corollaria elucescunt.

Unum est, polyposum istum fornix incrustatum undique dilatatis, ruptisque Arteriae membranarum fungi aggeris munere, & membranarum vicem gerere, easdemque firmare, quominus impetuosis cruoris torrens in proxima cava, & vicina spatia, citam inducturus mortem irrumpat. Eo usque natura in statu etiam praeternaturali prodigiosa est, atque industria, ut quemadmodum brevi collapsuros antiquitate parietes adnata, ac serpente undique haedera fulcit; ita pari-

ter Animalium vitam citissime profundendam, vel per ipsos retinere morbos viriliter fatagat.

Alterum vero, in magnis, Cordique proximis Aneurysmatibus productum esse malum illud, quod semper progressu temporis accedit, nimirum leucophlegmatiam, atque hydrophem, qui quidem morbi in tantum subnascuntur, quia dato vitio dilatationis, & defectus circumpulsionis in Arteria Pulmonica, vel Magna, statim vitiatur exacta miscela, vibratio, & confusio chyli, lymphaeque cum sanguine; unde paulatim serum, ac fibrosae fluidorum partes à subtilioribus facile secedunt, & in locis, ubi etiam in statu naturali momentum impulsus à Corde accepti, necessario elanguet, cuiusmodi sunt pedes, & crura, minimo negotio subsistunt, seu leucophlegmatiae subnascuntur, indeque ascites etiam, ac pectoris hydropes oriuntur, quia multiplicatis, & acrioribus in dies factis humoribus, vasa omnia lymphatica viscerum tumescunt, obstruuntur, atque eroduntur; quae sane hinc genita hydropis species tanto caeteris gravior, atque insanabilior est, quanto minus ab arte, vel natura solidorum vitia corrigi possunt: quin imo aliquando lugenda prorsus mihi visa est miserrima istorum aegrotantium conditio, qui Medicos minus peritos, & cautos nacti, iisdem plane remediis quibus hydropes ex primitivo fluidorum vitio enati curari tuto solent, ubi morbus dilatatione Arteriarum, atque enormiter, exesis earundem tunicis progignitur, compendio, ac violenter ad interitum ducti fuerunt. Adeo verum est nullam saepe meliorem, quam incertam esse Medicinam. Parcat, precor, Lector ingenuitati scribentis; nam ipse ut Epimetheus loquor: *Felix quem faciunt aliena pericula cautum.*

F I N I S.

I N D E X.

OCCASIO SCRIBENDI, DE CORDE ET ANEURYSMATIBUS	
DE STRUCTURA, MOTUQUE CORDIS, ARTERIARUM ET SANGUINIS.	Pag. I
GENERALES QUAEDAM NOMINUM DEFINITIONES.	4
POSTULATA ANATOMICO-MECHANICA. <i>De Animalium Machinis, eorumque Motibus.</i>	
POSTULATA. <i>De iis, quae ad sanguinem spectant.</i>	20
POSTULATA. <i>De iis, quae spiritus animales, seu ad liquidum nervorum, eorumque in univfersum corpus influxum spectant.</i>	34

LIBER PRIMUS.

De structura Praecordiorum, & Cordis.

S E C T I O I.

De Praecordiis, & Pericardio. 40

C A P U T I.

De Praecordiis. ibid.

PROPOSITIO I. *Praecordiorum nomine quid veniat, & quousque in hominibus protendantur.* ibid.

C A P U T II.

De Pericardio in genere. 41

MONITUM. *De mira solidarum partium continuatione, atque inter se nexu.* 42

PROPOSITIO II. *Cor nunquam Pericardio destituitur.* ibid.

DIGRESSIO. *Observatio duplicis Cavae superioris, aliarumque rerum in Praecordiis Erinacei terrestris.* 43

I N D E X.

C A P U T III.

De Pericardio in specie praesertim humano 45

- PROPOSITIO III. *Pericardium naturaliter tenuius est, vel crassius in Animalibus, secundum tenuiorem, vel crassiorem Cordis substantiam, ac remissiorem, aut validiorem ejusdem impetum.* ibid.
- PROPOSITIO IV. *Pericardium habet praecipua vasa multigenis, inferentia praesertim: ac referentia.* 46
- PROPOSITIO V. *Pericardium in tres membranas facile dividi potest, in externam tenuissimam, quae cum mediastino, ac pleura continuatur; in mediam fibrosam, & muscularem; denique in internam, quae licet propter varia foraminula, quibus est pervia, glandularis dici queat, tendineam tamen naturam praesefere videtur* ibid.
- PROPOSITIO VI. *Pericardium in homine pluribus locis, quam apud observata haecenus bruta colligatur, & connascitur.* 49
- PROPOSITIO VII. *Pericardium veluti particularis capsula tegit ac vincit divaricationes trium Pulmonalium vasorum, miro inter se ordine procedentium, atque ad extremam usque pulmonum superficiem protrahitur* 51
- PROPOSITIO VIII. *Demonstratur Pericardium seorsum quoque tegere Arteriam magnam, & Venam Cavam intra thoracem, atque extra Pulmones.* 53

C A P U T IV.

De humani Pericardii actionibus, usibusque. 54

- PROPOSITIO IX. *Fibrae carnae, ac musculares, quibus Pericardium compingitur, majoribusque vasis, mediastino, ac diaphragmati fortiter in homine praesertim alligatur, primo loco fulcimentum, frenum ac directionem motui Cordis tunc praecipue impertiuntur, cum eodem Cor gravibus, atque improvisis, vel animi, vel corporis motibus agitur.* ibid.
- PROPOSITIO X. *Pericardium ibi majoribus Arteriis adjungitur, ubi majori directaeque sanguinis vi à Corde projecti, resistendum erat. Agitur etiam de aliis circa Arterias Pericardii usibus* 57
- PROPOSITIO XI. *Inquiritur in causas cur Pericardium in brutis animalibus à diaphragmatis connexionione sit liberum; in hominibus contra cum eodem valide complicitur.* 58
- PROPOSITIO XII. *Expenduntur usus praedictae connexionis Diaphragmatis cum Pericardio huc usque à Scriptoribus assignati.* 60
- PROPOSITIO XIII. *Connexio Pericardii cum Cava inferiori, & dia-*

I N D E X.

- diaphragmate id praecipue in hominibus praestat, ut retardatus sanguinis ascensus quoquo modo versus dexteram Auriculam acceleretur. Ad risum quoque promovendum aliquid confert. 61
- PROPOSITIO XIV. Pericardium cum superiori Cava, atque etiam cum Vena Pulmonica, ideo minori fibrarum numero, quam cum Cava inferiori connectitur; quod illae sua quaeque fluida, majori velocitatis momento jam insignita, quam inferior Cava, contineant. 64
- PROPOSITIO XV. Pericardium involvit singulos fasciculos vasorum pulmonalium, tum ut succurrat Pulmonum gracilitati, tum ut vasa facilius, validiusque simul invicem nitantur. ibid.

C A P U T V.

- De origine, influxu, atque effluxu aquae contentae in Pericardio. 66
- PROPOSITIO XVI. Variarum Auctorum sententiae de scaturigine liquoris in Pericardium ad examen revocantur. ibid.
- PROPOSITIO XVII. Quibus ad inventionem verae scaturiginis liquoris Pericardii adducti sumus. 69
- PROPOSITIO XVIII. Ostenditur in genere varius situs, ac natura glandularum, quae extra Pericardium posita tum oesophago, & bronchiis, tum Pericardio inserviunt: obiter nonnulla etiam de Thymo. 71
- PROPOSITIO XIX. Agitur peculiariter de structura illarum glandularum, quae humorem Pericardii secernunt. 74
- PROPOSITIO XX. Exponitur necessitas aquae Pericardii, & modus mechanicus, quo eadem ex descriptis glandulis secernitur. 76
- PROPOSITIO XXI. Demonstratur indicatum glandularum situm summo opere conferre ad immittendum liquorem intra Pericardium. 79
- PROPOSITIO XXII. Qua ratione proportio quaedam inter humorem influentem in Pericardium, & effluentem in statu naturali serventur. 80
- PROPOSITIO XXIII. Praeternaturales affectiones liquoris Pericardii exponuntur. 82
- HISTORIA Mirae adhaesionis Pericardii cum Corde. 83
- CADAVERIS DISSECTIO. ibid.

I N D E X.

S E C T I O II.

De structura Cordis.

86

C A P U T I.

Traduntur generalia quaedam de structura Cordis in Utero ab initio generationis Animalium usque ad eorundem perfectionem.

87

PROPOSITIO XXIV. *Exponuntur primordia structurae Cordis in ovo incubato ad usque manifestationem diastoles, ac systoles in puncto saliente.*

88

PROPOSITIO XXV. *Describitur Cordis structura, & motus. non amplius cum Ventriculis alternus, dum Cor ab intorti, atque inaequaliter ampliati tubi forma transit in conicam figuram.*

92

PROPOSITIO XXVI. *Quae sit causa, propter quam Cor primis incubationis diebus figuram inflexi, atque inaequaliter dilatati tubi, disjunctis planè Auriculis à Ventriculis exhibeat. deinde vero cur ejusdem tubi sinus sensim mutuo applicentur, atque in conicam formam abeant; conspicua interim facta, & minori prae dextera perpetuè remanente sinistra Auricula.*

93

C A P U T II.

In quo agitur generaliter de absoluto jam Corde in perfectis ac natis Animalibus.

96

PROPOSITIO XXVII. *Cor est musculorum fortissimus in thorace pendulus, excipiendo, propellendoque sanguini destinatus.*

ibid.

PROPOSITIO XXVIII. *Ostenditur Cor esse musculum quadricavum suis tendinibus instructum.*

98

PROPOSITIO XXIX. *Quadricavus Cordis musculus non ex una, eaque simplici carnearum, ac tendinearum fibrarum advolutione, sed ex mirabili complexione tum glomè, tum viminei quasi contextus assurgit, ac solidescit.*

100

PROPOSITIO XXX. *Praedicta hypothesis de mixta fibrarum advolutione, & quasi contextu tum glomeris, tum cratis per diligentem praeparati priùs Cordis dissolutionem demonstratur.*

102

PROPOSITIO XXXI. *Ostenditur qualis, & quotuplex sit ordo carnearum fibrarum Ventriculos Cordis comprehendentium, & quod illae ita fuerint comparatae, ut dum pellunt sanguinem, se ipsas à dis-*

10-

I N D E X.

- solutionis periculo validè tueantur.* 106
PROPOSITIO XXXII. *Detegitur textura circularium tendinum, & qua ratione validiores sint qui muniant ostia duarum Magnarum Arteriarum.* 109
PROPOSITIO XXXIII. *Cordis valvulas tam semilunares, quàm mûtrales; & tricuspidés musculari pariter ac tendinea substantia donari.* 112
PROPOSITIO XXXIV. *Circulares tendines, ac valvulae tum tricuspidés, tum semilunares, praeter alios usus id etiam praestant, ut novum Cordi renixum, seu robur concilient.* 114
PROPOSITIO XXXV. *Agitur de quibusdam fasciis adiposis supra circulares Cordis tendines, & nonnullis adiposis folliculis intra sinistrum Ventriculum, & Aortam positis, ut loca illa leniantur, atque a scissione, ac duritie prohibeantur.* 117
PROPOSITIO XXXVI. *De falcatis, ac reticulatis quibusdam valvulis, deque venoso ductu, osculisque Coronariarum Venarum intra Cavae vestibulum, in homine praesertim animadversis.* 119
PROPOSITIO XXXVII. *Nonnulla de muscularibus Auricularum lacertis, illarum praesertim fornices firmantibus, & cur eadem Auriculae in foetibus majores sint, quàm in Adultis, atque in his dextera semper laeva sit major.* 123
PROPOSITIO XXXVIII. *Proportionem quandam tum in structura, tum in viribus inter summas Venas, Auriculas, Ventriculos, majoresque Arterias Cordis, ad incolumem corporis statum, ac praesertim ad antevertenda Aneurysmata servandum esse exponitur, ac demonstratur.* 126

S E C T I O III.

De Vasis particularibus Cordis. 130

C A P U T I.

De Arteriis Coronariis. 131

- PROPOSITIO XXXIX.** *Deteguntur conditiones non exigui momenti, quae occurrunt in ortu. & divaricatione Arteriarum Coronariarum, atque hinc plura deducuntur ad motum sanguinis per easdem.* *ibid.*
PROPOSITIO XL. *Ostenduntur quaedam scitu necessaria in majoribus ramis Arteriarum Coronariarum; modusque traditur, quo sphincteruli, & valvulae in minimis earum furculis sint detegenda.* 133
PROPOSITIO XLI. *Describitur varius situs orificiorum Arteriarum Coronariarum. Quidque ad influxum sanguinis per easdem Coronarias praestet, exponitur.* 136

I N D E X.

C A P U T II.

De Venis Coronariis.

143

- PROPOSITIO XLII. Traduntur observationes de structura, ac divaricatione Venarum Coronariarum, earumque rationes afferuntur. *ibid.*
- PROPOSITIO XLIII. Clarius expenditur usus, agendique modus valvularum cornutae lunae figuram referentium, & canaliculi, quibus orificia Venarum Coronariarum teguntur. 146
- PROPOSITIO XLIV. Demonstratur, nonnulla Coronariam Venarum diverticula restuum à Corde sanguinem sub finem systoles in utrumque Ventriculum deducere, atque ad synchronam diastolem totius muscularis machinae Cordis summopere conferre. 149
- PROPOSITIO XLV. Probabile est, sanguinem à fibrosa Cordis substantia restuum, ac per diverticula Venarum intra singulas ejusdem capacitates immissum redeunti ad Praecordia antiquo, & effoeto jam sanguini utilitatem aliquam afferre. 153
- PROPOSITIO XLVI. Eadem diverticula Venarum Coronariarum sub finem diastoles ad alternam Cordis systolem inchoandam symbolum aliquod conferre. 155

C A P U T III.

De Nervis Praecordiorum.

157

- PROPOSITIO XLVII. Qua methodo utendum in Cardiacorum Nervorum investigatione. 158
- PROPOSITIO XLVIII. Praecordiorum Nervos ad quinque potissimum Classes reduci posse, & quaenam eae sint. 159
- PROPOSITIO XLIX. Nonnulla ex praecedenti Propositione veluti Corollaria ad explicandum motum Auricularum, & Ventriculorum Cordis tam ordinarium, quam extraordinarium inferuntur. 165
- PROPOSITIO L. Ex singulis Cardiacorum Nervorum classibus nonnulli rami infra Cor producti recurrunt per Cavam in Cor. 166
- PROPOSITIO LI. De ratione, qua Cardiaci Nervi in Cor, & sanguinea praesertim vasa distribuuntur, 167
- PROPOSITIO LII. De modo quo Nervi complectuntur, & implicant carneas Cordis fibras, & an peri, qui sunt in fibris cum sanguineis vasis communione jungantur. 169
- PROPOSITIO LIII. Naturalis, seu consueta Cardiacorum Nervorum in sanguineis Coronariis vasis fibrisque muscularibus actio ad inducendam systolem, ac diastolem Cordis subtilius exponitur. 172
- PROPOSITIO LIV. Extraordinaria Cardiacorum Nervorum actio tum

in

I N D E X

*in violentis corporis motibus, tum in Animi pathematibus, ac morbo-
sis affectionibus breviter explicatur.* 178

L I B E R S E C U N D U S

De Motu Cordis.

C A P U T I.

*De iis, quae in vivorum sectione circa Cordis motum
animadvertuntur.* 181

PROPOSITIO LV. Praemonentur aliqua in viventium multi generis
Praecordiorum extispiciis diligenter cavenda. ibid.

PROPOSITIO LVI. De observatis motibus Venae Cavae, & Pulmo-
nicae, Auriculae dexterae, Venarum Coronariarum, & Ventriculo-
rum in vivorum sectionibus. 182

PROPOSITIO LVII. Nonnulla Problemata ex superioribus observa-
tionibus elicitata solvuntur. 187

PROPOSITIO LVIII. Expenditur hucusque recepta opinio de alterno
Auricularum, & Ventriculorum motu. 190

PROPOSITIO LIX. Ex vivorum sectionibus ostenditur contractionem
Auricularum non esse vere alternam cum Ventriculis, sed nonnihil
antevertere, citiusque desinere; ac propterea magnam ex parte synchro-
nam esse. 192

PROPOSITIO LX. Diluuntur objecta superius exposita contra synchro-
nam magna ex parte Auricularum, & Ventriculorum contractionem,
ususque varii contractionis Auricularum nonnihil praecedentis Ventricu-
lorum contractionem explicantur. 194

PARS ALTERA

DE ANEURYSMATIBUS.

LIBER PRIMUS.

De Aneurysmatibus in Genere.

- PROPOSITIO I. *Agitur de Aneurysmatis Etymologia.* 197
 PROPOSITIO II. *Exponitur generalis Aneurysmatis idea cum descriptione locorum, quae ab hoc malo affici solent.* 198
 PROPOSITIO III. *Breviter proponuntur, quae necessaria existimantur de statu naturali, & praeternaturali impetus Cordis in sanguinem, nec non sanguinis in Arterias, & quae sit structura, crasis, & proportio praedictorum inter se.* 199
 PROPOSITIO IV. *Exponitur generalis quaedam Aneurysmatum definitio.* 201
 PROPOSITIO V. *Ostenditur necessitas dividendi Aneurysmata in varias differentias, sed praesertim in Aneurysma legitimum, & spurium.* 202

LIBER SECUNDUS.

De Aneurysmatibus particularibus.

CAPUT I.

De Aneurysmatibus legitimis Arteriarum. 206

- PROPOSITIO VI. *Firmatur qualis sit vera Arteriarum structura, eandemque usus.* ibid.
 PROPOSITIO VII. *Proponitur idea, & divisio Aneurysmatum Arteriarum ex vulneribus.* 208
 PROPOSITIO VIII. *Quomodo cognoscitur Arteriam usque in cavum vulneratam fuisse.* 209
 PROPOSITIO IX. *Quid sentiendum de eventu vulnerum Arteriarum.* 211
 PRO-

I N D E X.

- PROPOSITIO X. *Proponuntur methodi curandi vulnera Arteriarum minus rationales, ac laudabiles.* 211
- PROPOSITIO XI. *Quae sit opportunior methodus pro curandis vulneribus Arteriarum, dum actu fluit sanguis.* 213
- PROPOSITIO XII. *Agitur de vulnere Arteriarum cum Ecchymosi, quam verum esse Aneurysma probamus.* 218
- PROPOSITIO XIII. *Proponuntur diversi status Ecchymosis ab Arteriae vulnere factae.* 220
- PROPOSITIO XIV. *Qua methodo utendum in recenti Arteriarum Ecchymosi, & nominatim Arteriae in flexura brachii posita, quae regula esse potest omnium aliarum, quae in Artubus locatae sint.* 221
- PROPOSITIO XV. *De Ecchymosi orta ex Arteriarum Carotidum vulnere.* 222
- PROPOSITIO XVI. *Proponitur medela ad reliquos gradus Ecchymosis Arteriosae.* 223
- PROPOSITIO XVII. *Qui fiat, ut in parte supra Arteriae constrictionem, aut amputationem posita, non manifestetur spurium Aneurysma, cujus inter causas ipsam convulsionem, & compressionem simus adnumeraturi.* 226
- PROPOSITIO XVIII. *Cur truncata, vel ligata in Artubus Arteria inferiores membri partes laesorum nec motuum, nec nutritionis exhibeant indicia.* 227
- PROPOSITIO XIX. *De Aneurysmate ex Arteriarum vulnere, per quod externae dumtaxat tunicae vulneratae fuerunt.* 228

C A P U T II.

De Aneurysmatibus legitimis à contusione pendentibus. 232

- PROPOSITIO XX. *Agitur de modo, & causis, quibus Aneurysmata ex contusionibus fiunt.* ibid.
- PROPOSITIO XXI. *Exponitur exemplum Aneurysmatis nati ex contranisu Arteriae Aortae ad ictum externae percussione.* 234
- PROPOSITIO XXII. *Exemplum Aneurysmatis à contusione orti, conspirantibus tamen acrium humorum apparatu, & nativa Arteriarum gracilitate.* 237
- PROPOSITIO XXIII. *Agitur de signis, tam diagnosticis, quam prognosticis Aneurysmatum ex contusionibus.* 241
- PROPOSITIO XXIV. *Traditur methodus curandi Aneurysmata interiora ex contusione pendentia.* 242
- PROPOSITIO XXV. *Exponitur methodus curandi Aneurysmata externa ex contusionibus pendentia.* 243
- PROPOSITIO XXVI. *De Aneurysmatibus in anteriori thoracis parte positi-*

I N D E X.

- passitis, quae vitio tum fluidorum, tum etiam contusionum oriri solent.* 244
PROPOSITIO XXVII. *Exponitur exemplum Aneurysmatis Arteriae Magnae ab externa contusione orti, cujus curatio feliciter adhuc procedit.* 245
PROPOSITIO XXVIII. *Describitur Aneurysma Arteriae Magnae inter quartam, & quintam costam dexteri lateris, quod tandem ad rupturam ocyus properavit usu cujusdam instrumenti chalybei ad instar bracherii.* 247

C A P U T III.

- De Aneurysmatibus à fluido erodente praecipue pendentibus.* 250
- PROPOSITIO XXIX.** *Quid intelligatur nomine humoris erodentis, & quotuplex sit, qui in Arteria producit Aneurysma.* ibid.
PROPOSITIO XXX. *De Aneurysmatibus ab ichoroso erodente principio apud hypochondriaca, scorbutica, aut hysterica corpora ortis.* 252
PROPOSITIO XXXI. *Describitur Aneurysma Arteriae Carotidis dexterae in Nobili Matrona hysterica, scorbuticis affectibus detenta.* 253
PROPOSITIO XXXII. *De modo & causis, quibus fit, & de signis, quibus cognoscitur Aneurysma Gallicum.* 255
PROPOSITIO XXXIII. *Expositum Aneurysma validatur duobus exemplis.* 256
PROPOSITIO XXXIV. *In qua ostenditur quam facile ex mercurialium usu Aneurysmata gignantur.* 258
PROPOSITIO XXXV. *Probatur nulla esse Aneurysmata pendentia à paralyfi fibrarum alicujus Arteriae tunicas textentium.* 259

C A P U T IV.

- De Aneurysmatibus notis, & illegitimis.* 260
- PROPOSITIO XXXVI.** *Exponitur duobus modis impetus ipsius sanguinis superare posse resistentiam Arteriarum, nimirum per impetum rectum, & per impetum compositum ex recto, ac reflexo.* 261
PROPOSITIO XXXVII. *Exponitur, ac demonstratur actio momenti compositi impetus recti, & obliqui sanguinis, aut compressus Arterias excurrentis.* 263
PROPOSITIO XXXVIII. *Deducitur ex multorum serie experimentorum validam Arteriae compressionem, seu constrictionem, si diu perduraverit, & canalem imperivium reddat productioni substantiae poly-*

I N D E X.

- polyposae superioris Arteriosi segmenti cavum obturantis occasionem praebere.* 264.
PROPOSITIO XXXIX. *Demonstratur adauctum, ac geminatum impetum sanguinis, qui ab initio spurium efficit Aneurysma, verum & legitimum raro inducere posse, quin vel solito graciliores alicubi inveniatur Arteriarum membranas, vel in locis peculiaribus, ut erodens liquidum, ad causae vim accesserit.* 268
PROPOSITIO XL. *Quod Medici tanto studiosius debent inquirere in scientiam incipientium spuriorum Aneurysmatum, quanto haec, si statim cognoscantur, minus difficulter, quam pleraque legitima curari soleant.* 270
PROPOSITIO XLI. *De differentiis, & signis Aneurysmatum pendentium à vi cunei plenitudinis sanguinis.* 271
PROPOSITIO XLII. *Agitur de curatione Aneurysmatum à vi cunei plenitudinis sanguinis.* 273
PROPOSITIO XLIII. *De variis speciebus spuriorum Aneurysmatum ab Arteriarum convulsione oriundis.* 274
PROPOSITIO XLIV. *Traditur diagnosi ex historia convulsione fibrarum longitudinalium Arteriae.* 276
PROPOSITIO XLV. *Exponitur diagnosi, & curatio spuriorum Aneurysmatum ex convulsione circularium spiraliū fibrarum Arterias comprehendentium.* 277
PROPOSITIO XLVI. *Describitur exemplum sanati spurii Aneurysmatis Arteriae Caeliacae, & inferioris Aortae.* 278

C A P U T V.

- De Haereditaria ad Cordis Aneurysmata constitutione: & de Cordis prolapsu* 280
PROPOSITIO XLVII. *Exponuntur exempla haereditariae ad Cordis Aneurysmata constitutionis.* ibid.
PROPOSITIO XLVIII. *Agitur de aucta mole totius Cordis cum Aneurysmate, & productione, seu casu ejusdem supra diaphragma.* 282

C A P U T VI.

- De Cordis Aneurysmatibus.* 284
PROPOSITIO XLIX. *Demonstratur Cordis cava & majora vasa difficulter per simplicem erosionem interioris superficiei dilatari posse.* ibid.
PROPOSITIO L. *Aneurysmata Cordis & majorum vasorum facilius per diuturnam vim repercussi sanguinis accidunt.* 285

I N D E X.

- PROPOSITIO LI.** *Ostenditur nihil facilius esse ubi acrium humorum viget apparatus, quam ut sanguine jam reverberari incipiente, Cordisque cava divellere, ejusdem Cordis, majorumque vasorum villi unascindantur, & ex utroque vitio Aneurysma excitetur.* 288
- PROPOSITIO LII.** *Qui fiat, ut Aneurysmata Cordis frequentius contingant in Auriculis, & magnarum Venarum vestibulis, quam Ventriculis, & magnis Arteriis Cordis.* 289
- PROPOSITIO LIII.** *Agitur de Arteriis, ac Valvulis Praecordiorum ossream duritiem nactis, quae saepe apud illos inveniuntur, qui ex Aneurysmate decesserunt.* 290
- PROPOSITIO LIV.** *De Cordis Aneurysmate ex diuturnis animi pathematibus.* 293
- PROPOSITIO LV.** *De Aneurysmatibus Cordis à violentis motibus, sed potissimum à contentione instrumentorum respirationi inservientium exortis.* 294
- PROPOSITIO LVI.** *Exemplo demonstratur Aneurysma Venae Pulmonicae, Auriculae, & Ventriculi sinistri pendens à sanguine acri, atque erodenti.* 295
- PROPOSITIO LVII.** *Inquirere mechanicam rationem, ob quam in dilatationibus radicis Cavae, Auriculae, & Ventriculi dexteri ipsae Venae jugulares vicissim dilatentur, fluctuent, mirisque modis agitentur, & concidant.* 298
- PROPOSITIO LVIII.** *Solvitur problema unde oriatur, ut in antiquis Aneurysmatibus paulatim pulsatio decrescat, tandemque prorsus obscuretur, ac deficiat.* 301
- PROPOSITIO LIX.** *Enodatur problema, qui fiat, ut in magnis circa Cor Arteriarum Aneurysmatibus omnes Animalis Arteriae solito appareant exiliores, & plerumque etiam inaequales; si vero Arteriam Artuum occupaverit Aneurysma, exilitas atque inaequalitas sentiatur in Arteria, quae posita est infra partem Aneurysmate obsessam.* 303
- PROPOSITIO LX.** *Exponitur mechanica ratio cur dilatatis radice Venae Cavae, & Auricula, ac Ventriculo dextero, pulsus plerumque magni, & aequales appareant.* 305
- PROPOSITIO LXI.** *Rationem inquirere, cur in magnis Aneurysmatibus interna superficies coenoso, ac polyposo sanguine corticis instar ducto incrustetur.* 306

TABULA PRIMA.

*Ostendit varias Pericardii adhaesiones cum majoribus
vasis sanguiferis, variasque ejusdem
expansiones.*

- A. **P**ars Cordis anterior.
- b. **V**enae Pneumonicae.
- C. Vena Cava inferior.
- D. Vena Cava superior.
- d. Rami Venae Cavae superioris.
- F. Arteria Magna.
- G. Ejusdem rami.
- H. Arteria Pulmonica.
- h. Ejusdem rami.
- I. Aspera Arteria.
- i. Rami bronchiales.
- K. Interna superficies Pericardii, quod superne consulto extensum exhibetur, ut luculenter ejusdem cum Aorta connexio appareat.
- k. Pericardii expansiones, quae in vaginulas Pulmonalium vasorum abeunt.
- M. Nervi Phrenici, qui duplici principio inter tertiam, & quartam cervicis vertebrae oriuntur, earundemque processibus transversis adhaerent.
- m. Nervorum Phrenicorum ramusculi una conjuncti, & per Axillares Venas exterius excurrentes.
- N. Tertium par Nervorum Cervicalium Nervis Phrenicis conjunctum, quod in plures divisum ramulos per colli integumenta, musculos, aliasque partes expatiatur.
- O. Diaphragmatis superficies imum ventrem respiciens.
- P. Altera ejusdem diaphragmatis superficies, quae thoracem respicit.
- p. Propagines nervi Phrenici utramque diaphragmatis partem perreptantes, quarum binae iterum divisae per inferiorem Venae Cavae truncum expanduntur.
- Q. Lateralis diaphragmatis cum Pericardio connexio, ubi inferior Cava septum perforat, quo loco Pericardii fibrae ita cum eadem Cava, novis etiam additis recurrentibus Nervis, complicantur, ut una simul circularem ibidem musculum formare videantur.
- R. Ostia ramulorum Venae Cavae, qui per hepatis substantiam distribuuntur.

TABULA SECUNDA.

FIGURA PRIMA.

Exhibet Cor cum majoribus vasis ex parte postica, nec non easdem Pericardii expansiones, & adhaesiones.

- A. **P**ostica Cordis facies.
- B. **V**ena Pneumonica.
- b. Ejusdem rami.
- C. Vena Cava inferior.
- D. Vena Cava superior.
- E. Arteria Magna.
- F. Ejusdem truncus descendens.
- f. Arteriae Intercoastales.
- G. Arteriae Subclaviae.
- H. Arteria Pneumonica.
- h. Ejusdem rami.
- I. Posterior & membranacea Asperae Arteriae facies.
- K. Pericardium dissectum, atque ad latera reclinatum, ut perspicue magis ejusdem cum Cava inferiori connexio conspici possit.
- k. Ejusdem expansiones, quae totidem veluti vaginae vasa Pneumonica involvunt, ac firmant.

FIGURA SECUNDA.

Delineat extra situm quo pacto triplex vasorum Pneumonicorum genus à Pericardio firmatur.

- A. **P**ericardium.
- B. **R**amus bronchialis.
- C. Ramus Arteriosus.
- D. Ramus Venosus.

TABULA TERTIA.

FIGURA PRIMA.

Demonstrat glandulas, & vasa lymphatica, quae lympham intrà Pericardium regerunt.

- A. Cordis basis à Pericardio liberata.
- C. Auricula dextera.
- C. Vena Cava inferior.
- D. Pericardium.
- d. Eiusdem propagationes, quae capsularum instar vasa Pulmonaria tegunt, & firmant.
- E. Asperae Arteriae portio.
- F. Glandulae, quae lympham, intra Pericardium deferendam fecernunt.
- f. Earundem vascula excretoria.
- g. Ostiola, per quae praefata glandularum vascula in internam Pericardii cavitatem transeunt.
- h. Liquoris gutulae, quae ex dictis vasculis intra Pericardium decidunt.
- I. Aliae glandulae eiusdem indolis.
- i. Earundem glandularum vascula.

FIGURA SECUNDA.

Patefacit easdem glandulas cum suis lymphaticis in posteriori Cordis parte; nec non Pericardii membranas.

- A. Posterior Cordis facies.
- B. Arteria Magna.
- C. Vena Cava superior, & inferior.
- D. Pericardium in situ naturali.
- d. Eiusdem expansiones.
- E. Posterior tracheae pars miliaribus glandulis referta.
- F. Glandulae in posteriori mediastini parte.
- f. Earundem ductus.
- h. Externa Pericardii membrana.
- I. Glandulae praecipuis Asperae Arteriae truncis adjacentes.
- i. Earundem vasa lymphatica.
- K. Transversales fibrae intimae Pericardii membranae.
- k. Reclinati Pericardii portio, ut lacertosae fibrae in secunda eiusdem membrana conspiciantur.

FIGURA TERTIA.

*Exponit eruptionem lymphaticorum in interna
Pericardii superficie.*

- a. Ostiola, sive emissaria lymphaticorum.
- b. Exillima, & capillaria vasa fanguifera, quae membranaceam Pericardii substantiam perreptant.

TABULA QUARTA.

FIGURA PRIMA.

Nervos expliat, qui per anteriorem Cordis partem excurrunt.

- A. **C**ordis basis.
- B. **A**rteria Magna ascendens.
- b. Eiusdem rami Axillares.
- C. Arteria Magna descendens.
- c. Arteriae Intercostrales.
- D. Arteriae Carotides
- F. Vena Cava inferior.
- G. Arteria Pulmonaria.
- H. Tubus Arteriosus, qui ab Arteria Pneumonica ad Aortam progreditur.
- I. Auricula dextera.
- K. Auricula sinistra.
- L. Arteria Coronaria.
- l. Eiusdem rami.
- M. Vena Coronaria, dictae Arteriae incumbens.
- N. Aspera Arteria.
- O. Ganglium pene musculare nervi intercostalis.
- P. Alterum eiusdem nervi ganglium.
- p. Eiusdem ganglii ramificationes.
- Q. Par Vagum.
- q. Eiusdem rami ad Cordis basim, & praecipue ad Auriculam dexteram, atque Pulmonicam Arteriam expansi.

FIGURA SECUNDA.

Nonnullas alias Nervorum expansiones declarat in eadem anteriori Cordis parte.

- A. **P**ars Cordis anterior.
- B. **A**rteria Magna.
- b. Eiusdem rami.
- C. Arteria Magna descendens.
- D. Arteriae Carotides.
- E. Vena Cava superior.
- F. Vena Cava inferior.
- G. Arteria Pulmonica.
- H. Tubus Arteriosus.
- I. Auricula dextera.
- K. Auricula sinistra.
- L. Vena Coronaria.

M. Cor-

- M. Cordis membrana ad Cavae principium elevata, ut Nervi ad Cordis substantiam excurrentes palam conspiciantur.
- N. Aspera Arteria.
- O. Nervi Gangliiformes.
- P. Ganglia dicti Nervi juxta Arterias Subclavias.
- Q. Par Vagum.
- q. Ejusdem propagationes, quae ad vasa Coronaria una cum ramulis Nervi Gangliiformis diffunduntur.
- R. Rami paris Vagi, & Nervi Gangliiformis per asperam Arteriam sursum recurrentes.

FIGURA TERTIA.

Exhibet in anteriori Cordis parte varietatem fibrarum, quae ejus substantiam constituunt.

- A. Cor propriâ membranâ denudatum.
- B. **C** Arteria Magna.
- b. Ostium Arteriae Coronariae.
- C. Arteria Pulmonaria.
- D. Membrana Cordis propria ab eodem divisa.
- d. Obliquarum fibrarum manipuli partim in situ naturali, & partim ad laus sinistrum reflexi.
- e. Alter fibrarum ordo, quae ad Arteriam Pulmonariam, & Aortam extenduntur.
- f. Fibrae rectilineae partim abscissae, ac deorsum reflexae, & partim in situ naturali relictæ.
- g. Fibrae transversales rectis subjacentes.
- h. Angulus tendineus Arteriae Pulmonariae.
- i. Angulus tendineus Aortae.

FIGURA QUARTA.

Ostendit internam sinistri Cordis Ventriculi structuram.

- A. Interior pars sinistri Ventriculi.
- B. **I** Arteria Magna.
- b. Ostiola Arteriarum Coronariarum.
- c. Fibrae carnae, quae ad semilunares valvulas protenduntur.
- D. Marginés dicti Ventriculi.
- d. Corpuscula rotunda, quae in semilunarium valvularum limbo cernuntur.
- E. Tres valvulae semilunares.
- f. Fibrae obliquae partim in situ, partim reclinatae.

TABULA V. Vide pag. 121.

TABULA SEXTA.

FIGURA PRIMA.

Exhibet situm, figuram, ac structuram Ganglii superioris in sinistro Colli latere.

- A. **V**ena Jugularis.
 - a. Ejusdem rami per faciem distributi.
 - b. Insignis ramus sublingualis.
- B. Carotis interna.
- C. Eadem prope Ganglium, quae licet sua natura recto itinere sursum feratur, tamen in cadavere, ex quo extracta fuit, deprehensa est cum notabili flexurâ, & quasi Aneurysmatico vitio.
- D. Carotis externa.
 - d. Ejus rami faciem perreptantes.
 - e. Conspicuus ejusdem ramus ad linguam delatus.
- E. Nervus paris Vagi caudicans.
- f. Ejus ramusculus linguam subiens.
- g. Major ramus per Collum in Thoracem descendens.
- H. Ganglium superius juxta secundam, & tertiam Colli vertebrae conflatum ex multiplici complexione Nervorum.
- h. Qui à Cerebro cum interno Carotidis ramo proficiscuntur, & intercostales audiunt.
- i. Fibrillae paris Vagi in Ganglium immiffae.
- K. Alter ramusculus subobscurior, qui à Ganglio prodire atque in inferiorem paris Vagi ramum inferi videtur.
- L. Ramus ab internâ Carotide in Ganglium digestus.
- m. Venarum ramusculi à Ganglio in internam jugularem influentes.
- I. Notabilior Nervi ramus à Ganglio proficiscens, qui à Carotide paululum diductus variisque ramusculis distinctus, tandem per Arteriam potissimum Magnam usque ad Praecordia diffunditur.

FIGURA SECUNDA.

Repraesentat equinum Ganglium sinistrum suis membranis inclusum.

- A. **P**raecipuus Nervus cranii foramen ex Cerebro secundum Caroidis cursum per collum exportigitur, appellaturque Intercostalis.
- B. Ganglium superius suis membranis obvolutum.
 - a. Diverſi Nervi, seu tendines nervosi, qui à Ganglio perforatis ejus membranis, egrediuntur, variosque musculos, & Arterias penetrant
- C. Exortus ab inferiori parte Ganglii principaliorum ramorum, qui tum intra, tum extra thoracem feruntur.
- D. Major ramus ad Praecordia excurrens.
- E. Ramus ad inferius Ganglium, quod Intercostalem Nervum amplectitur, diffusus
- F. Ramus laryngem, ejusque musculos prae caeteris pervadens.

FIGURA TERTIA.

Delineat equinum Ganglium suis membranis denudatum.

- A. **E**xterna Ganglii superficies varijs Nervis intertexta, prout ductis membranis occurrit.
- B. Membrana laxior; seu vaginalis.
- C. Membrana media Ganglium arctius complectens.
- D. Interior, magisque nervea, & tendinosa membrana.
 - a. Facies Ganglii denudati, quae longitudinalibus fere carnis fibris contexta est.
 - b. Tendines nervosi, qui in Fig. II. litt. aaa. indignantur, in praesenti ostenduntur quomodo trajectis, perforatisque membranis à muscularibus Ganglii fibris proficiuntur.

FIGURA QUARTA.

*Repraesentat Ganglium elixatum, unguibusque per
longum apertum, & microscopio
animadversum.*

- A. **N**ervus Intercostalis, qui in Ganglium rectâ ingreditur, qui-
que tendineae incolis apparet
- B. Membrana Ganglii, quae expansi, externique tendinis speciem
refert.
- C. Tendo, qui tamquam axis per centrum Ganglii excurrit, & à
quo,
- D. Fibrae carnae exortae in externum tendinem B oblique, &
quaquaversum feruntur.
- E. Nervus major, qui ab inferiori Ganglii apice ortus naturam ten-
dinis servare videtur.
- F. Laterales Nervi ab eodem inferno angulo proficiscentes, qui de
musculari pariter ac tendineâ participant.

TABULA SEPTIMA.

*Demonstrat Nervos omnes, qui ad Praecordia
feruntur.*

- A. Interna Thoracis superficies.
- a. I Paris Vagi principium, & progressus.
- B. Cor propriâ exutum membranâ.
- C. Vena Cava inferior.
- c. Nervi Gangliiformis rami ad offis petrosi foramen secti, per quod major Arteriae Carotidis ramus ingreditur.
- D. Bina ramorum Venae Cavae ostia, qui per hepatis substantiam serpunt.
- d. Corpora Gangliiformia.
- E. Vena Cava superior.
- e. Nervorum Gangliiformium rami abscissi.
- F. Auricula dextera.
- f. Secundum par Nervorum Gangliiformium.
- G. Arteria Magna, sub qua Arteriae Coronariae rami per Cordis substantiam expansi cernuntur.
- g. Bina corpora Gangliiformia à Nervis Gangliorum superiorum à cervicali, & à propagine Vertebralis Nervi efformata.
- H. Auricula sinistra.
- h. Rami nervei secundi Ganglii dissecti.
- I. Arteria Pneumonica.
- i. Tertium par Nervorum Gangliiformium sub lateralibus apophysibus primae vertebrae dorsi egrediens.
- K. Portio diaphragmatis.
- k. Tertium Gangliorum par ad latera secundae thoracis vertebrae positum.
- L. Capsulae tenales, sive atrabiles.
- l. Rami Phrenici.
- m. Diaphragmatis portio, in qua Phrenicus sinister cum dextero conjungitur.
- n. Nerveum rete, ab expositis Nervis efformatum.
- o. Anastomoses, & Ganglii dicti plexus Nervosi, & renalis.
- p. Ejusdem plexus expansio ad Cavam.
- q. Ejusdem rami, qui dictas capsulas penetrant.
- r. Ejusdem propagines abscissae, quae per reliqua Abdominis viscera serpunt.
- s. Nervorum rami, qui ad Pulmones pergunt.
- t. Nervi ad axillas, & brachia tendentes.
- 1. 2. 3. 4. 5. 6. 7. Colli vertebrae.
- 1. 2. 3. Vertebrae dorsi.






Fig. 2.




Fig. 1.




Fig. 2.




Fig. 3.




Fig. 4.




Fig. 1.




Fig. 2.




Fig. 3.






Fig. 4.











COUNTWAY LIBRARY OF MEDICINE

RC

681

L22

1740

RARE BOOKS DEPARTMENT

